

Erdistia
separatnamasi

مسیاحت نامہ ارض فلسطین

برنس ویقتور نابولی امانوئیل

137
4511

امیر محمد رافت

میر لوا ارکان حرب

ہر حقوق محفوظ اولنور

سیدنا میرزا حسن
فلسفی بیورسون
اطافه شیک

مَقَلَّه

جناب ترتیب فرمای مہمان خانہ جہان پادشاہ خاطر نواز و شہنشاہ
مکارم پرنواز ولی نعمت بیمنتز پادشاہمز اقدامز حضر تہلری سپاہ
سپہر دوار طی مراحل لیل و نهار ایندکجہ سریر شوکتھیر
ملوکانہ لرنده مکین و کافہ اُمال و مقاصد شاہانہ لریخی توفیقات
صمدانیہ سنہ رہین بیورسون آمین بحر مہ سیدالمرساین .

مبدأ فیض و سعادت عثمانیان اولان یوم جلوس میامن مانوس حضرت
پادشاہلرندنبرو اعمار ممالک و بلدان و احیای تبعہ وزیر دستان
مقصدیلہ مصروف و مبذول بیورہ کلدکلی غنایات و ہممات عالیہ
تاجدارانہ لری حقا کہ سراپا افراد امت و ماتی قریر الدین افتخار و بو
عصر حمید الانار شہریاریلریخی مغبوط کافہ ادوار و اعصار ایشدر .

ولی نعمت بیمنتز پادشاہ محاسن انار و شہنشاہ مکارم دثار اقدامز
حضر تہلریک قاطبہ افکار حضرت خلافت پناہیلری داخلا تأسیس
عدل و داد و خارجا بالجملہ دول متحابہ معظمہ ایلہ تشیید بنیان و داد
امر مہ مصروف و احاسن انظار خسروانہ لری حقیقہ و جیدا
ہمیشہ جانب صلح و صلاحہ معطوف اولدیفندن محبوب قلوب عالمیان

اولی مرتبت جلیله سنی احراز و من قبل الرحمن موصوف و متخلق
اولد قری اخلاق فاضله عالمسندانه لر یله بین الاتراب کسب قهر
و امتیاز بیور مشلدر .

هر بری بر یکانه دهر بحق بیوک سرمایه فخر و مباهات اوله بیله جک
بر خلی مزایای عالی و حکمدارانیه اعظم مسدار مفتخرت اولان
وجود مسعود خسر وانه لر یله تبرکله رشک آور جهان و جهانیان اولمی
لازمکلان عثمانلیله نه مطلبدر که ولی نعمت بیمنتز شوکتلو پادشاه
حالمیناه افتد من حضر تلیرنیک سایه عمران وایه تاجدار یلرنده شکوه
و شان دولتک آن بآن ایلرو کتمکده بولندیقی کورمکله متلذذ
و مفتخر در .

وجود پرسود هایونلری بزم ایچون فصلی مدار فخر و مباهات
اولسونک سایه شاهانه لرنده هر کون بر درلو ترقیات مادیه و معنویه نک
زیب آور منصفه شهود اولقده بولندیقی نظر مسرتله کور یلیور .
یا فصل متتدار لطف و احسانی اولیه لم که بو عهد جدید هایونلرنده
ارباب فضل و کمال مظهر حسن التفات و مکافات اولیور . یا فصل دوام
عمر و اقبال و توافر شان و اجلال جناب ظل اللهیلری ادعیه
خیریه سنه حصر انقاس حیات ایتیه لم که امت و ملتک سعادت و سلامتی
ایچور ندیم جوهر کرانه های حیاتلری بذل و ایثار بیور مقدمه در لر .

(الناس علی دین ملوکهم) خواسنجه رواجگاه بازار فضل و عرفان
اولان بو عصر معارف حصر شاهانه لرنده هر کس کندی و سعی
یتدیکی مرتبه بر خدمت مفتخرده بولتیق امل و ارزوسنه دوشدیکی
کبی بو عبده کینه لری یعنی ارکان حربیه میرلوارلرندن (محمد رأفت)
بنده لری کندی عجز و قصورمه باقیه برق میدان انتشاره چیقاریله کلان

بونهجه اثار مفیده بر لاحتہ عاجزانه اوله رق بو کره ارض فلسطینی
(ارض کنعان) سیاحت ایتک اوزره بوحوالی به تشریف بیورمش
اولان ایتالیا دولت معظمه سی ولی عهدی پرنس (ویقتور امانوئیل)
حضر تلریله برابر بوتوب ایفای وظیفه مهمانداریه با اراده سئیه
مأموریم حمیلله دأب قدیم سلطنت سنیه دن اولدینی اوزره شمدی به
قدر برای زیارت بو 'راضی' مقدسه به گلش اولان سار پرنس لر
حقارنده اجرا اولنان مراسم احترام مشار الیه حقنده دخی ایفا
ایدنیک صرمده مشاهده ایتدیکم آثار واحوالی بر رساله مخصوصه
هئینه وضع ایتکی مناسب کوردم .

وقوعبولان سیاحت ایسه از غیر ارام اون الی مرحله دن عبارت
اولدیندن هر بر مرحله یی بر باب اعتباریله رساله مذکوره یی دخی
اون الی باب اوزرینه ترتیب ونهایته رساله مذکوره به لطفاً وتزلاً
رغبت بیوره جق ذوات محترمه نك انهای مطالعه ده اسملری کجه جک
محلاتک تاریحجه شهرت بولانلریله انبیای کرام حضرانک ونتوحات
عظیه نائل اولمش اولان ذوات کرامک حقیقتلرینه وقوف تام
حاصل ایدمک اوزره ابروجه توارنج مختلفه مطالعه سنه حاجت قللامق
اوزره خلاصه تاریخلری کتب توارینخن اخذ ایدیلرک حروف هجا
ایله لغت طرزنده اوله رق تحریر واسمنه معلومات تاریخیه وجغرافییه
توسیم ایلدم .

— ❦ — برنجی باب ❦ —

❦ یافه اسکله سنده وقوعبولان استقبالی حاویدر ❦

ایتالیسا دولت فحیمه سی ولی عهدی پرنس (ویقتور امانوئیل)

حضرتلری بیک اوچوز ایکی سنه سی شباطنک برنجی بازار کونی
ارض فلسطینی سیاحت ایچون واپور مخصوصلریله یافه اسکله سنه
چقیدیلرکه واپورلری لکرانداز اولدوقده پرنس حضرتلرینک اثنای
سیاحتلرنده معیتلرنده بولتق اوزره طرف اشرف حضرت پادشاهیدن
مأموراً یافده منتظر بولسیدیم کی قدس شریف متصرفی سمادتلو
رؤف پاشا حضرتلریله ایتالیا جنرال قونسوسی موسیو سولانه
قدسدن صورت مخصوصهده یافه به کیش اولدقلرندن قونسوس
مومی الیه ایله لاتین مناستری رئیس روحانیسی و بعض ایتالیا نبعه سی
معتبرانی لاجل الاستقبال واپوره کیش اولدقلری کی متصرف
مشار الیه ایله عاجزلری دخی بیوک اونفورمه مزى لابس اولدیفمز
حاله طاقه سی منتظم و بر رنک البسه کیش بر صنداله راکا لاجل
الاستقبال واپور کیش ایدک واپورده پرنس حضرتلرینک مدیر
امورلری قولونل موسیو اوزیو عسکرلری سلام طور وضعبتده
اولدیفی حالده بزى قبول ایله طوغریجه سالونه کتوردی بر از
اوتورلدقدن صکره قولونل مومی الیه پرنس حضرتلرینک بولندقلری
سالونه کیدوب کلمنی متعاقب مشار الیه حضرتلری بالذات یاغمه
کله رک قولونل مومی الیه واسطه سیله تقدیم اولدیفمز صرهده صورت
مأموریتی صورت زیرده محرر افاده ایله بیان ایلدم .

شویله که قدس وشام شریف حوالیسند و واقع اوله جق سیاحت
فحیمانه لری اثناسنده خدمت اصیلانه لرنده بولتق و کافه اوامر
فحیمانه لرینی حرفیاً اجرا ائلک اوزره طرف اشرف حضرت
خلافتناهیدن شرفصادر اولان امر و فرمان هایون مو جیجه معیت
انخمیلرینه مأمور اولدم بوساعتدن اعتباراً هردرلو اوامر علیه

فخیمانه لرینی وسع عاجزانهم یتدیکی قدر تنفیذ واجرا ایتمک حاضری
بولند یقینی عرض ابرم . دیدیکمک اوزرینه (فوق الغایه ممنون
ومتشکرم) جوابیله مقابله بیورمشلردر . بعده سالون مخصوص صلیرینه
چکلمش اولدقلری کبی بز دخی واپوری ترک ایدرک قرهیه عودت
ایلدک . پرنس مشار الیه واپورده طعام بیوردقدن صکره یانهیه
چیقیدیلر اسکلهیه حین وصوللرنده عساکر شاهانه وزاندارمه افرادی
صفبسته سلام اولدقلری و بزلر اسکله باشنده بولنه رق معیترلرنده
اولدق بز حالد طوغریجه مدعو اولدقلری لاتین مناسترینه کیدرک
براز استراحت بیوردقدن صکره قدس شریفه متوجهاً و عربهلره
راکبا یافته دن حرکت ایدلشددر .

مشار الیه حضرتلری اسکله دن منلستره قدر محشر مثالی یولک ایکی
طرفه تجمع ایتمش اولان اهلینک اراالرندن اثنای مرورنده هر
برلرینه ایرو ایرو سلام ویره رک خاطرلرینی تطیب ایتمکده ایدی

— ایکنجی باب —

— یافته دن رملهیه صورت حرکت متضنندر —

ولی عهد حضرتلری لاتین مناسترنده ایکی ساعت قدر استراحت بیوردقدن
صکره بعد الظهر الافراقه ساعت ایکی یعنی الاتورقه ساعت سکر
راده لرنده حکومت سنیه طرفدن اولجه تهیه ایتدیرلمش اولان عربهلره
راکبا و قدس شریفه متوجهاً رملهیه حرکت الملشلردر . محل
مذکوره وصوللرنده لاتین مناستری رئیس روحانسی اجرای این
ایله استقبال الملشدر . مشار الیه حضرتلری رملهده اقشامدن اول
جامع الابيض نامیله معروف والیوم خراب بر حالد اولان ابنیهیه

کیدرك حالا موجود اولان مناره به چيقوب اطراف واكنافى سير
 وقاتنا ايلدكلى كجى دها بهض جوامع شريفه ايله سائر محللرى دخى
 قاتنا بيوره رقى مسافر اولدقلى منا-تره عودتله طرف سلطنت سنيه دن
 صورت مكمله ده ترتيب ايدلمش اولان صفرده اقشام طعامى تناول
 بيور مشلردر طعامده حاضر بولان ذوات محترمه نك هر برى موقه
 مناسب برر نطق ايراد بيوردقلى كى دائره لرى مديرى قولونل موسيو
 اوزيو دخى (بزي مسافرلكه قبول بيورديفكردن طولاي تشكر
 ايدرز) ديمسى اوزرينه آتیده صورتى محرر جواب ايله طرف
 عاجزیدن مقابله ايدلمشدر (ولى عهد حضرتلى ممالك سلطنت سنيه مك
 اجزای متمم سندن اولان مصر ايلاتى سياحتى زماننده عثمانلى مات
 نجيه سى وطن خصوصيلرى دخى سياحت ايدم جكلىرى اوراق
 حوادثه اعلان ايديلان سياحت پروغرامنده كوردكلى انده
 اودرجه لده مفتخر اولمشلردركه اوحس مفخرت عثمانيلرك قلوب
 وداد مشكوننده نقشكير اوله رقى الى الابد باقى قاله جيق الكبارلاق
 واحترامك صحيفه لرىخى خطوط زرین ايله ترزين ايله جكدرد)
 اشبوا افاده عاجزانه جمله حضار طرفدن كمال ممنونيتيله القشلاقمشدر .
 بعد الطعام براز معاجبتدن صكره مشار اليه حضرتلى اوطه
 مخصوصلرخه چكلمشدر

— اوچنجى باب —

رملة دن قدس شريفه حر كنى متفقدر

فرداسى كوفى على الصباح عربله راكباً و قدس شريفه مشوجهاً
 حر كنى اولندى يافه ايله قدس شريفك بيننده نصف مسافده واقع

باب الواء نام محله کی لوقطه ده بر از ارام واستراحت اولندقدنصرکه
 حرکتله یوله دوام اولنهرق ظهر وقتی قدسدن بر بقیق ساعت بعد
 ومسافه ده کائن قانونیه نام محله وصولرنده اوراده قورلمش اولان
 چادرلرده طرف سلطنت سنیه دن صورت مکمله ده تیه و احضار
 ایدیلان سفره یه اوتوریلوب طعام بیورلزدن بر از اول سالون
 چادرنده امرای عسکری به و مأمورین حکومت سنیه اونیفورمه لرینی
 لابس اولدقلری حالدیه قبول اولندقلری کی ملل سائره رؤسای
 روحانیه لر یله دول متحابه قونسلوسلری قنچلار وترجانلری کذلک
 البسه رسمیه لر یله تقدیم ایدلشدر . بعده مشار الیه حضرتلری تناول
 طعام بیوردقدنصرکه معیتی ایله البسه رسمیه لرینی لابس اولدقلری حالدیه
 مره به لره راکباً قیام و حرکت اولدینی و قدس شریفه وصولرندن اون
 دقیقه اولجه بر موقع مناسبه عسکری موزیفه سی ترغاسزو عساکر نظامیه
 طابورلری صفتیه سلام واعزاز اولدینی و قدس شریفک ایتالیا جنرال
 قونسلوسی خانه سی اوکنده کی بولک محور طولانیسه عموداً آخشا بدن
 مکمل ترتیب ایدلش اولان قونک اوزرنده آچیدن معمول برستانک وضع
 ایدلش اولدینی و مرور اولنان جاده نک ایکی طرفی رنگارنگ بیراق
 و چیچکلر ایله مزین بولندینی حالدیه بر جم غفیر اراستدن کمال احتفال
 ایله مرور ایله رک کوندز ساعت اون راده لرنده مملکت قبوسندن دخول لرینه
 قریب بر محله تعظیما یکریمی برپاره طوب انداخت اولنش و بونی
 متعاقب اجرای آیین ایله استقباله لاتین بطریق افندی چیقهرق
 قدس شریف متصرفی سعادتلو رؤف پاشا حضرتلریله چاکرلری
 وسائر امرای عسکری به و مأمورین ملکیه معیتلرنده بولند یغمن خالده
 طولوغریجه (قیامه) کلیسا سانه کیدلش و اوراسنی زیارت بیوردقدن

سکره مسافر اوله جقلری لاتین مناسترینه تشریف برله اوراده دول
شهابه قونسولوسلری البسه رسمیله ریخی لابس اولدقلری طلامه
وزیتلری قبول ایدلشد .

پرنس حضرتلری لاتین مناسترنده مسافر اولدقلری مدتیجه تناول
بیوره کلدکلری اطعمه نفیسه ضایت مکمل اولدینی کبی هر اقسام
دخی اثنای طعامده بر باندو موزیقه عسکری به مارش عثمانیله مارش
ایتالیانی وسائر مارشلی چالمده ایدی .

شباطک اوچنجی کونی مشار الیه حضرتلری صباحین ساعت بر
وراده لرنده نبی (داود) علیه السلام افندمن حضرتلرینک محل
مبارکله ریلده دهها بعض محللری زیارت بیوردقدن سکره مسافر
اولدقلری لاتین مناسترینه عودتله بیوک اونفورمه ایله حکومت
منیه به کیدوب رسماً وزیته وردکلری صرده حکومت مذکوره
قبوسی اوکنده موزیقه شاهانه ترغاساز اولدینی کبی عساکر حضرت
شهریاری دخی صفتیه سلام واحترام اولوب متصرف باشا
حضرتلری دخی بیوک اونفورمه سنی لابس اوله رق مشار الیه
حکومت قبوسی اوکنده استقبال ایدوب طوغریجه سالون کیدلدی
واوراده بر از مصاحبت اولندقدن وشریتلر ایچلده کدن سکره مشار
الیه پرنس حضرتلری قدس شریف ردیف دبوی بالتشریف موقع
قوماندانی سعادتلو رستم باشانک اوطله سنده بر از مدت ازل
واستراحت بیوردی بعده میر الای عزتلو خلوصی بکک تحت
قوماندانده اولوب دبوی مذکور میدانده صفتیه سلام اولان
نظامیه اوتوز سکرنجی الاینک برنجی ولوچنجی طابورلری معاینه
بیوردقلرینی متعاقب قشله میدانی مانوره چورمکه غیرمساعد اولدینی

خالد مومئ الىه خلوصى بك افدى مذکور طابورلره اصول
جديده به تطبيقاً حال وموقعه مناسب غایت منتظم بر طاقم مانوره لر
اجرا ايتدير دکنصکره صورت مکمله ده برده رسم کچيد اجرا
ايدلشد.

ختم رسم اچيدده طابورلری اسکی وضعیتلرینه ارجاع ایچون مناسب
بر ایکی مانوره ده اجرا ايدلشد.

اشبو مانورلر میداندن عدم وسعتیه برابر حقیقه محیر عقول
دینه بیله جک قدر مکمل ومنتظم یاتلشدرکه اثنای حرکتده هر ایکی
طابورک هیئت مجموعه سی یکوجود کبی کورغکنده ایدی حتی
(پرس) حضرتلری معیتده بولنانلره باقکزشو عسکرلر استعمال ایتمکده
بولندینی سلاحه او درجه انسیت پیدا ایتمش و برابر حرکت ایتمکده
او قدر الشمسکه هپسی برانده یکوجود کبی حرکت ایدیوراشته
تعلیم بویله اولور سوزیله کرک امرا وضابطانک امر قومانده
وساثره جه اولان حسن درایت و لیاقتلرندن و کرک افراد عساکر
شاهانه نک فن سلاحشوریده کوستردکلری ملکه ومهارتلیله البسه
واسلحه لرجه مشاهده اولنان اثر نظافت وانتظامدن فوق الغایه اظهار
اثار شادی و عنونیت بیوردقلری کبی اثنای تعلیمده دائماً افکاروآمال
مقدسه ملوکانه به توفیق حرکتله کچه کوندز مملکتک اعمار واصلاحه
بذل سی یشمار ایتمکله متلذذ اولان مشار الیه قدس شریف متصرفی
سمادتلو رؤف پاشا حضرتلریله اوراده بولنانلره بیان محظوظیت
انظاری اوزرینه (پادشاه عالم وشهنشاه اسکندر حشم اقدام
حضرتلرینک اراده اصابت عاده شهریاریلرینی حرفیاً ایضا ایتمکدن
بشقه بر وظیفه ایله مکلف اولدلفهمزدن بزم ایچون مقدس اولان

عسکر لکه لیل ونهار چالیشمقلقه برابر ایجاب ایدن مواقعہ ہر ان وزمان امرا وضابطاغزک چیزمہ لری ایاقلرنده و افراد شاهانہ لری نک چانقلہ لری ارقہ لرنده اولدینی حالده اراده تاجداریلرینہ انتظار ایتمکده یز) جوابیلہ طرف عاجزیدن مقابلہ ایدلمشدر .

بوندن بشقه حتام تعلیمده میر الای عزتلو خلوصی بک اقدی بر معتاد مشار الیہ حضرتلرینہ طوغری کلوبده بر بشقه امرلری اولوب اولدینقی استفسار یوللو عسکرجه اجرای رسم تعظیم ایندیکی صبرده مشار الیہ حضرتلری دخی بولندقلری محلدن بر قاج خطوه ایلرویه چیقوب کمال سربستی و مهارتله قومانده ایتمکده بولان میر مومی الیہ التفات بیورملری اوزرینہ (بو کونکی کونده قشله بی تشریف ائلارند نطولای عموم سلاح ارقداشلرم نامنه عرض و مباحات و محبت ایلرم) سوزیلہ مقابلہ ائلشلردر .

اورادن تکرار میر مومی الیهک او طه سنه کیدیلوب اجرا اولتان تعلیمک مکملیتله عساکر شاهانہ نک تربیه و اطاعت و حسن نظافت و طهارت لرینی تقدیر آشار الیہ (برنس) حضرتلری موقع قوماندانی سعادتلو رستم پاشا ایلہ میر مومی الیہ و سائر امرا وضابطاه بشقه بشقه التفات بیورمشلردر .

اخیراً کچه تناول طعام اولنور ایکن مذکور تعلیمک مکملیت و حسن جریانندن سیاق ممنونیت و تشکرله بحث بیورلمش و هر ایکی طابورک افراد حضرت شهریارینک اجرا ایلدکلری مانورده لرده افراد مرقومه نک یک وجود کی حرکت سریعہ لرینی تقدیر ایلده درجه نہایده اولان استعدادلرندن یک زیاده خشنودی اظهار ایتمش و طابور مذکور یکباشیلرندن بلونہ محاربه سنده ابراز شجاعت ایدوبده بلونہ مدالیہ سنی

حائز بولان رفتلو رضا بکه بمنوینتک بیانہ جا کر لرینی تکلیف التلس
اولدقلری کبی بالناسبہ تناول طعامدن صکرہ اوطنہ جا کرانہ می لطفًا
تشریف بیورمش اولان قدس شریف متصرفی سعادتلو رؤف پاشا
حضر تلیله موقع قوماندانی سعادتلو رستم پاشا و میرالای عزتلو
خلوصی و بیکیاشی رفتلو رضا بکلری پرنس حضرتلری کوردکلری
اندہ اوطنہ مذکور قبوسی ایجروسنه کیروب مومی الیه رضا بکی
یانلرینه دعوتله براز مصاحفدن صکرہ (پلونه محاربه سنده عثمانی
عسکرینک قزاقش اولدینی صیت و شهرت سیزک کبی جسور و غیور
امرانک اقدامیله حاصل اولمشدر سیزک کبی ناموسلی امرایله
کورشدیکمه تشکر ایدرم) دیمی اوزرینه (سلاح ارقداشلرم ایچنده
الک عاجز و اقتدار سزا اولدیم حالده حق جا کرانہ مدہ اولان لطف فحامت
یناهیلرینه تشکر ایدرم) جوابیله مقابله المشددر . ایاق اوزرندہ
اولدیمز حالده مشار الیه پرنس حضرتلری برخیلی التفات بیودقدن
صکرہ اجرای تلطیفی حقندہ مقام مشیریت جلیله به برقطعه تلمرا فنامه
کشیده اولمنی عاجزلرینه توصیه بیورمشلردر .

(ایشنه مهارت فیه و شجاعت فطریه کبی ایکی بیوک مزیتی حائز اولان
عثمانلی عسکرینک واصل اولدینی درجه ترقی حقیقه شایان افتخار
و بمنوینت اولدیغندن ترقیات حاصله به سبب مستقل اولان شوکتلو
پادشاهمز افندمز حضرتلرینه عموم عثمانیلر نامنه عرض محمدت
و شکران ایدر و جسم دولک مابه الحیاتی اولان جوهر ککرانهای
وجود ملوکانه لرینک همیشه زینتساز تحت عثمانی اولمنی بخلوص البال
جناب و اهب الامال حضرتلرندن تھی و نیاز ایلرم .)

در دخی باب

قدسدن مار ساباه اولان حرکت وسفر بیاننده در

شیاطنک در دخی چهارشنبه کونی علی الصباح الافراقة ساعت
سکزه الاتورکه ساعت ایکی راده لرنده مشارالیه پرنس حضرتلری
معیت فحامتیناهیلریله یوله چیقارق قدس شریفک جهت جنوبیسنده
کائن بیت اللحم قریه سنه وارلدی . انهای راهده طنطور نام محل که
(اوردر دومالت جمعیتی طرفندن تأسیس اولنش بر خسته خاوه در)
اورای تماشا بیوردقلری کبی دها بیت اللحم قریه سنه وارلزدن اول
لاتین علامتی طرفندن تأسیس اولنش اولان (دون بللونی) نامنده که
ایناخانهیه کیدوب رئیسله ملاقات بیوردقه نصکره مذکور ایناخانه نک
هر بر محلی طولاشمشردر محل مذکور دن بیوک کلیسایه کیدمک
اوزره ایکن قدس شریف لاتین مناستری رئیس روحانیسی
کستوری نام ذات مخصوصاً اورایه کلش و برابرنده البسه رسمیه
روحانیلرینی اکتساب ایش رهاین ایکی صره دیزلش اولدقلری
حالده کمال اختفال ایله استقبال المشردر مومی الیهک دلائیله بازیک
کلیسایسنیه (مهد عیسی) و (مغارة الحلب) وسائر بعض زیارت
محلرینی کزدکدنصکره مذکور کلیسایه عودتله بر از استراحت
بیورمشردر . بعده الافراقة ساعت اونبرکه الاتورکه ساعت بش
راده لرنده طرفی سلطنت سنیه دن تیه ایدلش اولان مکمل صفرده
تناول طعام بیوروب بعد الظهر بیت اللحم جهت شرقیسنده کائن
(مار سابا) نام مناستره کیدمک اوزره یوله چیقلدی پول اوزرنده
بیت ساجور کلیسایسی دخی زیارت بیوردقندن نصکره یوله دوام

بیوردیلر الافراقه ساعت دوت یحقی که الاتورکه ساعت اون یحقیده محل مذکور موصلت اولندی اوراده متروی بولسان روم رهبانلرینک حال معیشت و سائر لریخی استفسار برله مناسترک هر بر طرفی برر برر ماینه بیوردیلر بعده رئیس رهاینک او طه سنه تشریف بیورده رق قهوه و شربتلر ایچلد کد نصکره مناستر مذکورک یارم ساعت بعد و مسافه سنده که میدانده طرف سلطنت سنیه دن قورلش اولان (کامپان) چادرلره کیدیلهرک محل مذکورده اولجه حاضرلش اولان هر درلو لوازماتک صورت مکملهده اولد یقینی مشاهده بیوردقلری جهته کال درجهده محظوظ اولدقلری معامله نواز شکارانه فحیمانهلرندن اکلاشلشدر الافراقه ساعت الی یحقی که الاتورکه ساعت یارم صولرنده طعامه اقبال بیوریلهرق بعد الطعام سالون چادرنده بر از استراحت و مصاحبتد نصکره محل مخصوصلرینه چکلدیلر .

— بشنجی باب —

مار سابادن عین السلطانہ حرکت و سفر بیاننده در

مار سابادن شباطک بشنجی بنجشنبه کونی علی الصباح الافراقه ساعت یدیده یعنی الاتورکه ساعت برده قالمش و تمام دوت یحقی ساعت مسافه قطع ایدلد کد نصکره الافراقه ساعت اونبر یحقی که الاتورکه ساعت بش یچتده زور دن (اردن) نهرینک منصبنده واقع بحر لوط کنارنده که جزیره یه موصلت اوله رق اوراده صورت منتظمده ترتیب ایدلش اولان اوله طعامی تناول بیوردقد نصکره الافراقه ساعت یارم یعنی الاتورکه ساعت الی یحقیده حضرت (عیسی)

اڤندمرك تعميد اولدقلری شریعه به متوجهاً حرکت اولندی بر بحق
 ساعت قدر یوله دوام اولدقدنصکره بعد الظهر الافراقه ساعت
 ایکیده یعنی الانورکه ساعت سکرده محل مذکوره مواصلت اولندی
 صروده قدس شریف سنجای الای بکی عزتو عاصم بک اقدی
 رفاقتیه مقدار کافی ژاندارمه افرادی وسکسان قدر عربان اتلوسی
 صفتیه سلام اولدقلری حالده کمال تعظیم ایله رسم استقبال اجرا
 ایدلشد برنس حضرتلری عربابک برر برر اوکلرندن کچرک
 حامل اولدقلری سلاحلیله مزارقلری کوزدن کچروب هر برلری
 یکان یکان تلطیف بیوردقدنصکره عربان مذکور مشایخی دخی
 هشار الیه حضرتلرینه ابروجه تقدیم اولدقدن کندولرینه التفات
 مخصوصه ایلشد . شریعه یارم ساعت قدر آرام ایدلکدنصکره
 الافراقه ساعت ایکی بمقدده یعنی الانورکه ساعت سکر بحق راده لرنده
 حیوانلره راکباً اوکیجه بیتوت اولنه حق عین السلطان نام محله
 حرکت ایدلدی اثنای راهده تصادف اولسان واسع بر میدانده
 طوریلهرق عربان مذکور طرفدن غایت مکمل قدیم محاربه اصولی
 اوزره اوینامش اولدقلری آت اوپونلری بر از سیر و تماشای
 بیوردقدنصکره یوله دوامله الافراقه ساعت درت بمقدده یعنی الانورکه
 ساعت اون بمقدده عین السلطان نام موقعه مواصلته صورت منتظمه
 قورلمش اولان چادرلره کیریلهرک استراحت بیوردیلر . اقسام اولزدن
 بر ساعت اول برنس حضرتلری بر قاج ژاندارمه ایله آوه چیقدیلر
 عودتلرنده اقسام طعامنی تناول بیوره رق بعد الطعام برازمصاحبتدن
 صکره فنارلر و مشعللر ایله ایقاد اولنمش اولان چادرلرک آراسته کی
 میدانه کیدیلهرک اورابه گلش اولان برلی اهالی ایله اربخاده متوطن

و تجمل طادات محلیه لری اوزره انواع لمیات اجرا ایلدیلر و مسکره
رفاقتزده بولانلردن ایکی کئی دخی قنچ اویونی اوینامش اولدقلری
واشبو لمیات بر ساعت قدر امتداد ایلدکن صکره مشار الیه
حضرتلری چادر مخصوصلرینه چکلدکلری کبی خلق دخی محللرینه
مطافیللردر .

التجی باب

عین السلطانن قدس شریفه عودت بیانندهدر

فرداسی کونی علی الصباح الافرانقه ساعت یدیده یعنی الاتورکه ساعت
برده عین السلطانن خرکتله بعد الظهر جبل طوره مواصلت
اولندی محل مذکوره اویله طعمانی تناول بیوردقدن صکره براز
استراحت ایدرک حضرت (عیسی) افندمن حضرتلرینک سمایه عروج
بیوردقلری محل مبارکه کبی زیارت ایلدکن صکره قدس شریفه متوجها
خرکت بیوردیلر شهر مذکوره اثنای مواصلته عسا کر حضرت
پادشاهی طرفدن کمال احترامله سلامنه رق باب سیده (مریدن)
ظو غریجه (حرم شریفه) تشریف بیوردیلر اوراده (مسجد اقصی بی)
(صخره اه) وسائر زیارت محللری سیر وقاشا بیوردقدن صکره
مسافر اولدقلری قزانوویه تشریفله محل مخصوصلرینه چکلدیلر .
موزیقه حضرت شهریار مارش عثمانی و مارش ایتالیانی ترغساز
اولدینی حالده کمال حضور راحته اقسام طعمانی تناول بیوردیلر
موزیقه مذکورک کمال درجه ده مهارت و اتقان ایله چالمقده اولدقلری
هواردن غایتله ممنون و مسرور اولدقلرندن مشار الیه حضرتلری
طرفدن دفاطمه القشلاخمشدر . اخیرا پرنس حضرتلری بالذات نام نامی

حضرت خلافتناهی به مخصوص اولان مارشك چالغنی اراده بیوروب
موزیقه نك بودفه دخی اجرا ایلدیکی صنعت ومهارت ممنونیتی موجب
اولمغه مشار الیه حضرتلری تقدیر وتحسین بیورمشلردر .

— یدنجی باب —

— قدسدن بیتن قریه سنه حرکت و سفر بیاننده در —

فخامتلو برنس حضرتلری التنجی بایده مفصلاً بیان اولندیفی وجهله
جمعه کونی اقشامه قریب قدس شریفه بعد المواصله ایجاب ایدن زیارت
محللریخی سیر و عاشا بیوردقدن صکره لطفاً و تنزلاً مسافرت قبول
بیوردقلری قزانوویه عودت واستراحتله فرداسی جمعه ایرتسی کونی
درون شهرده دها بعض محللری کزهرک امرار وقت بیوردیلر .
الا فرائقه شباطك یکرمنجی یعنی الا تورکه شباطك سکرنجی بازار
کونی مشار الیه حضرتلری اوپله طعمانی مسافر اولدقلری محله
تناول بیوردقدن صکره شام شریفه متوجهاً الا فرائقه ساعت برکه
الاتورکه ساعت یدیده اوکیجه بی بیتن قریه سنده کچورمك اوزره قدسدن
بالعز والعافیه حرکت بیوردیلر بواشاده عساکر حضرت تاجدارى
صفبسته سلام واحترام وموزیقه عسکری ترغساز اولدیفی ومعیت
فخامتنایهیلرنده قدس شریف متصرفی سعادتلورؤف پاشا حضرتلریله
موقع قوماندانی سعادتلورستم پاشاودها سائر مأمورین ملکیه ومعتبران
اهالی بلده اولدقلری حالده شهردن یارم ساعت بعد ومسافیه قدس
رسم تشییعی اجرا ایلدکلری واشبو مسافده کائن جیل دروننده
اویولش بر طاقم اوطه لری کورمك ایچون حیوانلردن انیلهرک اون
اونیش ایاق زردبانله اشاغی به انیلوب جیلدن آچلش اوفق برقودن

شمه لر واسطه سیله ایچرویه کیریلهرک جوانباربعه سی صورت منتظمه ده
 اولش بر سالون کورلدیکه اشبو سالونک ایکی جهتنده قبولی سالونک
 قیوسی شکنده ایکی عدد اوپله وار ایدی مذکور اوپله ره کیرلرکه
 سالون مثللو غایت منتظم اوله رق اوپولش اولدقلری کورلدی تکرار
 سالونه چیقلدقده مذکور اوپله لر دن بشقه سکر او نایاق نردبان واسطه سیله
 انیلور جیلدن اوپولش دیگر بر مغاره موجود ایدیسده مشار الیه
 حضرتلری محل مذکوره ایندکلی جهته درون مغاره نه یولده تقسیم
 ایدلش اولدینی اکلاشیله مدی اشبو محلدن یوقارویه چیقلدقده برنس
 حضرتلری تشییع ایچون کلش اولان ذوات محترمه ایله وداع ایدرک
 یوله دوام اولندی .

قدس دن ایکی ساعت بعد ومسافه ده یول اوزرنده واقع بیر
 قریه سنه مواصلت اولدینی هنکامده اشبو قریه نک جسامتی نسبتده
 اولان نفوس اهالی یولک ایکی طرفنه تحشر ایلش اولدقلری کبی
 اورانه بولان لاتین میسیونری قریه مذکوره کائن مکتب چوچقلریله
 مشار الیه حضرتلرینک استقباله کله رک جمله مز حیوان اوزرنده
 اولدیغمز حالدده ایتالیانجه بر نطق ایراد ایلدیکی کبی مکتب مزبور
 طالبانندن صغیره بر قزغیز دخی دعاوشنا یولنده عربی العبارة
 ترتیب ایدلش بر قصیده اوقودیقنی متعاقب مشار الیه حضرتلری
 اظهار محظوظیتله یوله دوام بیوردیلر .

قدس شریفک شالنده واوچ یحق ساعت بعد ومسافه سنده کائن
 بیتن قریه سی جوارنده اولجه قورلش اولان (کامپان) چادرلر
 موقعنه مواصلترنده معتدلری وجهله آوه چیقارق بر طوشان ایله
 سائر بعض اوفق طیور صید ایتش اولدقلری حالدده کمال عافیتله

عودت بیوردیلر بعده صورت منظمه ده ترتیب و تنظیم ایدلش
اولان صفره ده اقسام طعامی تناول بیورد قدنصره استراحت
سالونه عودتله بر از مصاحبت نصره جادر مخصوصلرینه
چکملشدر .

سکرنجی باب

بیتدن نابلسه حرکت بیاننده در

فرداسی بازار ایرتسی کونی صباحلین بیتوت اولنان بیتن قریه سندن
الافراقه ساعت التی یحقی کی الاتورکه ساعت یارمده حیوانلره
راکباً نابلسه قیام و حرکت اولنشددر محل مذکور دن بر قاچ دقیقه
ایرلد قدنصره یولک صاغ طرفده واقع سیدنا (شموئیل) علیه
الصلاة والسلامک مدفن شریفلری کورلمش ایسه ده وقتک عدم
مساعده سندن پیغمبر ذیشان حضرتلرینک زیارت سعادتلرینه موفق
اولنه مامشدر .

اطراف و اکنافه غایت لطیف منظره و یرمش اولان طاغلرک
کاه زروه لرندن وکاه یماجلرندن بر ساعت قدر قطع مراحل
ایدلد قدنصره بر دره یه انیلهرک مذکور دره بر یحقی ساعت قدر
امتداد اولنشددر اشبو دره اولدجه واسع و منظره سی ایسه غایت
لطیف ایدی مذکور دره دن چیقلد قدده جهت شمالیده و بر طاغک
یماجنده سنجل نامنده جسم و اراضی منبت جوانب اربعه سی ایسه
ذیتونلک و اینجیرلک و اشجار سائره مثمره مغروسی بر قریه یه مواصلت
اولنشدرکه اشبو قریه قدس شریف سنجاغک منتهای حدودی
اولوب اشبو محلدن بلقا یعنی نابلس سنجاغی طراغنه کیرلدی اورادن

بر از یوله دوام اولندقده نابلس سنجانی ژاندارمه بیکباشیسی رفتلو
 یحیی افندی بیوک اونیفورقه سنی لابس اولدینی ومعیتده اوتوز قدر
 ژاندارمه افرادی بولندینی حالدده مناسب بر موقعده صفتسته سلام
 واحترام اولدقلری حالدده مشار الیه پرنس حضرتلرینی کمال تعظیم
 ایله استقبال ائلس و قدس شریفدن اولجه مشار الیه حضرتلرینک
 معیت فخامتپناهیلرله کلمش اولان ژاندارمه یوزباشیسی حاجی یوسف
 اغانک رفاقتده بولان افرادی عسکری یه ایله برلکده پرنس
 حضرتلرینک معیتلرنده اولدقلری حالدده صورت منتظمده یوله
 دوام ایدلمشدر . مرور اولان طریقک صاغنده ومنفرد اوفق
 بر جیلک اوپوزنده تر مسعیاً نامنده بر قریه مشاهده اولندی
 مذکور قریه نك واقع اولدینی جیلک جناحینی ایکی طاغک اراستده
 کائن واولدقجه واسع غایت منبت ایکی عدد وادی ایله محاط اولوب
 اشبو وادیلرک منظره سی اولحوالی یه تعریفی ناقابل لطافت ویرمکده
 ایدی . الافراقه ساعت اون بحقده یعنی الاتورکه ساعت درت
 بحق راده لرنده جیل اللبن نام محله بالوصول اورادن اشاغی یه نظر
 اولندقده مستطیل الشکل واولدقجه واسع بر اووه کوزلدی مذکور
 اووه نك ایلروسنده وغرب شمالی جهتنده وبر طاغک یماجنده لبن
 قریه سی وار ایدی جیل مذکور دن اووه یه انیلرک شماله طوغری
 یوله دوام اولندقده هر ایکی طرف زیتون واینجرلک ایله مغروسی
 ایدی اشبو اشجارک اطرافنده که طاغلرک زمرد کبی اوتلری اول
 موقعه بشقه جه بر لطافت ویرمکده ایدی مذکور دره بر خیلی
 امتداد ایلدکدنصکره طارله شرق تشکیل ائلس اولدینی بوغازدن
 بر از کیدلدکدنصکره الافراقه ساعت یارمکه الاتورکه ساعت الی

بچق راده لرنده بوغازدن چيقيه رق زيتونلك وسائر اشجار مئره
 ايله تزيين اولنمش اولان ديكر بر اوويه تصادف اولنديكه اشبو
 اووده ويولنك صول طرفي ايلروسنده وزيتون اغاجلرينك
 اراسنده قورلمش اولان (كامپان) چادرلر كورلدي بر اون
 دقيقه قدر قطع مسافه ايدلدك دندنصره محل مذكوره
 مواصلت وقوشلق طعامي تناول بيوردقدنصره بر از استراحت
 ايدلدي بعده مشار اليه حضرتلري اورادن قيام وحركتله
 زيتونلكلرك اراسندن يوله دوام اولنهرق بر جزئي مسافهده
 كائن حواري قريه سي اوكندن مرور اولندقدن مذكور اووه غايت
 كنشلوب ايكي ساعت قدر مني وحركتله نابلسه كيملزندن اول
 جهت يسارمزده سامريلرك قربان كسدكلري غريبه دنيلان جبلك
 اوكنندن كچلده يولك صاغطرفنده سيدنا (يوسف) عليه السلامك
 آتديني بئر يعقوب ارايه ايدلدي اشبو محله محلي متصرفي سعادتلو
 فخرى بك افنديله موقع قومانداني ميرالاي عزتلو محمد بك افندي
 وسائر امراي عسكرييه ووجوه بلده البسه رسميله ريني لابس وپياده
 وسواري عساكر حضرت شهر ياري دخي غايت منتظم اولدقلري
 حالده صفيسته سلام واحترام اولمشلر مشار اليه حضرتلرينه متصرف
 موسمي اليه ايله امراي عسكريه ومأمورين حكومت محليه تقديم
 اولندقدن هر برلرينه اير و اير و التفات بيوردقدنصره مذكور
 قيويه كيديلهرك هر جهتي نظر قاشادن كچرلده كد نصره يوله دوام
 اولنمغه باشلانيلدي شهرك مدخلنده ويولك صولنده واقع ابنه سي
 غايت منتظم قشله عسكري كورلديكه مذكور قشله نك بولنديني
 وضعيت حقيقه عسكار اولنلر ايجون بريوك تاثيرات وبردبيكي كي

اول حوالی به دخی بشقه جه جلادت ویرمکده ایدی وهله اهالی
بلده نك جم غفیر ايله تجمععلری كذلك پرنس حضر تلرینك استقباله
بر قاتدها زینت كسب ایتدیرمکده ایدی .

نابلسه کیرلده طوغریجه سامریلرک حورالربنه کیدیلوب ایکی بیک
سنه لك تورات شریفی زیارت بیوردقلری کبی دها بعض عاداتلرینی
استفسار بیوردیلر مذکور حوران چیلدقدنه نابلسك جهت
غریبیسنده واقع اراضیده مهیا اولان (کامپان) چادرلره بالتشریف
براز استراحتدنصکره تناول طعام بیوردیلر صفرده متصرف سعادتلو
فخری وموقع قوماندانی میرالای عزتلو محمد بك افندیلر ايله وجوه دن
رفتلو سعید ولاتین رئیس روحانیسی افندیلر پرنس حضر تلرینك
اراده لرینی موجبجه حاضر بولندقلری حلاله برلکده طعام ایلدیلر
بعد الطعام سالون چادرنده براز مصاحبتدنصکره لاجل الاستراحه
چادر مخصوصلربنه چکلدیلر .

— طقوزنجی باب —

نابلسدن جینه صورت حرکتك تعریفی بیاننده در

شباط رومینك اوننجی صالی کونی الافرانقه ساعت یدی یعنی الاتورکه
ساعت بر راده لرنده نابلسدن حرکت اولندیغی صروده محلی متصرفی
سعادتلو فخری وموقع قوماندانی عزتلو محمد بك افندیلر ايله سائر
امرای عسکریه ووجوه بلده مشار الیه حضر تلرینی لاجل التشییع
قصبه دن یارم ساعت مسافیه قدر کلدکلری کبی عساکر شاهانه
وزاندارمه افرادی دخی محل مذکورده صفبسته سلام واحترام

اولشلرد اوراده بعد الوداع مشار اليه حضرت تارينك مساعده لريله
 عودت بيورديلر .

نابلسدن اثنای حركنده يولزك صول جهتنده برحيلي صو چشمه لريله
 متعدد صو دكرمانلري موجود اولديني كبي اول اراضي دخي كاملاً
 زيتون وساثر اشجار مثره ايله مفروس و غايت معمور و سامان اولمغله
 منظره سي حقيقه لطافت تامه يي جامع ايدى .

نابلسك بر ساعت بعد و مسافه سنده و مرور اولنان طريقك جهت
 يسارنده كائن جبلك يا جنده ساروجه قريه سنه تصادف اولندي اشبو
 قريه نك بر ساعت ايلروسنده . ويولك جهت يسارنده واقع سبسطيه
 جبلنك راسنده سبسطيه قريه سي كورلدى يولزك هر ايكي جهتي
 زيتونلك وساثر اشجار مثره ايله مفروس ايدى قريه مذكوره نك
 و قتيله بيوك بر شهر اولديني تاريخ ايله مثبت اولديني كبي حالا موجود
 اولان مرمر ستونلر ايله بر طاقم كرلر دخي مذكور قريه نك جسامت
 و شهر تنه دلالت ايدى و ايدى و بو اثار قديمه جمله سندن بر قلمه نك
 وجودى دخي اليوم موجود اولان قللرندن اكلاشلى اشبو قريه نك
 منتهاي شريف سنده بعض ابيه مندرسه ايله خراب بر جامع شريف واردر
 مذكور جامع دروننده سيدنا يحيى عليه السلامك زير زمينه بولنان
 مقام شريفلرينه يكرمى اوج اياق نردبان ايله انيلوب اوفق بر قبو
 واسطه سيله مربع الشكل بر ميدانجه دخول اولنديكه مشاراليه
 حضرت تارينك مقام شريفلى اشبو ميدانك قوسنه ناظر
 اولان جهتنده اولوب هر جهتي قابو اولديني حالده يالكز عمودى
 مازغال شكلنده اوج عدد بنجره واسطه سيله مقام شريفك غايت
 قرانلق اولان دروننه شمعلر واسطه سيله نظر اولنمش ايسنده

بر طاقم کککردن بشقه هچ بر شی کورلماشدر و اشبو
 بنجره لر برر بوله دیوار ایله تفریق اولغشدر . جامع شریف
 مذکور و قتیله غایت جسم و آثار مشهوره دن اولدینی آثار حاضره سی
 کوسرتمکده ایدی محل مذکور دن یوقارویه چقیله رق جیلدن بر از
 اشاغی به انیلدکده بر دریه تصادف اولغشدرکه مذکور دریه
 سبسطیه دره سی دیرلر یولمز اشبو دره بی عموداً قطع ایدرک
 کچد کدنصرکه حقیف میلده بر طاغه چقیله رق غایت معمور برق
 نامنده کی قریه به موصلت اولندی اشبو قریه نک صاغ طرفی اتصالن
 مرور اولته رق مذکور جیله متصل و اندن مرتفع دیکر بر جیلک
 یماچندن رأسنه چیقلدقده جهت بمخزده اطرافی اغاجلق بر تره
 کورلدی . مذکور جیلک صول طرفی یماچندن یوله دوام اولته رق
 بر اووه یه انیله جکی صروده جیلدن ایرلش بر صرتک نهایتده واقع
 بر تپه نک اوزرنده کارگیر و اولدقچه واسع الیره قریه سی و ارایدیکه
 مذکور قریه نک اطراف اربعه سی کاملاً زیتونلک و اشجار ساره ایله
 محاط اولوب بو سایه ده اولحوالی غایت کوزل بر منظره حاصل
 ایلدیکه کبی او قوشلرک صدالری دخی قلبه بشقه جه انشراح
 و یرمکه ایدی بورادن بر از قطع مسافه ایدلکده مذکور جیلک
 صرتنده کائن بندر قومیه قریه سنک و سطندن کچیکلرک بر مقدار
 ایلرویه کیدلکده یولک صاغ جهتنده واقع طاغک یماچنده جع
 قریه سی کورندی مذکور قریه بی صاغ طرفه ترک ایدرک ساعت
 بش بچقده (کامپان) اووه ده قورلش اولان چادرلره موصلت
 اولندی . بندر قومیه قریه سندن چادرلرک اولدینی محله قدر یولک
 هر ایکی طرفی زیتونلک و سائر اشجار مثمره ایله محاط ایدی مشارالیه

حضرتلری اویله طعمانی تناول بیوردقدنصرکه بر ساعت قدر
استراحت ایدرک حرکت بیوردیلر .

الافرانقه ساعت بر بحق کی الاتورکه ساعت یدی بمچده یولک صول
طرفده وبر تپه اوزرنده کائن ناصوره نامنده اولان قریه اوکندن
کچلدی اشبو قریه نك جوانب اربعمه سی غایت مشهور واثار قدیمه دن
بر قلعه ایله محاطدر .

الافرانقه ساعت اوچکه الاتورکه ساعت طقوز راده لرنده قباطیه
طاغنگ اتکنه مواصلت اولندی مذکور طاغدن پوقارویه چیقار ایکن
صاغطرف تمامیه زیتونلک ایله مغروس ایدی راس جبله چیقلاقدده
قباطیه قریه سی کورلدی مذکور جبلک صول طرفی یماجندن یوله
دوام اولنه رق بر مقدار ایلرویه کیدلدکده واسع بر اووه کورلدیکه
اشبو اووه دخی کاملا زیتونلک وسائر اشجار متنوعه ایله مغروس
ایدی مذکور اووه یه انیلهرک براز قطع مسافه ایدلدکدنصرکه جنین
قضاسی قائممقام وکیللی ایله ردیف امرا وضابطانی وژاندارمه
سواریلری کمال تعظیم واحترام ایله صف بستہ سلام اولدقلری حالده
مشار الیه پرنس حضرتلرینی اسققبال ایلدیلر . هر برلرینه ایلرو
ایرو التفات بیوردقدنصرکه بر یارم ساعت قدر یوله دوامله اولقدر
مرتفع اولیان ایکی طاغنگ اراسنده واقع بوغازدن بر ساعت قدر
قطع مسافه ایدلدکدنصرکه جنین قصبه سنک طرف شرقیسندن کچیلهرک
الافرانقه ساعت درت بحق که الاتورکه ساعت اون بمچده (کامپان)
چادرلرک اولدینی محله مواصلت اولندی مشار الیه حضرتلری بر از
استراحت بیوردقدنصرکه بر معتاد آوه چیقارق غودتلرنده اقسام

طعامنی کمال عافیتله بعد التناول سالون چادرنده بر از مصاحبت
بیورد قد نصکره لاجل الاستراحه چادر مخصوصاً برینه چکلمشردر .

— اونجی باب —

چیندن ناصریه حرکت بیاننده در

شباط رومینک اون برنجی چهارشنبه کونی علی الصباح الافراقة
ساعت یدیکه الاتورکه ساعت برده جنین موقعندن قیام وحرکتله
ناصریه متوجهاً عزیمت اولندی مرور اولنان طریق زیاده سیله
منبت وفلاخته صالح مرج بن عامر نامنده اولان اووه دن کچورایدی
مذکور اووه نك التي ساعت اتساعی اولوب بر ساعت قدر مسافه
قطع ایدلد کد نصکره صاغر طرفده چله نامنده کی قریه کورندی بورادن
ایکی بچق ساعت قدر یوله دوام اولندیغی صروده هواغایت بلوطلی اولوب
او ائنده اسان حقیف روزکاردک ره راستده اولان تلغراف تلیری
بر کوزل صدا ویرمکنده اولدیغی کبی طیورک بر طرفدن بلبل
مثالی اوغلری اولحوالی به بشقه جه بر لطافت ویرمکنده و دیگر طرفدن
اشبو اووه ده تصادف اولنان مواشینک یاغره سی وچفت سورانلرک
عربی العبارة موال او قویه رق فوق العاده اقداملری انسانه تاثیر
ایتمک قابل دکل ایدی برازدها قطع مسافه ایدلد کد نصکره الافراقة
ساعت اون بچق که الاتورکه ساعت درت بچقده فوله تسیمه اولنان
کوچک بر قریه به مواصلت اولندی (مؤرخینک قولنج برنجی
ناپولیونک بو قریه جوارنده بر محاربه سی واقع اولمشدر) اشبو
قریه نك اتصالنده منظره سی غایت کوزل احیق بر اووه ده قورلمش
اولان چادرلرده مشارالیه حضر تلری او یله طعامنی تناول بیورمزدن

اول سالون چادرده بر از استراحت بیوردیلر . محل مذکوره مواصلت اولغزدن بر قاج دقیقه اول ژاندارمه سواریسیله اهالی و عربان حیوانلرینه راکب اولمش اولدقلری حالد (الله ینصر السلطان) نداسیله کمال انتظام ایله مشار الیه حضرتلرینی اسقبال ایلدیلر او صروده فوله قریه سی موقعه قدر کلش اولان عکاسخاخی متصرفی سعادتلو احمد پاشا ایله ناصره قضاسی قائمقامی رفتلو اسعد افندی البسه رسمیله رینی وروم ملتی میتره پولیدی افندی دخی البسه روحانیه سنی لابس اولدقلری حالد مشار الیه پرنس حضرتلرینک حضور فحیمانه لرینه قبول اولنوب مراسم خوش امدی بی ایفا ایلدکلری کبی اوراده تجمع ایدن وجوه بلده وسائره دخی مشار الیه حضرتلرینی تعظیبات واحترامات فائقه ایله اسقبال برله مشار الیه پرنس حضرتلرینک شوقدومندن اظهار مسرت وشادمانی بئش اولدقلرینی عرض ایلدیلر پرنس حضرتلری کمال ممنونیتله جمله سنی برر برر تلطیف بیوردقدنصکره یمک چادرینه تشریف بیورده رق تناول طعام بیوردقلری صروده متصرف مومی الیه ایله قائمقام ومیتره پولید افندیلر مشار الیه حضرتلرینک واقع اولان اراده لری موجنبه صفرده حاضر بولندقلری کبی سائر ذوات محترمه دخی دیگر ایکنجی صفرده طعام ایلدیلر بعد الطعام بر ساعت قدر استراحت بیوردقدنصکره حیوانلره راکباً یوله دوام اولندی .

مشار الیه حضرتلری محل مذکوره حین تشریفلرنده لاجیل الاستقبال کلش اولان عربان اتلوسندن ماعدا حرکتی ائناسنده مذکور اتلورک بر قاج مثل اولدقلری حالد هناوی وحواری قبائلندن ده بر طاقم عربان اتلوسی کلوب جمله سی بر اغزدن (الله

ينصر السلطان) نداسيله اظهارسرور ايله ناصره قصبه سنه کيرنجيه قدر
مشار اليه يکرمي خطوه ايلرو سنده حيوان اويناده رق کمال دبدبه
ايله قطع مراحل ايدلمشدر .

قصبه يه وارلمزدن بر ساعت اول مذکور اووه نهايت بولوب قارشو سنده
واقع جبل اتکندن مرور ايدن و ناصره قائم مقامی رفتلو اسعد
افنديک همت واقدا ميله صورت منتظمه ده يابلاش اولان يولدن
بالرور قصبه يه دخولدن بر قاچ دقيقه اول ملل مختلفه مکاتبک صبيان
شاگردانی يدلرنده متبوع مفخماری اولان سلطنت عثمانیه نک پیراغی
حامل اولدقلری حالده اصوات متحده ايله غایت بليغ قصيده لر قرائت
الئلکده اولدقلری کی قصبه نک نفوسی نسبتنده اولان جمع غفير
ازدحام تام ايله اظهار مسرت ايلدکلری هر طرفدن کورينور ایدی
مشار الیه حضر تری مذکور جمعيتک ارالرندن کمال دبدبه ايله
کچدکلری صره ده اهالی مذکوره يه فوق الغايه التفات بيوره رق
مسرتلری کوسترمکده ایدی قصبه يه مواصلتلرنده طوغر بجه لاتینلرک
المرنده بولنان سيدنا (مریم) علیها السلام حضر تری نک مسکنی
شریقلری دنیلان زیارتگاهه کیدرک اوراده لاتین مناستری رئیس
البسه روحانیه نی لابس اولدینی حالده مشار الیهی استقبال برله
اجرای آیین ایدلد کد نصرکه اقامت بیوره جقلری لاتین مسافر خانه سنه
عودتله دائره مخصوصلرنده استراحت بیوردیلر مذکور کلیسادن
مسافر خانه يه وارنجيه قدر لاتین مکتبی شاگردانی ایکی صف اولدقلری
حالده بر طاقم قصیده لر او قومده ایدیلر .

اقتسام طعامنده کذلک عکا متصرفی سعادتلو احمد پاشا ايله ناصره
قائم مقامی رفتلو اسعد افندی وحيفا ایتالیا قونسولوس وکیلی ولاتین

مناستری رئیس روحانیسی افندی حاضر بولدقلری کچی سائرلری
دخی ابروجه قوریلان دیگر ایکنجی صفرده تناول طعام ایلدیلر
بعد الطعام بر از استراحت بیوردقدنصرکه لاتین مناسترنده اولجه
ترتیب ایدلمش اولان عربجه وایتالیانجه ایکی عدد قومیدیه بی
سیر و غاشا ائلك ایچون مناستر مذکوره عزیت بیوردیلر واول کچه
مسافر اولدقلری محلك جوانب اربعه سی محلی حکومت بلدیسه سی
طرفدن صورت منتظمده ایقاد قنادیل ایله تزیین اولغشیدی .

فرداسی کونی ناصره ده استراحت بیوردقلری جهته برنجی کون
زیارت بیودقلری کلیسادن ماعدا بریسی سیدنا (مریم) علیها السلامه
منسوب ودیکری (یوسف) النجار حضر تترینک محلی دنیلان اوفق
کلیسا شکنده ایکی عدد زیارتگاه عزیت وعودتله بعد الظهر برمعناد
آوه تشریف بیوردیلر .

اقشام طعامنده کذلک اولکی کچه مدعو بولنان ذوات محترم حاضر
اولدقلری حالده کال عافیتله تناول طعام بیورهرق بعد الطعام دائره
مخصوصلری سالوننده بر از مصاحتدنصرکه لاجل الاستراحه یتاق
اوطه لرینه چکلمشلدرد .

— اون برنجی باب —

ناصره دن طبرییه صورت حرکتی متضخندر

ایتالیا دوات فحیمه سی ولی عهدی پرنس (ویقتور امانوئیل)
حضر تلی سوریه ولایت جلیله سی داخلنده عکا سنجاغنه تابع ناصره
قصبه سندن پروغرام سیاحت نامه سی موجبجه شهر شباط رومینک اون
اوجنجی جمعه کونی علی الصباح جبل طوره حرکتلی مقرر اولدینی

جهتله اولجه محل مذکوره لازمکلان چادر وسائر مالزمه کوندرلش ایدیسده هوالرک عدم مساعدهسندن ناشی مذکور پروغرام حسب الضروره تغیر ایدرک جبل مذکوره کیتمکدن صرف نظر قلنمش اولمغله یوم مذکورده الافراقه ساعت اونبر بحق که الاتورکه ساعت بش راده لرنده جبل طوری صاغر طرفده ترک ایدرک طوغریجه طبرییه متوجهاً قیام وحرکت اولنمشدر .

ناصره نلک بر ساعت ایلروسنده ویولک صول جهتده (کن الجنه) قریه سنه موصلت اولندی مذکور قریه ده حضرت (موسی) صلی اه تعالی علیه الصلاة والسلام اقدمز حضرتلرینک معجزه سعادتلری اولدینی روایت اولنمقده در .

ساعت التی صولرنده ویولک صاغ جهتده (کفر کنه) قریه سنه کلنوب اشبو قریه ده دخی حضرت (عیسی) صلی اه تعالی علیه الصلاة والسلام اقدمز حضرتلرینک معجزه سعادتلری روایت صحیحه اوله رق سولنمکده در .

ساعت التی بحق راده لرنده ویولک صول طرفنده واقع قرآن قریه سندن کچیلرک سهل الویه نامنده بر اووه یه تصادف اولندی که یولمز مذکور اووه دن قطع مراحل التلکه باشلدی صول طرفزده واقع جیلک الت طرفلری کاملاً زیتونلکدن عبارت اولدینی کورلدی .

ساعت یدییه چاریک قاله رق ناصره وطبرییه قضالرینک بینلرنده واقع طریقک نصفی وهر ایکی قضانک مفرق حدودی اولوب یولمزک صول طرفنده واقع وطبرییه تابع لوبیه قریه سی اوکندن کچیلرک بر چاریک مسافه قطع ایدلکده طبرییه قضاسی قائمقامی رفعتلو سلیم

افنديله مجلس اداره قضا اعضاى وژاندارمه افراديله صخور الغور
ودلايكه عشيرتلى افرادى و مشايخ و اختيارلى كمال تعظيم و احترام
ايله صفيسته سلام اولدقلى حاليه مشاراليه حضر تلىنى استقبال
المشردر اشبو محلدن قصبه يه قدر لاجل الاستقبال كلش اولان
عربان اتلونسك غايت ماهرانه انواع جنبش و لعباتلى برنس
حضر تلىنىك فوق الغايه محظوظيتلىنى بادي اولمشدر . بو وجهله
طبريه يه مواصلت اوله رق مملكتك نفوسى نسبتدهكى اهاليلى خارج
بلده ده احترامات فاظه ايله مشار اليه حضر تلىنىك استقباله چيقمش
اولدقلىندن هر برلىنى برر درلو التفات ايله تلطف بيوره رق قلعه
قوسندن مملكته دخول و مسافراوله جقلى لاتين مناسترينه تشریف
بيوره رق دائره مخصوصلرنده بر از يورغللق الدقدنصره معادللى
وجهله معيتيله آوه چيقمشدر اقسام طعامنده قضاء مذكور قائممقامى
رفتلو سليم افنديله لاتين مناسترى رئيس روحانيلى حاضر اولدقلى
حاليه كمال عافيتله تناول طعام اولنوب بعدالطعام براز مصاحبتدن صكره
دائره مخصوصلرينه چكيله رك استراحت بيورمشدر .

طبريه قصبه سنك جهت غريبسند و اون دقيقه بعد و مسافه سنده و جبلك
اتكنده واقع بر تر به دروتنده حضرت (حسين) افندمرك كريمه
محترمه لى سيدة (سكينه) رضى الله تعالى عنها حضر تلىنىك تربه
مخصوصه لى موجود اولوب مرور زمان ايله تربه مذكوره مندرس
اولدنى حاليه سوريه ولايت جيله سى والى سابقى متوفى
احمد حمدى پاشا . حضر تلىنىك اثر همت و اقداميله تعمير و تجديد
ايدلمشدر . كذلك قصبه مذكوره نك جهت غريبسند و بر چاريك
بعد مسافه سنده برى الى كسور سنه اول مرحوم جزار

احمد و دیگرى مصرلى ابراهيم پاشا لى طرفلارندن بنا ايديلهرك وقف ايدىلىش اولان ايکى قدرت حىامندين احمد پاشانك وقف ايدىلىش اولدينى حمام غايت حراب اولدينى جهته متروك بر حالده ايسهده ابراهيم پاشانك حمامى اليوم محلى حكومتى طرفدن اداره و ايجار ايدىلمكده در و تحقيقات عاجزى به و كوريلان رسنه نظرا بروسه حاملرى مثللو صورت منتظمهده مجدداً انشا ايديلهجكى اكلاشلىش و بوتصور نافع موقع فعله ايصال ايديله بيلورسه شمدى به قدر تزه و تداوى امراض سبيليله كلكده اولانلرك عددى قات قات ترايد ايدىلرك مملكجه استفاده نك ترقى ايدىهجكى طيبى بولنشدر .

طبريه قصبه سنك بولدينى موقع زياده سيله چقور اولسى و بوللرينك غير منتظم بولنسى جهته عكا و سائر محللاردن كلكده اولان غوافل و سائر زوارك چككمكده اولدقلى زحمت و مشقت بو كره قضاء مذكور قائمقامى رفتلو سليم افدينك همت و غيرتيله راحته مبدل اولهجنى شروع اولنوب درتليك متروسى دردست ختام بولنان شوسه طريقك مشاهده سندن اكلاشلىش و طوغرىسى قائم مقام مومى اليك كرك طريق مذكوره و كرك قصبه دن غور جهته دخى انشاسنه باشلانوب بيك متروسى دردست ختام اولان شوسه طريقك اكملنجه قصبه نك دروننده منتظم قالديرم اعمالنده و اكثر قراده باغ و باغچه يتشديرمكده صرف ايلدىكى همت و غيرتى ازهر جهت منافع قصبه نك ترقياتنى و قضا مذكورك معمورىتى مستلزم اولدينى امر و اشكار بولنخله غيرتلى شاين تحسين كورلشدر .

مشار اليه پرنس حضرتلى فردامى كوفى طبريه ده قلوب استراحت بيورمش اولدقلى جهته اوليله طعامندن صكره كذلك آوه چيقارق

براز وقت کچورد کدنصره عودت واستراحتله اقسام اولدقه کما فی السابق قوربتش اولان صفرده اولکی کچه مدعو اولان ذوات محترمه حاضر اولدقلری حالده کال عافیتله تناول طعام بیوردقدنصره استراحتلرینی المق ایچون دائره مخصوصلرینه چکمشلر وفرداسی کونی علی الصباح شام شریفه کیدمک اوزره جسر یعقوبه طوغری قیام وحرکت بیورمشلردر .

— اون ایکنجی باب —

طبریه دن نهران موقعه صورت حرکت تعریفی بیاننده در
شباطک اون بشنجی بازار کونی هوانک مساعده سندن بالاستفاده علی الصباح الاتورکه ساعت بره مصادف اولان الافراقه ساعت یدیده طبریه دن قیام وحرکت وطبریه کولنک جهت غریبی ساحلندن یوله دوام اولنه رق جهت شمالیده وبر ساعت بعد ومسافده ویولک صول طرفنده واقع مجدل قریه سنه مواصلت اولندی (بو قریه ده حضرت مریم والده مزک رفیقهلرندن مریم المجدلانیه متولد ایدوکی مرویدر) محل مذکوردن بالمرور الافراقه ساعت طقوز یعنی الاتورکه ساعت اوچ راده لرنده ویولک جهت غریبسنده بیت صید قریه سنه کلندکده طبریه کولنی صاعظرفده ترک ایله جیل اوزرندن یوله دوام اولنه رق الافراقه ساعت اون یچق یعنی الاتورکه ساعت درت یچق صولرنده خان یوسف یاخود خان سنان پاشا دنیلان محله مواصلت اولندی اشبو محله صفد قضاوسی قائممقامی ایله معیتی مأمورلری لاجل الاستقبال صف بسته سلام وتمظیم اولدقلری کبی ژاندارمه سواریبی ایله اولحوالی عربانی حیوانلرینه راکب اولدقلری حالده

محل مذکور در بر قاج دقیقه اول پرنس حضرت تالینک استقباله
 گلشرایدی بو محله اولجه قورلمش اولان چادرلرده مشار الیه
 حضرت تالینک اراده لر یله صفد قائمقامی برابر اولدینی حالده او یله
 طعامنی تناول بیوروب بعد الطعام براز استراحتدنصکره حیوانلره
 راکباً خان یوسفدن حرکت اولندی (بوراده خاندن بشقه بیوک بر
 حوض ایله برده صو قیوسی موجودرکه جمله سی سنان پاشا مرحومک
 آثار خیره سندندر) .

الافراقه ساعت ایکی یچق یعنی الاتورکه ساعت سکر یچقده جسر
 بنات یعقوبه موصلت اولندی پرنس حضرت تلی کوپرینک
 قارشو یقه سنده وصو کنارنده چنلر اوزرنده اونش دقیقه قدر
 استراحت بیوردیلر محل مذکورده بر خان ایله برده قره غول خانه
 واردر . الافراقه ساعت اوچه چاریک یعنی الاتورکه ساعت طقوزه
 چاریک قاهره مذکور کوپریدن حرکتله ساعت اونده نهران
 موقعنه موصلت اولنمش ایسه ده سهوه مبنی (کامپان) چادرلر
 محل مذکورده قورلیوب نهرانن قرق دقیقه بعد و مسافده
 وجهت شمالیده کائن شیخ مرزوق حضرت تالینک تره لری
 جوارنده واقع بر دره نك اوستنده کی میدانده قورلمش اولدینی
 اکلاشلیسه بالضروره محل مذکوره قدر کیدلمش واوراده مشار الیه
 حضرت تلی براز استراحت بیوردقندصکره صورت منتظمه
 حاضرلمش اولان اقشام طعامنی تناول بیوروب سالون چادرده
 بش اون دقیقه مصاحبتدنصکره چادر مخصوصلرینه چکلمشلردر .

— اون اوچنجی باب —

شیخ مرزوقدن سعهه صورت حرکی متخندرد

شباط رومینک اون التنجی بازار ایرتسی کون علی الصباح الافراقه
ساعت یدیکه الاتورکه ساعت برده بیتوت اولنان شیخ مرزوقدن قیام
وحرکتله یوله چیقادی هوالر اجملش ایدیسده برایکی کون اول اول
حوالی یه یاغمش اولان وهله اورادن کورینان وجبل الشیخ دنیلان
مرتفع طاغیرک اوزرنده بریکمش اولان قارلر مناسبتیله اورتهلق
زیاده سیله صفوق ایدی هر نه حال ایسه بو وجهله یوله دوامله بریچق
ساعت ایلروده ویولک صول طرفنده واقع کفر نفاق قریه سنه
وارلدی بورادن بر مقدار ایلرویه کیدلد کده قطره قضاسی قائممقامی ایل
معنی مأمورلری واوراده ساکن مهاجرین چراکس نک ایلروکلری
واولجه شام شریفدن کوندرلش اولان اوتوز نفر چرکس ژاندارمه
سوارسی و الحوالی عربان اتلوسی مناسب بر موقعده مشار ایل
پرنس حضرتلری کمال احترام و احتفال ایلواستقبال ایلدکلری و مشار
ایله حضرتلری قائممقام مومی ایل ایل سائره به حرمت مخصوصه سنی
بلیان معیت مشار ایل حضرتلری افراد عسکریه سیله چرکس
ژاندارمه سواری اتلوسی کمال انتظام ایل اوک وارقه طرفده اولدقلری
وسائره صاغ وصول طرفده بولندقلری حالده یوله دوامله ساعت
اوج راده لرنده عیون زیوان قریه سی صاغ طرفده ترک ایدیلرک اون
بش دقیقه ایلروسنده کائن قطره قصبه سی یاننده کچلدیکی صره ده
اهالی قصبه مشار ایل حضرتلری نک استقبالی ایچون یول اوزرنده
بر صره اولدقلری حالده کمال تعظیم ایل رسم سلام ایفایه مسارعت

الئش اولدقلری و مشار الیه حضرتلری اوکلرندن کچدکجه هر برلرینه ایرو ایرو سلام ویره رک خاطرلرینی تطیب الئش اولدینی و قائم مقام ایله معیت مأمورلری و سائره نک بو رادن عودتلرینه مساعده بیوردقلری جهته چرکس ژاندارمه سوار یلرندن ماعدا دیکرلری اولنان اراده موجبجه عودت الئشلردر .

مشار الیه حضرتلری معیت فحیمانه لریله یوله دوام برله ساعت بش بچقده ارنه قریه سنده اولجه قورلش اولان چادرلرک محله مواصلت و براز استراحت بیوردقدنصرکه صورت منتظمه ده تهیه ایدیلان اولیه طعمانی بالعزوالعافیه تناول بیوردقدنصرکه براز استراحتله ساعت یدی بی اون کچرک قیام و حرکت بیورمشلردر .

(ارنه قریه سنه اثنای مواصلتده قریه نک نفوس نسبتنده اولان اهالیسی یولک صول طرفه برر صره دیزلش اولدقلری حالده کمال احترامله پرنس حضرتلرینی استقبال الئش اولدقلری کچی مشار الیه حضرتلری دخی اوکلرندن کچدیکی صره ده هر برلرینه ایرو ایرو سلام ویره رک تلطیف بیورمشلردر . قریه مذکورده جسیم بر خان واردرکه بو دخی سنان پاشا مرحومک آثار خیریه سندندر) . اثنای راهده یولزک صول جهته ده کی جبل شیخک غایت عالی اولان ذروه سیله دامنلرینی ستر و احاطه ایدن قارلره انعطاف ایدن ضیای شمس اولیه لطیف و دلفریب برمنظره تشکیل ایتش ایدی که او منظره لطافت تصویرری تصورندن زیاده محالدر هله اطرافده کی اووه ده سطح زمیندن ایکی قاریش مقداری چیقمش اولان اکنلر حقیف حقیف اسمکده اولان روزکارک تاثیریه انظار تماشاکرانه عرض ایلدیکی وضع خرامان و توج اولحوالی به بشقه برشوق و بشقه حسن و یرمکده ایدی . ساعت

طقوزده و یولک طاغظرفنده و تقریبا درتوز مترو بعد و مسافده
 کائن عثمانیه قریه سی اوکندن چکیلرک اول کجه بیتوت اولنه حق
 سعه نام محله قبل المواصله شام شریفدن لاجل الاستقبال کوندرلش
 اولان دیگر اوتوز نفر زاندارمه چرکس سواربسی صف بسته سلام
 واحترام اولدقلری و معیت مشار الیه حضر تلیله سعه سیه مواصلت
 اولدینی صروده جهت عسکری به و حکومت سینه طرفدن لاجل
 الاستقبال کلش اولان ردیف میر لواسی سعادتلو مصطفی و زاندارمه
 قوماندانی شاهین پاشالر مشار الیه حضر تلیله تقدیم اولدقلرنده
 کال درجه ممنون اوله رق مومی الیه مایه فوق الغایه الثفات بیوردقلری
 کبی اقسام طعامنده برلکده بولملری ایچون دخی اراده بیورمشلردر .
 بوصروده شام شریف ایتالیا دولت فحیمه سی قونسوسی ترجانی فرنسیر
 غره افندی دخی ایتالیا دن مورود پوسته و غزته لر ایله مکتوبلری تقدیم
 ایدرک بر از مدت انلرک مطالعه سیله مشغول اولدقنصکره صورت
 منتظمه ده تهیه ایدلش اولان اقسام طعامنی ترجان افندی دخی
 برلکده اولدینی حالد تناول بیوروب بعد الطعام سالون چادرنده
 براز مصاحبندنصکره چادر مخصوصلرینه چکیلرک استراحتلرینی
 المشلردر .

— اون دردنجی باب —

سعه دن شام شریفه حرکت بیاننده در

شباط رومینک اون یدنجی صالی کونی علی الصباح ساعت بر یحقی
 راده لرنده برنس حضر تلی بیتوت اولنان محله طرف حکومت
 سینه دن اولجه کوندریلوبده صورت منتظمه ده تهیه و احضار ایدلریش

اولان عربله راکباً وشام شریفه متوجهاً حرکت بیوردیلر .
 سمعه دن ایلروده شام کویلیری و او کوزل منبت باغ و اووه لری
 کورغکه باشلدی ایکی ساعته یقین یول یاپلقدنصکره ارطوس
 دنیلان محله اوله طعامنی تناول بیوره رق بعد الظهر یوله
 چیقیدیلر بر بحق ساعت مسافه قطع ایدلدنصکره مزه صحراسی
 نامیله بنام اووه ده رکز اولنمش اولان چادرلره مواصلت اولندی .
 پرنس حضرتلرینک اورایه تشریفارندن شامه وصولنه دکین امر
 محافظه سنه مأمور سواریدن مقدار کافی قوه عسکرینه نک محل
 مذکوره مهیا ایدوکی کورلمشدر . مشیر فلاتون تدبیر دولتلو
 حسین فوزی پاشا حضرتلری محل مذکوره تشریف بیورمش
 اولدقلری کبی والی ولایت دولتلو ناشد پاشا حضرتلرینک بر
 قاجکوندنبرو مزاج عالیرینه عارض اولان انحرافدن طولای محل
 مذکوره کله مامشدر ایسه ده نیابتاً معاونلری سعادتلو اشرف پاشا
 حضرتلرینی اعزام بیورمشلردر . جهت عسکری یه دن سعادتلو
 زیور پاشا و ولایت جلیله جانبندن مکتوبی ولایت سعادتلو حلی
 بک افندی ایله امور اجنبیه مدیری عزتلو خلیل افندی خوری
 و مرکز ولایت ترجانی رفعتلو یوسف افندی طنوس و سائر ذوات کرام ایله
 ایتالیا دولت فحیمه سی تبعه سندن بر جم غفیر استقبال محلده بولنمشلردر .
 ایتالیا دولت فحیمه سی شام شریف قونسلوسی موسیور بیودی دخی البسه
 رسمیه سی لابس اولدینی حالده مزه نک بر ساعت ایلر و سنه قدر کله رکه مشار
 الیه پرنس حضرتلرینه ابراز عبودیتدن صکره معیتله برلکده
 استقبال محله کلشلردر . بیروته مقیم ایتالیا جنرال قونسلوسی موسیو
 زربونی هر تقدیر یوم مذکوره رسم استقبالده بولنوب پرنس

حضرتلرینه ابراز شکر و محبت ایده مامش ایسه . بونک باشلیجه اسبابی او کونلرده زول ایدن برف و بارانک شدتندنطولای قومانیه عربهلری ایشلامکده بولندیغندن ایلرو ککشدن انجق یول اچلدقدنصکده یعنی صالی کونی اقشامی شامه مواصلت برله ایرتسی چهارشنبه صباحی مشار الیه حضرتلرینک خاکپای فحامتپناهیلرینه یوزسورده رک تعطفات جلیله یه نائل اولمشلر و شام شریفده بولندقلری مدتیجه معتلرنده قالمشلردر .

مشار الیه حضرتلرینک عربده دن هنگام نزولنده دولتو مشیر پاشا حضرتلریله سائر ذوات کرام استقبال محله مسارعت بیوروپ محل مخصوصه کتوردیلر و اول امرده مشیر مشار الیه حضرتلری طرفندن احترامات لازمه ادا و ایفا اولندقدنصکده استفسار خاطره مسارعت بیوردیلر . بعده امور اجنبیه مدیری عزتو خلیل اقتدی خوری تقدمله محضاً رسم استقبالی ایفا ایچون والی پاشا حضرتلرینک بیروندن شام شریفه تشریف بیوردقلرینی ولکن بو کونلرده کندولرینه عارض اولان انحرافدنطولای بو وظیفه مقدسه یی ایفا ایده مدکلرینی و بو خصوصده پک چوق متأسف بولندقلرینی بیان ایله برابر عرض احترامات لایقه ضمنده نیابتاً معاون پاشابنده لرینک اعزام اولندیقتی عرض وافهام ایدنجه پرنس حضرتلری دخی بوکا بیان تشکرله برابر والی پاشا حضرتلرینک بو بابده کی انحرافلرینه اظهار تأسف ایلدیلر . دولتو مشیر پاشا حضرتلری طرفندن پرنس حضرتلرینک اشبو سیاحلرنده کی حضور و راحت استفسار بیوریلوب جواباً (طرف سلطنت سنیه دن تعیین اولنوبده یافه دن برو برابرمده بولنان رأفت پاشا طرفندن اولنان همت و اقدام

نمره سیله اثنای راهده کمال راحت و یمن ایله وقت کچوردکری کمال
تشکر و محظوظیتله بیان ائلس اولدقلرندن

(متبوع مفخیم طرفندن شرفصادر بیوریلان امر و اراده پادشاهی بی
حرفیاً اجرا ائلمکدن بشقه بر شیء یابمد یغمی ومع مافیه حق
عاجزانه مده بو وجهله رایکان بیوریلان لطف فحیمانه لرندن طولای
تشکر ایدرم) جوابیله طرف عاجزیدن مقابله ایدلمشدر . بعده
چادردن قیام برله دوللو مشیر پاشا حضرتلریله سعادتلو معاون پاشا
و مکتوبی ولایت سعادتلو حلی بک افندی ودها سائر ذوات کرام
مشار الیه حضرتلری عربیه قدر تشییع بیوردیلر . پرنس
حضرتلری راکب اولدقلری عربیه لرینه دائره لری مدیری قولولنل
موسیو اوزیو ایله شام شریف ایالتیالدولی فحیمه سی قونسوسی موسیو
ریپودی بی و لطفاً عاجزلری دخی قبول بیوره رق محل مذکور دن حرکت
ائلمشدر اثنای راهده نیجه عربیه لر و سواری مشار الیه حضرتلری
تمقیب ایلد کدن ماعدا کذرگاهنک طرفینده نیجه بیکلرجه اهالی پرنس
حضرتلری احترامات فاقه ایله استقبال ائلمشدر . بو وجهله کمال
تعظیبات و احترامله کؤک میدانی نام محله موصلتلرنده ایکی باندو
موزیقه ترنما ساز اولدینی حالده اوراده صفتسته سلام و احترام اولان
ایکی طابور عساکر شاهانه طرفندن سلامنه رق و بو ائشاده قلعه دن
یکرمی بر پاره طوب انداخت اولنه رق سوقسار و جهیه عزیمت
بیوردیلر . محافظ حجتشریف سعادتلو محمد سعید پاشا حضرتینک
دائره لری قریبنده بولنان ژاندارمه و پولیس افرادی طرفندن دخی
سلامنه رق طوغریجه مذکور دائره یه تشریف و پاشای مومی الیه
حضرتلری کمال تعظیباتله استقبال لرینه مسارعت ایلدیلر .

الافرانقه ساعت اوج یعنی الاتورکه ساعت طقوز صورلنده دولتو مشیر پاشا حضرتلری رسمی اونیفورمه لرینی لابس اولدقلری ومعیترلنده دفتردار ولایت سعادتلو علی رضا افندی حضرتلریله سعادتلو معاون پاشا ومکتوبی ولایت سعادتلو حلی بک افندی واقدمجه استقبال محلنده بولنان ذوات کرام اجرای رسم خوش امدی به تشریف بیوردیلر . بونی متعاقب بتون قونسولوسلر کذا البسه رسمی لرینی لابس اوله رق وبرابرلنده قتولیک بطریق غوریغوریوس افندیله سائر ذوات کرام مسیحیه موجود اولدینی حالده خوش امدی بی ایفایه مسارعت وبوکا مقابل (پرنس) حضرتلرینک لطف والتفاتلرینه نائل اولدیلر .

اعاده وزیته ضمیمه فرداسی چهارشنبه کونی (پرنس) حضرتلری معیتده بولنان ذوات کرام ایله دائرة مشیری به تشریف بیوردقدنصکره حکومت سراینه عزیمتله اوراده دفتردار سعادتلو علی رضا ومکتوبی ولایت حلی بک افندیلر استقبالیلرینه مسارعت وتعظیلات لایقه واحترامات فائقه ده بولندیلر . یوم مذکورده مشارالیه حضرتلری جامع شریف امویه ایله مشغلات سائرسنی واتصالنده واقع (حسن وحسین) رضی الله تعالی عنهما افندیلرمنزک مقام شریفلریله (سلطان صلاح الدین ایوبینک) تربه سعادتلرینی زیارت بیورمشلردر صکره مسافر اولدقلری قوناغه عودتله صورت مکملده حاضر ومهیا ایدلش اولان صفرده اوילה طعاضی کمال عافیتله تناولدنصکره موجود معیتله برابر تهیه ایدلش اولان عربهلره راکباً شامده انتظام ومکملتیجه کسب شهرت ایتمش اولان بعض وجوه بلده خانه لرینی کز مکّه حقیقمزدن اول دائره لری مدیری قولونل موسیو

اوزیوی استفسار خاطر و بیان تشکرات ضحندہ نامزاج بولنان والی
 پاشا حضرت تلینک دائرہ لرینہ کوندروب قولونل مومی الیہ مشار الیہ
 حضرت تلی طرفدی نائل التفات واحترام اولمشلردر مومی الیہک
 عودتندہ مشار الیہ (پرنس) حضرت تلی عظمی وقوتلی زادہ لر الیہ
 جبران شامیہ افندینک مکمل قوناقلری وموسوی اعیانندن شمعایا
 افندینک کافہ سی منقوش مرمر طاشلر الیہ یالیش وسققی ایشلنش
 التونلر الیہ مزین صالوننی سیر وتماشایورہرق بعد العصر مسافر
 اولدقلری قوناغہ عودتلہ استراحت بیوردیلر .

فرادسی پنجشنبہ کونی علی الصباح الافراقہ ساعت سکر یحی کہ
 الاتورکہ ساعت ایکی یحی رادہ لرندہ مشار الیہ حضرت تلی موجود
 معیتلہ عربہ لرہ راکباً اندلس محاربہ سندہ کسب شہرت ایتیش اولان
 مجاہدین کرامدن (محی الدین العربی) حضرت تلینک تربہ شریفلرینی
 زیارت ایتک ایچون صالحیہ حرکت بیوردیلر محل مذکورہ
 مواصلتلرندہ کربک جامع شریفی وکربک تربہ مذکورہ عریض وعمیق
 زیارت بیورمشلردر (مذکور تربہ درونندہ محی الدین عربی
 حضرت تلینک ایکی مخدومیلہ اوتوز سنہ اول عربستان اردوی ہایونی
 مشیری بولنان امین پاشا الیہ جزایرلی امیر عبدالقادرک قبرلری
 وار ایدی) بورادن چیقلدقدہ مسافہ جزئیہ دہ کائن صلحای اکراددن
 پاموق دہدہ نک تربہ سنہ کیدرک اوراسنی دخی زیارت بیورمشلردر .
 بعدہ قوناغہ عودت بیورہرق براز استراحتدنصکرہ کمال عافیتلہ اولیہ
 طعامنی تناول بیوردقدنصکرہ قوناغک بیوک صالونی پیشکاہندہ کی
 محلہ شام شریفک معمولات حریریہ وصدفیہ سیلہ نحاسیہ سندن
 وسائر مصنوعات ذہیہ واشیای سائرہ سندن برر مقدار اصحابی

طرفلرندن كتوريله زك معرض تماشا به وضع اولنديقي متعاقب
برنس حضرتلرله معيتي بر خيلي اشيا ساتون المشلردر بو معرض
اينكي ساعت قدر امتداد اتملدر . بعده مشار اليه حضرتلري
مولوي درگاه شريفه بالعزيمه تجمع ايتمش اولان مشايخ و درويشانك
حلقه شكلنده طوروب طريقت مولويه اوزره ذكرلريني سير و تماشا
بيوردقدنصكره براز مدت دخي مولوي شيخك او طه سنده استراحت
بيوردقلى صره ده شيخ مومي اليه اظهار ممنونيت ايتملرلدر
اورادن حركته شام شريفك ياتوراماسني يعني منظره عموميه سني
كورمك اوزره جامع الامويه مناره سنه چيقوب اطراف واكنافي
عريض و عميق سير و تماشا بيوردقدنصكره كال خشنوديتله اشاغيه
اينه زك مسافر اولدقلى محله عودت بيورمشلردر .

اقتسام طعامنده امرای عسكري به دن ميرلوا سعادتو زيور و والي
معاوني اشرف پاشا ل ايله مكتوبي ولايت سعادتلو حلي بك افندي
مدعو اولدقلى حالده تناول طعام بيورديلر انناي طعامده عسكري
موزيقي سني عثمانلي و ايتاليا مارشلريني و سائر مارشلري ترنم ايتكده
ايدي بعد الطعام موزيقي ده بر طاقم ناشيده هوالر چالمقده اولديني
كي قوناغك خارجنده ويك سالونه ناظر صوقا قده شام بلديه سي
طرفندن اولجه ترتيب ايدلمش اولان انواع فشنكلر انداخت ايله
اعلان مسرت قلمشدر .

فرداسي نجمة كوني الافراقة ساعت طقوز بحق كه الاتوركه ساعت
اوچ بحق راده لرنده مشار اليه حضرتلري معيتيله برابر عربيله
راكبا (بلال حبشي) حضرتلرينك تربت سعادتلرينه شريف
بيوره رق زيارت ايتملرلدر (مذكور تربت دروننده بلال حبشي

حضرت لرندن ، اعدا حضرت (فخر کائنات) افندمزك كوچك كرمه لری
 حضرت «فاطمه» رضی الله عنها ایله بلال حبشی حضرت تلیزینك خدمه لری
 واردوی هایون رئیس اسبقی فریق سلیمان پاشانك مدفون اولدقلری
 کورلدی) بعده باب شرقیه کیده جك یولده یزید بن معاویه نك
 قبرینه تصادف اولنشدركه محمدیلر بورادن كلوب كچدكده برر
 طاش آتقده دیرلر بورادن كچدكده باب شرقینك خارچنده و (بولصك)
 دین عیسویه یی قبول ایلدیکی والیوم عیسویلك قبرستانی اولان محله
 کیدلدی اورادن باب شرقیه کیدیله جك یولك صاغطرفده حضرت
 (محمد) صلی الله تعالی علیه وسلم افندمز حضرت تلیزینك صحابه لرندن
 سید (غیری) حضرت تلیزینك تربۀ سعادتلی اوکندن کچیلهرك
 ایکسی مسدود و بریسی مفتوح اولان باب شرقیه کیدلمشدرکه
 متقدمینك قولنه کوره حین فتحده عربلر اشبو قبولدن هجوم
 ایله شامه دخول ائشلدردر . مذکور قبودن ایجرویه کیریلهرك
 برنجی دفعه دین عیسوی یی قبول ایدن (خانیا) خانه سنه کیدیلوب
 درت بشن ایاق زردبان ایله انیلور اوفقی بر کلیسیایه تحویل اولنش محلی
 زیارت بیورمشلدركه اشبو محل (خانیا) طرفدن (بولصك) وافتز
 اولندیغی محلدردر بورادن چیقلدقده وسط طریقهده سیدنا (علی)
 رضی الله عنه حضرت تلیز طرفدن غرس ایلدیکی روایت اولتقده
 اولان بیوک بر اغاج کوریلهرك اورادن طوغریجه قوناغه تشریف
 بیوردیلر او یله طعامنی بعد التناول شام شریف مصنوعاتدن
 اولهرق اصحابی طرفلرندن کتوریلان اشیا واقشه یی صاتون الدیلر
 و اوصرده داتره لری مدیری قولونل موسیو اوزیو پرنس حضرت تلیز
 نامنه اولهرق ملل مختلفه رؤسای روحانیه سنه اعاده ویزیته ایلدیکی کبی
 قونسلوسله دخی برر قارت ویزیت کوندرمشلدردر .

شباطك يكرمی برنجی جمعه ایرنسی کونی (پرنس) حضرتلری
 بشامده ایلك مصنوعائی ایچون قوللانلقده اولان ال ماکینه لری
 معاینه بیورمق اوزره قبل الظهر عربله راکباً محل مخصوصه
 کیدرک عریض و عمیق سیر و تماشا بیوردقدنصرکه غایتله تحسین
 بیورهرق عودت و اوپله طعانی بعد التناول مدیر امورلری قولونل
 موسیو اوزیوی نا مزاج بولان ذات عالی و لایتنه نیک استفسار
 مزاجلری ضننده مخصوصاً دولخانه لرینه کوندرمش و متعاقباً حال
 صحتلرینی استفسار ایتمک ایچون دخی طیب مخصوص اطباء حاذقه دن
 قولونل موسیو بوقه بی ارسال ایلشدر ذات سائی و لایتنه نیک دخی
 هر بار مکتوبی و لایت سعادتلو حلی بک افندیله امور اجنبیه مدیری
 عزتلو خلیل خوری افندی بی نزد فحیمانه لرینه ارسال ایله تشکرات
 و احترامات فائده لرینی بالمقابله تکرار ایلرلردی و بوندن بشقه شام
 شریف معمولاتندن بر عدد صدقلى قولتق صندالیه سیله تبه دلتی
 محمد علی پاشانک تفکرنندن بر عدد قره بنایی دخی مومی ایله حلی
 بک افندی یدیه عرض و تقدیم ایلشدر . قولونل مومی الیهک
 معاودتنده ابو انتیقه نام تجار نزدنده بعض کار قدیم اسلحه و اشیای
 سائره بی کورمک ایچون مشار ایله حضرتلری موجود معینی ایله
 عربله راکباً تجار مرقومک خانه سنه عزیمت بیوردیلر محل
 مذکورده بر ساعته یقین قاهره بعض اشیا دخی صاتون الدیلر .
 او کون هوانک زیاده سیله صفوق اولسنه مبنی لاجل التزه بر یره
 کیمهرک قوناقلرینه معاودت بیورمشلردر . اقسام طعاننده مارش
 عثمانی و مارش ایतालایی ایله سائر انواع مارش لری ترنم ایتمکده بولان
 موزیقه عسکری یوز باشیسنی تلطیفاً پرنس حضرتلری طرفدن

اوزری ایٹالیا (قرالی) حضرت تلیرنک علامت مخصوصه یازیلی التون برمدالیون اهدا بیوردلیغنه مقابل تشکرات لازمهده بولنلشدر . اوکیجه پرنس حضرت تلیرنی مفارقتدن اول نزول بیوردقلری قوناغک صاحبی بولنان سعادتلو سعید پاشا حضرت تلیرنک فرداسی کونی اوپله طعامنده برلکده بولنلق ارزوسی اکلاشلمی واولبالده عاجزلرینه وقوعبولان ارادهلری موجبنجه بالذات پاشای مومی الیه زدینه اوغرائیلهرق تبلیغ کیفیت ایدلمشدر .

شباطک یکریمی ایکیجی بازار کونی علی الصباح شتوره طریقیله بعلبکه عزیمت واورادن پیروته عودت بیورمق نیتنده بولنلشلر ایسهده جمعه ایرتسی کونی نزول ایدن برف وباران بوللری قامش اولمسیله شامده قالمشلر وبعلبک زیارتندن صرف نظر بیورمشلردر . یوم مذکور صباحی فرنسیسکان راهبلیرنک شامدهکی کلیسالیینه کیدرک اجرای آسین بیوردقدنصکره طوغریجه اقامتگاهلرینه عودت بیورهرق هوانک صفوق اولسی و شایان تماشا دها محللر بولنلماشسی جهتیله بریره کیتامشلردر . اولجه وقوعبولان ارادهلری موجبنجه اوپله طعامنده سعید پاشا حضرت تلیری حاضر بولندقلری اجلدن اثنای طعامده مشار الیه پرنس حضرت تلیری طرفندن پک زیاده التفاته نائل اولمشلردر . بعد الطعام قولونل موسیو اوزیو نزد عاجزییه کلهرک قوناقدنه پرنس حضرت تلیرنک معیت فخمانه لرنده بولنان ایکیجی واولچنجی قومیسرلره برر التون ساعت هدیه ایتمک ارزوسنی پرنس حضرت تلیری اراده بیوردقلرنی بیان اللمسی اوزرینه تشکرات لازمه بالااجرا مذکور ساعتلر مومی الیهدن اخذ ایدیلهرک درعقب محللرینه ویرلشدر . قولونل مومی الیه بعد الظهر ساعت طقوز صولرنده

رومان الدقلری شفره لی تلغراف مخصوصده عاجز لرینه من غیر
 لیاقه ایتالیا تاجی نشاننک برنجی رتبه سندن برقطعه سنک احسان
 بیورلدیفنک تبشیری (قرال) حضر تلی اراده لری اقتضاسندن ایدوکی افاده
 بیورملری اوزرینه فوق العاده تشکرات لازمه اجرا اولنه رق در حال
 کیفیتی مرجع مخصوص اولان مشیر پاشا حضر تلرینه با تقریر عرض
 و بیان ایلدم مشار الیه حضر تلی دخی عموم سلاح ارقداش لر مزمانه
 تشکراتنک پرنس حضر تلرینه عرض وافاده سی ایچون قولونل موسیو
 اوزیویه طرف عاجزیدن بیان اولنسی امر اولنیش اولدیفندن اولوجهله
 مومی الیه بیان کیفیت ایدلمشدر . اقشام طعامنده چالمقده اولان دیگر
 موزیقه نك معلی اولان یوزباشیه دخی پرنس حضر تلی طرفندن
 برالتون ساعت اهدا و عنایت بیورلمش اولدیفندن بوکا مقابل لازمکلان
 تشکرات لازمه ایفا ایدلمشدر . مشار الیه حضر تلی بالاده بیان
 اولدیفنی وجهله هوانك محالفتی سببیه بازار کونی شام شریفدن حرکت
 بیورمدقلری کبی بازار ایرنسی کونی دخی هوانك صفوق اولمسندن
 وشامده شایان غاشا محللر قالماسندن ناشی قوناقلرنده قالدیلر . ایرنسی
 صالی کونی صباحلین ساعت درت راده لرنده هنوز احسانه استحقاق کسب
 ایتمیان مخدوم چاکری عمر بنده لرینی لطفاً نزد فحامتپناهیلرینه جلب
 بیوره رق برالتون مدالیون احسان بیورمشدر .

یوم مذکورده او یله طعمانی تناولدن صکره عربله ره راکباً براز
 کزد کد نصکره شام شریفده قیو محیلرک چارشوسنی و بزوریه خانسی سیر و غاشا
 بیور دیلر و براز ده بعض محللری طولاشه رق طوغریجه قوناقلرینه
 عودت بیورمشدر . اقشام طعامندن براز اول شامده مقیم ایتالیا
 دولت فحیمه سی تبه سی (پرنس) حضر تلرینک خاکبایلرینه کلوب کار قدیم

بر عدد اوزری اشله لی قلنج تقدیم ایلدیلر . بعده اقشام طعمانی تناول بیوردیلر اثنای طعامده اولکی کجه لر مثللو بر طرفدن موزیقه عسکری یه ترغساز اولدینی کبی دیگر طرفدن دخی انواع فشنگلر آتیه رق شنک ایدلمکده ایدی .

(مشارالیه بر نس حضرتلرینک حائر اولدقلر لطف و انسانیت و مکارم اخلاق و الثفات یافته دن برو اوغرادقلری محللرده هرکی نمون ایتش اولدقلری کبی شامشرفده اقامتلی مدتیجه دخی عمومک محبت و ثناسنه مظهر اولشلردر) .

— اون بشنجی باب —

شامشرفدن شتوره یه حرکت بیاننده در

شباطک یکر می بشنجی چهارشنبه کونی مشار الیه حضرتلری علی الصبح الافراقة ساعت سکر یعنی الاتور که ساعت ایکده پیروته کیتمک اوزره شام شریفدن حرکت بیوردیلر . شامدن بر ساعت بعد و مسافه ده کائن دمار نام محله موصلتلرنده اولجه تهیه ایدلش اولان برکوشکده دولتو مشیر حسین فوزی پاشا حضرتلریله میرلوا سعادتلو زیور و مصطفی پاشا لر و طرف حکومت سنیه دن والی معاونی سعادتلو اشرف پاشا حضرتلریله مکتوبی ولایت سعادتلو حللی بک اقدی و سائر بعض مأمورین کرام ایفای مراسم تشییع ایچون حاضر بولنشلر ایدی محل مذکورده براز مصاحبتد نصکره مشار الیه حضرتلرینک رسم تشییعی اجرا اولشلردر . مشار الیه حضرتلری اثنای سیاحتده و خصوصیه شام شریفده مظهر اولدینی کمال حرمت و رعایتدنطولایی مشار الیه م حضراته تشکرات مخصوصه سنی ادا و نامزاج اولملری

جهتيله کمال تأسفله مشاهده ایده مدیکی والی ولایت دولتلو ناشد پاشا
حضر تلیزیه عرض شکران ایلدیکنک ذات دولتریله تبلیغ الملکی
رجا ایشدر بعده عربله ره را کباً شتوریه طوغری حرکت
بیوردیلر .

شام شریفدن چیقدینی زمان خسته خانه عسکرینک براز ایلرو سنده
یعنی صکوبیه وارلمزدن براز اول پولیس وزاندارمه افرادی
طرفلرندن کمال احترام و احتفال ایله مراسم تشییع اجرا اولدینی
کبی قاروسه یولی اوزرنده واقع ججخانه اوکنده موزیقه عسکریه
ترنمساز اولدینی حالد ایکی طابور عساکر حضرت تاجداری
میرالای عزتلو ممدوح بک افندی قومانده سنده اولدقاری حالد فوق
العاده بر صورتده رسم سلام اجرا ایدلمشدر دمارک ایلرو سنده
کذلک بر بلوک سواری عساکری طرفندن سلاملاشمشدر دمارک
برجاریک بعدنده واقع الهامه قریه سی اوکندن کچیلرک شام شریفدن
ایکی ساعت بعد و مسافده واقع دیماس موقعه موصلت اولندی
بوراده حیوانلری دکشدیرمک ایچون براز آرام اولنهرق ساعت
دورت بچقده حرکتله یوله دوام اولندی بر مقدار ایلرویه کیدلکده
یولک صاعطرفنده وجبک اتکنده دیماس قریه سی کورلندی بورادن
کچیلدی صرده مشار ایله حضرتلری اولیه طعمانی عربله ایچنده
تناول بیوردیلر ساعت بش بچقده خان میسلونه کلندی بوراده دخی
عربه حیواناتیله رکابنده کیمکده اولان سواریلر تبدیل ایدلمشدر .
یونک ایچون محل مذکورده اون دقیقه قدر آرام اولنمشدر ایشبو
محلده اولجه کوندریلو بده بکلمکده اولان سواری وزاندارمه افرادی
طرفلرندن کمال احترامله (پرنس) حضرتلری استقبال ایدلمشدر ساعت

التي بي اون دقيقه كجهرك وادى القرنه وساعت يديده جديده به
 مواصلت وحيوانلر دكشدير بلنجه به قدر استراحتله ساعت يدي بي اون
 دقيقه كجرك حركت اولندي . ساعت سكرده مصنعه مواصلت اولندي .
 اشبو محله واقع درهك قارشوسنده ايكي اوفق تبهك اراسنده
 مجدل غنجه قريه سي كورلدي . بوراده حيوانلر تبديل اولندقدنصكره
 قريه مذكوره صول طرفنده ترك ايديلهرك يوله دوام ايبلدي محل
 المذكوره اولجه كوندرلش اولان سواريلر ايله معيت (پرنسيده)
 كمش اولان سواريلر دكشديرلمشدر . يولمرك صول طرفنده واقع
 جبلك اوزريني احاطه ايتمش اولان قارلرك بياضليفيله اووده كي
 اكترلر كمرد مثالي كورونشي اولحوالي به بر لطافت ويرمكه
 اولديندن بشقه حفف حفف استمكه اولان روزكارك تضيقيله
 هر ايكي طرفه بيوك اكمكه اولان اكترلر ارالرنده يكسديكريني
 متعاقب قريه لر اوكلرنده اوتورارق بر طاقم نعمات عربيه سوللكده
 اولان مخدراتك اينه مثالي اولان يوزلرينه چارميش اولان كونشك
 ضياسنك اكترلر اوزرينه عكس ايتمي حوالى* المذكوره نك منظره سنه
 بشقه جه بر لطافت كسب ايتديرمكه ايدي مصنعك يكرمي بش
 دقيقه ايلروسنده منفرد بر تبهك اوزرنده كاركي بر بنا وار ايديكه
 روايته كوره مقام (نوح) عليه السلامدر . ساعت طقوزه يكرمي
 بش دقيقه قاهره نخل البناتى كپرسندن كچلدي يولك صاغ طرفي
 ايلروسنده واقع زير قريه سنك ارقه سنده وجبك دينده بقاع دنيلان
 معلقه قصبه سي وانك صولنده ودرهك ايچنده زحله قصبه سي
 وار ايدي شام ايله يروت اراسنده كي يولك نصف اولان شتوره
 موقعه لى المواصله جبل لبنان ژاندارمه سندن مقدار كافى سوارى

ایله اولجه مرکز اردوی هایوندن کوندلش اولان سواری
 عساکری صف بسته سلام واحترام اولش اولدقلری کبی جبل
 مذکور متصرفلی اقلام مدیری سعادتلو کوبلیان بك افدیله زاندارمه
 میرالایی عزتلو سعید بك ومعلقه قائممقامی عزتلو محمود وزحله
 قائممقامی اسکندر افندیلر طرفلرندن بالاستقبال اولجه سوریه ولایت
 جلیلهسی طرفندن استحضار ایدلش اولان لوقانطیه نزول
 بیورمشلردر . اقامت طعمانده مومی ایله کوبلیان افدیله میرالایی
 وقائم مقام مومی الهم وسوریه ولایت جلیلهسی نافع سر مهندسینه
 ایتالیا دولت فحیمهسی تبعه سندن طریق قومانیهسی مهندسی موسیو
 فلیب مدعو اولدقلری جهته صفرده حاضر بولنشلردر اثنای
 طعمانده مشار ایله حضرتلری طرفندن هر بررلری ایرو ایرو
 تلطیف ایدلشدر لوقانطیه نك اطراف قنادیل ایله تنویر
 اولنهرق نصف الیله قدر اجرای آهنگ ایدلشدر .
 شتوره نك اطراف لطافت تامهسی بولنان غایت واسع اووه ایله انواع
 اشجار مثمره ایله محاط اولدینی کبی جهت غربیسی دخی قار ایله مملو
 جبال ایله مسدود اولدیغندن منظرهسی بشقه جه جالب نظر دقت
 ایدی . معلقه سوریه ولایت جلیلهسی وزحله جبل لبنان متصرفلی
 داخلنده برر قضا مرکزیدر .

— اوز التنجی باب —

شتوره دن بیروته صورت حرکت متضندر

شباط رومینک یکر می التنجی کونی علی الصباح الافراقه ساعت یدیکه
 الاتورکه ساعت برده شتوره دن حرکت اولدینی صرده (پرنس)

حضرتلرینک راکب اولدقلری لاندویه ایکی حیوان ایله بر عربه چی
 و دیگر عربه لره دخی بر حیوان علاوه ایدلش و معلقه و زحله
 قائم مقاملریله لاجل الاستقبال محل مذکوره گلش اولان سائر ذوات
 کرام مشار الیه حضرتلرینک رسم تشییخی اجرا ایشلار و عساکر
 حضرت پادشاهی طرفدن دخی رسم تعظیم بعد الاجرا اوسکده
 وارقه ده اولدقلری حالد کمال انتظام ایله سوریه ولایتیه لبنان
 متصرفلغک حد فاصلی اولان مریجه قریه سندکی قره غول خانه یه قدر
 کلوب اوراده بکلمکده اولان عساکر حضرت پادشاهی یه بالتسلیم شام
 شریفه عودت ایشلاردر .

بورادن اشاعیده واقع اوویه نظر اولدقده یردن قالقان بخار ایله کویلرک
 بجالردن چقمقده اولان دو مانلرک یکدیگرینه قاریشمیه حاصل اولان
 الوانه اقدن طلوع ایدوبده هنوز ایکی اوج مزراق بوی یوکسلش
 اولان کونشک ضیاسنک چاریمسی مذکور اووه نک طبیعی اولان
 منظره سنه بشقه جه بر لطافت و یرمکده ایدی و جیلده کی قارلرک
 اریوبده وادیلردن اشاغی یه طوغری کاغذ خانه جاغلیانلری مثللو
 کندو قوتلری نسبتده بر صدا و یره رک اقلری حقیقه انسانه حیات
 تازه بخش ایدر صورتده ایدی هله عربه لره آهسته آهسته یوقشه
 طرمانلری اطراف واکنافی ایودن ایوسیر و غاشا ایندیرمکه مساعده
 ایدیور ایدی بو وجهله قطع مراحل اوله رق ساعت ایکی یچق
 راده لرده خان مراده کلندی محل مذکور دن ایلر و یه طوغری یولزی
 تعقیب ایدن تلغراف تلرینک کورلدیسی عربه لره کورلدیسی اراسنده
 موزیقه نک نعمات خفیه سی کبی سامعه یی اکلندیرمکه ایدی .
 بورادن اشاعیده کی اوویه نظر اولدقده اریش اولان قارلردن موقتاً

حاصل اولش اولان منفرد منفرد حوضارك زمرد مثالی اكنلرك
 ابرالزندن كورنیشی مذكور اوویه تعریفی ناقابل برمنظره ویرمكه
 ایدی وهله افتقه اولان دره نك صولری هبوب ایدن اهویه لطیفه نك
 تضقیله حقیف حقیف موجهلر كو سترمكه وایکی جهنده كه سلسله
 جبال نشاط اشتمالك حلاوتی طویلله مبه جق بدایع فطرتدن اولوب
 الحاصل هر طرفی از سرتاپا اطلس كبود قام اكنسا ایتش بر عروس
 ابتسام غایه بکریور ایدی .

ساعت اوچده مغبطه نام دیکر ظهر البیضاء دنیلان خانه مواسلت
 وشتورده دن علاوه ایدیلان حیوانلر بوراده ترك ایدیلرک یوله دوام
 و براز قطع مراحل ایدلده دکر کورنگه باشلدی یولک هر ایکی طرفی
 قار ایله مستور اولدیضدن بشقه اسكده اولان شدتلی روزکار حسیله
 زیاده سیله صفوق یالغده ایدی .

ساعت اوچی اون دقیقه کچرک رأس جیله کلندی بوراده یالکز
 بر عسکری قره غول خانه سی وارد برازدها ایلرویه حرکت اولندقدم
 بیروت دخی کورنگه باشلدی بو محله اوچی بیاض و اوچی استر
 اولوق اوزره الی حیوان قوشلی دلی ژانسه تصادف اولمشدرکه مذکور
 دله ژانسه یولک صولطرفده توقف ایدرک مشار الیه حضرتلرینی
 کمال احترام ایله استقبال المشدر اشبو محلدن اشاغی به طوغری یولوز
 اینش اولدیضدن عربلر سرعتله یوله دوام ایتمکده ایدی .

ساعت اوچ بچقه و یولک صاغر طرفده اولدجه کنش و متعدد کویلر
 ایله زیتونلک و اشجار سازه مثره ایله مغروس وادی حمانیه کلندی
 اشجار مذکوره لطیفه ازلزنده یشیل یشیل چنلر اوزرنده آهنگ
 ایتمکده اولان ذکور و اناث اهالی (پرنس) حضرتلرینی کمال آداب

ایله استقبال ایدرک مشار ایله حضرتلری ایسه اوکلرندن کچدکجه هر برلرینه ابرو ابرو التفات بیوره رق وادی مذکوری تعقیب ایتمکده ایدک .

ساعت اوچ بچقه بش دقیقه قاله رق خان سوقن محله کلندی بوراده بر عدد موزیقه ترغساز اولدینی حالدده اهالی طرفندن مشار ایله حضرتلری کمال تعظیم ایله استقبال ایدلمشدر حتی موزیقه چالانلرک ایچندن بر شخصک بر کاغد اوزرینه ایتالیا نجه یازلمش اولان دعایی قرائتندن دخی (پرنس) حضرتلری ممنون قالمشدردر محل مذکوردن ایلرویه طوغری براز قطع مراحل ایدلده هر ایکی طرفی زیتونلک وسائر اشجار مثمره ایله مغروس اولدینی کورلدی .

ساعت درت بچقده خان ابو دخان نام موقعه کلندی بوراده دخی عساکر حضرت تاجدارلی طرفندن کمال احترام واحفال ایله مشار ایله حضرتلری استقبال ایدلمشدر محل مذکورده اولجه مهیا ایدلمش صفرده (پرنس) حضرتلری کمال عافیتله اوله طعمانی تناول بیوردقدن صکره براز استراحتله ساعت الی بچقی اون دقیقه کچهرک بیروته متوجهاً قیام و حرکت بیوردیلر .

ساعت الی بچقده عالییه نام موقعه مواصلت اولنمشدرکه اشبو موقعه مکتب شاگردانی طرفندن عربی العبارة غایت بلیغ قصیده لر اوقوغنده اولدینی کبی اهالی طرفندن دخی (الله ینصر السلطان) نداسیله مشار ایله حضرتلری استقبال اولنمشدر اشبو محلدن اشاغییه طوغری انیلدیکی صرده اوکزده دکر وصاغمزده کی باغچه لرده صورت منظمده انشا ایتدیرلمش کوشکلر ایله اطرافلرنده مغروس انواع اشجار لطافت دثار نوعر وسان نراحت نشان کبی

چیره دستی، حیاط بهار ایله یکی یکی لباس فضاوت استیناس اکتسا
ایتمش صوک بهاردن برو زمزمه سخ انبساط اولمغه حاضرلنمش اولان
کوچک کوچک قوشلر اغصان درختان وچنستان تزهت اقتزان
اوزرنده نعمات محترقه الاکباد ایله چیرنمقده بولنمش اولدقلری
ویرونک ایسه چناق قلعه سندن ایجروییه کیروبده مرمره دن کچهرک
استانبول بوغازینی دوکه جک محله صاغ جهته کی اطهار ایله قاضی
کوی وقزقوله سی و بشکطاشده کی سرای هایونک منظره لری کبی بر
منظره لطیفه ویرمکه ایدی هله یولنرک صاغنده کی مرعاده اوت
اوتلامقده بولنسان قیونلرک بزه باقوبده حزین حزین باغیر شملری
قلوبه تاثیر ایتماک قابل دکلدی .

ساعت یدیه یکرمی دقیقه قاهره صاغر فده واقع شویاط قریه سی
اوکندن یکلمشدرکه اشبو قریه نک اطرافنده کی جبهه طبیعی بر خریطه
یانش کبی صنعی دیوارلر ایله منخیر چوریلرک متعدد باغچه لره تقسیم
اولنمش اولدینی کورلدی .

ساعت یدیده جمهور نام ستاسیون موقعنه کلندی اشبو محله جبل
لبنان متصرفی دوللو واصله پاشا حضرتلریله بیروت ایتالیا دولتی
فحیمه سی جنرال قونسولوسی موسیو زربونی و مشار الیه حضرتلرینک
واپور مخصوصلری برنجی قبودانی و جبل مذکور ترجانی اولی
اونیفورمه لرینی لابس اولدقلری حالده احترامات فائقه ایله (پرنس)
حضرتلرینی استقبال ایشلردر مشار الیه حضرتلری لطفآعر به لرندن
اینه رک بر ایکی دقیقه ایاق اوستنده القاض و داد کارانه جریان
ایله کدنصرکه یانلرینه واصله پاشا حضرتلریله دائره لری مدیری
موسیو اوزیوبی الهرق و پاشای مشار الیه عربیه سنه و معیتی ایسه

على مراتبهم ويكر عربله به نهره ك پيرونه متوجهاً حركت بيورديلر .
 يولك طرفينده واقع تارله لرده ايكيشر قاريش قدر چيتميش اولان
 اكنلرك حفيف حفيف اسمكه اولان روزكارك تاثيريله صاغه صوله
 طوغري تامل ايديشلىرى ويكي ديكلمش اينجه فدانلرك اوكلرندن
 مشار اليه حضرتلرى كچدكه كويا جانلى ايشلر كي بيوك اكه لرندن
 طولاي قدرت الهييه حيران اولماق الدن كيور ايدى .

ساعت يدى بجق بش كچرك حاذميه موقعه مواصلت اولندقه
 بيروت متصرفى سعادتلو نصوحى بك اقديله موقع قوماندانى
 سعادتلو طيار پاشا وسائر مأمورين عسكريه وملكيه البسة رسميلرينى
 لابس اولدقلى حالده كمال تعظيم واحترام اليه مشار اليه حضرتلرينى
 استقبال الملشردر بو ائنده مكاتب ابتدائيه شاكردانى عربى العبارة
 قسيده لر تفق ايتمكه ايديلر وجبل لبنان اليه بيروت موقعنده
 ارامساز اقبال عساكر حضرت تاجدارى طرفدن احترامات فائقه
 اليه رسم سلام اجرا ايدلديكي كي ايكي عدد موزيقه عسكرى دخى
 غايت مؤثر هوالر چالمقه ايدى . موقع مذكوره مرتفع بر نقطه ده
 (پرنس) حضرتلرينك استقبالى ايچون انتخاب وترتيب اولمش اولان
 محلك اطرافى طرز دلشين اوزره اغاچ يراقليبه ودرلو چچكلر اليه
 تزيين قلمش واوكنده اغاچ داللرندن مركب قوس ظفرلر وعثمانلى
 وايتاليا بانديره لرى ركز ايدلمش وسكر اون اياق نردبان اليه چيقييلور
 كوشكده لازمكلرلر تقديم ايدلكدن وشامپانيه لر ايچلدكن وبر
 مقدار ارام ايدلكدن وجبل ويروت متصرفلى پاشالر حضراتيله
 موقع قوماندانى طيار پاشايه وجيبه شكر كذارى يي ايفا وسائر ذواته
 التفات بيوردقه نصكره دولتو واصله پاشا حضرتلرينى كندى عربله رينه

الهرق وسكره اون دقیقه قاهره قیام بیروت شهرینه طوغری قیام و حرکت بیوردیلر و فستقلی نام محله وصولرنده ایکی طابور عساکر نظامیه و ژاندارمه شاهانه صف بسته سلام و موزیقه عسکری ترنما ساز و احترام اولهرق و تعظیماً عسکری فشه سندن یکریمی بر پاره طوب انداخت ایدلشدر . (پرنس) حضرتلری طوغریجه اسکله به عزیمت بیورمغله اوراده دخی مقدار کافی عساکر شاهانه طرفندن رسم سلام اجرا ایدلشدر مشارالیه حضرتلری جبل لبنان متصرفی دولتو و اصفه پاشا و بیروت متصرفی سعادتلو نصوحی بك افندی حضراتیه موقع قوماندانی سعادتلو طیار پاشا و اسکله به قدر کلش اولان سائر ذوات کرام ایله و داعلشهرق واپورلرینه کیتشلردر .

یوم مذکورده (پرنس) حضرتلریله برلکده اقشام طعمانی واپور مخصوصلرنده تناوله چاکرلریله رفاقت عاجزیده بولنان قدس شریف تحریات باش کاتبی رفعتلو بشاره افندی و بیروت ایالتیا جنرال قونسولوسی موسیو زربونی ایله ویس قونسولوسی و یافه دن برو معیت فحیمانه لرنده بولنان لاتین راهبرندن و تاریخ شناسانندن فلورویخی دائره لری مدیری قولونل موسیو اوزیو واسطه سیله دعوت اولنهرق تعیین اولنان ساعته بر ضابط مخصوص ایله مذکور واپورلرندن کوندریلان صنداله راکباً کیدیلوب (متبوع مخمخ شوکتلو سوکیلی پادشاهیک) پیراغی واپورک اورته دیرکنده چکلیمش اولدینی و واپورک زردبانی باشنده موزیقه لری ترنما ساز اولدینی حالده مشارالیه (پرنس) حضرتلری تنزلاً سالونندن چیقارک کمال لطف ایله بزلی قبول بیوردقلری عقبنده بالذات چاکرلرینی الوب واپورده ارمسترون طویلریله اشکال مختلفه ده بولنان مترالیوز طویلرینی کوسستردیکنی

وواپورده کی محل مخصوصلرینی دخی ارانه ایتدیکنی و طعامده چاکرلرینی صاغر طرفده اقعاد ایدوب مدعوین و سائره نک هر بریسی علی حسب درجاتهم ارانه اولسان محللرده اوتوردقلری و طعامک حتامنده صورت زیرده محرر و طرف عاجزیدن قرائت اولسان بر مقاله ایله اظهار مآثر شکرانیت ایتدیکم اوزرینه فوق العاده ممنون اولدقلریله برابر تشکرات متبادله ده بوللدیغی و بعد الطعام برازقانه رق قرهیه چیقمق استلده کده اسکله یه وارنجیه قدر واپوردن الکتریق ضیاسی یولوزه عکس ایتدیره رک تشییع اولمشزدر .

(بعد الطعام طرف عاجزیدن قرائت اولنان و داعنامه)

« مشیوع مفخم طرفدن شرفصادر اولان اراده سنیه اوزرینه ،
 « معیت فحیمانه لرنده بولنغه مأمور اولمش ایدم اثنای سیاحت ،
 « اصیلانه لرنده ذات و موقع فحامتکره لایق اولدیغی صورتده ابراز ،
 « خدمت ایتکه موفق اوله مدیغ درکار ایهده طرف عاجزانه مدن ،
 « وقوعبولمش اولان قصورلره اصالت و نزاکت فحیمانه لری ایجابجه ،
 « لطف ایله مقابله بیوریلهرق حجاب التسه بر اقدم معیت ،
 « فحیمانه لرنده کچمش و هربری بر درلو التفات و نوازش فحیمانه لرینه ،
 « مدار مظهریت اولمش اولان کونلر عمرم ایچنده الک مسعود عد ،
 « ایتدیکم زمانلردن اولمسیله خدمت عاجزانه مک سوریه دن انفکاک ،
 « اصیلانه لرلیله برابر حتام بولسی بنده لری ایچون ضایعات عظیمه دن ،
 « معدود و بوشرفک صفای صبح کبی از بر مدت دوام ایتسندن ،
 « نه قدر متأسف اولدیغمی حضور فحامتکرده توصیف ایتکه اقتدار ،
 « مفعوددر اثنای کشت و کذارده عموم حقنده ابراز بیوریلان ،
 « التفات سیاحت فحیمانه لرینی بوحوالیده الی الابد لسان حرمله ،

« یاد ایدیلەجك وقایع حسنه عدادینه داخل ایتیش اولدیغنی کمال ،
 « فخر و مسرتله تکرار ایتمک ایسترم جناب حق عمر و اقبال و عافیت ،
 « فحیمانه لرینی مزداد ایلە برابر سیاحت اصیلانه لرینی کمال حضور ،
 « و انشراح درون ایلە قرین ختام بیورسون . »

فرداسی جمعه کونی صباحلین ساعت درتده بیوک اونیفورمه یی
 لابس اولدیغیم حالده (پرنس) حضرتلرینک واپور مخصوصلرینه
 کیدیلوب مسبوق اولان دعوتلری اوزرینه برلکده اویله طعامنی
 تناولدن صکره صورت منتظمه ده حاضرلشم اولان واپور مذکورک
 صندالنه راکباً ساحله چیقیلهرق اسکله باشنده عساکر شاهانه صفبسته
 سلام اولدقلری حالده رسم تعظیم بالا اجرا عربهلره راکباً طوغریجه ایتالیا
 دولت فحیمه سی جنرال قونسولوسی موسیو زربوننک خانه سنه کیدلدیکی
 و خانه مذکوریه وارلمزدن براز اول پول اوزرنده ترتیب اولنان موزیقه
 عسکری ترنم ساز اولدیغنی حالده عساکر حضرت تاجدارى طرفندن
 مراسم استقبال بالا اجرا قونسلوس خانه یه مواصلت واوراده حکومت
 سنیه مأمورانى ایلە جهت عسکریه امرا و ضابطاننک و دول اجنبیه
 قونسولوسلریله رؤسای روحانیه نک و ایتالیا تبعه سی معتبراننک
 بریزانته لری اجرا اولندیغنی متعاقب حکومت سنیه یه وجیل لبنان
 متصرفلیغیه سوریه ده لاینلرک بیوک رئیس روحانیسنه ویزته
 ویردیکی کبی قشله عسکریه دخی کیدوب موقع قوماندانیله اثنای
 مصاحبتده قائم مقام عزتلو رؤف بکک تحت قوماندانه سنده اولهرق
 عساکر حضرت شهریارى طرفندن قشله نک تعلیم خانه میداننده برایکی
 مانوره یاپلدیغنی ورسم کچید اجرا اولنه جنی اثنائه (پرنس)
 حضرتلری بالذات تعلیم خانه میداننه اینهرک قوماندان میرلوا سعادتلو

طیار پاشانك همت واقع لرندن بیان ممنونیت ایلدکلی و عساکر ملوکانهك مانوره لرده اولان مهارت واستعدادلرینی تقدیر برله قومانده ایتمکده بولنان قائم مقام مومی الیه دخی کال لطف ایله اظهار ممنونیت ایدرک و عربسه بنهرك قوم میداننده واقع ملت باغچه سنی سیر و تماشای نیتله حرکت و باغچه مذکورک اطرافنی طولاشرق واپورلرینه عودت بیوردقلری صرهدده کذلک اسکله باشنده عساکر شاهانه صف بسته سلام و موزیقه عسکری به ترنما ساز اولمشلردر و اقشام طعامنده چیل لسان متصرفی دولتو واصله پاشا حضر تلیله بیروت متصرفی سعادتلو نصوحی بك افندی و موقع قوماندانی میر لوا سعادتلو طیار و ژاندارمه قوماندانی شاهین پاشالو ایله چیل مذکور متصرفلنی مدیر اقلامی سعادتلو کوبلیان بك افندی و ولایت امور اجنیه مدیری و چیل ژاندارمه میرالای و عاجزلرینه رفاقت عاجزیده بولنان رفعتلو بشاره افندی و فلوروین مدعو بولنورق بولنرک ایچندن بیروت متصرفی ایله شاهین پاشانك انحراف مزاجلری حسیله رهین حسن قبول اوله جق صورتده معذرتلرینی بیانله برلکده بولنه مدقلری و بعد الطعام براز استراحت برله مدعوین مشار و مومی الیه طرفندن مراسم وداع بعد الاجرا قریه عودت بیورمشلردر فرداسی جمعه ایرتسی کونی (پرنس) حضر تلیله برلکده اوله طعامی واپور مخصوصلرنده تناول اولندقدنصکره بالذات چاکرلرینی الوب ارمسترون طولیرینک بر ایکی مکمل مانوره سنی یاپدیروب بك زیاده عاجزلرینه حرمت و التفات بیوردیلر . رسم تشییع اجرا اولنه جنی صرهدده فلسطین و سوریه جهتلرنده بولندیفی مدتجه (شوکتلو مهابتلو ولی نعمت یمتیز پادشاه عالمناه افندمن حضر تلینک کندی

حقارنده رایکان بیوردقلری لطف و عنایتدنطولایی متسدار اولوب
نه یولده اظهار تشکر ایده جکنی بیله مدیکنی بیانله برابر احترامات
فائقه سنک عرض ایدلسنی) بالذات چاکر لرینه افاده ایدرک مدیر
امور لرندن ویریلان پروغرامه نظراً بو اقسام قبریسه متوجهاً
بیروندن قیامله یارنکی بازار کونی طوزله یه موصلت لرنده اوچ درت
ساعت قدر اقامتد نصکرة اوچنجی صالی کونی ردوسه کیده جکلری
و اوراده برقاج ساعت اقامتله چهارشنبه کونی سودا لمانه اوغرایه رق
اوراده دخی برقاج ساعت قالدق د نصکرة جمعه کونی برندیزی یه
مواصلت ایده جکلری اکلاشلمی اوزرینه کیفیت مایین هایون ملوکانه
باش کتابت جلیله سیله مقام جلیل سرعسکری یه و بشنجی اردوی
هایون مشیریت جلیله سنه با تلغراف نامه عرض ایدلدیکی کبی ردوس
متصرفلیله کرید قوماندانلغنه دخی تلغرافله بیان معلومات ایدلمشدر .
مشار الیه حضر ت لرینک حرکت لر یله مأموریت عاجزانه م ختام بولسی
جهتیهله برایکی کون بیرونده قالدق د نصکرة شام شریفه عودت
اولمشدر .



معلومات تاريخيه و جغرافيه



حروف حجا ترتيبى اوزره

﴿ معلومات تاريخيه و جغرافيه ﴾

﴿ حرف الف ﴾

« ابراهيم » - عليه السلام بنی سامدن کلدانستانده اقامت ایتمکده اولان (تراح) یاخود (آزر) ك اوغلو اولوب حق تعالی حضرت تیرینك اراده سنه اتباعاً پوت پرستلکه سالک اولمش اولان کلدانیلر ایله حکمدارلری بولنان (نمرودی) طریق هدایتیه دعوت ایچون خیلی اوغراشدق دنصکره مملکتی ترک و پدر و تعلقاتی الهرق ارض کنعانه متوجهاً یوله چیقمشیدی فقط حلب ولایتی داخلنده اورفه سنجاغی ملحقاندن نفس اورفه نك جهت جنوبیسنده واقع حران شهرنده پدری وفات ایلدیکدن اوراده بر مدت توقف ایتمش ایدی . او صروده ابراهیم علیه السلامه وحی نازل اولهرق (پدرك خانه سنی و مملکتی ترک ایت و کوستره جکم موقعه هجرت ایت سن بیوک بر ذریه صادق صاحبی اوله جقسك) مآلنده اولان امر الهی میلاددن ایکیك طقسان اوج و هجرت نبویه دن ایکیك التیوز یتیم یدی سنه مقدم کلمشدر . ابراهیم علیه السلام اشبوراده الهیه یه اتباعاً زوجیه سی ساره ایله برادر زاده سی (لوط) علیه السلام و بندکانیله برابر ارض کنعانه کیمشدر . اولوقت قطعه مذکوره اولاد حامدن کنعانیلر یندنه ایدی . حضرت ابراهیم علیه السلام چوبانلرینك چیقاردقلری بر نزاع اوزرینه حضرت لوطدن ایرلمشدر . ابراهیم علیه السلامه ارض کنعانه تکرار وحی نازل اولهرق ذریته احسان اولنه حق اراضینك ارض کنعان اولدینی بیلدیرلمشدر . محل مذکوره او وقتدنبرو (ارض موعود) یاخود (ارض مقدس) دخی دیرلر . لوط علیه السلام

ابراهيم عليه السلامدن آيرلدق دئسكزه شمدىكى بحر لوطك برنده موجود اولان (بلاد سدوم) ده نشر هدايتله مشغول اولمش حضرت ابراهيم ايسه دها جنوبه طوغرى ايلرولمشدر . ابراهيم عليه السلام ارض كنعانك جنوب طرفده واقع چوللرده امتيله برابر كشت وكذار ومأموريت مقدسه سنى ايفايه دوام ايتمكده ايكن فحط ظهور ايدرك مصره هجرت ايتمكه مجبور اولمشدر مصرده زوجه سى ساره حكمدار طرفندن اسير ايدلمش ايسه ده قدرت آلهيه دن اوله رق مصره ده واقع اولان بر طاقم معجزه لر اوزرينه حكمدار ساره نك زوجه اعاده سيله برابر هاجر اسمنده بر جاريه تقديم ايتمشدر . ابراهيم عليه السلام مصر ددن عودت ايتدك دئسكزه بر مدت ارض كنعانده وشمدىكى حبرون (خليل الرحمن) نام قريه قريبنده كاش (مامبرى) صحرا سنده اقامت ايتمشدر . كنعان اهالى سى ابراهيم (عليه السلامه) چوق رعایت ايدرلر ايدى زيرا حضرت ابراهيمك بر مقتضای نبوت حائز اولدينى قوه قدسيه مغويه دن بشقه قوه عسكريه سى دخی وار ايدى . ابراهيم عليه السلام سكسان ياشنده اولدينى حالده هنوز براولاده نائل اولمديغندن ساره دن رخصت آله رق جاريه سى هاجرى تزوج ايتمشدر . بر سنه صكره هاجر حضرت اسماعيل توليد ايتمشدر وقوعات مذكوره ميلاددن ايكييك اوتوزالتى سنه مقدمدر . اون اوچ سنه صكره ساره دن دخی اسحق عليه السلام تولد ايتمشدر . ساره هاجر ايله اسماعيل عليه السلامه قارشى خصومت اظهار ايتمكه باشلادىغندن ابراهيم عليه السلام هاجر ايله اسماعيل عليه السلامى خانه سندن اخراج ايدرك عربستان (حجاز) طرفنه ارسال ايتمشدر . حق تعالى حضرتلرى ابراهيم عليه السلامك كنديسنه اولان درجه صداقتى امتحان ايجون مخدومك قربان ايدلمسنى امر بيورمش

و ابراهيم عليه السلام دخى بلا تردد امر آلهى بى اجرايه تشبث
ايتمشدر يعنى اولادىنى ذبح ايتمك اوزره ايكن من طرف الله
كوندريلان بر قوچى كمشدر . ابراهيم عليه السلام ارتحال ايتزدن
اول حجاز طرفلرنده بولنان اسماعيل عليه السلام ايله كورشك ايجون
اول طرفه عزيمت ايتمش و اسماعيل عليه السلام ايله برابر (كهه بى)
بنا ايتمشدر . ابراهيم عليه السلام يوز يتمش ياشنده اولدىنى حالده وفات
ايدوب جبرون (خليل الرحمن) ده واقع مغاريه دفن اولنمشدر .

« ابراهيم پاشا » - مصر واليسى محمد على پاشانك اوغلو
وسر عسكريدن ميلادك بىك سكر يوز اون سكر و هجرتك بىك
ايكيوز اوتوز درت تاريخنده حجاز و حرمين الشريفيين و حواليسىنى
تهديد ايدن و هابيلرى اورالردن دفع ايتمك شرطيله عهده سنه حجاز
و حرمين الشريفيين والىلكى توجيه بيورلدن مگردن بر مكل
اردو ايله كيدوب و هابيلرى پریشان و درعيه قدر تعقيب ايدرك
رئيسلىرى (عبدالله) بن مسعودى و درت نفر اوغللريه بعض
منسوباتنى مصر طريقيه در سعاده ارسال ايلدى و ميلادك بىك سكر
يوز يكر مى بش و هجرتك بىك ايكيوز قرق بر تاريخنده مصر دونماسيله
موره سفرينه كلوب (مسوئتك) يا خود (ميسولونكى) محاصره سنده دولت
عليه دونماسنه براز ياردم ايتديسه ده قبودان دريا بولنان خسرو پاشا ايله
مصر واليسى محمد على پاشانك بر برلرينه اولان خصومت قديمه سى جدى
اعانه ميدان براقدى و ايكي سنه صكره وقوع بولان ناوارين (آوارون)
وقعه سنده دونماسى دولت عليه دونماسيله برابر محترق اولديغندن ابراهيم
پاشا عسكار بريهنه آلوب مصره عودت ايلدى طبريه دهكى معدن
صوبى اوزرينه انشا ايتديرلمش اولان ابنه ابراهيم پاشانك اثريدر .

« ابو بكر الصديق » رضی الله عنه - خلفای راشدین
 حضراتك برنجيسيدر واسم عاليلى عبد الله بن عثمان القريشى
 كنيه لى بن فحافه موله سنيه لى مكه مكرمه در . مشار اليك نسل
 جليلى سلاله طاهره بنميرى ايله يدنجى بطنده برلشور . قريش
 قبيله سنك برنجى مرتبه اغنياسندن واك ايلرو كلش لردن ايدى .
 فقط مشرف اسلام ايله مشرف اولدقد نصكره كافه اموال واشيانى
 فقرايه اعطا ايدرك مفخرت فقرده حضرت بنمير (صلى الله تعالى عليه
 وسلم) امتثال التلى ايدى . حضرت رسول اكرمك تشبثات
 اخبره سندن اولان شام سفرى وفاتلريه كيرو قالمق شويله طورسون
 باليكس حضرت صديق اكا فرض نظريله باقهرق كمال كرميله
 تداركاته دوام ايله بر از مدت ظرفنده اردوى يوله چيقارمشدر .
 اسام بن زيدك سر عسكرلكى دخى تا كيد ايدلمشدر .

اسام ايله روملر ييتنده اسامه نك بدري زيدك شهيد اولدينى موته
 نام محمله تكرار غزا واقع اولوب بو مصادمه ده دخى ايمپراطور
 اردوسى پريشان اولمش ومجاهدين اسلام بك چوق غنيمت اخذ
 ايتمشلردر . فقط اسامه بوقدر ايله قناعت ايدرك دشمنى تعقيب
 ايتمكسزنى عودت ايتمشلدر . بدويلردن اون ايكي عشيرت نبوت
 دعواستنده بولنان طليحه نام بر عاصى يه بيعت ايدرك طرف حليفه دن
 كوندربلان زكات مأمورلرينى قبول ايتماشلر ايدى . حضرت
 صديق خالد بن وليدى عاصرك تاديينه مأمور ايدرك اوزرلرينه
 سوق ايتمشدر . خالد دخى عاصيلرى قوه قهر يه ايله تحت اطاعت
 آلمش وزكات اعطاسنى تعهد ايتديرمشدر . طليحه دن صكره مسيله
 الكذاب نام بشقه بر نبوت دعواجيسى ظهور ايدرك بيوجك بر

ایتمش وانلر دخی حقیقهٔ ٲك كوزل خدمت و صیانت التلسدر حتی علیه الصلاة والسلام افدمز اظهار دعوت بیوروب خلق اوزرینه هجوم ایتمدیکی زمان ابو طالب یتشوب تمام قوتیه منع ایلدی بعتک ٲکر منجی سنه سنده یعنی هجرتك اوج سنه مقدمنده ابو طالب وفات ایدر ایکن علیه الصلاة والسلام افدمز یاننده بولندی ومومی الیهك دوداغنی دٲرتك اسلامی قبول ایلدیکنی حضرت عباس سولسله (الحمد لله الذی هداك یاعم) بیوردی بو قوله ثمانت ایدنلرده واردر . ابو طالب سکان سنه معمر اولدی .

« ابو عیبه » بن جراح - اصحاب کرامدن وعشرهٔ مبشره دندر ومسقط رأسی مکة مکرمه اسمی عامر بن عبد الله در . بو ذات فرسان اصحاب کرامدن ایدی وهجرت نبویهك اون سکرنجی سنه سنه قدر وقوع بولان غزواتك همان کافه سنده بولندی ورایت اسلامیه ابتدا بونك یدینه تودیع قلندی وٲك چوق خدمت وغیرت ایتمدیکندن وکریم الخلق وغیر متعصب وحلیم وعاقل ومدبر اولدیغندن علیه الصلاة والسلام افدمز (امین الامة) تسبیح بیوردی بو ذات روم دیارنده حسن شمائل وصدق مقال ایله شهرت بولدیغندن شام مصالحه سنده روملر بونی استشار ایدی کیدوب یاپدیغنی مصالحه الیوم اوروپالیر نزدنده معتبر ومستحسندر . مشار الیه حضرتلری میلادك التیوز اوتوز طقوز وهجرتك اون سکر تاریخده محاربه یه کیدر ایکن رمله ایله بیت المقدس اراسنده برقریه ده ظهور ایدن طاعوندن اجتناب ایدن عسکرینه تسلیت ویرمك ایچون بر یوکسک یره چیقوب (ایها الناس ان هذا الوجع رحمة من ربکم ودعوة من نبیکم وموت الصالحین

قبلکم وان ابی عیبه یسأل الله ان یقسم له منه حظہ) الى اخره
حطبه سنی قرائت وقام ابتدکی آندہ طاعون اصابتله رحلت ایلدی .

« آتور » - سام بن نوح علیه السلامک دردنجی اوغلیدر . بوذات
چین قرقده قیلهسی خلقیله بغدادک اوست طرفلرینه کیدوب توطن
ایلدیهده برزمان صکره بابل اراضیسندہ ساکن اولان حامیلر بونلری
استقاله و نزاع وجداله قالقشدقلرندن خلقتک ایکیک طقوز یوز اللی
درت تارینخده یعنی میلادک ایکیک التیوز قرق یاخود ایکیک طقوز
یوز اون درت سنہ مقدمندہ دجلہ کنارینه ودها یوقاریلره چکلمکه
عجیور اولدی و موصل جوارنده مشهور (نینوه) شهرنی بنا و برنجی
آتور دولتی تشکیل ایدوب بالاستقلال حکومته باشلادی . اشوبرنجی
آتور دولتی تشکیل ایدن سامک اوغلی اولیوب انک ینه اونامده
بر اوغلی یاخود حفیدی اولق احتمالیده واردر و شهر مزبورہ نینوه
نامی صکره دن ویرلمشدر .

« آدم » علیه السلام - ابنای بشرک برنجی پدری ونشئه
عنصریهده انبیای کرام علیهم الصلات والسلام حضراتنک اقدمیدر .
هر بر مخلوق ایچون برر ارقداشی - یعنی برر دیشی خلق اولندینی
حاله یالکز حضرت آدم علیه السلام مجرد یرادلشیدی . بر مدت
صکره آدم علیه السلام ایچون ارقداش اولق اوزره حضرت حوا
علیها السلام خلق اولنشدیدی . آدم ایلہ حوا علیهما السلامک ابتداکی
اقامتکلهلری جنت اولوب کندیلرینه جتندہ موجود اولان هر
بر نعمتدن استفاده یه مساعدہ اولنمش ایدی . شوقدرکه یالکز (شجره
ممنوعه) یه یاقلاشلماسی شدیداً تنبیه ایدلمش ایدی . فقط منبع شر
اولان ابلیس آدم علیه السلامه دسیسه ایلہ مذکور شجره نک میوه سنی

اکل ایندیرمش و حضرت آدم بو وجهله امر الهی به مخالف حرکت
 ایندیکندن جتندن اخراج اولمشدر . روی زمینده بولنان کافه اقوام
 آدم علیه السلامک ذریبدر . حضرت آدمک اول امرده درت نفر
 اولادی دنیاه کلوب ایکسی ارکک وایکسی قیزدر و بر اوغلان و بر قیز
 اولوق اوزره ایکیز طوغمشلردر . مخدوملرندن (هابل) با امر ربانی
 (قابل) ک اوزهمشیره سنی و قابل دخی هابلک همشیره سنی تزوج
 ایدم جکلر ایدی . لکن قابل غایت حسنا بولنان همشیره سنی برادرینه
 ویرمیوب کندوسی ایچون آلق ارزوسنه دوشه رک هابل ایله
 منازعه به قیام و آنی قتل و اعدام ایتمشدر . بونک اوزرینه جناب
 حق حضرتلری دخی قابل ذریبتی بر طاقم فلاکتله اوغراشمشدر .
 قابل ذریتی حق تعالی به قارشی عصیانلر ایله مشهوردر . حضرت
 آدم علیه السلامک سائر اولادندن اولان ذریتلری دخی جناب حقه
 قارشی عصیانده بولنوب یالکزشیت علیه السلامدن حق تعالی
 حضرتلرینه صادق بر قوم ظهور ایتمشدر . حضرت آدمک حین
 ارتحالنده ذریتی قرق بیک نفوسه بالغ اولمشیدی .

« اردن » - قدس شریف جوارنده (وادی الشریعه)
 ویدکلری نهرک اسمیدر ، حضرت موسی علیه السلام آخر عمرنده
 وادی تهندن اشبو نهره قدر حرباً کلوب (بنی مؤاب) و (بنی
 عمون) و (عمالقه) قیبله لرندن آلدینی ممالکی بنی اسرائیله توزیع
 ایتمشدر . بو نهر جبل لبنانن چیقوب بحر لوطه منصب اولمقدهدر .
 بو نام فرانسه ده واقع ایکی سلسله جباله دخی ویرلمش و بو جبال
 شرقی و غربی ناملریله ایکی به منقسم بولنمشدر . بلجیقا حدودی
 اوزرنده بر سنجاعک اسمی دخی (اردن) در حضرت (عیسی)

عليه السلام نبوتی اعلاندن اول حضرت (یحیی) علیه السلامک
دلالتیله بو نهرده غسل ایتمشیدی . اوروبالولر بیننده نهر (ژوردن)
نامیله یاد اولنور ،

« ارض جاسان » - مصر وسطاده نیلک جانب شرقیسند
واقع اراضی وسیعہنک نام قدیدر . بنی اسرائیل ارض کنعاندن
مصرہ کلدیکی زمان یعنی آل یعقوب یوسف علیه السلامک التماس
وفرعونک مساعدہ سیلہ ہجرت ایتدیکی وقت بو اراضیدہ اسکان
اولنمش ایدی بونلر زمان خروجہ دکن بورادہ چوغالوب خلی
شہرلر بنا ایتدیلر وھلہ مأخرأ فرعون رامسک توسیع وترین
ایتدیکی (اون) شہرندہ یک چوق جمعیت پیدا ایلدیلر .
بعض تواریخندہ جاسانک (جزان) یازلدینی دخی کورلمشدر .

« ارض فلسطین » - شریعہ نهرینک غربندہ واق دکزک
شرقندہ واقع ارض کنعانک اسمیدر . بورادہ ابتدا بنی اسرائیلدن
افراییم قیلہسی ساکن اولور ایدی اصل فلسطین قیلہسی اورادہ
مسکون اولاد کنعاندن اولیوب اولاد حامدن مصرہ ہجرت
ایدن مصرایم نام ذاتک سلالہسندندر بونلر اولوقت یافہدن
غزہ یہقدر اولان ممالکدہ اوتورلر ایدی فلسطیندہ . قدس .
خلیل الرحمان . غزہ . نابلس . عسقلان . حوران دخی داخلدر
عربستان ایلہ سورہ اراسندہ بولنان اشبو فلسطین قطعہسک نامی
رومالیلر تسمیہ وجلیلہ وسامریہ ویہودیہ وعبرانیہ ناملریلہ دردہ
تقسیم ایلدی مؤخرأ اوچہ دخی منقسم اولمشدر . فلسطینلیلر متخادیا
یہودیلر ایلہ محارباتدہ بولنہرق خلقتک درت بیک اوچیوز اوتوزاوج
تاریخندہ یعنی میلادک بیک ایکوز التمش برسنہ مقدمندن بیک ایکوز

قرق اوج مقدمنه قدر اون سکر سنه یهودیلری زنجیراسارته باغلادیلر .
 مؤخرأ شمسون کلوب یهودیلری مبتلا اولدقلری حال اسارتدن
 تخلص ایلدی شاوول فلسطین اهالیسنی (کاربا اون) قربنده
 مغلوب ایتدیکی کبی حضرت داود دخی بونلری تحت اطاعتنه المغه
 موفق اولدی اهالی مزبورده متعاقباً فرسلر وسلوسیدلر و اخیراً
 رومالیرک نفوذلری الله دخی کچمشلردر .

« ارض کنعان » - سوریه ولایت جلیله سنک جهت جنوبیسنده
 وعکادن غزیه قدر سکسان کیلو مترو طولنده سواحل ایله کیرولرنده
 اولان اراضی وسیعنه ک اسیدر . بو اراضی مقدما کنعاندن حام
 بن نوح علیه السلامک اونبر اولادینه خیلی زمان وطن اولدیقندن
 بو نامی آلمش ایدی مؤخرأ ارض مذکوره جانب حقدن جناب
 ابراهیم (علیه السلامه) وعد بیورلدیچون بنی اسرائیل (ارض
 مودعود) نامنی ویردیلر ایسده فلسطین قبیله سی کاه بکاه بنی
 اسرائیلی محکوم ایتیمی مناسبتیه نام مذکور تدریجاً اونودیلوب یرینه
 فلسطین نامی قائم اولدی وحدود سابقه سی بر قاچ دفعه توسع وتناقص
 ایلدی .

« اریحا » - قدس شریفک شرق شمالیسنده ویکرمی بش کیلو
 مترو بعدنده قدیم بر شهردر . بو شهر وقیله پک معمور ایدی
 حضرت (عیسی) علیه السلام بورایه کلوب بر اعماک کوزینی
 آچدی شمدی الی التمش خانهلی بر قریه در . واوروپالولر بیننده
 جریقو نامیله مشهوردر .

« استانبول » - دولت علیه عثمانیه نک پای تختیدر بو شهر
 قرق بر درجه عرض شمالی ویکرمی الی درجه طول شرقیده

اولوب اسكدار و غلظه و ايوب و نواحی سائر سنده مسافر لریله
 برابر بر ملیونه قریب اهالی تخمین اولتقدده در . هواسی غایت
 لطیف و خفیف و اطرافنده اولان صحرالری و مسیره لری و از جمله
 اظه لر و قاضی کوی و چاملیجه و بوغاز ایچی کبی ستملری پک کوزل
 و مفر حدر . و موقی ایجا بنجه اکثر طرفلرینک اینیه سی طبقه طبقه
 انشا اولنش اولدیغندن دکر طرفندن منظره سی غایت یاقشقلیدر
 و قره دکر بوغازی متعدد قلعه لر و طابیه لر ایله مستحکم و لپانی گگیش
 و بتون سواخلی اک بیوک سفینه لر یناشه بیلور صورتده درین
 و صوبی دایما جاری و جیددر . استانبول قره دکره ایشلیان سفاین
 تجاریه نک ممری و ممالک دولت علیه نک برنجی تجارتگاهیدر . بوغاز ایچی
 و اسكدار و قاضی کوی و اطه لر و ایاستفانوس و کوپری اسکله لرینک
 اکثریسه هر کون شرکت خیره و اداره مخصوصه و ترسانه و اپورلری
 ایشلر . و استانبولدن غلظه طرفه تمدید اولنان بشیوز اون بش
 و درتیوز یتیش مترو طولنده ایکی عدد تیمور کوپرلردن هر کون
 علی التخمین یتیش سکسان بیک آدم کلور نجر و غلظه قره کوی
 قپوسندن مولو یخانه یه یاییلان طونل واسطه سیله کل یوم تخمینا اون
 بیک آدم اینر چیقار و غلظه یه اوج درت ساعت بعید محللرده دولت
 علیه نک استانبولی پای تحت انخازندن برو یانش اولان یدی عدد
 جسیم بندلردن بیوک یولر و کرلر واسطه سیله اعلا ولذید صولر
 کلور . استانبولده موجود اولان آثار عتیقه دن سلطان احمد
 میدانده کی ایکی عدد دیکیلی طاش و تونجیدن معمول بورمه لی دیرک
 و سلطان محمود تر به سی جوارنده کی چنبرلی طاش و قلع جوارنده
 قز طاشی و فضلی باشاده یر التده بیک بر دیرک و ایاصوفیه ده یره بتان

و ميلادك بيك درتيوز قرق الی و هجرتك سكر يوز الی تاريخنده
 جنيوزلرك ياديني غلظه قلهسی ویدی قله و قز قلهسی و اياصوفي
 و قهریه و فتحیه و زيرك و كل جوامع شريفهسی و اناطولی و روم ايلي
 حصارلری و تکفور سرای شایان تماشادر . استانبول بك چوق
 صدماته اوغراد قدنصره نهایت ميلادك بيك درتيوز الی اوج
 و هجرتك سكر يوز الی یدی تاريخنده سلطان محمد ثاني حضرتلری
 فتحه موفق اولدی .

« اسرائيل » - يعقوب عليه السلامك لقيدر بو لقب مؤخرأ
 مشار اليه دن تولد و تشعب ايدن ايکی سبطه يعنی قبائله نام عمومی
 اولمشدر . اسباط مرقومه خلقی بو نامی ذکر ايله برابر بولندقلری
 سبطك نام مخصوصنی دخی محافظه ايدرلر ایدی . بنی اسرائيلدن
 (سبط قتال) و (سبط يهودا) کي سليمان عليه السلامك و فاتی
 عقينده اون ايکی سبطدن اون سبطی بنی اسرائيلدن آریلوب شخيمده
 (نابلس) بر حکومت تشکيل ايتمش و ايکی سبطی قدس شريفده حضرت
 سليمانك اوغلی تابعينده قالمش ایدی قدسده قالانلرك حکومته
 حکومت يهوديه و شخيمده تشکيل ايدن حکومت اسرائيليه
 ديرلر . حکومت يهوديه نك نفوسی حکومت اسرائيليه نك نفوسندن
 دون ايديسه ده ملتک معتبرانی و بیت مقدس قدسده اولوق ملاپسه سيله
 حکومت يهوديه زنکين و نفوذلی ایدی .

« اسکندر رومی » - بوکا اسکندر يونانی و بيهوک علكساندری
 دخی ديرلر . بو ذات ميلادك اوچينوز طقسان درت و هجرتك طقوز
 يوز ايتمش سكر سنه مقدمنده تموزك يدنجی کونی دنيايه کلوب حکيم
 مشهور (آريستو) نك تحت تربيه سنده اون الی ياشنه بالغ اولدقده

پدری ماکدونیا حکمداری (فلیب) ک یزانس (استانبول)
 محاربه سینه عزیمتی مناسبه یرینه وکیل اولدی وائئای وکالته
 اطرافده اولان بعض اقوام تحت اطاعته آلدی ویکرمی یاشنده ایکن
 پدری (یاوزانیاز) نام بر معیت ضابطی طرفدن قتل اولدیفندن
 تحت جلوس ایلدی . فیلک وفاتی خبری عموم یونانستانک وخصوصیه
 آتیه سروریشی موجب اولمشدر . حتی (ده موستن) کریمه سنک
 وفاتی مناسبه یاس ایچنده بولندینی حالده فیلک قلی خبری اوزرینه
 سیاهلری چیقاروب یرام البسه سنی کیش وشکر اجرا ایتمشدر .
 یونانیلر وقعه مذکوره نی اعاده استقلال وحریت ایچون فرصت عد
 ایدرک بعض قلعه لرده بولنان ماکدونیا عسکرینی طرد واعلان
 استقلال ایتمشدر . اسکندر پدرینک تشبث ایتدیکی عموم محاربه لرده
 بولنش ولازمکلان مهارت کسب ایتش اولدیفندن یونانیلرک اشبو
 حرکتلری اوزرینه اصلا تلاش ایتوب سلاح التده حاضر
 بولنان عساکر ایله کمال سرعت اوزره یونانستانه داخل اولمشدر .
 اسکندرک بو حرکت سریعه سی یونانیلری هر نوع مقاومتدن عاجز
 برادیفندن یونانیلر ماکدونیا نیک هکه مونییه سنی تکرار تصدیق
 ایدرک عرض اطاعت ایتکه مجبور اولمشدر . کویا اسکندرک
 ایلیریا یاخود ایلیریاده (ارناؤدلق) واقع اولان محاربه لرک برنده قتل
 اولدیفنی حقنده شایع اولان حوادث اوزرینه یونانستانده ماکدونیا
 علیه تکرار نمایش ظهور ایتش وحتی تبده عصیان ایدن اهالی
 ماکدونیا محافظلرینی قتل ایتمشدر . اسکندر اون اوج کون
 طرفنده بعوثیه ورود ایدرک تب شهرینی محاصره ایتش
 وهر قدر تبیلر جسورانه مقاومت ایتش ایتسه ده ثبات

ایده میوب اسکندره تسلیم سلاح ایتمکه مجبور اولمشدر . اسکندر شهر مذکوری کاملاً تخریب واهالیسنی اسیر ایتمشدر . اسکندر بو وجهله یونانستانک اطاعتی تأمین ایندکدنصکره ماکیدونیابه عودت ایدرک هجرتک طقوز یوز اللی الی سنه مقدمنده قرق بیک کشیک بر اردو ایله (هلسپونت) یعنی چناق قلعه بوغازینی مرور ایدرک اناتولی قطعه سنه داخل اولمشدر . اسکندر اردوسنده یکریمی بیکدن زیاده ماکیدونیالی یوق ایدی . قصوری یونان و سائر عساکر معاونه سندن عبارت ایدی اسکندر قطعه مذکوره ده واقع ترواً قربنده ایران اردوسنه راست کلهرک واقع اولان محاربه ده مظفر اولمشدر . محاربه مذکوره اولجوارده جریان ایدن کوچک بر نهر حسیله (غرانیک) محاربه سی تسمیه اولمشدر . ایران حکمداری بولان اوچجی دارا جسم اردو ایله اناتولی و سوریه حدودنده اسکندره قارشی چیقمشدر . اسکندرون کورفری ساحلنده واقع ایسوس (آیس) قصبه سی جوارنده بینلرنده وقوعولان محاربه شدیدده دخی اسکندر طرفدن قزالمشدر . دارا ایسه والده سنی وفاملیاسیله برابر خزینه سنی ترک ایدرک رجعت ایتمشدر . اسکندر اسپردوشمش اولان شاه فاملیاسنه فوق العاده حرمت و رعایت ایتمشدرکه او و قتلره کوره بیوک انسانیت دیمکدر . وایکی سنه صکره ارمنستان حکمداری (واهه) نک دارا ایله اتفاقی خبر الدیغندن اورایی و متعاقباً سوریه و تیر یاخود تیریات (طبریا) و غزه شهرلرنی استیلا ایلدی و غزه والیسی ایکی آی قدر مقاومت ایندیکی جهته بعدالاستیلا مقتولاً وفات المیش اولان والی مومی الیهک جسدینی ایاقلرندن آت قویروغنه یاخود عربیه باغلوب سور کلتلرک آخرته کوندردی

وقدس شریفه وارد قدیه یهودیلر بیاض البسه لر وطنظه لرله
استقبال واولجه استدیکی عسکرک کوندریله مامسندن طولای
وقوعولان قصورلرینک عفوینی استرحام ایلدکلرندن عفو ایدوب
مصر یولنی طوندی و مصریلر ذاتاً ایرانیلرک حمایه سندن ممنون اولدقلری
ایچون اسکندری کوزل قبول ایتدیلر واسکندر مصرده راحت ایتکده
ایکین ایرانیلرک اربیلده عسکر طویلامقده اولدیغنی خبر آلدیغنی کبی
میلادک اوجوز اوتوز بر وهجرتک طقوز یوز اون بش سنه مقدمده
اورایه دخی یشوب بیچاره دارایی بتون بتون بر باد واسترآباد قدر
تعقیب ایلدی و فرس صدر ابلزندن (بسوس) نامنده بر خائن دارایی
قاچار ایکن باقترانده (بلخ) طوتوب اعدام ایلدیکندن اسکندر اورایه دخی
عزمتله خائن مرقومی اخذ ودارانک ورته سه تسلیم ایلدی . و سمرقند
و حوقند شهرلرینی آلدقده نصکره بخارا شاهنک قزیله ازدواج و بخاراده
آرام و بش سنه صکره هندستانک شمال غریبسنده واقع پنجابدن کچرک
هندستان راجه سی (پوراوه) پی حرباً اخذ وینه عفو واحسان ایلدی
و هندستانی دخی ضبط ارزوسنده بولندیسه ده زیاده سیله یورلمش اولان
عسکری پکده موافقت ایتدیکندن و اصرار ایده جک اولور ایسه علیهنده
بر اختلال حقیقه جغتی اکلا دیقندن دونوب سند و بلوچستان طریقله
و صوسز و ایسز چوللردن درلو مشقتلرله بابه کلدی . و بتون دولتر
طرفندن تبریک مظفریت ایچون کلان سفرا واهالی استقباله چیقدی
لکن بیچاره عشرتله وجودینی خراب ایدرک بر بیولک خسته لغه دوچار
اولدیقندن میلادک اوج یوز یکریمی اوج سنه مقدمده خسته لغنک اون
برنجی کونی غوغای جهانندن قورتلدی .

« اصفهان » — یاخود اصفهان ممالک ایرانیه دن عراق عجم ابالتی

داخلنده و طهرانك اوجيوز الله كيلومتر و جنوبنده بر شهر د
 بوراسي مقدا بك معمور و ايران شاهلريك مقر سلطنتي ايكن
 ميلادك بيك اوجيوز سكران يدي و هجرتك يديوز سكران طقوز
 تاريخنده تيمورلنك و ميلادك بيك يديوز يكرمي ايكي و هجرتك بيك
 يوز اوتوز بش تاريخنده افغانيلر قتل عام و ضبط و تخريب ايلديكندن
 خراب اولدي و يدي سنه صكره نادر شاه افغانيلردن استرداد
 ايلديسهده ارتق امنيت ايده مديكندن پاي تختي قالد يروب طهران
 كوردی اصفهانك اك معمور زماننده يعني شاه عباس ثاني وقتده
 نفوس التي يوز بيك راده سنده ايكن شمدي الشمس بيكدن زياده
 دكلدر بعض آثار قديمي كورلمكده در اصفهانده كوزل اسلحه
 و قلع ياپيلور اييك والتون و كوش تللي قاشلر نسج و اعمال
 اولنور .

امويه ۱ - چهاريار كزين رضوان الله تعالى عليهم اجمعين
 حضراتنك خلافت سنه لرندن صكره شام شريفده تشكك ايدن
 برنجي حكومت اسلاميه در . زمان مشار الهمده شام واليسي
 بولنان (معاويه) حضرتلري خليفه رابع علي المرتضى ايله صفين
 محاربه سني ياپوب عقد مصالحه ايتد كدنصكره سلطنتي قورديسهده
 اصل سلطنتي يعني حكومت مذكوره نك تشككي درت سنه صكره
 يعني ميلادك التيوز الشمس بر و هجرتك قرق بر تاريخده جناب حسن
 بن علي المرتضى نك حق خلافتي معاويه ترك و فراغندن اعتبار
 اولنور . دولت امويه نك طقسان بر سنه دن عبارت اولان مدت
 سلطنتلرنده اون درت پادشاه كلوب ميلادك يديوز قرق طقوز
 و هجرتك يوز اوتوز ايكي تاريخنده عباسيلر بديله منقرض اولديلر

ایسده عبدالرحمن بن معاویه بن هاشم بن عبدالملك نام قهرمانك
اندلسده تشکیل ایلدیکی حکومت امویه میلادك بیک اوتوز بر
وهجرتك درتیوز یکریمی اوچ تاریخنه قدر دوام ایتشد .

« آمینه » بنت وهب بن عبد مناف - علیه الصلاة والسلام
افدمزك والدۀ محترمه لیدر . جناب حقك احسان بیوردینی جمال
و كاله بناء قومی بینده (حكیمه) لقبیله مشهور ایدی زوجی عبدالله حضرتلری
لاجل التجاره مدینه منوره یه کیتدکلی زمان دار النافه نام محلده
وفات ایلدیکندن مشار الیها هر سنه زیارتنه کیتدیکی کبی ولادت
جناب نبویك بشیخی سنه سنده دخی کیدوب عودتنده (ابواء)
نام قریده وفات ایلدی . ملجا امم افدمزی جدلری عبدالمطلب
حضرتلری بو وقعه مؤله اوزرینه قریه مذکوره دن مکه مکرمه یه
جلب ایتدیرمش ایدی .

« انجیل » - اليوم موجود اولان اناجیل اربعه متی و مرقس
ولوقه و یوحنا معرفتلیله یازیلانلردر بونلردن برنجیسی یکریمی سکر
اینگیسی اون الی اوچنجیسی یکریمی درت دردنجیسی یکریمی بر باب
اوزرینه ترتیب اولنشد . عیسویلك اعتبار ایلدکلی اشبو درت
انجیله کوره (عیسی) علیه السلامك یهودیلر طرفندن قتل و صلب
اولتوب صکره احیا ایله رفع اولندیقی ادعا ایتکده ایسه لرده
مشار الیه حضرتلری قتل و صلب اولتیوب حکمت بالغه ایله اكا
مشابهه یهودیلرك بیوکلرندن (ایشوع) نامنده بر حریفی صلب
ایلدیله . جناب خالق حقیقی قرآن کریمده (وما قتلوه وما صلبوه)
بیورمشدر . عیسویلك كرك صلب مسئله سنده و كرك دیکر مسائل
انجیلیده قرآن عظیم الشان انجیل شریفه بکزمیور دیهرك ایتکده

اولدقلری اعتراضلری بتون بتون واهی اولدوق قرآن کریم ایله انجیل شریفک یکدیگرندن هیچ بر فرقلری یوقدر چونکه بو انجیلردن ماعدا دهاسکی انجیللر واردرکه انلر الیوم وراي ظهوره نزل اولغشلردر اشبو اناجیل اربعه نك هیچ بری عصر اول میلادیده وکذا عصر تانینک نصف اولنده معلوم دکل ایدی . سنت جوستین نامنده اولان عیسوی علامندن اول هیچ بر علمانک کتابنده نه موعظه سنده نه انجیلدن استشهاداتنده بونلردن برینه اشارت بیله یوق ایدی سنت جوستین ظهورینه دک بر بحق عصر قدر مدته اباء نصرانیت عنوانیله کچن پاپلر بونلردن اصلا بحث ائلامشدر . تاریخلردن اکلاشلدینی اوزره الی دن زیاده انجیل اولوب بونلرک ایچندن بارنا به نك انجیلی ترجمه عیسی علیه السلام وبالجمله نصرانیه دائر حکایاتده قرآن عظیم ایله مطابقدر . بارنا به اصحاب یسوعدن بر محترم ذات اولوب میلادک الشمس اوج تاریخنده قبریسده شهید اولمش حالا عیسویلر هر سه حزیرانک اون برنده انک یورطیسنی طوتارلر . یغمبریز علیه السلامک عصر سعادتلرنده ارض حجازده معلوم ومتداول اولان انجیل سنت بارنا به نك انجیلی ایدی بو انجیلده عیسی بی صلب ایتمکلی واکا بکزر بری صلب ایلمکلی قرأنده کی کبی مذکوردر بو انجیلده (یانی من بعدی اسمہ احمد) تبشیری صراحة واحد رسول الله تعریله مذکوردر . بو بارنا به انجیلک اسپانیول لساننده ترجمه اولغش بر نسخه عتیقه سی آفریقا مغربیلرنده حالا موجود بو نسخه ایکوز یکر می ایکی فصلی شامل درت یوز یکر می صحیفه اولوب اوقونه بیله جک درجه ده حسن خط ایله محرردر فقط اسکی اولدیفندن کنارلری اسکیمش پارچه پارچه اولمشدر بو

انجيلك برده ايتالانجه ترجمه سی بك اسكى بر اثر خط اوله رق
(اوژن دو صا و وعا) كتبخانه سنده موجود ايدوكى مرويدر . سنت
بارنابه نك انجيلي روماده پاپا حضرتلری كتبخانه سنده محفوظ و مستور
و مطالعه سی ممنوع ايكن هر نصله (اسلام علماسندن مهتدی
مصطفى) نام ذاتك الله كچمش و دروننده حضرت (محمد) عليه
السلامك بعثي تبشيره دائر آيتلری كوردیكى انده در حال شرف
اسلام ايله مشرف اولمشدر . (فارقلیط) مباحثه سی حالا عيسويلرك
الرنده موجود اناجيل اربعه نك عباره سی اوزرينده در يوقسه مسئله
تبشير بارنابه انجيلنده مباحثه يه ير و يرميه جك صورتده صريحدر .

« انطاكيه » - حلب ولايت جيله سی داخلمده و نفس حلبك
جهت غريب سنده و يوز يكرمی كيلومترو بعد و مسافه ده در . اليوم اون
اوجيك طقوز يوز يتمش طقوزی اسلام اولمق اوزره اون التي بيك سكر
يوز اون التي نفوس حاوی بر قضا مكر يدر انطاكيه يي مشهور اسكندر
يونانينك كزيده امراسندن اولان (سلفكوس نيقاتور) هجرتدن طقوز
يوز يكرمی ايكي سنه مقدم پدري اندوخيوسى نامنه بنا ائش و وفات ايدن
اسكندر دن صكره تشكيل ايلديكي سلفكيان دولته مركز اتخاذايتمشدر .
حضرت (عمر) رضی الله عنه زماننده يد اسلاميانه كچمش و بر مدت
مصر لولر اداره سنده قالوب ميلادك بيك بشيوز اون التي و هجرتك
طقوز يوز يكرمی ايكي تاريخنده دولت عليه يه انتقال ايتمشدر . انطاكيه
يونانيلر زماننده بر جسامت و معموريت فوق العاده پيدا ايدرك
يديوز بيك نفوسى حاوی بولنش ايديسه ده ميلادك اون اوج
و هجرتك بشيوز يتمش بر سنه مقدمنده يهودی ملكى بنانه نك
استيلا سنده بر كونده يوز بيك كشي اعدام اولنش و بشيوز يكرمی

التي سنة ميلاديه سنده وقوع بولان حرکت ارضده اوچوز بيلک
 آدمک متواری خاکه هلاک اولمسی و بونلردن بشقه یکریمی یقرب زلزله
 و یاقین بلیه لرینه و اولقدرده استیلا صدمه لرینه او غرامسی انطاکیه بی
 خراب ایدرک یالکر یادکار عظمتی اولق اوزره ایکی ساعت دورنده
 بولنان سور قدیمک بر مقدارینی براقه تلشدر . انطاکیه نک آوان
 معموریتده دروننده بر چوق حکمدار سرایلری و کوشکلری سبعة
 سیاره دن مشترینک هیکلی . جسم حاملر . صو یوللری . تیاترولر
 وار ایدی حتی تیاترو اولدرجه ایلرولمش ایدیکه او یونجیلری
 صور ایله پیروتدن و خواننده لری بملبکدن کلور ایدی . برده انطاکیه
 و رومالولر وقتده یک معمور و مشهور اولمسیله روما ایمپراطورلنک
 روما واسکندریه دن صکره بر اوچجی پای تختی ایدی . انطاکیه
 سلفکلولر زماننده مدینه آلهیه دیمک اولان (توبولی) و رومالولر
 هنکامنده ملکه شرقیه معناسنی تضحن ایدن (رن دی لوریان)
 ناملریله شهرتشاردی و کرک سلفکلولر زماننده و کرک رومالولر
 وقتده انطاکیه ده هر درلو علوم و فنون ولا سیما علم هیئت و آلهی یک
 ایلرولمشیدی . صاییلان شو آثار معموریت و مدنیتی سالف الذکر
 بشیوز یکریمی التي حرکت ارضی بتون بتون محو اولمشدر .
 انطاکیه نک موقع حاضری یک دلنشین اولوب غرب جهتدن
 و اوکندن نهر عاصی آقار ارقه جهتده لطیف المنظر بر طاغ اولدینی
 کچی شمال و جنوب جهتلرنده کلیتو لیون و پورتقال و سائر میوه
 باغچهلری اولدیفندن و اوکنده ده واسمجه بر اووه بولندیفندن لطافت
 موقعیه سی بالا تردر . انطاکیه نک ایکی ساعت مقداری جانب
 جنوبیسنده مشهور دفنه شهری موقعی بولور موقع مذکور الیوم

(بیت الماء) نامیله مذکور و خاصینک جهت شرقینسده واقعدر دفته یی
 سلفکوس نیقاتور انطاکیه ایچون برز هتکاه اولق اوزره بنا ایلدیکنی
 بعض تاریخلر یازیورسده دفته نك بناسی انطاکیه دن مقدم اولوب
 بانیسیده (ایدفن) نامنده بر ذاتدر . تاریخلرک قولنج سلفکوس
 دفته کوزل سوقاقلر . تیاترولر . مسیره لر تأسیس ایلدی
 واوراده سلفکلورلرک معبودی اولان (آپولو) نك (آپولون) اسکی
 یونانلورک اعتقادنجه کونش و آیدنلق و صنایع و ادبیات و طبابت
 معبودی ایدی ورسخنده کندوسی غایت یاقشقلی برارکک چوجنی
 اولدینی حالده النیده بر اوق طوتار و صاحب لری یره سورینورکی
 کوستریلوردی (هیکلی ایله دیگر هیکلر وار ایدی بو برنجی هیکل
 بیان سرویسندن معمول و غایت مکلف ایدی . ینه دفته نك بر مقدار
 بعدنده و باغچه لر اراسنده (اولومیسکی) نامنده بر جسم تیاترو
 بولنوردی بوراسنک حیادت هوا و لطافت موقعیه سی پک بالاتر
 ایدوکندن انطاکیه لیلردن پک چوق کسنه لر لاجیل التزه اورایه
 کیدرلر ایدی . تاریخ میلادک عصر نالتهده استانبول ایمپراطوری
 (بولیائوس) هیکل مذکور ی زیارت ایچون دفته یه کله رک اشبو هیکل
 حقنده حرمتنزلک مشاهده التسلیه دفته خرسیتیا نلرینه غضبانک
 اوله رق دفته ده کی کلیسای هدم وایچنده مدفون بعض کیکلری
 بالاخراج احراق ایتدیردی بو ضررده انطاکیه و دفته ده شدتلی
 بر قحط و قوعبوله رق اهالی ییتنده اختلال ظهور ایتکله (آپولون)
 هیکلی یاقدی مع ما فیه هیکل مذکور بیک یوز یتیش سکز سنه
 دائم اولمشدر . میلادک بشیوز یکرمی التی سنه سنده و قوعبولان
 حرکت ارضده دفته کلیاً خراب اولمشدر . دفته نك شمیدیکی حالده

موقعی ایکی یوکسک تپه لرك اراسنده واقع نیشجه وغربه طوغری
 میلجه بر دره ایچندن عبارت اولوب اشبو دره نك جبهه سنی تشکیل
 ایدن منظره سی کوزل بر قالغك التسدن و بر قاج موقعدن عظیم
 بر ایکنتی ایله غایت براق صولر چیقوب چاغلیانلر تشکیل ایده ایده
 وادی عاصییه اقرار کیدر .

« اورفه » - یاخود (رها) یاخود (رافیا) - حلب ولایت
 جلیله سی داخلنده ونفس حلبك شمال شرقیسنده وایکوز اون کیلو
 مترو بعد و مسافه در . الیوم ثلثانی اسلام اولمق اوزره اوتوز بیک
 نفوس جامع بر سنجاق مرکزیدر . اورفه شهرینك ابنیه سی اولدجه
 منتظم اوله رق دروننده مقام ابراهیم علیه السلام اولان جامع کیر
 واردر . اورفه شهرنده (عین ذلیخا) و (خلیل الرحمن)
 ناملرنده ایکی صو نبعمان ایدوب درون شهر ایله شهرک جنوب
 جهته ده (برکه ابراهیم) دنیلان کوچك کوله اقرارلر خلیل الرحمن
 صوینك سریانیجه اسمی (دمضان) یونانیجه آدی (سکیرتوس) در
 بوزاباد ناحیه سندن ظهور ایدن (کهریز) جای دخی اورفه یه جریان
 ایلر . اورفه یه ناظر طاغك اتکنده بر عتیق قلعه اولوب بو قلعه نك
 شهره حاکم اولان برچی اوزرنده غرودك حضرت ابراهیمی آتسه
 اتق ایچون پایدینی یکدیگرندن تخمینا اون ادم فاصله لی ایکی عدد
 منجیق عمودی واوزلرنده حظ و نقش اثری واردر . اورفه
 کنارنده حضرت ابراهیم قدمنهاده عالم وجود اولدقلری مفازه
 موجود و (مولد خلیل) نامیله معروفدر مولد خلیلک نام قدیمی
 (کونا) دراسکی زمانده محوسیلرك اك بیوک اتشکده سی اورفه ده
 ایدی . بو اتشکده نك ایچنده معبودلری اولان شمس تقدیساً دائماً آتاش

بقارلر وقارشوسنه كجوب عبادت ايندرلر ايلدي برده بومغارەنك ياتنده
 برمغارە دها اولوب والدهلري حضرت ساره مشار اليهي اوراده
 بيوتشدر . مؤرخيندن برطاقلي اورفەنك ميلادك ايكيك سنە مقدمندە
 بابل پادشاهي (راميس) يعني غرود جانبندن و بعضيلريده ميلادك
 درتيوزييل مقدمندە سلفكەلولر طرفدن بنايدلەيكني ضبط وتحرير ائشلا
 ايسەدە اورفەنك حضرت ابراهيم زمانندە موجود وكتب مقدسەدە
 مذکور اولسنە كوره بناسي بك اسكي اولديني دركاردر . ويعقوبيه
 مذهبك محل ظهوري اورفە شەريدر . شەر مذکور مرور اعصار
 ايله سلفكەلولرك اجزاي خاندانندن بعضيلرينە ، ومؤخراً بقار دنيلان
 حڪمدارانە مقر حكومت وسكرە رومالولرە مەركز ايالت اولمشيدي
 رومالولر زمانندە اورفەدە برچوق سلاح قابريقلري ، و ديويلري
 وار ايلدي اورفە كيدرك ساسانيلرك وحضرت عمر اقدمزك (رضی
 اللہ عنہ) زمان خلافتلرندە عربلرك صكرە سلجوقيلرك اهل صليک
 ومؤخراً ترکلرك ايرانيلرك الله كچد كدنصكرە ميلادك بشيوز درت
 وهجرتك طقوز يوز تاريخندە اداره عادله عثمانيه انتقال ايلدي .
 شەر مذکورە اوروپاليلر زريسوديرلر .

«ايوبيه» - شام وموصل اتابكي (نور الدين) كبرادر زاده سي
 سلطان (صلاح الدين ايوبي) ميلادك بيك يوز يئتميش اوج وهجرتك
 بشيوز التمش طقوز تاريخندە مصرده تشكيل ايلديكي حكومتك اسيدر .
 مشار اليهك اخلافي مصرده وشام وموصل وبلاد سائرەدە سكران سنە
 حكومت سورمش وبرارەلق ارمنستانە دخي مالاك اولمشدر . بونلرك
 مصر وشام جهتلرنده اولان سلطنتي ميلادك بيك ايكوز اللى بر
 وهجرتك التيوز قرقي طقوز تاريخندن صكرە ملوك اترك يدينە

یکدیسه ده حلب و حما و ارمنستان و بنده کی حکومتی براز ده
امتداد ایشدر .

﴿ حرف با ﴾

« بابل » - بغدادك طقسان اوج كيلومترو اشاغيسنده وجهت
جنوبيسنده و فرات اوزرنده و قتيله دنياك اك مشهور شهر لرندن
بريدر . بوشهرك بولنديني موقعك جوارنده اليوم (حله) شهرى موجود
ايسده حله بابلك بر محلهسى قدر دكلدر . بابلك اولوقكى جسامتى
لوندرك شديكى جسامتدن زياده ايدى . شهر مذكورى برنجى
حكومت بابليه يي تأسيس ايدن (غروت بن كوش) ياپديروب مقر
حكومت اتحاد ايتدى و صكره كلان پادشاهلر تدريجاً توسيع و تزئين
ايدلى . بابلك فقط ايله مزوج طوغلهدن ياتلش برى برى ايچنده
وايكوز الى قدم ارتقاغنده و الى قدم عرضنده ايكى سوري و بو
سورلرك درت طرفنده تونجبدن معمول يوز عدد قپوسى و فرات
نهرندن صواخذ و املا اولنش جسيم خندقلى و اطرافده ايكوز
الى عدد قلهسى و مملكتى و اطرافده اولان باغ و بوستانلى اروا
ايچون متعدد قنالىرى وار ايدى . بابلك دروننده سوري ارتقاغنه
مساوى برى برى اوزرينه كمرلرله ياتلش واك اوسته قالين طبراق
غرشيله جسيم افاچلر ديكلمش و درلو درلو طرحلر ايله تزئين
اولنش اولان باغچهسى عجائب سبعة عالمندر بوندن بشقه ياپيلان
سرايلر ايله حكمدار مشهور (بلوس) نامنه انشا اولتان معبد
قديم شاين قاشا ابنه جسيهدن ايديسده هچ برينك اثرى قاليوب
يالكر غرود قلهسى دنيلان خرابه مشاهده اولمقده در . بابل شهرى

اسکندر رومینک زمان استیلاسنه قدر موجود اولوب اندن صکره خرابه یوز طوتدی واهالیسنک کافه سی صابغی المذهب ایدوکی عند المورخین تحقیق ایتدی .

« بارنا به » - اصحاب یسوعدن بر محترم ذاتدر . حضرت (عیسی) علیه السلامدن صکره بولصک درس شاگردی اولدینی حالده دین عیسی علیه السلامی قبول ومومی الیه ایله سیاحت وبر انجیل تحریر ایدوب میلادک الشمس اوج تاریخنده قبریسه شهبدا وفات ایلدی . یونک یازدینی انجیل اگرچه اناجیل اربعه موجوده دن دکل ایسه ده مندرجاتی قرآن صکریمک مزای منیفه سنه مطابقدر ودها برجوق رساله لری وارددر ومومی الیه خرسیتانلر بیتنده ایتالاده کائن میلان کلیساسنک رسولی طانتقمده و بهرسنه حزیرانک اون برنجی کونی یورطیسی طولقمده در .

« بایدیدی ثانی » - ملوک عثمانیه دن سکرنجی پادشاهدر و فاتح سلطان محمد ثانی حضرتلرینک اوغلو و سلطان سلیم اول حضرتلرینک پدریدر ولادتی میلادک بیک درتیوز قرق یدی وهجرتک سکر یوز الی بر جلوسی میلادک بیک درتیوز سکسان بر وهجرتک سکر یوز سکسان الی وفاتی میلادک بیک بشیوز اون ایکی وهجرتک طقوز یوز اون سکر تاریخنده در مشار الیهک جلوسی سنه سنده برادر سلطان جم قره مان امیرینک اغفال واعانه تیله بروسه اوزرینه کلوب یکیشهرده مغلوب ومصره قدر فراره مجبور اولدی حج شریفدن عودتنده بر کره دها طالعنی دنه مک استه یوب ینه سلطان بایدیدک عسکرینه مغلوب اولدیغندن رودس قوالرلرینه دوشدی واورادن سلطان مشار الیهک التماسیه فرانسیه کوندردلی . میلادک بیک درتیوز سکسان الی وهجرتک

مسكر يوز طقسان بر تاريخنده رمضان اوغلو ممالكنه تجاوز ايدن
 مصريلري دفع ايجون كوندريلان اوچ قول اردو مرعش حاكى
 ذوالقدر زاده نك وفاسزلى و بعض امرا نك احتياطسزلى و اتاقسزلى
 سبيله منهزم اولوب سردار هر سك زاده احمد بك اسير دوشدى و مجار
 مجار باتندن سكره اشقوده اردوسى دالماجياني و ديكر اردو لهلولرى
 تربيه ايدوب استانبول اسير ايله طولدى ميلادك بىك درت يوز طقسان
 طقوز و هجرتك طقوز يوز تمش بش تاريخنده و نديك محاربه سى تجدد ايتدى
 و كفالونيا و مودون و قورون و آوارون (ناوارين) ضبط اولنديغندن
 و نديك جمهورى اوروپالوردن استمداد ايتميه پايا و اسپانيا و فرانسه
 و مجار حكومتلى اتفاق ايدرك اق دكره دونما كوندريدلر لكن كمال
 رئيسك صولتدن و قورتنه لردن خيلى تلفات و بركه عوده تحبور
 اولديلر . و ايرانيار طرفندن اهالى اضلال ايجون صوفى ناميله
 كوندريلان منافقك افساديله اناطوليه اولان اهالى عثمانيه نك
 برطاقى عجمستان طرفلر نه چكلمكه باشلا ديفندن چاره سى لى التامل
 ايجلانده او يوله ميل ايدنلرى بالتحقيق موره ممالك مفتوحه سنه نقل
 ايدلى . و برقاچ يوز كار كير كوپرلر و بنالر يانلدى و ميلادك بىك
 يشيوز سكر و هجرتك طقوز يوز اون درت تاريخنده شاه اسماعيل
 خربوط و مرعشى اوروب ينه كير و چكلى و بر بىوك زلزله اولوب
 قرق بش كون امتداد ايتدى . و روم ايلنده ادرنيه و اناطوليه
 چورومه قدر شدق حس اوانوب چورومده ايكي محله منخسف
 اولدى و استانبولده يوز طقوز مسجد و بىك تمش خانه خراب و بشييك
 ذكور و اناث و صبيان تلف اولدى و استانبول سورينك قرق بىك
 اوچ يوز ذراع محلى بيقلى حاصلى استانبول و يرانيه دونديكندن

زلزله، مذکوره به قیامت صغری نامی ویرلدی و در حال اناطولیدن اوتوزیدی بیک وروم ایلندن یکرمی طقوز بیک عمله و اوچیک طاشجی و دیوارچی کتوردیلوب و عسکریدن دخی اوچ بیک مسلم و سکر بیک یا اایریلوب التمش درت کونده مذکور سور و قزقله سی و سلوری و چکمه کوپریری انشا واکال ایدلدی و میلادک بیک بشیوز طقوز و هجرتک طقوز یوز اون بش تاریخنده سلطان بایزیدک اختیارلنی مناسبتیه اداره سلطنتدن عجزی تحقیق ایلدیکندن شهزاده کانتک جمله سی سلطنت ارزوسنه دوشوب برقاچ سنه دخی بوغانله ایله ذهنلر مضطرب اولدی و هرکس برطرفه مائل بولندی کبی یکچیریلر دخی سلطان سلیبی استدکلرندن سلطان بایزید ملتزمی اولان شهزاده بی براغوب، ناچار سلطان سلیبی جلب و سلطنتی اکا تفویض ایدرک مشار الیه حضرتلری باقی عمرینی کچورمک اوزره دیتوقه یه کیدر ایکن حوصده وفات ایلدی .

«بحر لوط» - ارض فلسطینده و قدس شریفک شرق جنوبی جهته ده واقع اولوب طولی یتمش بش و عرض وسطیسی اون بش کیلومتر و در سطح مجردن اوچ یوز متر و یعنی اوچ یوز طقسان التی ذراع معماری منخط برکولدر اصلا حرکت التدیکی جهته بوکا (بحر میت) دخی دیرلر طبریا کولنک ایاغی اولوب (اردن) ویا (یوردان) دنیلان (وادی الشریعه) نهری بحر مذکوره جریان ایتمکده در و صوینک لونی قیج و طعمی غایت طوزلی و کریهدر و دروننده سائر کوللرده اولدینی کبی بالق بولنیز .

بخارای کبیر آسیای وسطی ده و سوغدیان قطعه سی داخلنده خانقلردن الک زنکین و کثیر النفوس برخانقلدر مساحه سطحیه سی ایکوز اوتوز

طقوز بیک کیلو مترو مر بونده واهالیسی ایکی ملیون یوز بیک راده سنده در قواعد ما وراء النهر دن بری صاییلان نفس بخاراده یوز بیک نفوس تخمین اولمقده در و جله سی اهل اسلام در بخارا شهر بیک بر کوزل سوری و اوچوز التمش عدد جوامع شریفه سی تحصیل علوم ایچون التمش عدد مدرسه سی وارد در بخارا حوالیسیله برابر هجرتك اللى التی سنه سنده سعید بن عثمان ودها صکر قنبه بن مسلم یدیه فتح اولنوب میلادك بیک اوتوز یدی و هجرتك در تیوز یکر می طقوز تاریخده سلجوقلرک و میلادك بیک ایکوز اون اوج و هجرتك التیوز اون تاریخده مغوللرک یدینه کجدی و میلادك بیک اوچوز سکسان اوج و هجرتك یدی یوز سکسان بش تاریخده تیمورلنک و میلادك بیک یدی یوز سکسان التی و هجرتك بیک ایکوز بر تاریخده ایکیجی دفعه اوله رق اوز بکلر ضبط و پای تحت اتخاذ ایلدی بخاراده و قنبه درت بیک فقها موجود اولدینی حالده مغوللرک هجومی مناسبیله جله سی طاعلش و مملکت اولکی معموریتنه نسبتله شمعی خرابه زار حکمنده بولمشد برش اون سنه دنیرو بخارا و تیمورلنکک پای تختی اولان سمرقند و طاشکند بعض ملحقاتیله برابر نوعا روسیه نظارت و حمایتی التنده در مع مافیه بخارا خانلی اوتوز بیک قدر سواری عسکری چقاره بیلور بخارا خانلی توران دنیلان اراضینک و سطنده در (بسف) و (کش) و (قازاب) و (شاش) و (تبت) و (شهر سبز) ممالک مشهوره سندن در .

« بخت نصر » - ایکیجی دفعه اوله رق مدیلر ایله بالاتفاق عصیان ایدن (نابو پولاسار) ایسه کسب استقلالدن صکره چوق یشامیوب سلطنتی اوغلو بخت نصره (نابو شود و ناصور) ترک

ایدرك وفات ايتمشدر . آتوريه بي مضمحل ايدن عصيانك مديلردن
 زياده بابليسلرك ذى مدخل اولدقلى آتوريه مستملاگاندن قسم
 اعظمك بابله كچمستندن آكلاشيله يور . آتوريه دولتك نفوذى
 وپولتيقه سى دخى مستملاكانى ايله برابر مديلره كچميوب بابليسلره
 كچمشدر . آتوريه دولتك پولتيقه سى ايسه بحر سفيد ايله ايران
 بينده ساكن كافه ملل واقوامى يا طوغرىدن طوغرى به تحت
 اداره سنده طوتمق يا خود يالكر تحت نفوذده طوتهرق و برگو آلىق
 و بناء عليه حوالى مزبوره خارچدن كيمه نك مداخله سنى قبول
 ايتماكندن عبارت ايدى . مثلاً مصريلرك بنى اسرائيلك امور
 داخله سینه مداخله لرى اوزرينه آتوريلر مصريلره اعلان حرب
 ايدرك اسرائيللره معاونت ايتمشدر . فرعون مشهور (نحاو) ك
 بنى اسرائيل امورينه مداخله ايدرك اسرائيله حكمدار بنى قتل ايله
 سكنديسنه صادق اولان ديكر بنى حكمدار نعيمين ايتمى يعنى
 اسرائيله بنى مصره بند ايتلى اوزرينه بخت نصر دخى بابلك حقوق
 و منافعى وقايه ايدم يورم قوايله ارض مقدس اوزرينه هجوم ايدرك
 نحاوى پریشان و ارض مقدسى لغما و غارت ايتمشدر . بخت نصر
 قدس شريفى بر مدت محاصره دن صكره ضبط و تخريب و بيت المقدسه
 بولسان خزينه ايله سائر ذقيقت اشياى غصب ايتدك نصره
 حكمدار لريله برابر بنى اسرائيلك ايلروكلش و معتبر اولانلرينى
 دخى اسيراً بابله كتورمشدر . اشبو وقعه تاريخ مقدسده (اسارت
 بنى اسرائيل) ناميله معروفدر و بو اسارت يمتش سنه ممتد اولمشدر .
 مصريلر بنى اسرائيله امداد ايتك اوزره ارض مقدسه كلوب فراته
 قدر ايلر ايتشدر ايسه ده بخت نصر طرفندن بيوك برهزيمته دوچار

ایدیله رک مصره فرار اینمکه مجبور اولمشلردر . بنی اسرائیل (مؤابیلر)
 (عمونیلر) فیکه لیلر ومصریلر ایله بالاتفاق بردها قیام ایتمشلر
 ایسه ده مغلوب اوله رق قدسه قیامشلردر . بخت نصر دخی دردنجی
 دفعه اولمق اوزره قدس محاصره واون سکرز آی صکره ضبط ایدرک
 محافظلری قلیچدن یکیرمش وشهری یکیدن احراق وتخریب ائلشدر .
 بخت نصر فتوحاتدن ما عدا پک چوق آتار ایله نامنی ابقا ائلشدر .
 مرقوم بابل شهرنی توسیع وتزین ائلشدر . بخت نصر پک چوق
 جدولر حفر وانشا ایتدیره رک جوللری معموره لره تحویل
 ایتشدر . بصره کورفرنده ایلك دفعه دوتما انشا ایدن بخت نصر در .
 یهودیلر شریعت موسویه واون الی نفر انبیای ذیشانه ایتدکری
 حرمتسز لیک وارتکاب ایتدکری بت پرستلکک جزاسنی کوردیلر
 ایسه ده بخت نصرک ایتدیکی خسارات دخی یانه قالمدی یعنی قرق اوچ
 سنه سلطنت سورد کد نصکره آخر عمرنده علت جنونه مبتلا اوله رق
 طاغله دوشوب نیجه محنت ومشقله جان ویردی .

« برده » نهری — شام شریفک یدی ساعت بعد شمال غریبسنده
 (زیدانی) نام قریه جوارنده کائن برمنبعدن ظهور ایله (سوق وادی
 برده) نامیله شهرتشار ولطافت موقعیه ووضعیة طبعیه سی
 حیرتغزای عقول ذوی الابصار بر موقع دلکشادن مرور ایدرک
 تقریباً اوچ ساعت مقداری یول قطع ایتدکد نصکره (عین الفیحه)
 نام قریه واورادن عین الفیحه نامیله بنام پیکاردن نبعان ایلیان
 وکندوسنک همان ایکی اوچ منلی جسامته بولتان بر صوایله برلشهرک
 (بسیمه) (الهامه) قریه لرندن دمار قریه سنه واصل اولور نهر مذکور
 کرچه قریه مزبوره دن شهرک متعدد باغ وبانجه لری صولایه رق نفس

شام شریفه داخل اولور ایسه ده انجق دځولندن بر ساعت اولجه
یکدیگرینه برر چهاریک بعد و مسافده و بر طاقم مواقع مختلفه ده
مهره مهندسین کار آفرین اعجاز ایدر صورتده الی قوله تقسیم
اولمشدر . انلردن برنجیسی (یزید صوبی) درکه مجراسنی دمار
قریه سی اوکنندن آلهرق (صالحیه فوقانی) یه و (حارت الاکراد)
دروندن بعد المرور (قابون) قریه سی جوارنده آنا صوبی
اولان برده نهرینه منصب اولور ایکنجیسی (تورا) شعبه سیدرکه
دماردن بر چاریک مسافده واقع مصول نام کوپری اوکنندن
آیرلهرق شام شریفک (سوق ساروجه) محله سیله ده بعض مواقع
و محلاتی اسقا ایدر اوچنجیسی (قنات) صوبی اولوب بوده
جسر مذکوردن بر چاریک مسافده واقع بر محلدن بعد الانفراز
قنات محله سیله میدان تحتانی بی و شاغور محله سیله خرستیان محله سی
اسقا ایلر دردنجیسی (دیرانی) صوبیدرکه دمار قریه سیله ربوه
بوغازی نام موقع لطیف آره سندن آیرلدقدنصرکه شامک جهت
جنوبیسنده کائن (قدم شریف) نام محله داخل اولور . بوراده
ایکی قسمه آیرلهرق بریله میدان فوقانی بی و دیگریه داریا قریه سی اروا
ایدر بشنجیسی بانیاس (بنی الیاس) صوبیدر بوده شامه بر چاریک
مسافده بولنان مار الذکر ربوه بوغازنده آیرلهرق شام شریف
مکتب اعدادیسی داخلدن بالمرور شامک محال و مواقع عدیده سی
اسقا ایلر التجیسی (عقریه) صوبی اولوب بوده مرجه یعنی
کوک میدانی نام موقع مفرح جوارنده و پوسته خانه دازه سی
پیشکاهنده آیریلورکه بوکا شامک میاه مستعمله سی دوکلدیکی جهته
صوبی باغچه صولامقدن بشقه ایشه یزامن بعد مذکور صولرک

جمله سی شامک جهت شرقیسنده کائن باب السلام نام محله نك همان یارم ساعت ایلروسنده بر محله برلشرك (هیجان) بحیره سنه (کولنه) دوکیلور .

« بعلبك » - شام شریفك شمال غربیسنده وسكان كيلومترو بعدنبد و سوريه ولايت جليله سی داخلنده بر قضا مركزيدر بو شهرى حضرت سليمان عليه السلام (زوبا) نام محلدن عهده سنه انتقال ایدن اراضى اوزرينه يابدیردینی مرويدر . بوكا (پالوس) یاخود (هیلو پولیس) دخى دیرلر وقيله پك معمور ایدی شمدى اولكى حالنده نسبتاً خراب حكمنده در . واهالیسی اونبر بيك اوچيوز اوتوز اولوب بونلردن ايكييك يدييوز قرق بشى عيسوى ماباقيسى محمديدر اوچييك سكر يوز طقسان خانه ايله يوز يكرمى یدی دكان وبش خان ايله آلتش درت دكرمان ودرت فرون وبر حمام و اوتوز درت جامع ايله يكرمى كليسا واردر . بعلبك ميلادك التيوز اوتوز بش وهجرتك اون درت تاريخنده يعنى حضرت (عمر) رضى الله عنه زماننده سوريه سر عسكرى (ابو عبيده) بن جراح حضرتلری معرفتيله فتح اولندی وميلادك بيك يدييوز الى طقوز وهجرتك بيك يوز يتش اوج تاريخنده وقوعبولان حرکت ارضه خراب اولوب آندن صكره اعمارينه همت اولندی .

« بغداد » - عراق عربده ودجله نهري کنارنده پارس مبدا طولدن اعتباراً قرق درت درجه طولی شرقی ايله اوتوز اوج درجه عرض شمالده ۱۶۳۰۳ خانه بی جامع بر شهر شهيدر بو شهر نهر مذکورك ايکی طرفنده واقع اولديفندن اورته سنده متحرک بر

اخفاب کوريجی اولدینی کجی جوانب اربعه سنده کی قلعہ سی مدحت
 پاشانک والیلکی هنکامنده هدم ایدلشد و سیجانی زیاده اولغله
 اهالی وقت صیفده کوندزلی سرداب تعمیر اولنان و اوچ بش ایاق
 نردبانله انیلان محللرده و کیمجه لری خانه لری اوزرلرنده که سطوح
 تعمیر اولنان داملرده اکنورلریاتورلر لکن بو سیجاققلیلہ برابر هواسی
 يك صاعلدر . بغداد شهری خلفای عباسیہ دن (ابو جعفر
 المنصور) ك امریلہ درت سنهده بنا و میلادك یدییوز النش ایکی
 و هجرتك یوز قرق بش تاریخنده اکال و پای تحت انخاذا اولندی و
 (دار السلام) یاخود (زورا) تسمیه ایدلدی و خلفای مشار
 الیم حضراتی زیر تصرفلرنده اولان عمالکی بورادن حسن اداره
 ایتمکده ایکن (مستعصم) زماننده یعنی میلادك بیک ایکوز یکر می
 بش و هجرتك التیوز الی الی تاریخنده وزیر (ابن علقمی) نك
 فسادی اوزرینه و ملوک ایرانیه دن (احمد جلایری) تیمورلنکک
 هجومی مناسبتیلہ مصر حکومتته التجا ایندی . تیمور دخی امیر
 مسعودی بغدادده ترك ایله آسیای صفرا و و سلطانك قامی استیلاسنه
 باشلادی تیمورلنکک مشغولیت دائمه حربیه سندن و حکومت مصریه نك
 اعانه عسکریه سندن بالاستفاده احمد جلایری ینه بغدادده کلوب
 و تیمورک والیسی بولنان مرقوم امیر مسعودی طرد ایدوب اسکی
 حکومتی تکرار اله بیلدی .

تیمورلنک وقعده دن خبر آلمسبلہ ایکجی دفعه اوله برق بغدادده هجوم ایتمش
 و احمد جلایری ارتق طوره میه برق اولوقت اوروپا و آسیا قطعہ لرندہ
 توسیع حکومت عثمانیه ایله مشغول اولان یلدرم سلطان بایزید خان
 حضر تدرینه التجا ایلدر

تیمورلنك كندی حفیدی اولان میرزا بکری بغداد و بصره والیکنه تعیین ایتدی ایسهده احمد جلایری تقریبی بولهرق وامرادن قره قیونلی لقیله مشهور اولان قره یوسف ایله اتفاق ایدرك تکرار بغداده کلمشلردر و میرزا بکر و سائر امرای تیموریه ایله متعدد محاربه لر ایدرك نهایت بغداد حکومتی اوخجی دفعه اولق اوزره اله کچورمشلردر .

مؤخرأ حکومت تیموریه نك دوچار ضعف اولسندن بالاستفاده آزار باجاندن دخی تیموریلری چیقارمق فکریله احمد جلایری وقره یوسف پك چوق چالشمشلردر . نهایت بونلك ایکیسی آراسنده رقابت و عداوت حاصل اولسیله بر محاربهده احمد جلايرك بوزلمسی واله کچمسی جهتیه قره یوسف طرفدن اعدام ایله حکومت ایلخانییه ارتق نهایت ویرلمشدر . بغداد حکومتی سکر یوز اون اوچ تاریمخندن سکر یوز یتمش ایکی تاریمخنه قدر قره قیونلیر النده اولدینی حالده تیمورك امراسندن قره عثمانك کولهسی اولوب دیار بکر والیسی بولنان واق قیونلی دنیلان اوزون حسنك او زمانلر اسیاده حکمی شدتله اجرا ایدن طوایف ملوکك محاربات و نمازعانندن بالاستفاده حکومت تیموریه بی وقره قیونلیر حکومتی ضبط واستیلا واق قیونلی حکومتی تاسیس و بنا ایش و بغداد حکومتی سکر یوز یتمش ایکی سنه هجریه سنده دائره سلطنته ادخال ایتمشدر . مؤخرأ بغداد حکومتی طقوز یوز اون درت سنه سنده شاه اسماعیل صفوی طرفدن استیلا و طقوز یوز اوتوز تاریمخنده (موصول) قیله سندن ذوالفقار نام شخصك (کلهر) عشرتندن کوردیکی معاونت اوزرینه ضبط و تسخیر

ایتمش واستقلالیتی محافظه ایتمک ایچون سکه و خطبه بی اعظم سلاطین عثمانیه دن اولان و سلطنت سنیه نك دور استیلاسی تکمیل ایدن (قانون سلطان سلیمان خان) حضرتلری نامه اورمش و اوقوش در . هجرت نبویه نك طقوز یوز اوتوز الی سنه سنده بغداد شاه طهماسب طرفدن احاطه و محاصره ایدلشدر . ذو الفقارک غیورانه ایتدیکی مقاومت طهماسب ایچون حرکت واقعه سی دائمی ندامت اولمش ایسه ده ذو الفقارک برادرلری اغوا و اطماع ایدیلوب یتاغنده بیجاره بی قتل و اعدام ایتملریله طهماسبک بغدادی استیلاسنه سبب اولشلردر .

وقعه مذکوره سلطان سلیمان خان حضرتلرینک ایران و بغداد سفرینی مستلزم اولشلدر شاه طهماسبک عساکر عثمانیه به مقابله ایده مامسی جبهتیه شمدیکی کردستان و تبریز جهتلری ممالک عثمانیه به ضمیمه اولدینی کبی بغداد شهری دخی بلا محاربه میلادک بیک بشیوز اوتوز اوج و هجرتک طقوز یوز قرق بر سنه سنده دفعه ثانیه اوله رق ممالک محروسه به علاوه ایدلشدر .

هجرتک بیک اوتوز بر تاریخنده بغداد والیسی بولنان یوسف پاشایه بکر صوباشی تغلب ایدرک والیه مخالفت و نهایت محاربه به مبادرتله شمدیکی کوپری باشنده قارشولقلی ایدیلان بر محاربه ده والینک شهید دوشمنی بکر صوباشینک بغداد حکومتی ضبط و استقلال بولسنه سبب اولشلدر .

تاریخ هجرتک بیک اوتوز اوج سنه سنده بغداد حکومتی ایکجی دفعه اوله رق ایرانیلر الیه یکمشلدر . سلطان مراد خان رابع حضرتلری میلادک بیک التیوز اوتوز یدی و هجرتک بیک قرق یدی تاریخنده

بلافات بغدادی تشریف و قرق کون محاصره ایله ایرانیلردن استرداد
الخلکه موفق اولشلردر .

« بلخ » - سیاده ترکستان جنوبی مالکندن براسکی ومشهور
ملکتدر . بوراسی ملوک پیشدادیانک برنجیسی اولان (کیومرث)
طرفندن روی ارضه الک اول بنا اولنان شهردر دیو روایت ایدرلر
بلخ و قبیله بک معمور و بعض ترکستان پادشاهلرینک مقر ادارهسی
ایدی صکره خلقتک بشیک ایکوز آلتش بش تاریخنده یعنی میلادک
اوچیوز یکریمی طقوز سنه مقدمنده اسکندر رومی استیلا ایدوب
بر ایکی سنه قالدی وشاهک قزینی تزوج ایتدی ومؤخرأ بلخ و سمرقند
و خوقند ولایاتی سلوسید وافغانیلره وینه ایرانیلره کجوب میلادک
یدیوز یکریمی بش وهجرتک یوزیدی تاریخنده خراسان والیسی
(اسد القری) معرفتله فتح ومالک اسلامییه ضم اولندی وتدریجاً
کسب معموریت ایدرک بر مدت (ام البلاد) نامیله یاد ایدلنسهده
(جنکیزخان) وتیمورلنک زمانلرنده ودها صکره لرده ینه بر چوق
صدماته اوغراد یغندن خراب اولوب نفوسی الیوم اوتوز بیسکه تنزل
ایلدی . نام قدیمی (زاریاسپا) اولوب شمعی اوروپالیسلر (باقتر)
یاخود (باقتریان) دیرلر .

« بلقیس » حمیری - یاخود (بلقمة) بن هداد - بوخاتون یمن
ملککسی اولدنی حالد هدهدک حضرت سلیمان اخباری ومشارالیهک
دخی ینه هدهدله نامه کوندروب دعوت ایتمی اوزرینه خلقتک
درتیک التیوز ایکی تاریخنده یعنی میلادک طقوز یوز طقسان
ایکی سنه مقدمنده ابتدا بر چوق هدیلر ایله مندر عمروبی
کوندروب ومعاقباً کندوسی دخی کمال دبدبه ودارات ایله

كلوب باركاه جناب سليمان به يوز سوردی . و بر مدت مسافر
اولوب حایه جناب سليمان بی قبول ایتدی . . بلقیسك ینده پای تخت
اولان حدیده اسکله سنك ايكوز الی كيلومترو شمال شرقیسنده
كان صنعانك جهت شرقیسنده و یوز الی كيلومترو بعد و مسافهنده كه
مأرب یا خود (سیاء) شهرينك ارقه سنه یابدیرمش اولدینی جسم
صو بندی شهر مذکورك كركی کی معموریتنه سبب اولمش ایدی لکن
بعد زمان اها لیسنك طغیاننه مبنی کوستك دنیلان حیوانجقارك ثقب
وتخریبیله بیقیلوب صو شهری باصفله اهالی کاملاً غرق اولمش واشبو
بلیه عظیمه الی یومنا هذا (سیل عرم) نامیله یاد اولنقده بولنمشدر .
حضرت سليمان علیه السلامك ارتحالندن برقاج عصر صكره (تدمر)
شهرنده بولنان برلوح اوزرنده آتی الذکر کلمات محكوك ایدی دیرلر .
بوندن نبیؐ مشار الیهك بلقیسی اولوقت تزوج بیورمش اولدقلری
اکلاشیلور (هذا مدفن بلقیس الصالحة زوجة سلمان بن داود علیه
السلام اسلمت ليلة عشرين خلت ملكه ودفنت لیلاً تحت حایط بمدينة
تدمر لم یطلع علی دفنها انس ولا جن الا من دفنها) بر روایتده
مومی الیهانك والدهمی طائفه جندن ایدی .

« بلوس » - برنجی آثور دولتی تجدید و جدأ اساسنی وضع
وتعهد ایدن ذاتك اسمیدر بوذات خلقتك درت بیک ايكوز طقسان
درت تاریخنده یعنی میلادك بیک اوج یوز سنه مقدمنده تخته جلوس
وبعض تنظیمات اجرا و احوالی ممالکی اصلاح ایدرك یکر می بش سنه
سلطنت سوروب وفات ایلدکده اوغلی مشهور (نینوس) پادشاه
اولدی و پای تختی تنظیم و توسیع ایدرك کندونامه نسبتله (نینوه)
تسمیه ایلدی .

« بولص » - حضرت عیسیٰ علیہ السلام سمایه عروج لرنند صکره
 شاگردلرینک آلمش اولدقلری انجیل شریف وعظینه باشلامش لردر
 اولوقدکی یهودیلر مسج علیہ السلام قومنی مسکن ومأوالرندن
 طردله قبل ایدرلر ایدی . بو ائناده قدسده (شاوؤل) نام یهودی
 مسیحیلره اولان شدت بغض وعداوتند نطولای شامه کیدوب شهر
 مذکورده بولنان کافه مسیحیونک قتل واعدامی ضمتده قدسده که حاکمدن
 امر استحصا ایلدی . مومی الیه محافظلریله برابر شامه تقربلرنده
 ناکهان بر نور ساطع ظهوریله (ای شاوؤل ای شاوؤل نچون بی
 تعذیب ایتکه کیدیورسن دیرک غایت مدهش وغخوف بر صورتده
 برسس ایشتمکله شاوؤل ایله جماعتی وهله یره قانوب بایلدیلر براز
 مدت صکره کندولرینه کله رک شاوؤلک کوزلری نورک شدت ضیاسندن
 اعمی اولدی بو حالده ای بنمله قونوشان کیم سن اولیور دیمسیله بن
 تعذیبنه کیتمکده اولدیفک مسج عیسی یم دیمسی اوزرینه شاوؤل
 نه امر ایدرسکزکه یابهیم سؤالنه جواباً طریق مستقیمله شهره داخل
 اول اوراده حنائیا استنده برینی کوررسن سنی کندی خانه سنه کتوریر
 دعا ایلیرک کوزلرک حال اصلینسه کلور ویکا اعتماد ایدر و دین مسیحی
 ایله وعظه باشلارسن دیمسیله یاننده بولنان آدمیر (شاوؤل) ی یردن
 قالدیروب برآت اوزرینه بندیردک یوله روان اولدیلر شهرک باب
 شرقی تسیمه اولنان قپوسنه واردقلرنده حنائیای بولدیلر مومی الیه
 شاوؤل قپونک قریبنده وصورک شرق جهتنده که صوقاغک
 ایچروسنده واقع خانه سنه کتوروب حضرت مسیحک توصیه سی
 موجبجه مومی الیه دعا ایدرک کوزلری آچلشدر . اوچ کون صکره
 بولص نامنی الهرق مسیحی اولدیغندن انجیل شریف وعظینه مداومت

ایتمشدر . یهودیلرک حاکمیه بالجله اسرائیلیر بو خصوصدن خبردار اوله رق مومی الیهی دردست وایاقلرینی پراققه بئسد ایدرک شهرک قبولرندن (باب کیسان) الیه معروف برقبو قربنده کی محبوبخانهیه القا ایلدیلر مومی الیه نصف اللیده ادای صلاة و تسبیحات الیه مشغول لیکن ملائکه روحانیه ظهور برله حضرت عیسی قومندن و جرجس نامنده کی قوجینک موافقتیه مومی الیهک زنجیرلرینی حک و فک و محبوبخانه دن بالاخراج شهرک اطرافی احاطه ایدن دیواری اوزرینه چیقاریلهرق ذکرى سبقت ایدن باب کیسان اوزرنده که کدیک ویا بنجره دن صارق دیلهرق شهرک خارجنه چیقارلمش واورادن طوغری قدس شریفه عودت ایتمشدر . ایرتسی کونی محبوبخانه یی لدی التفتیش مومی الیه اوراده بولنماش و باب کیسانک اوزرنده کی بنجره دن فرار ایتمدیکی اکلاشلش اولدیغندن درحال مرقوم قوجی جلب و مومی الیهک صورت فراریتی سؤال اولندقدہ بوماده دن اصلا اطلاعی اولمديغنی صورت قطعیه ده بیان وانکارده اصرار ایتمکله شهر مذکور حاکی شهرک قپوسی قربنده قتل والحالت هذه محلی معلوم اولان تربیه دفن اولنسنه امر ویرمشدر (بولص) ک شهره عزیمتته یوله ظهور ایدن نورلامی شهرک خارجنده و مسیحیون قبرستانی قربنده مشاهده ایشدر مومی الیهک فرارینه وسیله اولان کدیک باب کیسان اوستنده کی سورک اوزرنده ایدی . و مدینه قپوجیسی جرجسک قتل اولندیغی محل ایسه باب کیساندن تقریباً یوز الی خطوه بعدنده در .

« بوناپارت » - فرانسه ده برکوچک ضابط ایکن ایمپراطورلق مسندینی احراز و بتون اوروپای و بلکه دنیای لرزان ایدن

بيوك ناپليون فاملياسنه مخصوص لقبدر . بوناپارت كنجلكي
 آوانده جنراللق رتبهسنه نائل اولدى وميلادك بىك يديوز طقسان
 اتى وهجرتك بىك ايكيوز اون بر تاريخنده فرانسده جمهوريت
 منتهله ومفرطه وقراليت طرفدارلرينك چيقاردقلرى احتلال
 انسانسته مداخله ايتك استيان آوروپا دولترلينه قارشو بيوك ايشلر
 كوروب اوستريالولرى ويانه جوارينه قدر تعقيب وايتاليا وآلبا
 واسپانياي تهديد ونديكي اوروب دونمالي ريني ياقدى وكليساريني بغما
 ايتدى . وميلادك بىك يديوز طقسان سكر وهجرتك بىك ايكيوز
 لون اوج تاريخنده هندستان طريقتي كشاد وانكليزلى او جهندن
 تضيق ايتك اوزره مصره كوندرديكندن قرق بىك عسكر ايله
 كلوب واسكندريه يي آلوب مشهور اهرام تپهلى عمارتسنى
 قزاندقنصكره مصره دخى كبرى دولت عليه ايله انگليز دونماسى
 متفقاً تعقيب ايلديكندن فوق الغايه تلاش دوشرك مصريلرى تأمين
 ايجون اميرالحاج كوندردى ومولد شريف اوقودوب قديل دونماسى
 بوين مسلمانم ديمك كبي دسيسه لره قالشديسه ده اهالى بونلرك هج
 برينه سمع واعتبار ايلديكندن وعثمانلى وانكليز عسكرلى زياته
 سيقشديرديغندن مصر قطعه سنى ترك ايدرك فرانسيه عودت
 ايتكمه مجبور اولمشدر پارسه وصولنده اوروپا اتقاقه دائماً غلبه
 ايدوب ميلادك بىك سكر يوز طقوز وهجرتك بىك ايكيوز يكرمى
 دوت تاريخنده روسيه دن ماعدا اوروپا دولتلى التجي دفعه اوله رق
 تكرار اتقاق وبشيوز بىك عسكر اخراج ايدرك بوناپارتى بوزديلىر
 وكندوسنى طوتوب آلب جزيره سنه طرد ودونماسك نصفى واللى
 اوج قلعه سنى ضبط ايلديلر لكت بوناپارت برسه صكره جزيره

مذکورہ دن بر تقریب فرار ایلہ پارسہ کلوب تختہ جلوس ایلدیکندن اوروپا دولتری کمال حیرتہ یہ سلاحہ صاریلہ رق فوق الغایہ بر شدتہ هجومہ باشلادیلر وبوناپارت ارتق ایشک تیجہ سی فایہ وارہ جغتی حسہ ایتکملہ استغایہ مجبور اولدی ودخالت ایتدیکی برسفینہ ایلہ (سنت الن) جزیرہ سنہ کیدوب میلادک بیک سکر یوز یکر می بر وھرتک بیک ایکوز اوتوز تاریخندہ اورادہ وفات ایلدیکندن نعشی پارسہ کتورلدی وجنازہ الاینده بر ملیون نفوس بولندی .

« بلال » - اسلامده اک اول ایمان ازلیسنی اظهار ایدن ذوات کرامدن بلال حبشی رضی اللہ عنہ مکہ اھالیسندن برینک کولہ سی ایدی شرف اسلام ایلہ مشرف اولدیفندن کندوسنہ پک چوق اذا وجفا ایتدیلر وبر دفعہ بوینتہ اب طاقوب اوحنی چوجقارک الارینہ ویروب سوقاق سوقاق کزدیردیلر حضرت مشار الیہ بونجہ حقارتہ تحمل ایدرک و (اللہ بر اللہ بر) دیرک اسلامیتندہ ثبات ایلدی مؤخرأ ابو بکر الصدیق رضی اللہ عنہ حضرتلری صاتون آلوب آزاد ایتسیلہ داخل حضور ینغمبری اولدی وبش وقتدہ اذان محمدی اوقوغسی سنت سنیه اسلامیہ دن اولسنہ قرار ویرلدیکندن طرف عالی حضرت ینغمبریدن مؤذن تعین بیورلدی وارتحال نبوی یہ قدر بو خدمت جلیلہ یی ایفا ایدوب ارتحال حضرت ینغمبری وقوعندہ شام شریفہ ہجرتی تصیم ایتکملہ حضرت ابو بکر یا بلال بورادہ طوروبدہ زمان سماعتدہ مأمور اولدیفک خدمتی ادا ایتسک اولمازمی دیمسنہ حضرت بلال (سرور کائناتک افتراقہ تحمل ایدہ میورم) جوانی ویروب شامہ عزیمت واورادہ اختیار عزلت بیوردی .

بر مدت صکره رؤیا بنده جانب سرور عالمدن مدینه منوره به دعوت
 بیورملقله فی القور عودت ایدرک بادی امرده اهل بیت رسول
 الهی سؤال ایدوبده آدینی جوابده نام قاطمه رضی الله عنها یاد
 اولخامسندن اوتوری غایت متأثر اولدینی حالده حسنین افندیلریمزه
 راست کلوب انلردن والده لرینک ارتخالی تحقیق ایتکله تأثری
 آرتوب وطوغریجه مشار الیهانک قبر سعادتلرینه واروب پک چوق
 اغلدی واحیانک التماسنه منی صلاة ظهر اذانی اوقومغه شروع
 ایدوب (الله اکبر الله اکبر) دیدیکنده مدینه منوره ایچنده دفعه
 بر فریاد وواویلا قوبدی

(واشهد ان محمداً رسول الله) دیدیکنده هر کسی عصر کزین
 حضرت رسالتی تخطر ایدرک بهوش و سرکردان اولدی ومخدرات
 نسوان کریان وعریان زقاقلره دوشدی صانکه اول کون روز
 قیامتدن بر غونه اولدی واذانی بتورد کدنصکره خلقه بر چوق
 نصیحتلر ایدوب تکرار شامه کندی وارتحالنه قدر یلده بر کره
 مدینه منوره به واروب مسجد رسول اللهه اذان اوقومغنی عادت
 ایتدی . مشار الیه بر سحر وقتنده نزد حضرت پیغمبری به واروب
 (الصلاة خیر من النوم) دهرک ایقظه مبادرت ایتکله حضرت
 پیغمبر افندمز یا بلال بونه کوزل کلام دیو غایت استحسان ایدوب
 صباح اذانه علاوه سنی امر و فرمان بیورمشدر .

« بیت الله » یاخود کعبه - مکه مکرمه ده اولان مطاف جلیلک
 نام مشهوریدر وقرآن کریمده اوچ درت یرده (بیت الحرام)
 و (بیت العتیق) دیو مذکوردر . آدم علیه السلام روی ارضه
 هبوط بیوردقلرینی متعاقب بر عبادتخانه بناسنی درگاه قاضی الحاجاتدن

تقی اتمکله (ام القراء) ده جبرائیل علیه السلامک تعریفی و سائر ملائکه کرامک هماتیله طور سینا و زیتا و حرا و جودی کبی جبالدن نقل ایدیلان طاشلرله برقل انشا و اوزرینه جانب حقدن بیت المعمور ائزال وضع بیورلدی و بیت المعمور حضرت آدمک اورتجاندده آسمانه رفع اولنوب انحق اثری باقی اولدینی حالده (واذ بوأنا لابرهم مکان الیت) نص جلیلندن مستفاد اولدینی وجهله خلقتک بیک بشیوز یتمش درت تاریخنده یعنی هجرت نبویهک التیوز قرق ایکی سنه مقدمنده حضرت ابراهیم علیه السلام اسکی غل اوزرینه بیت الهی انشایه موفق اولدی . بر روایتده اساس مذکورى حضرت ابراهیمه یتک یرنده ارسلان شکلنده کورینان بر بلوط خبر بوبرمش و دیگر روایتده حضرت جبریل کوستر مشدر . بیت شریف مذکوره مؤخرأ بر قاج دفعه سیلاب و سائر کونه آفات اصابت ایلدیکندن هلم تجدید و تعمیر اولندی واک صکره یعنی اونبرنجی دفعه اولقی اوزره میلادک بیک التیوز اون درت و هجرتک بیک اوتوز تاریخنده سلطان مراد خان رابع حضرتلری بالکلیه تجدید ایلدی . حرم بیت مکرمتک یدى عدد مناره سی واون طقوز قیومى و درت رکنی واردر و طول و عرض یعنی رکنلریک مایینی سکسان ذراع معماری اولقی اوزره مؤسدر . رکنلردن برینه (رکن شرقی) دیگرینه (رکن یمانی) او برینه (رکن شامی) و دردنیمسه (رکن عراقی) دیرلر و رکن شرقیدن ابتدا ایل طواف ایدرلر ، بیت شریف مذکوره اک اول ملوک حمیه دن (کرب اسعد) و (انطاع) و (برود) دنیلان قاشلردن پوشیدملر اورتوب مؤخرأ قریش و ربیعہ قبیله لری یوز

سنه قدر مناوبه تجديد ايلدى وحضرت يىغمبر اقدمزك عم
محتره لمري حضرت عباسك والدهسى (نيله) خاتون حريردن
وحضرت يىغمبر اقدمز (ثوب يمانى) دن وحضرت عمر و عثمان
رضى الله عنهما (قباء قباطى) دنيلان قاشدن پوشيده لر اورتدى
وعباسيه دن مأمون زماننده رمضانده بياض ورجيده قباطى ويوم
ترويه ده يعنى عرفه كوندن مقدم اولان كونلرده قمرى قاش پوشيده لر
اكسا ايدلدى وملك مصريه زمانلرنده بو صورته تجديد اولنه كلديكى
كچي سلاطين عثمانيه زمانلرنده وخصوصيله صوك زمانلرده حرير
لوزرينه صرمة ايله منسوج و مزين پوشيده لر ارسالى مقاد
اولدى .

« بيت اللحم » - قدس شريف سنجاغى داخلنده واون كيلومترو
جنوبنده ناحيه مركزيدر . ناحيه مذكور اولقدر يوكسك اولميان
برته اوزرنده واقع اولوب كاملاً باغ وزيتون و سائر اشجار مثمه
ايله مستورددر . يدي سكر بيك قدر نفوسى واردر . بوراده صنايعه
دائر زيتون و صدف معمولاتى زياده سيله ايلرولمشدر . صندوقلر
طولييسى هر هفته اورويابه كئتكدهدر . حضرت (عيسى) عليه
السلام بوراده دنيايه تشريف بيوردى . وشرق ايمپراطورى بيوك
(قسطنطين) ك والدهسى (آلن) بوراده قمرى مرمردن بريوك
كليسا ياپدردى و اطرافه سور چكدردى .

« بيت المقدس » - قدس شريفده حضرت (داود)
و (سليمان) عليهما السلامك انشا ايتدردكلرى معبد قديمك
اسميدر . بو معبدك طولى قرق بش و عرض اون بش و ارتفاعى
اوتوز مترو اولوب محرابى اوزرنده زيتون اغاچدن ايكي ملك كروبي

تعالى وسائر محللرنده بر طاقم ملائكه و چچك رسملى وار ايدى
 وقبوليله ديركلرينه اون بيك قيه كوش و بيك قيه التون قىلاغش
 ايدى بونى ابتدا حضرت داود عليه السلام تاسيس ايدوب حضرت
 سايمان عليه السلام جلوسندن صكره يدى سنهده اكال و خلقتك
 درت بيك التوز اوچ تاريخنده يعنى ميلادك طقوز يوز طقسان
 بر سنه مقدمنده رسم كشاديني اجرا ايلدى و (تابوت عهد) ي
 الاى والا ايله (صهيون) دن كتوردوب معبد مذكور
 دروننده ياتلش اولان محل مخصوصه قويدردى و تشكر ايكرمى
 ايكي بيك بقر و يوز يكرمى بيك غنم قربان ايتدردى . بيت
 مقدسك ايچى اولوقت درت قسمة منقسم اولوب برى لاويلردن
 اولان رؤساي روحانيه يه وديكرى سائر اسباط
 يهوده و بر جسيم اورتى ايله تفريق اولنان محلى (تابوت عهد) .
 مخصوص ايدى و بو اورتينك ايچنه اك بيوك بولنان رئيس روحانى
 سنهده بر دفعه كيره بيلور و بشقه هچ بر كسنة كيره مز ايدى . بيت
 مقدس خلقتك بشيك يدى تاريخنده يعنى ميلادك بشيوز سكران
 يدى سنه مقدمنده ايكيچى بخت نصر يديله تخريب و يتمش سنه صكره
 كيخسرو معرفتيله مجدداً انشا و خلقتك بشيك بشيوز الله بش تاريخنده
 يعنى ميلادك بشيوز اتوز سنه مقدمنده بيوك هر دوس معرفتيله تعمير
 و ميلادك يوز اتوز بش تاريخنده و مالولر يديله تخريب اولنوب
 صكره بردها انشا اولغدى . و دولت عليه عثمانيه زماننده سلطان
 سليم خان حضرتلرينك امريله يرينه اليوم موجود اولان جامع
 شريف ياپلدى .

« بيروت » - شام شريفك غرب شمالى جهتهده و يوز يكرمى

كیلو مترو بعدنده وآق دكر ساحلنده جسيم برشهردر تاريخلرك
 بيانانته كوره بوشهرك هواى رطوبتسز و سجاغه احتياجى اولان
 ضعيف خستهلره نافع اولدينى اكلاشلش ايسهده شهر مذكور كرك
 هواجه و كرك رطوبتجه بيانات مذكوره نك بتون بتون خلافتده اولدينى
 كجى ورم اولان خستهلر ايچون دخی اصلا اليورميه جكى تجارب
 عديده ايله ثابت اولمشدر وشامك اسكلهسى اولديغندن غایت معمور
 و معتبردر و نفوسى اوتوز بيكه قريب اولوب بونلردن طقوز بيك
 قرق دردى عيسوى و اوچيوز ايكيسى موسوى و باقىسى محمديدر .
 بشبك يكرمى اوچ خانه ايله التى بيك يوز التش دكان و سائر
 ويكرمى ايكي عدد جامع ويكرمى يدى كليسا و اوچ حورا واردر
 برقاج سنه مقدم جوارنده اولان (نهر الكلب) دن برقومانيا
 معرفيله صوتورديلوب بعد التصفيه اهالى به صاتلديغندن معمورى
 بر قاندها ترايد التمشدر . بوراده بعض اجنييلرك جسيم مكتب
 و خستهخانلرى واردر . يروتده اعلا مازى چيقار و بك كوزل
 اقمشه حريره طوقنور . يروت فنيكه ليلرك اك اسكى مملكتلرندن
 اولوب مؤخرأ روما ايبراطورى (اوگست) مهاجرلره تخصيص
 ايتمش و ميلادك اوچيوز سكسان و بشيوز اللى تاريخلرنده وقوعبولان
 حركت ارضلردن خيلى محلى خراب اولمشدر . بوراده شمس الدين
 و شنج محمد عراق و شنج سعيد الجارح و ام الحرامك مرقد شريفلىرى
 واردر . واليوم سوريه ولايت جيلهسى داخلنده بر سنجاق
 مركزيدر .

حرف ت

« تابوت عهد » - حضرت موسیٰ علیہ السلامک الواح منزله فی حفظ ایچون شمشاد (چشیر) اغاجندن انشا ایتدیردیکی صندوقه مقدسه نك اسمیدر . بو صندوقه اولوقت بریه سیناده قبه الشهاده دروننده حفظ اولنور ایدی صکره داود علیہ السلام (صهیون) قلعه سنی و سلیمان علیہ السلام دخی بیت مقدس اگال ایتدکدنصکره صهیوندن الای والا ایله بیت مقدسه کتورتدی و او کون تشکراً یکریمی ایکی بیک بقر و یوز یکریمی بیک غنم قربان ایدلدی . بخی اسرائیل محاربه لره کیدرکن استتصار ایچون اشبو تابوت عهدی برابر کتوررلر ایدی حتی ایکی دفعه دخی دشمن الینه دوشوب قورتارلشدر . بوکا (تابوت الشهاده) دخی دینور .

« تب » یاخود (تیوه) - جواهر یونانیه دن ینه بونامله مشهور حکومتک آتیکی (آنه) و (ویوتی) جوارنده مرکز اداره سی اولان شهردر ایچ قلعه سنی خلقتک دوت بیک اون دوت تاربخنده یعنی میلادک بیک بشیوز سکسان سنه مقدمنده قادیموس نام حکمدار یایدیرد ییچون اسمی (قادیمه) قالوب مؤخرأ فوق القایه توسیع و تزیین اولمشدر اشبو جمهوریت قومشلیری اولان اسپارتولر ایله چوق زمان اوپوشه میوب بینلرنده محاربات مدیده و شدید و قوعبولدی و تیوه جمهورى بر قاچ دفعه مغلوب و اسپارتولرک حمایه سنی قبوله مجبور اولدیه ده خلقتک بشیک ایکیوز اوتوز ایکی تاربخنده یعنی میلادک اوچیوز الشمس ایکی سنه مقدمنده سرعسکرلری مشهور (آلامینونداس) ک قراندیغی

(لوقتوار) و (ماتینا) محاربه سی سایه سنده ینه استقلالنی اعاده ایلدی و جاهر یونانیه نکه برنجیسی اولدی لکن خلقتک بشیک ایکوز اللی الی تاریخنده یعنی میلادک اوچوز اوتوز سکر سنه مقدمه ما کیدونیا قرالی فلیک هجومه طاقت کتور میوب بر بیوک انهرامدن صکره تکرار ربقه اسارته بوینی یناشدیردی و قرال موخی الیک اوغلو اسکندرک سلطنتی زماننده بردها قیام و تخلص کریلان اتمک ایستدیده مشار الیه سرعتله کیدوب تیومک الی لوستیه کتور دیکندن بودفعه بتون بتون درکه انقراضه دوشدی .

تیه دنلی علی پاشا ، - یانیه و ملحقاتی والیسی ایدی بودات دولت علیه پک چوق خدمت ایندیکی و (بازواند) اوغلی اوزرینه و سائر امر ارلئان محله ره مستوفی عسکر ایله کیوب کوزل ایشلر کوردیکی حالده مؤخرأ مرکز سلطنت سنیده اولان بعضی غیرضکارلرک القانندن توحش ایدرک کندوسنی چکمکه و قوتلی بولغی ایچون ایالات مجاورمینی ایدنمکه و لزومندن زیاده عسکر طوبلامنه باشلادیقندن مرکز سلطنت بوکا عصیان معناسی ویره رک بر حسن صورتله جلبی تدایرینه تثبیت ایلدی و درسعاده کلسی ایچون باب طلیدن و جانب جناب پادشاهیدن کوندریلان امرلر و فرمانلر درجه درجه شدتلندکجه علی پاشا دخی تدارکاتی او نسبتده بیولوب نهایت میلادک بیک سکر یوز اون طقوز و هجرتک بیک ایکوز اوتوز بشی تاریخنده برنجی دفعه یایه دن ماعدا ممالکدن ال چکوب دیره و ماط بکدریله اوغراشامسی و ایکجی دفعه اولاد و عیالیه تپه دنه کیدوب اوراده اقلمته ایتمی ایچون فرمان پادشاهی شرفصا در اولدینی حالده ایکسنده قولاق ویرمیکندن او ججی دفعه ده اخذ

واعدامی حقنده فرمان جلاد تنوان صادر اولدی وعسکر ودونما سوق اولنوب پارغه وپرهوزه واولونیه واینه بختی طویه طوتلدی وعلی پاشا مخدومی ولی پاشا بلا رخصت پرهوزه کیده کیچون تر حاله دن عزل ووزارتی رفع اولندی . وایرتسی سنه علی پاشا نکیده اداره سنده اولان قلعه لرك جمله منی ضبط اولاندینی وعسکرینک طاغله یغنی کوردیکی کبی درت بیک قدرارنود وروم عسکرله یانیه کولنک اورته سنده واقع اطه اوزرنده که لیناریجه وکول قلعه لرینه قبانوپ بر طرفدن مدافعه یه ودیگر طرفدن کندوسنه لزوم کوستروب اوصورتله یقایی قورتاق ایچون علی روایته یونانستانی افساده باشدی وبو حال اوزره برسندها کچوب مومی ایله محاصره یه مأمور اولان خورشید پاشا عفوینه دائر تنظیم ایتدیکی ساخته فرمانی قرعه ایله انتخاب اولنان بر فدایی ضابط واسطه سیله کولک اورته سنده قباغش اولدینی اطیه کوندردی وعلی پاشا دخی صحیح ظنیه قارشولیوب تشکر ایدرایکن مرقوم فدایی طبانجه ایله اوروب قفاسنی خورشید پاشایه کتوردی (کانون ثانی سنه ۱۸۲۱) قبری مذکور کولک کنارنده کی جامع شریف خطیره سنده در .

« تدمر » یاخود (پالم) - مستقلاً اداره اولنقده اولان زور قطعه سی داخنده ونفس دیرک غرب جنوبی سنده ایکوز وشام شریفک شرق شمالی سنده کذلک ایکوز کیلومتر و بعد ومسافده الیوم خرابه سی مشهور بر شهر قدیدر بونی حضرت (سلیمان) علیه السلام اولوقت (زوبا) دیسلان اراضی اوزینه بنا ایتدیرمش ایدی دیرلر . اشبو تدمر وقلیه تجارت اوغراغی بر محله واقع اولدیقندن کرکی کبی معمور واولحوالی حکمدارلرینک مقر سلطنتی ایدی . تدمر ولایتی برچوق زمان استقلالنی محافظه ایدوب صکره رومالورک حمایه سنی

قبوله مجبور اولدیسه ده (زنوبیا) زماننده فوق المامول اقتداره مالک اوله رق سوریه و مصر و اناتولی حوالیسنی تهدیده باشلادیقندن روما دولتی میلادک ایکوزیمش ایکی تاریخنده عسکر کوندردی و تدمر شهرینی ضبط و بر مقدار عساکر اقامه ایدوب قصور عسکرینی کبرویه آلدینی کچی حاکمه سی (زنوبیا) محافظه یه مأمور اولان عساکر مرقومه یی کاملاً اعدام ایتدیردیکی جهته روما دولتی فنا حالده حد تلنوب بر مکمل اردو ده ارسالیله تدمرک التی اوسته کتوردی و ایچنده اولان اهالینک کافه سنی قلیچدن کچوردی تدمر اهالیسنک شمس پرست اولدقلری توارینجده مقید اولدینی کچی خرابه سندن چیقان بعض آثار ایله دخی استدلال اولنقده در . الیوم تدمر خرابه سنده بر سرائیک یوز دیوار یله بر استقامنده یمش سکسان عدد مرمر ستون و اطرافنده واقع طائرک اتکرنده اوچ درت قات اولقی اوزره کار کیردن معمول قهرلرک هر قاننده قارشو قلی اوله رق صورت منتظمه ده یابلیش اولان مستطیل الشکل مزارلرک ایچلرینه اول تاریخلرده وفات ایدن انسانلر قولنقده اولدینی الیوم درونلرنده موجود اولان انسان قفالریله قول و ایلقی کیکلرندن اکلاشلشدر . تدمرک اون دقیقه بعدنده کائن جیلک ایتدن ایلقی بر حالده بر معدن صوبی کلکده درکی اشبو صو وجوده غایت نافع و صوغد قنصکره ایچلمسی غایت لذیذ و طماعی هضم ایتدیرر .

« تیر » - روما ایمپراطورلرنندر . بو ذات ایتدیکی خدمتله مکافه قونسل و تربیونلق مقامنه واصل و میلادک اون درت تاریخنده ایمپراطور لفه نائل اولدی و سلطنته اشتراک و کندوسنی اهلاک املنده ظن ایتدیکی بر طاقم معتبرانی اعدام ایتدیردی و روماده باجمله اهالینک

بفض و عداوتندن قور تلق ایچون (قاپری) اطه سنه چکیلوب اوراده
 ذوق و صفایه طالدی لکن روما اها لیبی ایچون غدارلقدن هج
 بر وقده کبرو طورمدی . واهالی به عظمت کوسترمک ودهشت
 ویرمک ایچون شریکی متوفانک اولاد و عیالی اعدام ایتدیروب لحم
 پاره لرینی صوقاقلره آصیدردی . و کندو غنائی التوندن یادیروب
 قدسه ارسال و یهودیلرک اکاپرستش ایتلرینی امر ایلدیه ده قدس والیبی
 واهالی قبول ایتدکلرندن عسکر کوندروب والی مرقومی اخذ و نفی
 ایلدی . سلطنتی بکرمی اوچ سنه در (تیریات) یعنی طبریا شهری بونک
 نامه یالیش ورومانک کنارندن آقان (تیر) نهرینه دخی بونک نامی
 ویرلمشدر .

« تیمورلنک » - ترکستان پادشاهلرندر . ترکستانده سمرقند
 جوارنده واقع کاش شهرنده دنیا به کلوب سلاله جنکیزیه دن طوغلق
 شاهه قرابتی مناسبتیه بلخ والیبی ارلدی و مومی الیهک و فاتند نصکره
 باجناحی یاخود قان پدری امیر حسین ایله برلشهرک میلادک بیک اوچیز
 التمش اوچ و هجرتک یدییوز التمش بش تاریخنده مومی الیهک
 اوغلنی اخذ و قتل ویرینه سلاله مذکوریه منسوب حقاندر برینی
 اقعداد ایدرک نفوذ دولتی ید اقتدارلرینه آلدیلر و برمدت صکره
 تیمورلنک امیر حسین دخی محاربات کثیره ایله تپلیوب میلادک
 بیک اوچیز یتمش و هجرتک یدییوز یتمش ایکی تاریخنده بلخنده
 استقلالنی اعلان ایلدی و برارالق (خوارزم) و سمرقند و کاشغری
 دخی آلوب میلادک بیک اوچیز یتمش الی و هجرتک یدییوز یتمش
 سکر تاریخنده پای تختی بلخندن سمرقنده کتوردی و بحر حزرک
 جهت شرقیسنده بولنان خانلرک کافه سنی و تاتارستان حکمداری

(تیمور ملک) که ممالکنی ضبط و ملک مومی الیهی قتل ایلدی و مؤخرأ
 ممالک ایرانیهی و روسیه نک جهت جنویسنی و ازاق حوالیسنی بر قاج
 سنه ظرفنده خراب و یغما ایتدکدن و (سرخس) و (فوشخ) شهرلری
 اهاالیسنی قتل عام ایدوب قدهار و سیستان یاخود سجستان
 اهاالیسنی دیری دیری یره کومد کد نصره احمد جلایرنک بغداد
 تدارکات اوزره اولد یغنی ایشیدوب اورایه دخی یتشدی و مومی الیه
 مصره فرار ایلدیکی جهتله بغداد اهاالیسنه شرابلری دو کد یروب
 بر جوق امر ونهی اجرا ایتدی و کس دیکی طقسان بیک بغداد لینک
 باشلریله بر علامت رکز ایلدی و علما و مشاهیردن خیلی آدم ایروب
 سمرقنده کوندردی و میلادک بیک اوچیوز طقسان یدی و هجرتک
 سکر یوز تاریخنده هالایه طاغلرخی آشه رق هندستانه کیدوب
 دهلینک دیوارلری دینده محمود شاه رابع ایله غایت خونریزانه
 بر محاربه دن صکره باشند باشه هندستانی دخی قضه تسخیره آلدی
 وانه کچن اسیرلردن یوز بیک آدمی اظهار عظمت ایچون ذبح
 ایتدیردی و میلادک بیک درتیوز و هجرتک سکر یوز اوچ تاریخنده
 احمد جلایری بی المی اوزره مصره توجه و حلب صحرا سنده واقع
 (مرج دابق) نام محله حلب و شام عسکرینی و متعاقباً مصر
 حکمدارینک حما و حصده کی بیوک اردوسنی بوزوب و شام شریفی
 تخریب و استیلا ایدوب عسکرینه هر درلو افعال شینه اجرا ایتک
 اوزره رخصت ویردی و احمد جلایری مصر دن سلطان (بایزید اول)
 حضر تلبینه التجا ایتسی اوزرینه مومی الیهی سلطان مشار الیه دن
 استه یوب و یرمده کیچون میلادک بیک درتیوز بر و هجرتک سکر یوز
 درت تاریخنده انقرده انکله دخی دو کوشدی و عساکر عثمانیه

بعض اغغالاته قاييله رق خيانت ايتديكنه بناء سلطان مشار اليه اسير اولدى و تيمورلنك آيدن ولايته اينهرك ازمير و ادرميدى قوايرلردن آلدق نصره اظهار عصيان ايدن كرجستان اهايسنى تاديب ايدرك پاي نختي اولان سمرقنده واردى و ميلادك بيلك درتيوز درت و هجرتك سكر يوز يدى تاريخنده فقير عامدن بشقه علوفه لى اوله رق يازمش اولدنى ايكوز بيلك سوارى ايله چينه طوغرى كيدر ايكن (سيحون) جوارنده وفات ايتمكه نعمتى سمرقنده كتورلدى . مرقوم طويل اولدنى جهتله تيمورلنك ناميله شهرت بولش ايسه ده اصل اسمى (تيموركوركان) در . و كوركان داماد مناسنه در مرقومك سرخس و فوشخ و قندهار و سيستان و كاشغر و مولتان و لاهور و اصفهان و بغداد و ساثر ممالكده قتل عام ايله تلف ايتديكى نفوسك مقدارى ايكي مليونى و محاربه لرده ايكي طرفدن تلف ايتديكى آدمرك مقدارى اوچ مليونى متجاوزدر .

حرف ج

« جبل طور » — طبريانك غريب جنوبيسنده يكرمى و ناصره نك شرقنده و اون كيلو مترو بيمدنده و بيلك مترو ارتقاغنده در . جبل مذهكور قدما تزدنده (ايتاپريوس مونس) ناميله و زيتون اغاجلرينك كثريله مشهور ايدى حضرت (عيسى) عليه السلام اكثريا بو طاغده عبادت بوررلر ايدى حتى معهود (يودا) مشارالهي بوراده عبادتله مشغول ايكن خبر و ير مشيدى .

« جبل لبنان » — لبنان كلمه سى لسان عبراننده بياض ديمكدر سوريه ده بر سلسله جبالدر حلب ولايتك جنوب غربيسندن

وانطاکیه جوارنده عاصی نهرینک صول جناحی قریندن بدأ ایله دمشق و طرابلس شام اراضینی یکدیگردن تفریق و عکاک شمالدن مرور ایدرک صیدایه قریب بر محله ختام بولور . امتداد طولیسی در تیوز الی کیلو مترودر لبنان طاعی ایکی شعبه منقسمو برنجی شعبه غربیه درکه اصل لبنان ایکجی شعبه شرقیه درکه بوکا جیل شاق دخی دیرلر . لبنانک اک مرتفع تپه لری درت بیک سکنر یوز مترویه قدر واصل اولور بو ایکی شعبه جبال بیتنده کائن وادیلره و قبیلله سلیسیری و یاخود چیقور سوریه دیرلر ایدی بوراسی اولوقت جام افاجیلله مشهور اولدینی حالده شمعی جزئی مقدرده جام اغاجی اولوب قصوری انجیر . دغه . سروی اغاجلردن عبارتدر .

« جزار احمد پاشا » - بوسنه لیدر میلادک بیک یدیوز یکر می و هجرتک بیک یوز اوتوز اوچ تاریخده تولد ایدوب میلادک بیک سکنر یوز درت و هجرتک بیک ایکوز اون یدی تاریخده وفات ایلشدر . مومی الیه ابتدا مصر و مؤخرأ بیروت والیسی اولدی . و میلادک بیک یدیوز یتیمش بش و هجرتک یدیوز التمش سکنر تاریخده عکا والیسی بولندینی حالده فرانسه لونک مصری استیلاسی هنگامنده اعلان استقلال ایدوب بوناپارتی عکا پیشکاهنده بوزدی و بوناپارت و ارقوتی پازویه ویرهک عکانک ایچنه کیردیهده کوردیکی تضییق اوزرینه چیقوب فنا حالده بر پریشانیتله عودته مجبور اولدی . مومی الیه طبریاده واقع معدن صوینی اوزرینه بر حمام انشا ایتدیرهک وقف ایلش ایسهده الیوم خراب بر حالده اولدیفندن متروک حکمنه کیرمشدر .

« جزیره العرب » - شمالا آسیای عثمانی و شرقا بصره کورفری

وهرمز بوزازی و جنوباً عمان کورفزی و غرباً بحر احمر ایله محاطدر .
 (اون ایکی درجه قرق دقیقه) ایله (اوتوز اوج درجه قرق بش
 دقیقه) عرض شمالی اراسنده و (اوتوز درجه یکریمی دقیقه)
 ایله (الی یدی درجه قرق دقیقه) طول شرقی میاننده
 واقعدر .

(تیه العرب ونام دیگرله تیه بنی اسرائیل) و (بادیة العرب)
 و (دیارین) ناملریله اوج قسمه منقسمدر . اراضینک مساحت
 سطحیه سی ایکی ملیون سکر یوز بیک کیلومترو مربعدن عبارتدر .
 جزیره العربک هر طرفی مسکون و معمور اولیوب غیر مسکون
 بر طاقم صحاری خالیله چوللری دخی شاملدر . غرب جنوبیسنده
 واقع سواحلی کثیر المحصولاتدر .

مقدار نفوس جغرافیا علماسی بینده مختلف فیه ایسهده اکثرینسک
 بیانه نظراً اون ملیون ایله اون ایکی ملیون آره سندهدر . نفوس
 مذکوره نك جزیره العربک قطعات متفرقه سنه نسبة تقسینه کوره
 عمان . مسقط . ده (بر ملیون اوج یوز الی بیک) حضر
 موت . ده (بر ملیون بشیوز الی بیک) بحرین . قطیف .
 احسا . درعیه . ده (ایکی ملیون اوج یوز الی بیک) حجاز .
 عنیزه . تهامة حجاز . بلاد قصم . شحران . وحوالیسنده (اوج
 ملیون ایکوز الی بیک ، نفوس موجود اولدینی کبی عین و عسیر
 قطعه لرنده دخی تخمیناً ایکی ملیون درت یوز الی ایکی بیک یوز الی
 نفوس موجوددر . بو حسابیه کوره عموم جزیره العربک نفوسی اون
 ملیون طقوز یوز الی ایکی بیک یوز الی اولوق لازم کلیور .

حرف ح

« حام » - حضرت نوح علیه السلامك بشیوز سنه معمر اولدینی روایت قلنان اوچنجی اوغلودرکه میلاددن اوچیک اوچوز طقوز یاخود ایکیک طقوز یوز یدی سنه مقدم اولاد واحفاد ومنسوبات سائرہ سیلہ عراق عربدن مصر وحبس طرفلرینہ هجرت ایتمشیدی .

« حران » - اسپای عثمانیده حلب ولایت داخلنده واورفه شهرینک قرق کیلومترو جنوبنده بر بلدۀ قدیمه در . لاتینلر (قاره) دیرلر . خلقتک بشیک بشیوز قرق بر تاریخنده (غالر) نام روما ایمپراطورلری بوراده مغلوب اولدی وبر جمعیت علیہ اسلامیہ معرفتیلہ روجہ بر چوق آثار فنیہ عربجهیه نقل وترجه اولندی . حضرت ابراهیم علیہ السلام ارض کلداندن ابتدا بورایه هجرتله بر مدت مسافرت وپدرلری (آزر) بوراده عالم بقایه رحلت ایتمشیدی . حران الیوم رقه قضاسی داخلنده ناحیه مرکزیدر .

« حسن » رضی الله عنه - ائمه اثنا عشرک ایکجیسی وامام (علی) کرم الله وجهه حضرتلرینک مخدرم مکرملری ولقب عالیلری (محبتی) در پدرلرینک شهادتندن صکره کندویه روی اتباع کوسترن کوفه لیلرک تشویقیله بر اردو تدارک ایدرک شاملیلرک اوزرینه کندیسده (انبار) ناحیه سنده شام عسکری قارشولفندن وذاتاً بو یوزدن بر چوق قان دوکلکه دخی وجدانی راضی اولمادیغندن منبر خطابه چیقوب حق خلافتی بعض شرائط ایله حضرت معاویه به ترک ایلدی ومیلادک التیوز التمش بر وهجرتک

قرق بر تاربخنده بالکز دائره سی خلقیله مدینه منوره به کلوب کوشه
 فراغ و ازوایه چکلدی مؤخرأ زوجه سی (جمع) هر نصلسه
 معاویه نك اوغلی یزید ملعت مزید جانبندن بعضی مواعید کاذبه به
 قایلدیفندن اول کلبن باغ رسالتی قرق التی یاشنه وارمش اولدینی
 حالده نسیم و بی مجال فقط کندوسی دخی اومدیغه نائل اوله میه رقی
 از بر مدت ایچنده کال یأس و ملال ایله مقرر اهل ضلاله ارتحال ایلدی .
 « حسین » رضی الله عنه - ائمه اثنی عشرک او چنجیسی
 و امام (علی) کرم الله وجهه حضرتلرینک فرزند عالیسی اولوب
 لقب شریفلری (سید) و (شهید) در . حضرت مشارالیه معاویه نك و قاتیله
 یرینه اوغلی یزید بیلد جلوس ایلدکده حقاری اولان خلافتی المکی
 اوزره کوفه اهاپسنه مراجعت التمش و انلردن دخی اوچ بیک قدر
 آدم عرض بیعتله ماعداسی کوفه به تشریف بیوردقلری حالده
 کافه بیعت ایده چکلرینی مشعر مکتوبلر کوندرمشلر ایدی . بناء
 علیه الی التمش نفوس نجیه دن عبارت اولان منسوبات جلیله سبیله
 قالقوب کوفه به توجیه بیوردقلرنده یزید در عقب کیفیت و طوته جنی
 حرکتی عراق و ایسی عید بن زیاده یازدی کوفه اهاپسیسی دخی
 بر مقتضای جبلت و یردکلری سوزی کبرو آلوب اول نور دوچشم
 نبوتی بالکز بر افغله ابن زیاد مؤخرأ کربلا تسیمه قلنان (اسراق)
 نام محمله یتشوب بر مدت دوام جنک وجدال دن صکره میلادک
 التیوز سیکسان و هجرتک التمش بر محرمک اوتغی جمعه کوننده
 والی التی یاشلرنده مشارالیه حضرتلرینی اخذ و شهید و سر سعادت
 الای ایله شامه کوندروب بو وجهله قلوب موحدینه التیام قبول
 یتمز بر یاره القا و تأیید ایلدی .

« حلب » - (اوتوز ایکی اون بر دقیقه) عرض شمالیده و (اوتوز ایکی درجه الی دقیقه) طول شرقیده واقع و در سعادتك بیک دوت یوز کیلو مترو جنوب شرقیسنده و شام شریفک اوچیوز الشمس کیلو مترو شمال شرقیسنده بر ولایت مرکزیدر . حلب شهری کلیس و بابہ اووه لریله جبل سمعانک عارضه لی اراضیسنک نقطه التصاقده و بسطیجه بر موقعده در . شهرک شرق جهتی نیتون و فستق باغلیله و شمال و غرب جهتی یش باغچہ لریله محاط اولوب جنوب جهتی اولدچہ اچیقجه در . و برده شهرک شمال جهتدن باشلایه رق جنوبه طوغری کنارندن (قویق) نامنده بر ایکی دکرمان دوندیر برده نهر جریان ایدر بو نهر حلب ولایت داخلنده عینات قضا سنه تابع (چاغدیفین) قریه سندن ظهور ایله نفس حلبه اوج ساعت مسافده واقف (جیلان) قریه سنه کلدکده بر ثانی مقداری مجرای مخصوص ایله شهره کلور و قصوری حلب باغچہ لرینی اسقا ایلدکدن و کندوسنه حلب جوارنده نبهان ایدن (عین التل) و (عین البضا) صولریده قاتلدقد نصرکه شهرک کنارنده و غرب جهتده واقع بر ایکی محله نک اراسندن کچهرک جنوبه طوغری اقارکیدر و خانطومانی کچد کد نصرکه عیسی قریه سی ایلروسنده اووه یه یاییله رق بیوجک بر بتاقلق حاصل ایدرکی قیش موسونده بورالردن اصلا کچلمز و بوتاقلق مناسبته بورالرك هواسی و خیم اولوب اهاالیسی اکثر اوقاتده صتمه خسته لغندن قورتلزلر اشبو قویق نهرینک اسم قدیمی (شالوس) در . حلبده حال طفولیتده ایکن اهاالیده و بر مدت اقامت ایدن غرباده (حبه السنه) دنیلان و بر سنه دوام ایتمدکجه ابو اولمق نیلیان قرحه یعنی چیان چیقار واکثرا انسانک مکشوف محالرینه یعنی یوزیله ال وایاقرینه مسلط اولور جسمک اعضای سائرهنده چیمقمار

وحیقدینی محل جیقور قالور . حلب شهرینک نفوس التمش سکر بیک
 بشیوز التمش بری اسلام و بکرمی بیک التیوز بکرمی بشی خرستان
 ویدیک سکر یوز اوتوز بشی یهودی وایکیک یدیوز التمش سکر
 یباجی وایکیوز التمش یدیسی اجنبی اولق اوزره یوز بیک قرق التی
 کشیدن عبارتدر . حلب معمولاتی اعلا صر مه و هر نوع ایپکلی
 و صر مه لی چارشفلر و کفیه لر و مشط لر چتاری و جانفس و اطلس
 و قطنی کی قاشلر و اوطه دوشمه لر و یو کدن و پامو قدن اوطه
 دوشمه لکری و عجم تقلیدی شالر و شام تقلیدی خر قه لر و باصه مندیلر
 و الاچه لر و کوزل مصر حصیر لر و ما کولاتی اعلا شکر معمولاتی
 طوزلو فستق واکا مائل و صنایعی دخی سراجلق ترزلیک قیو جیلق
 مرانقوزلق طاشجیلق صابونجیلق نشاسته جیلق تورجیلک بویاجیلق
 دباغلق قلج جیلق باقر جیلق و امثالی صنعتلردن عبارتدر .

شهرک ابنه و آثار عتیقه و جسمه سندن اک مشهور لر حلب ایچ و طیش
 قلعه لر و جامع کبیر و جامع الحیات ایله عثمانیه و عادلیه و بهرامیه و خسرویه
 جامع لر و قشله هایوندر . ایچ قلعه شهرک و سطنده واقع طیش قلعه ایسه
 شهرک قسم اعظمی محیط اولدینی حالدّه تخمینا بر بچق ساعت دورنده
 اوله رق متعدد برجلری ویدی عدد انتیقه قبوی حاویدر اشبو قلعه لردن
 ایچ قلعه نک واضع اساس سلفه کولور و طیش قلعه نک بانیسی مسلمانلر
 اولوب هر ایکسینک تمدیکی وضعیت و مکملیتده توسیع و تحکیمی
 بشیوز سنه هجریه سندن صکر کلان ملوک سالفه اسلامیه نک اثر
 همته ساحة حصوله کلشدر .

حلبک بانی و تاریخ بناسی حقنده کی روایتلر متعدد ایسه ده بونلرک اقدم
 و احیی حلبی عمالقّه ذیلان اولاد حامدن (حلب ابن مهر) کندی

نامنه بنا ایلوب (حلبه) و (حلبون) ناملریله شهرت بولسی قضیه سیدر .
حلب حوالیسینده اک اول توطن ایدنلر اولاد حام ایدی . بونلر
میش ایل شط العرب ارسنده کی چوللرده ساکن و (الکتا) دنیلان
بر فرقه ممتازه سی حلب . حمص . حما جهتلرینده متوطن اولوب
کندوه بناری اولان حلب برخیلی مدت اللرنده قالدقدنصره میلاددن
تخمیناً ایکیک بشیوز یاخود اوج بیک سنه مقدم مصر پادشاهی
طوغوزیس حلبی حرباً استیلا ایندیهده مؤخرأ یاپیلان بر مصالحه
حلبی بنه بانی و صاحب لرینه اعاده ایلدی حلبی یهودی حکمدارلرندن
(ارام صوبا) نک بنا و ارام صوبا نسجه ایلدیکی یهودیلرجه ادعا اولنقده
ایسهده ارامک حلیجه اولان موفقیتی بنا اولیوب استیلادن عبارت
اولدینی و ارامک بنا کرده سی اولان ارام صوبا شهرینک وادی جبول
جهتده بولندینی بعض توارخ ایله تورات شریف مطالعه سندن
اکلاشیلور . بناءً علیه الکتالیردن صکره اولاد سامدن اولان بنی
ارام مالک اولوب میلاددن بیک الی سکر سنه مقدم حلبک حضرت
داود علیه السلامک سرداری (ایواب ابن سیروبا) نک یداستیلا سنه
کچد کدنصره کیدرک بابلولره عجلره انتقال ایلدی مؤخرأ حلبی
انظاکیهده حکمفرما اولان سلفکیان دولتی هجرتدن یدییوز الی سنه
مقدم تأسیس و (یرویا) نامیله توسیم ایلدیکی روایتنه کوره تاریخلرک
بیانات سائرده سی حلبک بالکزی ایچ قلعه سنک سلفکه لولر طرفدن مجدأ
بنا و شهره جهده نصفی راده سنده تعمیرات و توسیعات اجرا ایلدیکنی
کوستریورکه بو صورت تمامیه مقرون مختدر

حضرت (عمر) بن الخطاب اقدمزک عهد جلیل خلافتلرنده ابو (عبدۀ)
بن جراح و (خالد) بن ولید حضراتنک قوماندلری تحتده کی غزات

مسلمین میلادك التیوز اوتوز درت و هجرتك اون التی تازبخنده
 قنسرینی صلأ آلدقنصكره عزم فتح حلب بیوردیلر اولوقت حلب
 (یوقنا) و (یوحنا) ناملرنده ایکی بك زادهك تحت تملكنده اولدیغدن
 بولردن یوقنا اون ایکی بك زدهلی و بك چوق سبكار عسکر
 استصحابیله قنسرینه طوغری یوریدی واشبو ایکی سردار نامداره
 سدراه اولق استدی ایسهده كمب بن حمزه قومانداسیله كوندریلان
 بك نفر اسلام سواریسك سطوت غضنفرانه لری الجاسیله ومعافیه
 غیابنده برادری یوحنا ایله ابو عییده بن الجراح حضر تلری بیننده
 مكالمات صلیه جریان ایتمكده اولدیغی ایشتسیله کریسی کرییه
 دوندن و برادری یوحنایی اولدیردی بو صرهده فرقه ناجیه غزا
 حلبه كلوب انطاکیه قپوسندن ایچرو کیرهك اردو قوردیلر و ابو
 عییدهك امریله اول بول اوراده بر مسجد یاپلیدی لکن حلب
 اهالیسی ایچ قلعیه قبانوب شدتله مدافعهیه قیام ایتمسیه مدت
 محاصره درت آی قدر سوردیكندن و بنا برین دسائس حربیه
 استعمالیه لزوم کوردیكندن (دامس) نامنده کی بر سر کرده
 غازیانك رأی و تصویبی اوزرینه اردو مایوساً رجعت اییدیورمش
 کبی صنعی بر رجعت قهقرییه ایله چکیلوب کتدی و نظرلرك تعلق
 ایده میه چکی بر وادیده توقف و اختفا ایله منتظر اشارت اولدی
 بری طرفدن دامس انتخاب ایلدیکی اوتوز نفر فدا ییلرله اردونك
 چکلبدیکی کیچه طیشارودن طرمانه طرمانه ایچ قلعیه چقبوب اردونك
 چکلمسی جهتیله کندیلرینی بر عالم فراغ و استراحتده بولندیران
 محافظلری قتل ایله قلعه قبولرینی آچدی و کوندردیکی خبر اوزرینه
 اردو یلدرملر کبی هجوم ایدوب قلعه بی الدی بالاخره شهر مذکور

مصر لیلره کچمش ایسه ده مصرده اجرای حکومت ایدن دولت چراکسه نك فردوس آشیان فاتح (سلطان محمد خان ثانی) حضرت تلیرنک دورندن برو دولت علیه عثمانیه نك مصافات مشروعه سی خلافتده اوله رق کوستره کلدیکی عداوتکارانه و متحکمانه اطوار و حرکاتی علماء رومک و یردیکی قنوا اوزرینه جنتمکان یاوز سلطان (سایم خان اول) حضرت تلیرنه مصر سفرینی اچدیردیفندن سلطان مشارالیه معیتده سکسان بیک عسکر و سکر یوز طوب اولدینی حالده اناطولی اوزرندن اشوب الحاله هذه کلیس قضاسی داخلنده بولنان (مرج دابق) نام محله کلدی اوته طرفدن مصر سلطانی غوری عربان طاقندن وقوه موجوده عسکریه سندن ماعدا کندو بدندن اشترا و تسلیج ایشلش اولدینی اون اوج بیک نفر جنگنجی کوله ایله سلطان سلیم خان حضرت تلیرنی قارشوایه رق اولدقلری محله ایکی طرف عسکری نظام حرب وضعیتی اخذ ایتشلردر . سلطان سلیم حضرت تلیرنک برابرده کتومش اولدینی طوبلرک ایکوز عددی غایت جسم اولوب اوتوز قرق بارکیر ایله چکیلور و دیکرلری (ضربه زن) دنیلان و یکر می بش قارش طوانده بولنان صحرا طوبلری اولوب نقلی ایچون دردر حیوان قوشیلور ایدی عساکر عثمانیه نك یکر می بیک قدری سواری ایدی والرنده قرمز ی صاری یراقلره مزین مزراقلر وار ایدی و مهترخانه (جانی طاقمی) پادشاهی دخی برلکده ایدی سلطان مشارالیه حضرت تلیری طوبلری زنجیر ایله بربرینه ربط و اوکنه پیاده وضعیله ستر ایشلش ایدی مصر اردوسنده بولنان قوماندانلردن بشقه ده ا یکر میدن زیاده سردار اولوب عسکرلری غایتله مسلح و مزین و یالکر سلطان غوری اوجینک التونلق لباس سلطنتی لابس ایدی سلطان غوری اردوینی نصف

دائرة شکنده ترتیب ایتمش و صف حربنک بر اوجی مرج دابقدن باشلا بقرق اعزازه منتهی اولمش ایدی . میلادک بیک بشیوز اون التی و عجزنک طقوز یوز یکریمی ایکی سنه سی شهر رجینک یکریمی او چنجی بازار کونی کونش طوغار طوغماز سواری چرخه جیلرینک سبیتله حربه باشلانلدی ایلک حمله ده مصرایلیر عثمانلی اردوسنی صارمغه باشلادیلر ایسه ده سلطان (سلیم) حضرتلرینک ید هایونلرنده (عمر) بن الخطاب افدمنر حضرتلرینک سیف مقدسلی اولدینی حالده بالذات میدان و غایه آت سوروب و بر مدت صکره ساحته بر رجعت کورستروب مصریلیری پیاده ایله مستور طوبلرک اوکنه چکمرک شدتله آتیه باشلادیفندن مصریلیر درحال بوزلدی و غوری ده عدم آباءه کتدی . فرداسی کونی سلطان (سلیم) حضرتلری حلبک جهت شمالیسندن واقع قشله عسکرینک شمال شرقی جهتنده و شهرک اتصالده و نهر قویقک ساحل شرقیسندنه کی کورک میدانده حلب اهالیسی طرفندن باکال حرمت و اطاعت استقبال اولنه رق شهره کیردیلر . غورینک کندوسنی بو مصیبه کرفتار ایدن کال غروری ساقه سیله استانبولک ضبطی ایچون حلب قلعه سندنه ادخار ایلدیکی ایکی میلیون اشرفی مصر التونی ایله ایکوز قیه التون کولچه سی و سائر مهمات حربیه جانب بیت المال ایچون ضبط اولندی سلطان سلیم حضرتلری حلبده اون سکر کون اقامتله شام و مصرک فحی ایچون جانب شامه عزیمت بیوردیلر جناب شاهی ایلک دفعه اوله رق حلبده ادا بیوردقلری جمعه نمازنده خطیب طرفندن (خادم الحرمین الشریفین) عبارة جلیله سی علاوه خطبة ظفر ایدلدی .

« حما » - سوریه ولایت جلیله‌سی داخلنده و نفس شامک
جهت شمالیسنده و ایکوز کیلومترو بعد و مسافده طقوز بیک سکر
یوز التمش طقوزی اسلام باقیسی خرسنیاں اولاق اوزره اون بیک
طقوز یوز التمش ایکی نفوسی شامل بر سنجاق مرکبدر . حما قصبه‌سی
اک اسکی شهرلردن اولوب مؤرخ شهیر (یوسفوس) یهودینک
قولنه کوره کنعانیلر زمانندن بری موجوددر قصبه مذکوره‌بی
قدیماً محیط اولان سور خراب اوله‌رق شدیکی حالده بعض انقاض
کوریه یلکده‌در قصبه مذکوره بر چوق مشاهیر علما و شعرائک
مستقط رأسی اولغله دخی مشهوردر عاصی نه‌ری حمانک و سطندن
مرور ایدرک قصبه‌بی ایکی قسمه تفریق ایدر و کذرکاهنده تماشایی
لطافت بخش انظار اوله‌جق صورتده متعدد حدایق و بساتیانی
اروا ایلر .

نفس قصبه‌ده آثار اسلامیه‌دن بر چوق تأسیسات مهمه وار ایدی
فقط میلادک بیک ایکوز یکرمی التی و هجرتک التی یوز اللی اوج
سنه‌سند و وقوع بولان حرکت ارضده قصبه‌کیا خراب اولغله تأسیسات
مذکوره دخی منهدم اوله‌رق اثری قالمشدر .

رومالیلر طرفندن جوار قصبه‌ده انشا ایدلش اولان قلعه‌نک خرابه‌سی
الآن مشهوردر . نفس حما قصبه‌سند حامدیه ذیلان اثواباق قماش
حمام طاقی و متنوع الاجه واقشه سازه نسج اولتور . قصبه مذکوره
ملوک ایوبیه‌دن بر فرعک مقر امارتی اولمشیدی نام قدیمی یونانیلرجه
(ایقانیآ) لاتینلرجه (آمات) در

« حصص » نام قدیمی (امز) - سوریه ولایت جلیله‌سی
داخلنده حما سنجاغنه تابع و شامک جهت شمالیسندن یوز التمش و حمانک

جهت جنوبیستندن فرق کیلومترو بعد ومسافه ده اون درت بیک بشیوز
 اوتوز طقوزی اسلام وباقیسی خرسیان اولق اوزره اون سکر بیک
 یدیوز اوتوز بر نفوسی شامل بر قضا مرکزیدر ازمئه قدیمهده
 مستقل کوچک برقرالیتک مقر حکومتی ایکن سوریه حکمداری
 ورومالورلک الیه دوشوب تاریخ میلاد (عیسی) علیه السلامدن التیوز
 فرق بر سنه صکره (خلد) بن الولیدو (ابوعبده) بن الجراح حضراتی
 طرفلرندن قح واک صکره دولت عثمانیه نک قبضه تسخیرینه یکمشدر .
 او وقتلرده اهالیسی سعادن دوشدیکنی ظن ایلدکری مخروطی الشکل
 و سیاه کونش رسنده بر طاشه تعبد ایدوب بوکا (آله الاغبال دیرلر
 ایدی . (هه لیو غبال) نام کاهین بوراده امپراطور غسوانی آلوب
 کندوسه و حصه اهمیت ویردی . اون ایکنجی عصرده وقوعبولان
 بر حرکت ارضدن ناشی منهدم اولان ابنیه سنک الان خرابه سی
 کورلمکدهدر . منسوجات قطنیه وحریریه سی وصابونی وحب و شام
 ایله تجارتی رواجده اولوب مشهور عاصی نهری جبل لبنانه تابع
 هممل طاغندن نبعان ایدرک حصص قربندن جریان ایدر قصبه ایله
 جوارنده نهر عاصیدن بشقه نبعان وجریلن ایدر صو اولمدیفندن
 حصص اهالیسی محتاج اولدقاری صوی نهر عاصیدن آلورلر عاصی
 صوی هرملدن نبعان ایله یارم ساعت بعد مسافهده رومالیر طرفندن
 تکلفات عظیمه ایله انشا ایدیلان جسیم دیوارلرک تشکیل ایندیکی
 برحوض واسعه طه پلانور واطرافندن کلان دیگر صولرایله کسب
 جسامت ایندکدنصکره دیوارلرده موجود اولان مقسقلردن مجرای
 مخصوصنه آقار تورانده مذکور اولان (ربه) قریه سی حصص
 جوارندهدر منبع عاصی اولان جبل هرملک ذروه سنده (قاموع

هرمل (ناميله بر بنای قدیم موجود واحجاری صور متعدده ايله
منقوشدر . مصرلی ابراهیم پاشا میلادک بیک سکر یوز اوتوز ایکی
وهجرتک بیک ایکوز قرق سکر تاریخنده شام شریفی آلدقنصکره
حسین پاشا اردوسنی بوزوب بوراسنی دخی آلمش ومیلادک بیک سکر
یوز قرق وهجرتک بیک ایکوز اللی الی سنه سنده دخی انکلیزلر طرفدن
اشغال ایدلمش ایدی .

حرف خ

« خالد » بن ولید رضی الله عنه - صحابه کرامدن واشراف
قریشدندر . زمان سعادت ضحان جناب یغمبریده وقوعبولان
غز الرک هر برنده ابراز مآثر دلیری وجلادت ایتمکله (سیف الله)
عنوان جلیله شایان اولمشدر . میلادک التیوز قرق بر وهجرتک یکرمی
بر تاریخجه حص محاربه سنده بر چوق یرندن زخمدار اوله رف
شهیداً وفات ایدر ایکن (شمعی به قدر یوزدن زیاده جنکه کیردم
ووجودمده یارمسز بر یر براقدم حمد اولسون اشته شمیدیه اعلائی
کلمه الله اوغرندن دوکوشه دوکوشه تسلیم روح ایدیوروم)
بیورمشدر .

« خدیجه الکبری » - حرم هایون جناب سید المرسلین درکه
اشراف قریشدن (خویلد بن اسد بن عبدالمزی بن قصی) کریمه سیدر
والده لری عامر بن اؤی اولادندن (فاطمه) بنت زائده الاحمدر آوان
جاهلیه ده نسوان قریش ایچنده طاهره دیو یاد اولتور ایدی اقدمز
حضر تدرینه قبل البعثه زوجه اولمشلر وکافه کرائم سنیه و(قلم)
و(طاهره) و(طیب) نام انجال نبویه بی طوغر مشارددر زوجات طاهره اتک

اول وافضلی اولدینی متفق علیهدر سید الثقلین حضرت تلبه اقرانی
 جله دن اول اولدینی کبی نبوت و وحدانیتہ ایمانی دخی هر کس دن
 اقدمدر یکر می دوت سنه و بر قاج ای جناب شفاعتآب افندمن
 ایله بولنوب بعده یعنی هجرت سنیه نبویه دن اوچ سنه مقدمنده التمش بش
 یاشنده اولدقلری حالده مکّه مکرّمه ده واصل دار النعم اولمشلردر
 عاقله و اهل تمکین و مالدار برخاتون ایدی حق علیالزنده (خدینجه خیر
 نساء عالمها) بیورلمشدر .

حرف د

« داود » - حضرت داود علیه السلام ابتداری شموئیل
 علیه السلامک توضیه سیله طالوتک معیتنه التمش ایدی . بدایه طالوت
 حضرت داود علیه السلامی چوق سور ایدیسه ده بر مدت صکره
 حضرت داود علیه السلامک شان و شهرته حسد ایدرک چکه مامکه
 باشلامشدر . طالوت فلسطین قبیله سیله محارب اولوب ایکی طرفک
 اردولری بر برینه قارشو اردوگاه قوره رق اقامت ایتکده ایکن
 عاد جنسندن اولوب فلسطینده امیر بولنان جالوت نام بر شخص ایکی
 اردونک اورته سنه جیقوب اسرائیلیری تحقیر ایتکه باشلامش
 وایچلرندن بریخی کندیسيله محاربه ده دعوت التمشدر . بنی اسرائیل
 ایچنده بالذات جالوتک قارشوسنه چیقمغه کیمسه جسارت ایده مدیکندن
 طالوتک فوق العاده جانی صیقلش ایدی . حتی جالوتی قتل ایدنه
 کریمه سنی وعد التمشدر نهایت داود علیه السلام جالوته قارشو
 چیقمغه طالب اولمش ایه ده طالوت مشار الیهک کنجلمکنه ووجودینک
 ضعیفانکه بناء جالوت ایله باشه چیقمغه جانی قولیه رضا کوسترماش

ایسه ده داود علیه السلام اصراری اوزرینه مساعده ایشدر .
 داود علیه السلام یالکز بر الینه عصا دیگر الینه صبان آلهرق جالوته
 یاقلاشد قدده مذکور صانله آتش اولدینی طاشله قفاسنی یارمش
 و جالوتک بینی بوزندن آفرق حیوانندن دوشمنی اوزرینه اسرائیل
 عسکری هجوم ایله باشنی کسمشدر . اشبو وقعه دخی بنی اسرائیلک
 مظفریتی موجب اولمشدر بو وقعه دنصکره بنی اسرائیل داود
 علیه السلامه زیاده سیله توجه و محبت اظهار ایتمکه باشلادیغندن
 طالوت خوف و حسدندن داود علیه السلامی اعدام ایتمکه قصد
 ایتمش ایسه ده موفق اوله مامشدر . چونکه داود علیه السلامک
 زوجہ سی بولتان طالوتک قیزی پدرینک قصدندن خبردار اولهرق
 داود علیه السلامی (نوبه) شهرنده بولتان رئیس روحانی جانبہ
 عزیمته تشویق ایتمشدر . نوبه اہالیسی حضرت داودی حسن
 صورتله قبول ایتمش اولدقلرندن طالوت اردو ایلہ کلوب مذکور
 شهری تخریب ایتمش و بیوک کاهنله کافہ اہالیسنی قلیچدن کچیرمش
 فقط داود علیه السلامی در دست ایده مامشدر . داود علیه السلام
 طالوتک سوء قصدینہ قارشو فوق العادہ عالیجنابلق اظهار ایتمشدر
 حتی بر ایکی کرہ طالوتی او یقودہ بولوب اعدام ایتمک فرصتہ نائل
 اولدینی حالده بر قتالک ایتمدکن بشقہ (پادشاہکری لایقہلہ محافظہ
 ایتہ یورسکز دیہرک معینی تکدیر ایشدر) حضرت داودہ قارشسی
 اظهار اولتان حقسزاق ایلہ نوبہ قتالی اوزرینہ بنی اسرائیل طالوتدن
 یک دلکبر اولمش اولدیغندن فلسطین قومنک طالوت اوزرینہ حین
 هجوملرندہ طالوتہ معاونت ایتما مشدر . بناء علیہ طالوت دخی مغلوب
 اولوب کندینی تلف ایتمشدر . طالوتک وفاتی اوزرینہ یہودا سبطی

داود عليه السلامه بيعت ايتمش ايسهده اسباط سائره طالوتك اوغلنه عرض واطاعت التلشدر . اشبو وقعه بنی اسرائيل تاريخنده پك مهم اولدینی کبی بنی اسرائيل انقراضك دخی مقدمه سی اولمشدر . حضرت داودك سلطتی قرق سنه امتداد التلشدر . مشار الیه حضرت تلرینك اواخر سلطتبنده بعض اختلالات ظهور ایدرك حكومت اینجه انقراضه یوز طوتمشیدی . داود علیه السلامك بر حیات اوله رق ایکی مخیدومی اولوب کوچکی حضرت سلیمان علیه السلام ایدی . بیوك اوغلندن خوشنود اولدیغندن ده اكندی حیاتنده تختی ترك ايله حضرت سلیمانی اجلاس التلشدر .

ح ر

« رمله » - مستقلا اداره اولنقده بولان قدس شریف سنجانلی داخلنده یافه قضاسنه تابع بشیك نفوسی حاوی ونفس یافه نك جنوب شرقیسنده واون بش کیلومترو بعد ومسافهده كاثن ناحیه صرکزیدر . رمله وقیله مشهور بر شهر ایدی . حضرت (ابوعبیده) بن الجراح شام شریفك فتحه کیدر ایکن حضرت (شرحیل) اون بیک سلاحشور ايله رمله پیشکاهنده براقشدرکه رمله قلعه سی دروننده سکسان بیک روم عسکری وار ایدی . حضرت مشار الیه شام شریفی فتح ایلدکد نصکره یزید بن ابوسفیانی والی نصب ایدرك ومعیته بشیك کشی آله رق حضرت شرحیل ايله برلشك اوزره رمله یه عودت بیوردیلر مشار الیه حضرت تلری شرحیل ايله برلشهرك لازمکلان ترتیبات عسکریه یی اجرا ایتك اوزره ایکن قلعه دروننده محصورتلان روم عسکرلری کیچه نك برنده قلعه قبولرخی آچهرق اینجه بر بولدن

محاصرین اسلام اوزرینه هجوم و نصف الیله قدره قوعلولان محاربه ده مغلوبیدن بشقه برشی قزانه مدقلندن رجعته مجبور اولمشلر و عساکر اسلامیہ دخی قلعه دروننه دخول ایدرک رمله بی فتح ایشلردر . بونک اوزرینه ناصره و طبریه اهایسی دخی صلحا تسلیم و لمشلردر . اشبو ققلرک جلهسی حضرت ابو عیده طرفدن حضرت عمر رضی الله عنه حضرت تهرینه بیلدرلمشدر .

« روما » - ایتالیا دولت فحیمه سنک کرسی اداره سیدر اشبو شهر (تیر) نهرینک هر ایکی جهتی اوزرنده واقع و اخذیلر داخل حساب اولقسزین 'یکی یوز بیک فوسی جاسدر شهرک موقی اونی طبی بشی صنعی اونی بش تپه بی اشغال ایدر دوری اونی سکر کیلومترو ایسه ده جلهسی مسکون اولیوب همان الیوم مسکون اولان محلی قدیم رومانک جهت شماییسیدر (لاترانک) و (سنت انژ) نامنده سربلری و شمالا بر رمله داخایی و متعدد کلیساری اولوب بونلرک الک مشهوری (سن پترو) (سن ژان) (سنت ماری مائور) (سن پول) کلیسارلدرکه بونلر دنیاده بولان ابنیه ک الک اعلاسی صاییلرلر بونلردن ماعدا اوج یوز باب کلیسانی ده و واردر و (سن پیر) و اسپانیا میدانلری مشهور و اکثریسی ترازان و انتونین عمودلری و قدیم دیکلی طاشلر ایله مزیندر . روماده (سابه ترا) و (غره غوریانه) ناملریله ایکی دارالفنونی و دارالفنونک ایکنجی درجه سنده ژزویتلر طرفسندن تأسیس اولنش روما مکتبی و (پروباغداندا) مکتبی و سائرله ایله بر مدرسه رهبانیه و صاغر و دلزلرله مخصوص تعلیم خانه و صنایع فنیسه تعلیمی ایچون متعدد مکتبلر و رصد و تاریخ طبیی درسخانهلری و نباتات باغچهلری و موزمخانه و متعدد مطبعه لری

یونانور فرانسه انگلتره و اوستریا انجلیری صنایع نفیسه تحصیلچون رومایه کیدرلر متعدد هیئات علیه و کتبخانه لری دخی مکمل اولوب یونلر ال یازولی کتابلرله مالا مالدر . روما شهرنده صنایعه دائر غاز شرید اطلس صنعی چیچک چوقه عطریات و موزیقه آلاتی چیقار . هوا سی قشیک صاغلام یازین یونک عکسنه در جنوب شرقی طرفندن هبوب ایدن روزکار اکثریا علل ساریه شدیدیه باعث اولور .

روما خلقتک درتیک سکر پوز قرق بر تاریخنده یعنی میلادک بدییوز الی اوج سنه مقدمنده تأسیس اولوب بو تاریخندن اعتباراً ایکوز قرق درت سنه ظرفنده (رومولوس) والی نفر اخلافی طرفندن مرکز قرالیت اتخاذ ایدلدیکی حالده خلقتک بشییک سکسان بش تاریخنده یعنی میلادک بشیوز طقوز سنه مقدمنده تارکنلرک مظالمی قرالغه نهایت ویرمکه جمهوریه تحویل اوله رق سنه بسنه انتخاب اولنان قونسالر معرفتله اداره ایدلدی مؤخرأ (پاتریسیه ن) (پله یین) نام ایکی صنف اهالی بیننده متحدت نزاع و مقاتلات متادیه رومانک ضعف اقبالی تمام برعصر تمید ایدوب خلقتک بشییک ایکوز بش تاریخنده دخی غولار طرفندن ضبط و تخرینه آز برشی قالمشکن (مانلیوس) ک ثمره غیرتی ایله قورتلدی و قرق الی سنه صکره باشلایان (سامنیت) محاربه سی ایسه بتون ایتالیا یه دهنت انداز سرایت اوله رق ایتالیایی وسطی و جنوبینک رومایه التحاقله نهایت بولدی و خلقتک بشییک اوجیوز اوتوزدن بشییک اوجیوز الی اوج تاریخنده قدر متحد اولان برنجی یونیق محاربه سنده سجلیای غربی و ساردنیا و مؤخرأ سجلیای شرقی و اسپانیا ودها صکره ماکیدونیا رومایه کجوب خلقتک بشییک دوتیوز قرق

سکنر تاریخده یعنی میلادک یوز فرق اتی سنه مقدمنده روما جمهوریه یونان دولتی دخی محو ونابیدد وقارتاجلولره غلبه چالوب سلوسیدری آسیای صغرادن (تورس) ک اوته سنه قدر طرد وتبعید ایلدی لکن صکره لری روماده اصول حکومت بوزیلوب بر آره لقی (سیللا) ظهور ایدرک دیکتاتورلنی غصب وفوق الغایه شدتله معامله ایدوب ومؤخرأ (اوکتاو) قرال اولوب ایکی سنه صکره اوغوست وایمپراطور عنوانلری آلدی وایمپراطور بیوک قسطنطین زماننده یعنی میلادک اوچوز اوتوز تاریخده پای تخت سلطنت استانبوله نقل اولندی .

بوندن صکره دخی روما برطاقم تقلبات جدیدیه اوغرایوب هروللرک قرالی اولان (اودواقر) زماننده آروجه بر قرالیت ومؤخرأ روما دوقه اتی نامیله خصوصی بر دوقه لقی تشکیل اولندی وبعده میلادک یدبیوز اوتوز وهجرتک یوز اون ایکی تاریخنه طوغری پایار طرفندن اداره و (شارلمان) دورنده فرانسه حایه سنه ادخال ایدیلوب اوتجی عصر میلادیده مازوری قاملیاسنک زیر حکمنه کیردی ومیلادک بیک درتیوز طقسای بش وهجرتک طقوز یوز بر تاریخنده نابولی فتحه کیدن یدنجی شارل ومؤخرأ دهها بشقه ذوات طرفلرندن ضبط ومیلادک بیک سکنر یوز بر وهجرتک بیک ایکوز اون اتی تاریخنده لونه ویل معاهده سی موجبجه پایا یدنجی (پن) یه اعاده اولندیسه ده یدی سنه صکره نابولیون روما ودولت رهبانیه نک اک بیوک قسیتی فرانسه یه کچوروب میلادک بیک سکنر یوز اون درت وهجرتک بیک ایکوز اوتوز تاریخی حادثاتی پایایی تکرار مسند اقتداره کتوردی . خلاصه کلام روما شهری تاسیسی تاریخندن خلقتک بشیک سکسان

بش تاریخچه یعنی میلادك بشبوز طقوز سنه مقدمه دكین قرالار
واندن صكره قونسلر و امپراطورلر ومؤخراً هرولار وغونلر ودها
صكره (راوهن) اقزارخولربنه تابع دوقلر وپالار طرفلرندن اداره
ایدیلوب نهایت ایتالیا دولتلك تحت اداره سنه كچمش ودول مشارالها
طرفندن پای تحت اتخاذ اولمشدر .

حرف ز

« زکریا » علیه السلام - انبیای کرامدندر . حضرت یحیی
علیه السلامك پدری وحضرت (مریتك) تیزه سی ایشاغ نام خاتونك
زوجی ایدی مشار الیه یهودیلرك حضرت مریدن طولای حقنده
سوء ظنه دوشهرك شكایت ایتدكلرینی یاخود حاكم هر دوسی بر
مسئله دن طولای كوچندردكچون مشار الیه حضرتلرینك ابتدا
کندوسی صكره اوغلی یحیی علیه السلامی اعدامه قرار ویردیکنی خبر
آلدفنه بناء براغاچك ایچنه ازوا بیورمشلر ایدی خائنلر اوراده
بولوب اغاجی بیحقی ایله کسهرك طقسان بش یاشنده شهید ایتدیلر .
قبر شریفی الآن حلبده جامع کیر دروننده زیارتگاه انامدر .
تورات شریفده اسمی (زفریا) یازیلبور جناب حق زکریا علیه
السلامه یحیی علیه السلامی حال شیخوخته احسان بیورمشدر . بر
روایتده ذوالکفل بودر . یهودا ملکی (یواش) زماننده دخی
بونامده بر ینغمبر ظهور ایدرك مومی الیه یواشی بر طاقم نصایح
دینه ایله اصلاحه چاشمش ایسهده (الحق مر) مفهومجه نصایح
مذکوره یواشك طبع ناملائنه پك سرت کلدیکندن مشار الیه
بیت مقدس حولبسنده طاشلر ایله اعدام ایتدیرمشدر لکن بر سنه

صکرة جناب حق سوريه ملکنی اوزرينه تسليط ايدوب فلسطين ودها بر چوق مالکی مستولی و خراب اولدینی کبی کندوسی دخی يتاغنده اوشاقلری طرفندن قتل ايدلدی و جنازه سی صهیون (داود) شهرینه کتورلدیسهده حکمداران مزارینه قولتی شرفندن محروم اولدی .

حرف س

« سام » بن نوح علیه السلام - ابو العرب کنیه سیله مشهوردره اولاد نوحك ساکن اولدقلری عراق عربدن اطرافه طاغدلقلری ائناده یعنی خلقتك ایکیك ایکیوز سکسان بش یاخود ایکیك سکسان التي تاریخنده بو دخی اولاد واحفاد ومنسوباتيله جزیره العرب وسوريه طرفلرینه هجرت وتوطن ايدلدی ارفخشد وعیلام ولاووز و آثور وارم اوغللریدر بونلرك هربری بر بیوک قومك پدري اولدی وحضرت (ابراهيم) علیه السلام دخی ارفخشد سلاله سندن کلدی سامك التیوز سنه معمر اولدینی مرویدر اسوج نوروج قطعه سنك شمال جهتهده مسكون بدوی (لاپون) لره دخی سام تعیر اولنور .

« سامری » - آثوریلر خلقتك درت بیك سکر یوز سکسان تاریخنده یعنی میلادك پدیوز اون درت سنه مقدمنده ودها صکرة ممالك اسرائیلیه دن آثوریاه طرد وتبعید ایلدقلری سامریه لیلره عودتلرنده ویریلان اسمدر بونلر آثوریاده یتیم سکسان ییل قالب نسل ولسان واعتقادلری بوزلدیغندن مملکتلرینه عودتلرنده قدس یهودیلری طرفندن تحقیر اولدیلر . وتأسيس و تعمیر معابد

ومبرات کچی امور خیریه و مصالح ملتہ قارشیدرلمدیلر بناء علیه سامریلر دخی قدسلیلرله الفتی قطع وآیین وعادات دینه اجراسی ضمتده قدسه عزیزی ترک ایدوب بیت مقدسه بدل غار یزیم طاعی اوزرنده بر معبد بنا ایلدیلر بو خصوصده آتوریلر طرفندن سامریه والیسی بولنان کمسنه نك تشویقی دخی تفرقیه سبب مستقیل اولمشیدی . سامریلر توراتك بش کتابی معناسنی افاده ایدن (پنته یون) نام کتاب ایله عمل ایدرلر و کتب مقدسه لرینی عبرانی لسان قدیمی اوزره و سریانی یه مشابه سامری حروفی ایله یازارلر ایدی اشبو یازی شمدی اك قدیم عد ایدیلان آتاردندر . ایوم نابلسده مسکون اولان سامریلرک حورالرنده ایکی بیک سنه لك بر تورات شریف موجود اولدینی رای العین مشاهده اولمشدر .

« سامریه » یاخود (سبات) - ارض فلسطینده بر شهردرکه ماناسه غربی نصف سبطنده وافرثم سبطنك حدودی اوزرنده واقع ایدی نابلسدن صکره حکومت اسرائیلیه نك کرسی اداره سی اولدی اشبو شهر خلقتك درت بیک التیوز سکسان ایکی تاریخنده یعنی میلادك طقسوز یوز اون ایکی سنه مقدمنده حکمدار یهودا (عمری) طرفندن تأسیس اولنوب خلقتك درت بیک سکر یوز سکسان تاریخنده یعنی میلادك یدییوز اون درت سنه مقدمنده شما نصر طرفندن ضبط واهالیسی فراتك اوتیه قه سنه طرد ایدیلرک آتوریده کوتا شهرینك اهاالیسی ایله اسکان و میلادك التیوز یتش ایکی سنه مقدمنده اسار خادون واسطه سیله مجدداً اعمار ایدندی سامریه خلقتك بشیک اوج یوز طقسان بر تاریخنده یعنی میلادك

ایکوز اوج سنه مقدمنده بیوک اتی یوخوس طرفدن دخی استیلا و نهایت رومالور زماننده یهودیلرک بر اختلالی ائناسنده ضبط و صوک دفعه و قطعی صورتده اوله رق تخریب اولندی .

« سیده سکینه » بنت حسن بن علی رضی الله تعالی عنهم -
 مشار الیهانک تربۀ شریفه لری سوریه ولایت جلیله سی داخلنده کاتن عکا سنجاغنه تابع طبریا قضاسنک مرکزی اولان نفس طبریانک جهت غریبسنده و اون دقیقه بعد و مسافه سنده و جیلک اتکنده واقعدر .
 تربۀ مذکوره مرور و زمانله مندرس اولدینی حالده کچلرده یعنی بوندن ایکی سنه مقدم سوریه والی سابق متوفی احمد حمدی پاشانک اثر و اقدامیله تعمیر و تجدید ایدلمشدر . مذکور تربۀ دروننده کی مرمر طاش اوزرنده عربی العبارة یازلمش و محلی حکومتی اوقاف قلمده مقید بولنش اولان اوقاف و قتیله پک مضبوط یانلش ایسه ده بو کونکی کونده جمله سی آخرک یدمأ کلرینه کچمش اولدیغندن تربۀ مذکوره بو سببدن ناشی الیوم معموریتدن محروم قالمشدر .

« سدوم » - ارض کنعانده (عدور) یاخود (عمور) نام اراضی وسیعنه ک حاوی اولدینی بش ناحیه در . بو ناحیه لر قرآن کریمده (مؤتفکات) لفظیله مذکور اولوب اسملری سدوم و بارع و سیاء و ادوم و صاعیردر . حضرت (لوط) علیه السلام خلقتک اوجیک بشیوز الی سکر تاریخنده یعنی میلادک ایکیک اوتوز الی سنه مقدمندن صکره نواحی مذکوره اهالیسنه مبعوث اولدیسه ده اهالی مرقومه مرتکب اولدقلری فحشیاتدن واز کچمدکلری جهته غضب الهی یه اوغرایوب مملکتلری خراب و کندولری کاملاً

هلاک اولدیله . بو مملکتلر الیوم بحر لوط دنیلان کولک اولدینی
 برده ایدی ادمیلرک عقبه نام اسکله یه قدر متصرف اولدقلرینه
 و تجارت بحریه ایله ده مألوف بولندقلرینه نظراً مذکور سدوم
 اراضیسینک بحر احمره قدر ممتد اولدینی حس اولنیور .

« سلیمان » علیه السلام - انبیای عظام بنی اسرائیلدندو
 پدرلری داود علیه السلام ووالده لری انبیای عظام نسلندن
 تسایعدر خلقتک درتیک بشیوز طقسان اوج تاریخنده یعنی میلادک
 بیک بر سنه مقدمنده کوشه ازوایه چکیلوب حکومتی کندولرینه
 ترک ایلدیکنندن قرق سنه کمال عدل و داد ایله شرفبخش سریر سلطنت
 اولمش و بو مدت ظرفنده پالمیر (تدمر) و پالوس (بعلبک) شهرلرینی
 بنا و مشهور حیات قبیله سنی اسکان و حوران شهرینی تعمیر و دائرة
 ممالکنی مصر دن فرات نهرینه قدر توسیع بیوروب بحر احمره اولان
 دونماسیله دخی هند و صوماتره و جاوه سواحلندن بالدفعات غنایم
 کثیره آلمشدر . مشار الیه مصر حکمدارینک کریمه سی و علی روایته
 حمایه سنه دخالت ایچون کلان یمن ملکهمسی (بلقیس) ی تزوج
 بیوردی . بیت مقدسک انشاسی خلقتک درت بیک التیوز اوج
 تاریخنده یعنی میلادک طقوز یوز طقسان بر سنه مقدمنده نهایت
 بولدقده حضرت سلیمان (تابوت عهد) ی آلا ی و آلا ایله صهیوندن
 کتوروب دروننه وضع و تشکراً یکریمی ایکی بیک بقر و یوز یکریمی
 بیک غنم قربان آلمشدر .

« سلیم خان » اول - ملوک عثمانیه دن طقوزنجی پادشاهدر .
 و سلطان بایزید خان ثانینک اوغلی و سلطان سلیمان خان اولک پدری
 اولوب (یاوز) لقبیه ملقبدر . سلطان مشار الیه حضرتلری ده

گنجلکنند و جنکاور لکله شهرت بولش اولدیغندن جلوسیه برابر
 هاهه نك و علی الخصوص عساكر شاهانه لرینك افکاری محاربه ایتمك
 ایچون حاضرلق کورلك طرفنده ایدی میلادك بیک بشیوز اون
 درت و هجرتك طقوز یوز یکر می تاریخنده عجم سفینه کیدوب
 (چالدران) محاربه مشهوره سنی قزاندی و (خوی) و (تبریز) قدر
 ایلر و لیوب حسب الایجاب عودت لری لازمکمله اثنای راهده (بابورد)
 و (کیفی) و (کاج) قلعه لرینی فتح ایدرک درسعاده ائماً و سالماً تشریف
 بیوردیلر . و مشهور (ادریس بدلیس) حضرت لرینك واسطه سیله
 کردستان بکلرینك اکثریننی تحت حمایه دولت علیه الی و میلادك
 بیک بشیوز اون الی و هجرتك طقوز یوز یکر می ایکی تاریخنده مصر
 اوزرینه یوریوب حلبده مشهور (مرج دابق) مظفریتنه ناغل اولدقدن
 و (ملاطیه) و (دارنده) و (دوریک) و (عینتاب) و (انطاکیه) و (سیس)
 و (ماردین) و (سنجار) و (اورفه) و (سیوه رك) و (یره جك)
 و (البستان) و (اطنه) و (طرسوس) و (طرابلس شام) و (قدس) کی یوزدن
 زیاده ممالك استیلا ایلد کدن صکره (مصر) ی دخی تسخیره موفق اولدی .
 و قدس شریفده حضرت (داود) و (سلیمان) علیهما السلام طرفلرندن انشا
 ایتدیر یلوب الك صوك دفعه رومالیر طرفدن تخریب ایدیلوبده خراب برحاله
 قالمش اولان معبد قدیمك محله جامع شریف بنا ایتدیر مشلردر .
 مصر محاربه بسنده (مصر حکمداری قانصو و طومانباي ايله
 سرعسکری جانبرد غزالینك غیرت و شجاعت لری دخی انکار اولنه من)
 اولوقت خلفای عباسیه دن اوله رق مصرده بولان ذاتی درسعاده
 کتوروب ایا صوفیه ده رسماً ترك خلافت ایتدیر دیکنه و شرفای
 هاشمیه دن بیعت آندیغنه بناءً (خادم الحرمین الشریفین) و (سلطان

الروم والعرب) عنوان مفخرت نشاننه مظهر اولدی اولوقلارده قبضه تسخیرینه کچردیکی یرلردن بریده (جبل لبنان) ایدی . شام شریفک مصالحنی تنظیم صره سنده هجرتک طقوز یوز یکریمی درت سنه سنده (صالحیه) ده مدفون (شیخ اکبر) حضرتلرینک مدفن شریفلرینی بولوب اوزرینه برقه وبرجامع شریف انشا ایتدیرمش وبالذات بر جمعه نمازی قیلدیرمشدر نهایت میلادک بیک بشیوز اون طقوز وهجرتک طقوز یوز یکریمی الی تاریخنده مجارستان سفرینه کیدر ایکن شیر بنجه دن چورلیده متوجه سفر آخرت اولدی سلطان مشار الیه حضرتلری سکر یوز یتمش درت سنه سی صفرینک اون سکرزنده قدمهاده عالم وجود و سعود اوله رق وجلوس هایونلری طقوز یوز اون سکر سنه سی شوال شریفک طقوزنده وارتحاللری طقوز یوز یکریمی الیده وقوعبولوب الی ایکی سنه عمر وسکر سنه طقوز ای سلطنت سورمشلردر . جامع شریفلری جوازنده مدفوندر .

« سلیمان خان » اولدولت عثمانیه دن اوننجی پادشاهدر و سلطان سلیم خان اولک اوغلی و سلیم خان ثانینک پدری در . مدت سلطنتی اولان قرق سکر سنه ظرفنده اون اوچ دفعه بالذات سفره کیدوب زماننده بلغراد و استانکوی وغروس و اردین (وارادین) و بودین و بغداد و اولونیه و دلونیه و وان و طمشوار و اکری و شهرزور و تونس و ساقز و سکتوار (ژیژت) و زمون و خرسوه کچی اوچیوزدن متجاوز ممالک و قلاع مهمه فتح و استرداد اولندی . و میلادک بیک بشیوز یکریمی الی وهجرتک طقوز یوز اوتوز اوچ تاریخنده یوز الی بیک کشیک مجار اردوسنی مشهور مهاج اووه سنده بوزوب مجارستانی زیر حمایه سنه آلدی (بو محاربه ده .

بخارستان و بوهیاقراالی ایکنجی لوی آخرته عزم راه ایشلدر) و میلادك بیک بشیوز یکر می طقوز و هجرتك طقوز یوز اوتوز الی تاریخنده دخی و یانه بی تحت محاصره یه آلوب ینه ترك ایلدی دیگر طرفدن همیشه بنی و عصیان ییشه ایدن خطه یمانیه اهالیسی حمایه دولت علیه یه کیردی و جزایر امیری (خیر الدین) بك معرفتیه طوغریدن طوغری یه ممالك عثمانیه یه الحاق ایلدی بونلرله برابر برطاقم قوانین و تأسیسات نافع و وجوده کتوریلوب از جمله یکیمری موظف پیاده عسکری اول وقت قانونه باغلانندی . و سلیمانیه جامع شریفی میلادك بیک بشیوز الی و هجرتك طقوز یوز الی یدی تاریخنده بدأ ایله سکر سنه ده یابلدی . الحاصل سلطان مشار الیه حضرتلرینك عصر فیوضاتنده کوریلان فتوحات هجج بر حکمدار زماننده وقوع بولامش بر نصرت بالغه ایدی ولادتی هجرتك طقوز یوز جلوسی میلادك بیک بشیوز اون طقوز و هجرتك طقوز یوز یکر می الی وفاتی هجرتك طقوز یوز یتیمش درت تاریخنلرنده در .

« سمرقند » یاخود (ماراقاند) ترکستان مستقلده بر شهر در . بو شهر زرافشان نهری قریبنده بخارا خانلقنك ایکنجی شهری اولوب بخارانك ایکیوز کیلومترو بعد شرقیسنده بولنور اون ایکیك نفوسی و برطاقم جوامع و مساجد و مکاتب و بر عدد اسکی سرای ایله تیمورلنكك مزارین شاملدر و قیله بوراده (اولغ) بلك یاپدیدینی رصد خانه حالا مشاهده ایدلمکده در . حریرلی کاغد و اقمشه قطنیه و حریریه و معمولات سائره سی بولندینی کبی تجارتی دخی غایت ایشلکدر . سمرقند خلقنك بشیک یوز یکر می طقوز تاریخنده یعنی میلادك درتیوز آتشمش بش یاخود سکر یوز سنه مقدمنده ملوک تبابعدن (شمر مرعش)

نام حکمدار معرفتیه بعد التخریب مجدداً انشا اولنه رق (شمر) تسمیه
 اولنوب صکره شین سینه تحویل و (کند) علاوه و کند دخی قنده
 تبدیل اولنغله (سمرقند) نامیله شهرت بولمشدر اشبو انشا اولنان
 شهرک یرنده دها اول (صفد) یاخود (صفدیان) شهری وار ایدی
 بو نام بعضاً ولایتک عمومته دخی اطلاق اولنور. بوراسی میلادک
 یدییوز اونبر و هجرتک طقسان اوچ تاریخنده امویه امراسندن مشهور
 (قتیه) نام قهرمان فتح ایتدی و بوفتحده ید اسلامه یک چوق غنیمت
 کیردی و میلادک بیک ایکیز یکریمی و هجرتک التیوز اون یدی
 تاریخنده دخی جنکیز خان ضبط ایدوب قتل عام اجرا ایلدی
 و مشهور تیمورلنک زماننده کرسی اداره اتخاذ اولندی اولوقت
 سمرقند هر طرفه کونش کی شعشعه اقبال و شوکتی لامع و یوز
 الی بیکی متجاوز نفوس ایله اوچپوزدن زیاده معابدی جامع ایدی
 مؤخرأ انقلابات چرخ بقرار ایله اون التنجی عصردن برو بلای
 انحطاطه کرتار اولمشدر.

«سان پاشا» - دولت علیه و زراسندن سلطان (سلیمان اول)
 زماننده قبودان دریا اولمش و (سلیم) و (مراد ثالث) و (محمد ثانی)
 زمانلرنده بش دفعه مسند صدارتی احراز ایتیش بر ذاتدر. میلادک
 بیک بشیوز الی بر و هجرتک طقوز یوز الی طقوز تاریخنده
 طرابلس و رفع لوای عصیان ایدن عین و تونس تولیتی تحت اطاعته
 الهرق اهلیت و لیاقتی ارائه و ابراز ایلدی و فاتی میلادک بیک بشیوز طقسان
 بش و هجرتک بیک درت تاریخنده و تربسی در سعادتده صد فیل
 ایچنده در مشار الیه جداً شجیع و جنکاور اولدینی کی امور ادارهده
 دخی ماہر ایدی مصر و سوریه و اناطولیده و یمنده متعدد جوامع

وخته خانه لری و حمام لری و چارشولری و کارگیر کوپرلر و خانلر و قبولر و درونلرینه سکر اون ایاق زردبان ایله انیلور کیر حوضلری و در سعادته لطفی پاشا و دباغ یونس محله لرنده ایکی مسجد و بشکطاشده بر جامع شریفی واردر مشار الیه حضرتلرینه قوجه سنان پاشا دخی دیرلر سلطان (سلیمان خان) حضرتلری بو ذاته کریمه سی (مهرماه) سلطانی تزویج بیورمش ایدی .

« سینا » - بحر قلزمك (بحر احمر) جهت شمالیسنده و عقبه و سویش کورفزلیر بیننده برشیه جزیره در بوکا اراضی* (تیه) و اراضی* (عریش) و اراضی* (سین) دخی دیرلر جبل (طور) بو وادینک اوزرنده و اقدر بو طاغک ایکی تیه سی اولوب اک یوکیکی ایکیک سکر یوز اون درت مترو ارتفاعده درکه جوارنده اولان صخره لر بی اسرائیلک بر طاقم اسکی یازولریله منقوش کورینور حضرت (موسی) علیه السلام مصردن چیقده نصرکه قومیه برابر اوتوز سنه بو وادیده آرام ایتش و (جناب حق) حضرت مشار الیهی جبل مذکور اوزرنده قرق کون شرف خطاب ایله کامیاب بیورمش ایدی .

حرف ش

« شام » - سوریه ولایت جلیله سنک مرکز اداره سیدر بو شهر (برده) نهری اوزرنده و استانبولک جنوب شرقیسندن بیک بشیوز کیلومترو مسافده واقع اوله رق اوتوز بیک عیسوی بش بیک موسوی و قصوری اسلام اولق اوزره ایکوز بیک نفوسی جامعدر . داخل و خارجی غایت کوزل اولوب بر چوق چشمه و منتظم قالدیرملری کوچک و بیوک ایکوز اوتوز طقوز جامع و اون تکیه

و او تونز مدرسه ویکرمی التي کلیسا ایله حورا و چارشولری والی
 سکر قدر حاملری و غایت جسم و اروشلری وارد و قتیله چلیک
 و قلیچ و سلاح فابریقه لری مشهور انام ایدیسه ده تیمورلنک چلیک
 اعمال ایدن عملیه یی بخارایه قالدیردیغندن اعمالات مذکوره سی
 بالآخره سکنته دار اولدی . الیوم صدقلی طوغرمه جی ایشلری
 واقشه حریره و قطنبه سی و کشمیر وکل یاغی و عطریات سائره سی
 معتبر اولوب اهالی یو یوزدن مطلوب و جهله تجارت ایتکده و مکه
 و بغداد جهتلرینه جسم کاربانلر کلوب کیتکده در . شام غایت قدیم
 بر شهر اولوب و درون و بیرونی لایعه مراقده انبیا و اولیای حاوی
 اولغله مشهور در . جوامع شریفه ایچنده وسعت و انتظامی جهتیله
 اک زیاده شهر تشعار اولان جامع امویه نک شرفنده کائن مناره یه
 آخر زمانده (عیسی) علیه السلام نازل اوله جفی اعتقاد ایدلمکده و مناره
 مذکوره نزدنده بولنان بر طاش دخی (موسی) علیه السلام عصاسیله
 ضرب ایدوب بطریق المعجزه کندوسندن اون ایکی کوز صو نبغان
 ایدن طاشک بر پارچه سی اولدینی روایت اولغنده در . جامع
 مزبورک باب الساعات تسخیه اولنان قیوسی جوارنده بر صخره عظیمه
 وارد روایت کوره قدیمده صخره مزبوره اوزرینه ذبح ایدیلان
 قراین وضع اولنوب مظهر مقبولیت ایسه سمدن بر آتش اینه رک
 احراق ایدر ایدی . شامده جبل قاسیون (صالحیه) دنیلان طاغده
 هابل بن (آدم) علیه السلام موضع دمی اولقی اوزره طانتش اولان
 مغاره اهالی شام عنندنه طلب حاجات و دعوات ایچون غایت متین
 و مجربدر و فی الواقع محل مذکور لطیف و شریف و هیبت و جلالتله
 مشحون بر زیارتگاهدر (یحیی) بن (زکریا) علیهما السلام و والده سی

بوراده قرق سنه اوتورمشلر و (عیسی) علیه السلام وحوارییون اوراده عبادت بیورمشلردر جبل مذکورک اتکنده واقع نهر یزید نام ایرماغی یزید بن (معاویه) بن ابی سفیان حفر ایتدیردی . شامده آثار قدیمه دن اولمق اوزره صالحیه ده (برزه) نام محله منشق بر موقع اولوب حضرت (ابراهیم) علیه السلامک شام ملک غرودک اندن بوراده احتفا بیوردینی منقولدر .

« شعيب » علیه السلام - اصحاب ایکه دنیلان (مدین) اهالیسنه مبعوث بر یشمیر دیشاندر نسب عالیرلی حقنده اختلاف وقوعبولوب بعضیلر شعيب بن صفوان بن غابر بن ثابت بن مدین بن ابراهیم دیهرک نسبی حضرت ابراهیم علیه السلامه ایصال وبعضیلری دخی ابراهیم اولادندن اولیوب مشار الیه ایمان وائنائی هجرتده مرافقت ایدنلردن بر ذاتک نسلی اولدیغنی روایت ایدرلر . (خاتم النبیین) افندمر حضرت شعيب حقنده (خطیب الانبیاء) بیوررلر ایدی تورات شریفده اسمی (یثرون) لقبی (میکائیل) در موسی علیه السلام مصردن (مدین) ه هجرتلری زماننده مشار الیهک کریمه سی (صفورا) یی تزوج بیوروب مدت مدیده برلکده بولنشلردر . حضرت شعيب قومی اولان اصحاب ایکه پت پرستلکه موصوف و دائماً قطع طریق ونهب غارتله مالوف اولدقلرینه مبنی (فاسقط علینا کسفاً) آیت کریمه سی مدلولنجه خلقتک اوچییک طقوز یوز اوتوز طقوز یاخود اوچییک سکر یوز اون ایکی تاریخنجه یعنی میلادک بیک التیوز الی بش سنه مقدمنده حرارت شمس وحرکت ارض ایله هلاک اولدیلر .

« شمسون » - شجمان بنی اسرائیلدن بر مشهور کیمسه درکه

بهاردرلنی سایه‌سندم قومی فلسطین حکومتک قرق سنه دوام ایدن
 بلیه طاقتکدار حکم واسارتدن وارسته انلش و بنا برین خلقتک
 درت بیک اوچوز سکسان ایکی یاخود درت بیک درتیوز یکریمی
 اوج تاریخنده یعنی میلادک بیک اکیوز اون ایکی سنه مقدمه
 عتاکش اشهب ریاست اوله‌رق و فلسطینلیرله ده‌ا بر چوق زمان
 میدان حرب ووغاده یاریش ایدرک اکثرنده حائر قصب السبق
 اولش ایسه‌ده اک صکره آجدینی بر محاربه‌ده حریت ملیت اغورینه
 اسیر دوشمشدر . مومی الیه اول وقت (شمسون الحیار) دیتمکله
 کسب اشتهار ایتمشیدی . مدت حکم و ریاستی یکریمی سنه‌یه منتهی
 اولدینی منقولدر .

« شموئیل » علیه السلام - انبیای بنی اسرائیلدندر خلقتک
 درتیک بشیوز ایکی تاریخنده یعنی میلادک طقسان ایکی سنه مقدمه
 جمهور بنی اسرائیل ریاستی عهدۀ استیالنه آلوب اون اوج سنه ضبط
 وربط اموره بذل همت ایلدیسده بنی اسرائیل ارتق ادره
 جمهوریه دن اوصاندقلرینی بیانله ایچلرندن برینک ملک انتخابی رجا
 ایلدکلرندن مشار الیه با وحی آلهی شاوول یعنی (طالوت) ی
 انتخاب و اجلاس ایدوب فقط شاوول بر مدت صکره مشار الیهک
 رأی و تدبیر و نصایحی عدم اصغایه باشلادیغنه بناء کرلیجه (داود)
 علیه السلامی یرینه انتخاب و شاوولک عمالقه محاربه‌سندم مقتولاً
 وقوع وفاتی اوزرینه سریر شاهی‌یه اقعاد ایلدی . شموئیل علیه
 السلام سبط نبوت لاویدن (حنا) اسنده بر خاتوندن زیو و آرای
 مهد وجود اوله‌رق قرق یاشنده سلك جلیل انبیایه التحاق ایشدر .
 نام عالیرى بعضاً الف الیه (اشموئیل) دخی یازیلور مدفن شریفلوی

ارض فلسطينده قدس شريفك طرف شماليسنده واون يدي بچق
كيلومترو بعد ومسافه سنده كائن بيتن قريه سي جوارنده در .

ح ر ف ص

« صالح » عليه السلام - قوم غوده مبعوث انبياي عظامنددر
نسب شريفلى اوتنجى بطنده (نوح) عليه السلامه واصل اولور قومي
استدكلى معجزه يي كوردكلى حالده انكارلرنده اصرار ايلدكلرندن
دوچار غضب آلهى اولديلر بنا برين اولجه كندوسنه عرض ايمان
واقياد ايتمش اولان (جندع) قيله سي خلقى وسائر مؤمنين ايله
قالقوب حضرموته هجرت ومؤخراً (مكة مكرمه) عودت ايدرك
خلفتك اوج بيك ايكوز اللى اوج تاريخنده يعنى ميلادك ايكيك
اوجيوز قرق برسنه مقدمنده اوراده دار بقايه رحلت بيور مشلره در .
بر رواينده قبرى فلسطينده در . مشار ايله صبح الوجه متاسب
الاعضا وفصح اللسان بر ذات ايدى . بو عالمده ايكوز سكسان سنه
معمر اولدني حالده بر معمور مقامده اوتور مامشدر . شريعتى
حضرت (نوح) عليه السلامك شريعتنه موافقدر. صنعتى تجارت اولوب
عبادتدن فارغ اولدجه انكله اشتغال بيورر ايدى .

« صخرة الله » - قدس شريفده زيارتگاهدر (داود) عليه السلام
شرف نبوت ومنصب خلافت ايله مشرف اولدقه بنى اسرائيلك
قبة الشهادة وتابوت عهدي بنى بيت مقدسه نقل وبر خيمه مخصوصه اعمال
ايدوب صخرة اللهك اوزرينه قويدى وقبة مذكوره كالاول قبله
اتخاذ اولندى بعده حضرت داود صخرة اللهك اوزرينه مسجد
بناسنه باشليوب اوغلى حضرت (سليمان) تكميل ايلدى ومؤخراً

بخت نصر مسجد مزبورى هدم ايدوب بنى اسرائيلك اطلاق
اعاده سندن صكره حضرت (عزيز) معرفيله ينه انشا اولندى ورومالير
معرفيله بردها تخریب اولوب دين مسج تقرر ايدنجيه قدرگاه تعظيم وكاه
ترك ايدلدى وایمپراطور بيوك (قسطنطين) زماننده دين مسج دين رسمى
حكمنه كيرد كده ايمپراطور مشار اليك والده سى (آلن) ميلادك
اوچيوز اون درت تاريخنده قدس شريفه عزيمتله صليبي طبراق
ايچنده بولدى چيقاردى و حضرت مسيحك قبرى اولقو زعيميله اورايه
قيامه كليسا سنى بنا ايتد كد نصكره بنى اسرائيل وقتنده مبنى اولان
عمارت يتدن بولدينى بنايى تخریب و ذكر اولنان طبراق و انقاض
صخرة الله اوزرينه دو كديره رك مكاتى ستر ايلديسه ده حضرت
(عمر) رضى الله عنه فتح بيت المقدس ايچون بالذات سفر وعقيب
فتحه صخره ي سؤال ايدوب خبر ويرد كرنده در حال تطهيرى
واوزرينه بر مسجد بناسنى امر ايلدى .

« صفين » - اورفه شهرينك يوز اوتوز كيلومترو جنوب
شرقيسنده و فراك شرق جهتنده واقع (دير) شهريله طوزله
آراسنده بر موقعك اسيدرميلادك التيوز اللى يدى وهجرتك اوتوز
يدى تاريخنده امام (على) كرم الله وجهه حضرتلى ايله شام واليسى
حضرت (معاويه) بيننده اولان محاربه مشهوره بوراده وقوعبولمغله
تاريخچه بعض مرتبه اهميت قزانمشدر .

« صنعا » - جانب شرق جوييسنده (جبل نفم) وجهت
غريبه سنده (عصر عقبه سى) اولدينى حالده جنوبدن شماله طوغرى
متد اولان بر اووه نك وسطنده واقع بر شهر قديمدر (اون بش
درجه يكرمى ايكي دقيقه) عرض شماليده و (اوتوز ايكي درجه قرق

درت دقیقه (طول شرقیده در . بیک ایکوز سکان سکر سال
رومیی نساننک اون اوچنچی بنجشنه کونی اهلینک دعوت
واستقبالی اوزرینه غازی (احمد مختار) پاشا حضرتلری بلا حرب
صنعايه کیرمشدر .

تاریخلرک روایتنه نظراً طوفاندن صکره نوح علیه السلامک اوغلی
سام صنعايي بنا ایتک ایستیوب موقع حاضرینه قریب (الضبر) نام
محل تنسیب و مساحه سی طرح و تقسیم اولنش ایسه ده مؤخرأ صرف
نظر اولنه رق شمديکی محنده بنا اولنش وابتدا صنعا نك وسطنده
واقع (بئر سام) حفر و آنی متعاقب (قصر غمدان) بنا ایدلمشدر .
قصر غمداندن الیوم بر اثر اولیوب یالکر خرابه جسیه سی التنده
تملرینک موجود اولدیقی روایت ایدیورلر . صنعا نك اسمی
(وقت جاهلیت) ده سام بن (یقطنک) اوغلو (ازال) ک اسمنه
منسوباً (ازال) ایدی . صنعا تسمیه اولنسی وقت جاهلیتدن صکره در
جمله سی کار کیر اولمق اوزره بشیک قدر خانه یی مشتملدر . شکل
خارجیلری مزین و مکمل کورینورسه ده تقسیمات داخله لری اولقدر
منتظم دکلدر .

داترا مادار سور و برجلر ایله محاطدر . تخمینا یکرمی ایکی بیک
نفوس اسلامیه یی وایکی بیک قدر موسوی یی جامعدر . وحوالیسند
موسم شتاده صولر انجماد ایدر . صنعاده فواکه و بساتین کثیردر .
اوزوم . ایوا . شفتالی . ارمود . آکشی لیون . طاتلی لیون . اغاج
قاوونی . تورنج . قارپوز . قاون . انجیر . نار . توت . اریک .
زردالی . الما . بادام . قایسی . جویز . وسائر فواکه و هر نوع
(سبزه وات) بولنور .

وسطنندن (غیل الاسود) نامنده بر صو جریان ایدر . سکنه سی
 بو صودن ایچمبوب قیو صوی ایچرلر . قیو صولرینک اک طاتلیسی
 (سنان) پاشا قیوسنک صوییدر . چارشوسی غایت بیوکدر . جسم
 خانلر . اوتوز قدر بیوک کوچک جامع شریف . یکر می قدر حمام .
 موجوددر .

اشبو جامعلردن (جامع کیر) مسما سنه مطابق اوله رق جسم و منتظم
 اولان جامع شریفدر که روایت کوره خلفای عباسیه جانبندن ینده عامل
 بولنان (محمد بن یعفر) ایفای فریضه حج ایچون (مکه مکرمه) یدوب
 بعد الحج صنعایه کلد کده (حرم شریف) طرز و شکلنده اوله رق
 هجرتک ایکیوز التمش بش تاریخنده بنا وانشا ایتدیرمشدر . تاریخلرده
 مقید اولدینی اوزره بولردن بعض جوامع و مدارس ایله بر بیوک
 حمام هجرتک طقوز یوز قرق سکر و طقوز یوز طقسان سکر
 تاریخلرنده ینه کلمش اولان عثمانلیلر طرفندن بنا وانشا ایتدیرلمشدر .
 صنعایه اوچ چاریک مسافده واقع (روضه) وایکی بیجق ساعت
 مسافده کائن (وادی ظهر) و بر بیجق ساعت اوزاقلغنده
 (حده) نام قریه لر صنعانک تفرجگاهیدر . اهالیدن ثروت
 و سامان صاحبی اولانلر موسم صیفده قرای مذکوره دهکی
 صیفه لرینه نقل ایدرلر .

« صور » - فیکه ده ایکی شهرک اسمی اولوب بریسی صیدانک
 ساحل جنوبیسی اوزرنده دیکری جوارنده واقع جزیره ده بولنور
 برنجیسی میلاددن بیك طقوز یوز سنه مقدم تأسیس اولنوب میلادک
 بشیوز یتمش ایکی تاریخنده بخت نصر طرفندن تخریب اولنش
 وایکجهیسی مملکتلرینک دوچار اولدینی یغما و قتل نفوسدن ده

بولق اوزره جزیره مزبوره به التجا ایدن سورلیلر طرفندن انشا
 قلنشدر . سورک شمالاً صیدایه وجنوباً مصره متوجه ایکی لیانی وار
 وسورلری غایت مستحکمر . جزیره یی قره دن تفریق ایدن بوغازک
 عرضی تقریباً اوچ کیلومترو اولدیفندن ضبط ممتعدر . بوراسی
 وقتله اک زنکین بر دولت طرفندن تشکیل اوله رق قوه بحر به جه
 دخی فوق الغایه ایلرولدیکندن (مملکه البحور) نامی ایله شهرتشار
 اولمش ایدی اول وقت تجارتی دخی بحر اطلاسی به قدر ممتد اوله رق
 دنیاده کوچک بیوک هر بر غوایلدن وارسته بولنشیدی باخصوص
 قرالری بیننده معروف اولان (حیرام) نام قرال حضرت سلیمان
 ذیقمت کراسته اعطا و (اورشلیده) یعنی (قدس) شریفده بولنان
 معبدک انشاسیچون کافی درجه عمله اسرا ایشدر . سورک میلادک
 بشیوز یتش ایکیدن بشیوز الی درت سنه مقدمنه دکن اولان
 مدتدن ماعدا وقلرده شکل و حکومتی مستقل ایدی . آتور حکمداری
 اولان صلا نازاره قارشو صوری مظفرانه وقایه ایدن (رالیله)
 واون اوچ سنه محاصره دن صکره بخت نصر طرفندن ضبط ایدلدیکی
 ائناده حکمدار اولان ایکنجی (اینوبال) سورک اک مشهور
 حکمدارلرندن ایدی . صوری یدی آی محاصره دن صکره ضبط
 ایدن مشهور اسکندر دخی غایت بیوک بر بند ایله جزیره یی قره به
 وصل ایلدی . برچوق سنه لردن صکره دیمتریوس پولیقرنک پدری
 اولان (اتیفون) زماننده اون درت آی قدر بر محاصره ده
 کوره رک اول وقتدن برو سوریه به التحاق ایتدی خلقتک بشیک درتیوز
 التمش طقوز تاریخنده یعنی میلادک یوز یکرمی سنه مقدمنده سورلیلر
 بالنفس قانونلری واسطه سیله اداره اولنق مآذونیتی سوریه

حکمدار لرندن تحصیل ایلدیلر بوزمان سوریه ده مستعمل اولان تاریخه صور تاریخی دنیلور ایدی بوشهر سوریه ایله برابر رومالولره کچوب مؤخرأ عربلر و صکره میلادک بیک بشیوز اون یدی و هجرتک طقوز یوز یکریمی اوچ تاریخنده دولت علیه عثمانیه طرفدن ضبط اولندی . الیوم سوریه ولایت جلیله سی داخلنده بیروت سنجاغه تابع ونفس بیروتک جنوبنده ویتش کیلومترو بعد و مسافه ده اونر بیک یتش سکزی اسلام باقیسی خرستیان اولق اوزره اون اوچ بیک یتش درت نفوسی شامل بر قضا مرکزیدر .

« ضهیون » یاخود (سییون) - سوریه ولایت جلیله سی داخلنده لاذقیه سنجاغه تابع ونفس لاذقیه نک اوتوز کیلومترو بعد شرقیسنده واقع اوله رق وضعیت و جسماتی جهتیله مناعتی قابل تعریف اولیان بر قیا اوزرینه مبنی بولنان قلعه سی تقسیماتجه واجب الزیاره در . الیوم یدی بیک یوز اون سکزی اسلام ودرت یوز التمش بری خرستیان اولق اوزره یدی بیک بشیوز یتش طقوز نفوس شامل بر قضا مرکزیدر . (داود) علیه السلام ایام حکومتده (تابوت عهد) ی یعرم قریه سندن بو قلعه یه کتوروب حفظ ایلش و صکره مخدوملری حضرت (سلیمان) علیه السلام بیت مقدسی اکالدن صکره اورایه نقل ایتش ایدی . بوراسی اولوقت کبرای بنی اسرائیلک مدفن اولق حسبیله حضرت (سلیمان) علیه السلام دخی بورایه دفن اولنمشدر . بوکا شهر (داود) دخی دنیلور .

« صلاح الدین » ایوبی - دولت ایوبیه مؤسسای ابو المظفر (یوسف) نام جلا دتسماتدر . مصرده ملوک فاطمیونک آخری بولنان سلطان (عاضد الدین الله) طرفدن وزیر انتخاب اولنش و ذریت

براقفسزين وفات ايدن عاضددن صكره بالفعل جالس مسند حكمداري
اوله رق كندو نامنه دولت ايوبيه يي تشكيل انلش ومصر قطعه سي
ايرانيلرك اداره سندن مشار اليه انتقال ايتمشدر . ديكر
طرفدن بوانئاده وفات ايدن سلطان (نورالدينك) مخدومي وولى عهدى
ملك (صالح اسماعيل) دها صبي بولنديفندن (صلاح الدين) وصى
صفتيله . شام . وموصل سلطانلقرينى دخى يد اداره سنه ايشدر .
سلطان (صلاح الدين) بو وجهله حكومتى تحكيم وتامين انلش واون
بش سنه اهل صليب ايله پياي محاربه لر ايدرك حلب . حما . حمص
. طبريه . لازقيه وميلادك بيك يوز سكران يدى وهجرتك بشيوز
سكران اوچ تاريخنده قدس قرالتي اوزرينه هجوم ونائل اولديني
متعدد مظفريتلردن صكره قدس شريفى دخى فتح ايدرك قدس
قرالتي اورته دن قالديرمشدر . صلاح الدين مظفراً قدسه داخل
اولديني وقت خرستيانلره امتثالاً قتل عام اجرا ايتيوب بالعكس
على العموم خرستيانلره وخصوصيله اسير ايديلان قدس قرالى
(غوى ده لوزينيان) ايله سائرلرينه بك زياده حرمت ورعايت ايتمشدر .
قدس خرستيانلرى مؤخرأ مسلمانلر عليه عروق اهل صليبي تحريك
وقدسى تخلص امنيه سيله حضرت (عيسى) عليه السلامك بر عرب
النده دو كيلور كچي شان مليه كران كله جك بعض فساد آميز
رسملريني چيقاره رق اورويابه كوندربلرى اوزرينه عموم عيسويلا
ياس وكدر ايچنده قاله رق هپ براغزدن براهل صليب دها طلب ايتكه
باشلامشدر . بونك اوزرينه فرانسه . انگلتره . المانيا بررجسيم
اردو ايله قدسى قورتارمغه كلديلسده محضا مشار اليه صلاح الدينك
غره حسن تدبير وغيرتى اوله رق هچ بر ايش كوره مبوب كلدكلى

کبی کتیدیلر . صلاح الدین مؤخرأ یمن ونوبه طرفلرینی دخی
بالاستیلا اولحوالیده تشکیل ایلدیکی بنی ایوب حکومتته امناسندن
برینی وکالتله کوندرمشدر وفاتی میلادک بیک یوز طقسان اوچ
وهجرتک بشیوز سکسان طقوز تاریخنده وقبری شام شریفده جامع
اموییه قریبنده کائن تربه مخصوصنده در .

﴿ حرف ط ﴾

« طبریه » - طبریه کولتک ساحل غریبسی اوزرنده وشامک
یوز بش کیلومترو جهت غرب جنوبیسنده وعکانک قرق بش کیلومترو
شرق جنوبیسنده والیوم سوریه ولایت جبلهسی داخنده کائن عکا
سنجاغه تابع بر قضا مرکزیدر . شهر مذکورده اوچ بیک التیوز
سکسان دردی اسلام ویوز طقسان بشی خرسیان والتیوز طقسائی
یهودی اولق اوزره درت بیک بشیوز التمش طقوز نفوس ایله
بیوک وکوجک اونبر جامع وبش کلیسا و اوچ حورا واردر جوانب
اربعمسی عتیق بر سور ایله محاطدر . جوارنده بر طاقم معدن
صولری واردر . طبریه میلادک اوتوز درت تاریخنده روما
ایمپراطوری (تیسر) نامنه اولق اوزره قدس شریف حاکمی (آتی
پاتری) طرفندن تأسیس ایدلمشیدی . میلادک یتمش تاریخنده
قدس شریفک خرابیتی اوزرینه موسویلر (میسشینا) بی تحریر
ایدن مشهور بر جمعیت علمیه بی بوراده تشکیل ایلدیله (قسطنطین)
زماننده بسقنوسلغه تحویل اولندی . میلادک بیک یوز سکسان یدی
وهجرتک بشیوز سکسان اوچ تاریخنده سلطان (صلاح الدین ایوبی)
(لوزینیان) نام قدس شریف قرالتیه بوراده غلبه ایدوب قدسی

ضبط ایلدی اردن نه‌ری شمالدن جنوبه طوغری بوملکتک اوکندن کچر
طبریه کولی طولایکرمی و عرضاً اون کیلومترو وسعتده اولوب
مقدما نامنه (ژنه‌زاره‌ن) دینور ایدی حضرت (عیسی) علیه
السلام اکثر معجزاتی بو کول جوارنده اجرا بیورمشلردر .
طبریه‌ده (شعیب) علیه السلام و (سیده سکینه) و (معاذ ابن
جبل) و (نصرالدین طیار) حضراتنک مقامات عالیله‌ری
واردر .

﴿ حرف ع ﴾

« عاد » - عوض بن ارم بن سامک اوغلیدر قبیله‌سی دخی
بو نامله یعنی عاد اولی نامیله شهرت بولدیسه‌ده کندوسنک نسلی
منقطعدر . اشبو عاد اولی قومی جزیره العربده حضر موت
وشحر وبلاد احقافده متوطن وقر پرست ایدیلر . ابتدای
ظهورلری خلقتک ایکییک بشیوز تاریخی یعنی میلادک اوچییک
سنه مقدمی ظن اولنیور . مبعوث الیهلری اولان (هود) نبی علیه
السلامی انواع جور و جفایه دوچار و معجزات علیه‌لرینی رد وانکاره
اجتسار ایلدکلرندن حکمدارلری شدداد زماننده خلقتک اوچییک
قرق درت تاریخنده یعنی میلادک ایکییک بشیوز الی سنه مقدمند
اون اوج قبیله خلقی کاملاً غضب آلهی‌یه کرفتار و حیاتده قالان سائر
قبائل ایسه باجمهم تار ومار اولدیلر . مؤخرأ اشبو قبائل متفرقه‌دن
اقبال عین ظهوره کلوب اکرچه بونلر بر مدت مصر طرفلرنده
دخی اجرای حکومت ایلدیلر سده چوق سورمیوب اورالردنده
دفع وطرده اولندیلر .

« عباسیه » - میلادك یدیوز قرق و هجرتك یوز اوتوز ایکی تاریخنده دولت امویه نك انقراضیله یرینه قائم اولان دولت جدیده اسلامیة نك نامیدرکه مؤسس ابا مسلم خراسانی نام قهرمان شهامتغنواندر . بو قهرمان دولت امویینی محو و منقرض ایتدکن صکره عم رسول حضرت (عباس) سلاله سندن ابو العباس (سفاح) ی عراقده سریر خلافته اجلاس الیشیدی . دولت عباسیه دن کلان خلفا الی الی نفر ذواتدن عبارت اولوب بونلردن اوتوز یدی نفری تاریخ مذکوردن میلادك بیک ایکوز الی سکر و هجرتك التیوز الی الی الی تاریخه قدر عراقده و اون طقوزی هجرتك التیوز الی طقوز سنه سندن میلادك بیک بشیوز اون یدی و هجرتك طقوز یوز یکر می اوج سنه سنه دکی ن مصرده متعاقباً جالس تحت سلطنت اولمشلردر . (راضی بالله) دن صکره کلان بغداد خلفاسنك سلطنتی اگرچه بعض امرا و افراد عسکریه تغلیله همحال انقراض اولدیسده اقتدار روحانیلری زوال بولیوب ینه رسماً تحت اجلاس اولنورلر و امیر الامرا طرفندن منصوب ولاتی حضورلرینه قبول ایدرلر و حمایه ده اولان حکومات متجاوریه یازیلان فرمانلری امضالارلر ایدی .

« عبدالرحمن » ثالث بن محمد المقتول - اندلس مشاهیر ملوکندندر میلادك طقوز یوز اون ایکی و هجرتك اوجیوز تاریخنده جلوس و میلادك طقوز یوز التمش بر و هجرتك اوجیوز الی تاریخنده وفات ایلدی غایت عاقل و فاضل دلاور تبعه پرور بر پادشاه معارف اکتناه ایدی مدت سلطنتی اولان الی سنه ظرفنده داخلا و خارجا هر بر غوائل سلب و رفع و انواع وسائل اسایش و مدینتی بمالکنه

جلب و جمع ایله حطه انداسی طرف طرف شمشه پاش انوار فیض و شرف ایلدی .

حین وفاتنده جندن چیقان بر ورقپارهده کندو خط دستیه (بن الی سنه حکومت سوردم وهر تشبثآمده نائلیت وهر مقاصدمده موفقیت کوردم لکن بو مدت ایچنده غائله سز کچن عمرم یالکزارون درت کوندن عبارتدر) .

کلام رقت انجاسی محرر بولندیفندن هر کس اوقویوب انکشت بر دهان حیرت اولمشدر . غرناطهده التیوز بیک کتابی جامع اولان مشهور کتبخانه ایله مدینه الزهرا نامنده بر قصر دلارا یابدیرمشیدی که حقیقه هر ایکسیده نوادر روزگار اطلاقنه سزاوار آئاردن ایدی . اشبو قصر درت بیک اوج یوز عدد ملون هر مرستون اوزرینه مؤسس اولوب یدی بحق ملیون دینار صرفیه بش سنهده اکمال اولدینی و مشار الیهک وفاتندنصکزه خزینه سنده بر ملیار التون بولدینی توارینجده مقیددر .

« عبد القادر » - جزایرده اوران ولایتده (ماسقاره) قبیله سی شیخی ایکن عربلربونی متصف اولدینی شہامت و شجاعتنه مبنی کندلروینه امیر نصب ایتمشلردر فرانسلرک جزایری استیلا سندن صکره کلیتلو عسکر ایله کلوب فرانسلری کرکی کبی پریشان واون درت سنه قدر کمال جلادت و مظفریتله اعلائی ناموشان ایلدیکی حالده میلادک بیک سکر یوز اوتوز بش و هجرتک بیک ایکوز الی بر تاریخده فرانسز جزالرنندن مشهور (لامورسز) یدیه جربا طوتیلوب ایکی سنه صکره (تافنا) معاهده سی موجبجینه امارتنده ابقا اولندیسهده درت سنه صکره تکرار اخذ و گرفت

وفرانسده بش سنه توقیف اولندی ومؤخراً یعنی میلادک بیک سکز یوز قرق یدی وهجرتک بیک ایکوز التمش درت تاریخنده طلیله ممالک دولت علیه کوندریلوب براز مدت بروسده و صکره شام شریفده اقامت ایدلدی . وشامده اجل موعودیله وفات ایدرک صالحیهده محی الدین عربی حضرتلرینک یانلرینه دفن ایدلمشدر .

« عبد المطلب » بن هاشم - جد امجد جناب پیغمبری اولوب اسمی شیه الحمددر یونام حین ولادتنده وسط رأسنده کوریلان بریاضلغه مبنی ویرلمشدی مکده بشیوز بیلدن بری مدفون اولان ماء زمزمی اظهاره مظهر اولدی ودرون بژده مکنوز دقاین جرهمی چیقاروب باب کعبهیه صرف ایدلدی . اون ایکی اوغلی والتی قزی اولمشدر اکبر ابناسی واصغری جناب (عبدالله) که پدرعالیقدر حضرت نبویدر . مدت عمری یوز قرق سنهیه بالغ اولوب سن نبوی سکرده ایکن وفات ایدلدی کنیهسی ابوالحارث و ابوالبطحادر .

« عبرانی » - جزیره دن فراتی عبور ایدن اولاد سام یعنی بنی اسرائیل نام مخصوص اولمشدر حضرت (نوح) ک اولاد واحفادی تکز و تفرق ایندککری زمان بر طاقی دخی مصر قطعهنه کلوب نیل نهری کنارنده اسکان وعبری تکلم ایدلیر . لسان عبرانینک (عابر) بن (شالغ) علیه السلام لسانی اولمسی دخی مأمولدر . سلطنت عبرانیه حکام بنی اسرائیل ودولت اسرائیلیه ویهودیه وبنی حشمانی وهرادسه ناملریله بر قاج سلاله اوله رق بیک یدیوز سنه قدر امتداد ایتمش واک صکره رومالولرک ایقاع ایلدککری محاربات متوالیه سببیله منقرض اولمشدر . بر روایتده قبائل عربانندن وقتیله ینده ساکن اولان جرهم قبیلهسی دخی لسان عبرانی اوزره تکلم ایدرلر ایدلی .

« عزیز » علیه السلام - نبوتی مختلف فیہ فضلای بنی اسرائیلند در بابله نفی اولئان معتبران قدس ایله برابر کیدوب خلقتک بشیک یوز یکر می طقوز تاریخده یعنی میلادک در تیوز التمش بش سنه مقدمده بقیه بنی اسرائیل ایله قدسه عودت ایلدی یهودیلر بابله ایکن خط کلدانی یه الیشوب خط عبرانی بی فراموش و نسخ توراتی ضایع ایندکلرندن مشارالیه حضرتلری تورات شریفی حفظندن قرآنله یهودیلره بیلدکلری خط کلدانی ایله ضبط و تحریر ایندیردی .

و صکره حضرت (شعیا) نک کندی دست خطیله یازلمش اولان توراتی مسجد اقصی ده بر دیره کک التده واقع صندوق درونندن چیقاروب تطبیق ایندیردکده یهودیلر هیچ برفرق کوره مدکلری جهتله حضرت عزیزک بو وجهله توراتی اونو تایشنه کمال تعجیلرندن (هذا ابن الله) دیدیلر و کافر اولدیلر .

« عسقلان » - قدس شریف سنجاغی داخلنده یافه قضا سنک الی کیلومترو مسافه سنده و غرب جنوبیسنده و ساحل بخرده بر شهر در . بوراسی و قتیله فیکه لولرک باشلیجه شهرلرندن ایکن یهودیلره کچوب (هراقلیوس) معرفتیه توسیع اولمش و معموریتجه ایکجی درجه ده بولنان قصبه لر صره سنه کتورلمش ایدی . صکره لری یعنی میلادک بیک یوز یتمش الی و هجرتک بشیوز یتمش ایکی سنه سنده سلطان (صلاح الدین ایوبی) و (اهل صلیب) محاربه لرنده ضبط و استرداد یوللو کشن مکشن تقبایاته اوغرامغله بسبتون خرابه یوز طوغش و شمعی بر ناحیه حکمنده قالمشدر .

« عکا » - قدس شریفک یوز قرق و یافه نک یوز یکر می کیلومترو غرب شمالیسنده و ساحل بخرده یکر می یدی بیک نفوسی و ایکبیک

یوز التمش خانه وطقوز یوز طقسان دکان و خان و مغازه و سائر کوچک و بیوک اونیبر جامع ایله الی کلیسا وایکی حورا واردر . شهر مذکور الیوم سوریه ولایت جلیله سی داخلنده بر سنجاق مرکزیدر . وقیلہ قلعہ سی کبی لیمانی دخی مشهور ایدیسده صکره دن طولش اولدیفندن مخالف هواده سفینه لر حیف اؤکنده وخیلی آچقده طور لرر . عکا صلیون محاربه لرنده پک چوق هجومه مقاومت ایتش و میلادک بیک اون درت و هجرتک درتیوز بش تاریخنده اجنیلر الہ کچوب ینہ استرداد اولمشدر متعلبه مصریه دن طاهر و عمر و جزار نام ذوات بر مدت معینہ ونیم استقلال ایله بوراده اداره حکومت ایلدیلر . و میلادک بیک یدیوز طقسان سکر و هجرتک بیک ایکوز اون اوج تاریخنده فرانسه جنرالی (بوناپارت) التمش درت کون محاصره ایدرک بیهوده بر چوق تلفات ویرد کد نصکره ضبط ایلدیسده درون شهرده طورہ مدی و میلادک بیک سکر یوز قرق و هجرتک بیک ایکوز الی الی تاریخنده دولت علیہ مخالفته بولنان مصر والیسی (محمد علی) پاشا یدندن قور تارلمق اوزره انکلیرلر طرفندن طوبہ طوتیلوب بر جهتی منهدم اولدینی حالده اخذ و تعمیر ایلدی . بوراده (صالح) علیہ السلام و (ابو عتیبه) رضی الله عنها حضراتنک مقامات عالیہ لری واردر .

« علی » - بن ابو طالب رضی الله عنه خاتم خلفای راشدین و داماد جناب سید المرسلیندر حضرت (عثمان) رضی الله عنہک وقوع شهادتی عقینده یعنی میلادک التیوز الی بش و هجرتک اتوز تاریخنده بالانتخاب جالس اورنک خلافت اولدی فقط ام المؤمنین جناب (عایشه) و بعض اعیان صحابه قتله عثمانی قصاصده مساحه سی

وقوع بولدی ظنیه بیعت ایتیموب ایچلرندن بعضیلری شهید مشار
 الیه قانلی اثوابله شام وایلسی حضرت (معاویه) به وبر طاقلری
 مکه مکرمه دن حضرت عایشه یی استحبابله خصوص مذکوری
 اجرا به طرفدار بولق ایچون بصره عزیمت ایتدیلر . حضرت علی
 بو تشبثاتی ایشندکده منع ایچون پک چوق نصیحت آمیز مکتوبلر
 یازمش و مخصوصاً آدمیر کوندرمش ایسه ده مائر اولدینی جهتله عسکر
 جمعیله فرقه مخالفه یی تأدیه قرار ویرمشدر بونک اوزرینه حضرت
 (خالد) خلیفه نک حضورینه کلوب سفک دمان صرف نظر اولنمش
 استرحام ائلس ایسه ده بونک دخی ثمره سی کورلما مشدر . حضرت
 خلیفه ایله مخالفلر طرفدن جمع اولنان اردولر بصره قربنده تلاق
 ایدرک (جل محاربه سی) اسمیله مشهور اولان محاربه وقوعولمش
 وطلحه وزیر حضراتی شهید واردولری پریشان اولمشدر . حضرت
 عایشه دخی موقع محاربه دن چیقاریله رق حضور خلیفه به کتورلمشدر
 حضرت علی عایشه صدیقه حقنده حرمت ورعایت ایدرک مکیه
 کوندرلمشدر حضرت علی کوفه شهرینی مقر حکومت انخاذا ایدرک
 خلقه دین احمدیه یی تلقین ائلکده اولدینی حالده چوق وقت کچمکسزین
 یعنی میلادک التیوز الشمس و هجرتک قرق تاریخنده عبدالرحمن بن ملجم
 نام بر خارجی طرفدن کوفه ده صباح نمازینی ادا ضمتنده جامع
 شریفه کیدر ایکن شهید ایتمشدر .

« عمالقه » - عمیق بن لاوذ بن سام اولادلرندر . اشبو
 عمیق ابتدا ینده (جو) نام محله توطن ومنسوباته اثنای
 ریاستنده زیاده سیله غشیاته انهماک ایلدیکنندن (عملاق) تسمیه
 اولندی . بونلر غایت آزعین و فسق و فجور و قطع طریقه مائل

بر قوم اولدقلرندن ملوک حمیریه طرفندن طرد و دفع اولندقلرینه بناءً یئندن اطراف بلاده طاغلیدلر . اهل مشرق و عمان و بحرین و حجاز و فراعنه مصریه و کنعانیون دینکله مشهور اولان جابرئه شام هب بونلردن ایدی امم مرقومه نک بحرین و عمان و مدینه ده ساکن اولنلرینه (جاسم) دینلشدرکه (بنی لف) و (بنی سعید بن هذال) و (بنی مطر) و (بنی الازرق) مدینه منوره ده اولان اشبوامت جاسمدهن ایدی بدیل وارمل و غفار قبیله لری عمالقه دن اولان بنی ارقم ارض حجازدن تیمیه دکن تمتد اولان نفوذی التنده یعنی نجدده توطن ایتدکری ایچون ملکری (ارقم) اسمیه مسی اولشدر . عمالقه طاقه سنک مصره هجرتلری خلقتک اوجیک اوجیوز سکسان تاریخنده یعنی میلادک ایکی بیک ایکیوز اون درت سنه مقدمنده در . اول وقت اون ایکنجی سلاله فراعنه یی منقرض ایدوب اون اوجنجی سلاله یی تشکیل و مصری وسطی و سفلا ده بر قاج یوز سنه حکومت ایلدیلر . عمالقیلر خلقتک درت بیک اوتوز سکر تاریخنده آثور یاده دخی بر قاج یوز سنه سلطنت سورمشلر . و سکره انقلابات روزکار ایله تدریجاً طاغیلوب سائر اقوام عربیه قارشمشلردر .

« عمر » بن الخطاب رضی الله عنه - حضرت ابوبکر الصدیق رضی الله عنک و فاتند نصکره ناس حضرت عمر الفاروقه بیعت ایدوب امیر المؤمنین تسمیه ایتمشلردر . حضرت فاروقک ابتدای خلافت سنیه لری اولان میلادک التیوز اوتوز درت و هجرتک اون تاریخنده خالد بن ولیدی سرعسکر لکدن عزل و ابوعبیده بن الجراحى سرعسکر و شام و الیسی نصب و تعیین و خلقی عراق و فارس سفرلرینه

دعوت ایتک ماده سی اولمشر . شام اردوسنه یکی تعین اولتان ابو عیبه قلعده محصور قالان روملر ایله مذاکراته تشبث ایدرک تسلیمه راضی ایدوب شهرک بر قیوسندن صلحاً داخل اولمقده ایکن خالد بن ولید دیگر طرفدن حرب ایله کیرمشر هجرتک اون بشنجی سنه سنده حضرت فاروق سرعسکر ابو عیبه بی عجم اوزرینه سوق ایتش ایدی لکن ابو عیبه واقع اولان محاربه ده بر فیک ایاغی التده شهید اولمش ایسه امداد کوندریلان سعید بن ابی وقاصک عسکری دخی منظم اوله رق عساکر اسلامیه کوفه جوارنده وقوعبولان قادیسیه محاربه خوزیزانه سنده عجملری فنا حالده بوزمشلردر حتی مقدس طوتدقلری و (درفش کاویانی) نامیله مشهور اولان سنجاق دخی غازیلرک الله دوشمشدر . حضرت فاروق اون التی سنه التی ای خلافت ایتدکدنصرکه التمش اوج یاشنده اولدینی حالده صباح غازی ادا ایدر ایکن فیروز لؤلؤ نام بر مجوسینک سم آلود خنجر غدریله شهید اولمشر .

« عیسی » - مولد عیسی علیه السلام - حضرت عیسی رسول الله افدمزک والدۀ محترمه لری حضرت (مریم) رضی الله تعالی عنها داود علیه السلامک نسلندن امام القوم عالم ملت (عمران) قزیدر عمرانک زوجہ سی (حنه) نک دار دنیا به هیچ بر اولادی کلدیکی اجلدن اگر جناب حق بزہ بر اولاد احسان بیورر ایسه بیت المقدس خدمته تعین ایدرم دیمش وحق تعالی حضرتلری حضرت مریمی احسان بیوردیسه ده عمران وفات ایتدیکندن والدہ سی حضرت مریمی کتوروب اخباردن حضرت (ذکر) یه تسلیم واددخی بیودوب درون مسجدده بر حجره یه اسکان

و حجره سعادتك مفتاحی كندو یاننده برافرق كل يوم حضرت
 مریمك لوازمات بیتہ سنی كتوره رك وتورات شریفی تدریس
 ایتدیره رك قویی قبا یوب كیدر ایدی حضرت مریمك پدری
 عمرانك برادر ی یعقوبك اوغلی (یوسف) نجار حضرتلری دخی طبق
 حضرت مریم كی مسجد سعادتہ تسلیم ایدلمش و كوزل دولكارلق
 صنعتی دخی او كرمش اولسی حسیله بهر كون مملكت دروننده
 جالشوب هر قاج غروش قزانور ایسه اقشاملری مسجد سعادت
 خدمه لرینه تقسیم ایدر ایدی یوسف نجار حضرت مریمك تعلقاتندن
 اولسی اجلدن حضرت ذكر یانك پك زیاده ایثی اولوبده كله مدیكی
 حالده حضرت مریمك اوكونكی خدمتده یوسف نجار حضرتلری
 بولنور ایدیكه بوده ایكی دفعه وقوعبولمشدر . حضرت مریم اون
 اوج یاشنه كیرنجیه قدر اوراده عبادتله مشغول ایدی مشار الیها
 حضرتلری اوچجی دفعه اوله رق حیض كوروب مدت حیض
 ختامنده بر دستی صوكتورده رك بولدینی حجره سعادتك كوشه
 ناظر اولان طرفنده غسل ایتكده ایكن (فاتخذت من دونهم حجاباً)
 خطاب عزت كلور كلز علی العجله غسلی بیتروب البسه سنی كیركیز
 حضرت یوسف نجار قیاقتمده جبریل امین حجره سعادتك قپوسی
 قبالو اولدینی حالده ایجرویه كیردیكی حضرت مریم كورنجه حقیقده
 یوسف ظن ایلدیكندن زیاده سیله خوف وتلاشه دوشه رك (اعوذ
 بالرحمن منك ان كنت ققیاً) یعنی بن سندن الله تعالی حضرتلرینه
 صفنورم اكر جناب خالق حقیقیدن قورقار ایسك یانمدن كیدیكز
 دیسمی اوزرینه جبرائیل علیه السلام حضرت مریم رضی الله تعالی
 عنهانك قورقدینی كوردكده (انما انا رسول ربك لاهب لك غلاماً

زکیاً) یعنی تحقیق بن الله تعالینک رسولیم بنم مأموریم ایسه اتاسز اوله رق هوای لطیفدن ارادات آلهی به موجنجه سکا بر پاک اولاد ویرمکدر . حضرت مریم جبرائیل علیه السلامک بو سوزلرینی ایشندکده بنی آدم اولمدیغنه قائل اوله رق قلباً امنیت حاصل ایتمکله جبرائیل علیه السلامه خطاباً (انی یکون لی غلام ولم یمسسنی بشر ولم اک بغیاً) یعنی حلالدن و حرامدن انکمه هیچ برکسنه یا بشتامش اولدینی حالده بندن فصل چوجق کلور دیمسیله جبریل امین (قال كذلك قال ربك هو علي هين ولنجعله آية للناس ورحمة منا وكان امراً مقضياً) یعنی کرچه سنک اتکنه هیچ برکسه یا بشتامشدر اما جناب حقک قدرت بالغه سیله حضرت آدم علیه السلام اتاسز و باباسز طویراقدن فصل خلق اولنش ایسه سندن کله جک چوجقک دخی باباسز اوله رق خلق اولنسی اراده آلهیه اقتضاسندر وکله جک چوجقک ایکی استندن بری عیسی دیکری مسیحدر اول چوجق قدرت آلهیه ایله دنیایه کلدیکی وقت اشبو استلرک وضع و تسمیه ایدلمسنی حضرت مریمه توصیه ائلمشدر نتم قرآن کریمده (ان الله یشرک بکلمة منه اسمه المسیح) یعنی حق تعالی حضرتلری سکا براوغلان بشارت ایدرکه اول اوغلانک اسمی مسیحدر . جبرائیل علیه السلام یوسف صورتنده کلدیکی ایچون یهودیلر مریمک یانه کلان جبرائیل اولیوب یوسفک کندوسیدر وعینی یوسفدر دیهرک معاذ الله تعالی کفره کیره رک بر طاقم مفتریاتده بولندقلری جهتهله جناب رب العالمین قراکنده (الی احصنت فرجها) بیوردینی اجیلدن حضرت مریم یهودیلرک ایتمش اولدینی مفتریاتدن تبریه ذمت ائلمشدر الحاصل حضرت مریمک وقتی تمام اولمغله بولندینی

حجره سعادتن چيقوب بر صحرايه طوغرى كيتكده ايكن اغريسي
طوغنه باشلاديغندن قارشوسنه تصادف ايدن واليوم (بيت اللحم) تسيمه
اولنان قريه نك محلنده كي برقورى خورما اغاجنك التته كيدرك
خلقتك بشيك بشيوز طقسان درت سنه سي كانون اولك يكرمي
بشجي كوني بيك درلو زحمت ومشقله حملنى وضع الماش ايسه ده
كرك چكمش اولدينى مشقتدن وكر كسه خلقدن حجابندن (ياليتنى
مت قبل هذا وكنت نسياً منسيا) يعنى نه اوليديكى بوندن اول اولمش
اولدم شمدى يه قدر اونودلمش اولور ايدم ديمسيله جبريل امين امر
الهي اوزره كلوب يا مريم متأسف اوله جناب حق سبحانه وتعالى
حضرتلى كندو قدرتندن اياغك التته برايرماق اقمشدر اندن
ايچ وياننده بولديفك خورما اغاجنى دخى صالنه واندن دو كيله جك
خورمادن اكل ايله كي وجودينه سمن كلسون ديمسيله مشار اليها
حضرتلى برده اياغك التته نظر ايلديكه حقيقه يردن قاينان
برصويك افقده اولديغنى كورنجه غايت دلشاد اولوب درحال كندوسى
ييقاندينى كبي حضرت (عيسى) عليه السلامى دخى ييقادى وخورما
اغاجنى صاللامه سيله من طرف الله يشروب بر چوق خورمالر
دوكله باشلاديغندن حضرت مريم اول دو كيلان خورمالردن يمكه
وصودن ايمكه باشلانجه ضعيفلش اولان وجودى اسكى حاله
كلديكى جهته جناب واجب الوجود حضرتلرینه عبادت ايدرك
احسان بيورمش اولدينى نعمت عظمادن طولاي تشكرينى عرض
ايلر ايدى بعده حضرت مريم حضرت عيسى رسول الله افندمزى
آلوب مسجد سعاده كلديكنده بتون خلق باشنه بريكوب تحيره
قاله قلرندن حضرت ذكر ياه خطاباً بويله سلاهسى پاك و طاهر اولان

بر قزی نصل یالکز براقده باباسز اوله رق زنا یوزندن
 قزائش اولدینی بو اوغلانی کترشدر دیملری اوزرینه
 حضرت (ذکریا) بو قز دخی سلاله سی کبی پاک و طاهر در
 و هیچ برکسه یانه کیرماشدر بو چو جوق ایسه حکمت آلهی به ایله
 اناسی رحنه دوشمشدر دیرک ودها بر طاقم ادله لرایله مقابله الیش ایسه ده
 اهالی اصلا اورالر یناشیموب حضرت مریمه خطاباً یا مریم (لقد
 جئت شیئاً فریاً) یعنی بونکر نسنه بی نصل ایشلرین سؤالرینه اصلا
 عطف نظر بیورمیوب (عیسی) علیه السلام طرفه اشارت الیلری
 اوزرینه یا (مریم) یکی طوغمش بر چو جوق بزم ایله نصل تکلم
 ایدیه ییلورکه سن اول طرفه اشارت ایدیورسن حقیقت حالی بیان
 ایله دیلرله من طرف الله حضرت (عیسی) لسانه کلوب بن جناب
 خالق حقیقنک قدرت آلهیه سیله باباسز اوله رق انا رحنه دوشدم
 و طقوز آی ایچنده والدم جناب کبریاه صلا و سلامی ادا ایدر ایکن
 بن دخی تسج چکر ایدم انجیل و توراتی انا مک قارنده جناب حق
 بکا تعلیم ایتدیرر ایدی و بی سزه حق ینمیر کوندردی دیمسینه خلق
 متخیر اوله رق هربری بر طرفه طاغلوب کتیشدر .

« عیسی » هجرت مریم با عیسی علیهما السلام - شام ملکی
 (هر دوس) عیسی علیه السلامک دها طفولیتی آواننده بعض احوال
 غریبه سنی ایشتدیکندن بیودیکنده بیت المقدسی ضبط ایدرک
 کند و سنک سلطنتی الدن الور مطالعه سیله بیت الحمدیه تقدیر ارکک
 چو جوق وار ایسه عمومک قتل ایچون مأمور مخصوص کوندرمش
 ایسه ده حضرت (مریم) رضی الله تعالی عنها بو ایشی اولجه خبر آلمش
 اولدیفندن و بر مرکبدن غیری هیچ بر نسنه مالک اولدیفندن

حضرت (يعقوب) كه او غلى حضرت (يوسف) نجارى كند يسه رفيق ايدرك و مركبه بنهرك حضرت عيسى عليه السلامى آلوب مصر ولايته عزم راه الخش ايدى مأمور موسى اليه بيت اللحمه وصولنده حضرت (مريم) كه (يوسف) نجارى رفيق ايدرك حضرت (عيسى) عليه السلامى آلوب مصره هجرت الخش اولدينى مسخوعى اولغله مأمولنه موفق اوله مديغندن زياده سيله مأيوس اولمش ايدى . حضرت (مريم) ايسه مصر كويلرندن بر كويده مسكن طوته رق و فقر حالى هيج بر كسنه يه آجيه رق حضرت (عيسى) عليه السلام ارقه سنده بغلى اولدينى حاله كل يوم حضرت (نجار) ايله آكين ترلارندن بشاق طويله برق تعيش ايدرلر ايدى و مصر طرفلارنده بولندقلرى كويدن ماعدا نعمتى چوق و صوبي بول كوى يوق ايدى و بولندقلرى كويك ايلرو كلنلارندن بر ذات حضرت (مريم) كه حاله مرحله كندى ياننه آلوب و حكم آلهيه واقف اولمديغندن حضرت (عيسى) يتدر ديهرك هرآن وزمان لطيف ايله معامله ايلر ايدى . حضرت (عيسى) عليه السلام اوتوز ياشنه كيرنجيه قدر والده سيله موسى اليهك خانه سنده قالوب و بو مدت ايچنده قدرت آلهيه ايله (عيسى) عليه السلام بر قاج معجزه اظهار ايتمشدر . حضرت (عيسى) عليه السلام مقتضى اراده آلهيه اوزرينه تكرار بيت المقدسه عودتله نبوتى اظهار ايدرك خلقى انجيل شريفك احكام شرعيه سنه اطاعت و دين عيسويه دعوت التكه باشلى .

« عيسى » نبوت عيسى عليه السلام - حضرت (عيسى) عليه السلام بامر الهى بيت المقدسه عودتله مسجد سعادتده انجيل شريفك احكام شرعيه سنه بيان ايدرك خلقى دين عيسويه دعوت ايتكمكه مشغول ايكن طائفة بنى اسرائيل حضور سعادتله كلهرك حق ييغمبر

اولدیفنه بزه بر معجزه کوستر کوره لم دیملریله (عیسی) علیه السلام
 (انی اخلق لکم من الطین کهیئة الطیر فانفخ فیہ فیکون طیراً باذن الله)
 یعنی بنم ینغمبر لکم علامت اولدرکه چاموردن یانلش قوش شکلنده
 بر حیوانه اوفلدیکم انده بقدرت الله تعالی اول حیوان اوچر دیهرک
 کوزلری اوکنده معجزه نبوتی کوستردیکه اشبو قوش بین المفسرین
 (یراسه) اولدینی روایت اولنقده دره حضرت (عیسی) علیه السلام بنی
 اسرائیلدها بر طاقم معجزه لر کوستر مش ایهده طاقت بنی اسرائیل
 غیری بر معجزه کوستر کوره لم دیملریله (واحی الموتی باذن الله)
 یعنی الله تعالی و تقدس حضرتلرینک اذنیله موتایی دیرلترم
 بیورملریله بنی اسرائیل ینلرنده بعد المشاوره تورات شریفده
 مذکور اولدینی اوزره بیت المقدس طاغلرینک آراسنده واقع درده
 مدفون (ابراهیم) علیه السلام پدری (سام) بن (نوح) علیه السلامی
 درلکه اولوقت حق ینغمبر اولدیفنه اینانه لم (عیسی) علیه السلام بنی
 اسرائیل ایلده دره نک بر اوجنه واروب (یاسام بن نوح قم باذن الله)
 دیو بیورمسيله قدرت آلهیه ایلده ارض ایکی شق اوله رق (سام) بن (نوح) اول
 یاریلان محلدن چیقوب طور دی و حضرت (عیسی) علیه السلام سن
 کیسک سؤالنه (نوح) اوغلی سامم یا بن کیم دیمسیله سن حق تعالی
 حضرتلرینک حق ینغمبری (عیسی) علیه السلام دیمسی اوزرینه حضرت
 (عیسی) بتکرار یا سام اولدیکن وقت صقالین سیاه ایدی شمعی نندن
 بیاضلندی سؤالنه واقماً اولدیکم وقت صقالم سیاه ایدی لکن بنی
 چاغردیغن وقت صانده که صور اسرافیلدر قیامت هیئتدن شمعی
 آغرمشدر دیمسی اوزرینه حضرت (عیسی) رسول الله افندمز یا (سام)
 دها برچوق زمان دنیاده یشاتمقل ایسترایسک سنک ایچون جناب

رب العالمیندن دعا ایدیم دیو بیور مسیله یا نبی الله نه فائده وار نقدر
 یاشاسم یننه اوله جک دکلیم هنوز اولکی اولک آجینسی اونو تقدیم سن دعا
 ایلکه یننه مقامده اوله یم حضرت (عیسی) جناب رب العزتدن دعا ایدرک
 سام بن نوح تکرار کلدیکی یرک الله کوروب اول یر دخی اسکی حاله
 کلدی (عیسی) علیه السلام بنی اسرائیله خطاباً ایشنه کوردیکریا انجیل
 شریفک احکام شرعیه سنی کو سترمک ایچون حق تعالی حضرتلری
 بنی سزه حق پیغمبر کوندردی کرچه (موسی) شریعتی دخی
 حقدر لکن بنم زماغده انک احکامی تمام اولدیفندن اول شریعتده
 حرام اولرک نیجه سنی حلال ایدرم و اتده نیجه مشکل اولان نسنلری
 اسان ایدرم دیدی . از جمله مذهب موسوی یهده ایچ یاغی حرام
 اولدینی حالده حضرت (عیسی) مذهبی حکمنجه حلال اولمشدر . جناب
 واجب الوجود حضرتلرینک قدرت بالغه سیله اون سنه مدت ایچنده
 کوسترمش اولدینی بو قدر معجزه اوزرینه طاققه بنی اسرائیل
 عنادلرنده اصرار ایدرک دین عیسویه بی قبول ایلدکلرندن اون ایکی
 کشیدن عبارت اولان حواریونی برابرنده آله رق بیت المقدسدن
 چیقوب شام وحجاز ومصر و دیار مغربی شهر بشهر کوی بکوی
 کررک خلقی دینه دعوت ایلر ایدی . هیچ بر پیغمبره پیغمبرک تمام
 اولدی انجیق قومنه (محمد مصطفی) صلی الله تعالی علیه وسلم بشارت
 ایتمنجه شکم قرآن کریمده (ومبشراً برسول یأتی من بعد اسمہ
 احمد) بیوردی اشبو آیت کریمه نک مضموتی حضرت (عیسی) دخی
 امتلرینه تبشیر ایلمشدر .

« عیسی » رفع عیسی علیه السلام الی السماء - عیسی علیه
 السلام امر الهی اوزره بیت المقدسه عودتله مسجد سعادتده انجیل شریفک

احكام شرعيه سنی بیان ایدرك خلق دین عيسويه دعوت ایتمکه
مشغول ایکن طاقه یهود بر محله تجمع ایدرك حاشا حضرت (عیسی)
علیه السلامك سحر بازلیله خاقی فساد ویرمکه اولدیفندن
وجودینك اورته دن قالدیرلسی لزومندن بحث ایله اعدامنه قرار
ویرمشلردر . شام ملکی هر دوس الاصر هر قدر یونانیلردن
ایدیسه ده طاقه یهود هر دوسی کندولرینه اوید ویرمش اولدقلردن
کیفیتی اکا بیان ایدرك اول دخی موافت ایلدکن ماعدا بر دار
اغاچه صلب ایدلسی و بو مناسبتله وجودینك اورته دن قالدیرلدیغی
بتون خلقك کورمسی لازمکه جکندن هان ایجاب سریعه سنه بالقسی
ایچون ویرمش اولدینی امر اوزرینه طاقه یهود بردار اغاچی تدارك
ایلدکن صکره طرف طرف حضرت عیسی علیه السلامی آرامغه
چیقديلر مشار الیه حضرتلری هر فصلسه کیفیه واقف اولدیفندن
بر خانه یه کیزلررك کیچه و کوندوز حواریون ایله عبادته مشغول
اولوب کیچه نك برنده حوارییونه خطاباً بو کیچه صباحه قدر او توریلوب
جناب رب العزتہ دعا الکر لازمکلور دیسیله حوارییون یاعیسی
هیچ بر کیچه بویله اولدیغمز یوغیدی بو کیچه اویقو کوزیزدن آقیور
هیچ بر ساعت او تورمغه مجالز قالدی دیلریله سز بنی دشمن الینه
ویرمک استیورسکز و بندن یزار اولیورسکز دشمنلری بنم اوزریمه
کتورمک و اوجوز بهایه صائق استیورسکز دیسیله حواریون
بو کلامی ایشدکلرنده جمله سی ملول و مکدر اوله رق یا (عیسی) بو فصل
کلامدر بز سنك حق میغمبر اولدیفنه ایناندق و جافزی یولنه فدا
ایلدك دیواغشتمغه باشلیدلر صباح اولنجه بر مصلحت ضننده حواریوندن
(بتروس) توارنج اسلامیه ده (سیمون) و (شمعون الصفا)

عبرانیلرجه (سه فاسی) اوروپالولرجه (سن پیر) دیرلر طشره
 چیقوب محله آراسندن کیدر ایکن یهودیلر بونی کوردکلرنده اوزرینه
 هجوم ایدرک یا پتروس سن عیسی نک رفقاسندن بری اولدیفندن
 البته اول سحر بازک اولدینی محلی بیلورسن اگر کوستر ایسن
 الیزدن قورتیلورسن یوغیسه سنی اولدیریرز دیلریله پتروس سیزه
 عیسی نک اولدینی محلی کوستر ایسم بکا نه ویرسکز دیمسیله درحال
 الینه اوتوز اچمه ویردکلرنده اول دخی عیسی نک اولدینی محلی
 کوستردی یهودیلر (عیسی) علیه السلامی کورنجه اوزرینه هجوم ایدرک
 براب ایله محکمجه اللرینی وایاقلرینی بغلیوب صباحه قدر بکلدیلر
 حواریون بو حالی کورنجه بعضیلری عیسی دن یوز چویردیلر صباح
 اولنجه (عیسی) علیه السلامک بالکر اللری بغلو اولدینی حالده اولجه
 حاضرلش اولان دار اغاجی یانته کتوردیلر اشته ییغمبرم دیو سحر
 بازقله خلقی افساد ایتمک هنر دکدر اگر حق ییغمبر ایسک الیزدن
 قورتل دیهرک نه یولده اولدیرلمسی لازمکله جکنه دائر مشاوره
 ایتمکده لر ایکن بقدرت الله تعالی حضرت (عیسی) علیه السلام افدمن
 بونلرک اورتلرندن نا بدید اولمغله جمله سی متحیر قالدقده عیسی ینه
 سحر ایدرک نا بدید اولمش ایسه ده سحرک مدتی از اوله جفندن شمدی
 میدانه چیقار دیو تسلی بولهرق بکلمکده اولدقلری حالده یهودیلرک
 بیوکلرندن (ایشوع) نامنده برحرفینی جناب واجب الوجود حضرتلری
 حضرت عیسی قیافته قویهرق یهودیلر بونی کوردکلرنده ایشته
 سحرک مدتی تمام اولدیفندن عیسی ینه میدانه چیقدی دیهرک
 وایشوعک فریادینه باقیهرق مذکور دار اغاجنه بوغازندن آصدیلر
 بمنه ایشوعی بوله مدقلری جهته بعضیلری آصلان ایشوعدر

وبعضیاری عیسی در دبرك شبهه ده قالدیلر ننتكم قرآن عظیم الشانده
 (وما قتلوه وما صلیوه ولكن شبه لهم) بیورمشدر . ایشوع یدی
 کون یدی کیجه بو وجهله دار افاخنده اصلی قالب بو مدت ایچنده
 حضرت عیسی نك والده محترمه لری حضرت (مریم) ایله اولجه مجنونه
 اولوب حضرت عیسی نك دعاسی برکاتيله افاقت بولش اولان بر
 خاتون دار افاچنك قارشوسنه کلهرك لیل ونهار اغلقده ایکن سکرنجی
 کیجه حضرت (عیسی) والده لری حضرت مریمك یاننه کلدکده مریم غایت
 دلشاد اوله رق آصالان حضرت عیسی نك غیری بر کمنه اولدیفق
 اکلا دی حضرت عیسی علیه السلام افندمز حواریوندن کندوسنه
 تابع قائلری تزد سعادتلرینه جالب بیوره رق حضرت یحیی یی یرینه
 خلیفه وحواریوندن (یاقوس) ی توارینج اسلامیه ده یعقوب دیرلر
 کندینه معلون ویرهرك بیت المقدسه دیکرلری دخی دنیانك هر
 بر طرفنه تقسیم ایدرك وکندولرینه خلیفه اولدقلری تبشیر
 بیوره رق خلق انجیل شریفك احکام شرعیه سنه دعوت انجیلری
 توصیه بیوردیلر . وصباحه یقین والده لريله وداعلشهرق وجناب «الله»
 عظیم الشانده دعا ایدرك ینه سهایه چکلدیلر صباح اولنجه حواریون
 حضرت عیسی علیه السلامك امری اوزرینه خلق انجیل شریفك
 احکام جلیله سنه دعوت انلكه باشلا دیلر وبویوزدن طائفه یهوددن
 کورمش اولدقلى اذا وجفانك جمله سنه تحمل وصبر ایلدیلر .

﴿ حرف غ ﴾

« غزنه » - افغانستانده بر شهردر کابلک جنوب غریبسنده
 و یوز کیلومترو بعدنده وسند نهری شعبه غریبسی اوزرنده بولنور

و نقوسی اونی ایکی بیگ تخمین اولنور . و قیله اهمیت فوق العاده یی
 حائر اولان بوشهر غزنویلرک پای تختی اولوب نامی غزنه ویلره
 اعطا ایشیدی جوارنده سلاله غزنهویه نك اك بیوک اولان سلطان
 محمود سبکتینک تربه سی الیوم کورلمکده درکه زیارتنه برچوق زوار
 کلورلر . غزنه میلادک بیگ یوز اونی الی و هجرتک بشیوز اونی
 تاریخنده ایرانیلره و میلادک بیگ یوز الی سکر و هجرتک بشیوز الی
 دوت تاریخنده اهاالیسنی قتل عام ایدن غور پادشاهی (علاء الدین)
 طرفندن ضبط اولنوب میلادک بیگ یدییوز اوتوز طقوز و هجرتک
 بیگ ایکیوز الی بش تاریخندن برو انکلیزلرک تحت نظارتنده
 بولمقده در . تاتار جنسندن اولان ملوک غزنویه عجمستان و هندستانک
 قسم اعظمی اوزرنده ایکیوز اونی دوت سنه سلطنت سوردیله بونلرک
 برنجیسلی اولان (آب تکی) غزنه ده هوایق نام ترک قومندن
 نشئت ایش و ملوک سامانیه طرفندن خراسان والیسی اولدینی
 حالده غلو ایدرک سامانیلرک حکومتی صارصوب میلادک طقوز یوز
 ایش و هجرتک اوچیوز قرق طقوز تاریخنده کندو سلاله سی
 تأسیس ایشیدی آب نکندن صکره قانی سبکتین میلادک طقوز یوز
 یش بش تاریخنده تخه کچوب بونی متعاقب میلادک طقوز یوز
 طقسان یدی و هجرتک اوچیوز سکسان سکر تاریخنده سلطان عنوانی
 آلان اوغلی یمن الدوله (محمود) جلوس و عجمستان و هندستانک قسم
 اعظمی فتح و تسخیر و ملکنی بحر حزردن (غانر) علیایه قدر توسیع
 ایلدی (غانر هندستانده بر بیوک نهر در تبت ده هالایه طاغلرینک
 دوت بیگ مترو مرتفع محلازدن نشئت ایدوب (دیوا پرایا) ده
 الاقاننده نهرینی آلدقده نصکره (غبروال) ده غانزه نامی اخذ ایدر

بونك وفاتند نصكره غزنه ويلر خيليدن خيلي قوتلريني غيب اينديلر
ايسه ده خلفلرندن مسعود ومودود وشيرزاد وبهرامشاه وساثرلري
ميلادك بيسك بوز الله سكر تاريخنه دكين ينه سلطنتلريني محافظه
ايدم بيلديلر . اندن صكره يعني تاريخ مزبورده بهرامشاه غوريلر
سلاسه سندن اولان علاء الدينه غزنه يي تركه مجبور اولدى .
وغزنه ويلردن خسرو شاه وخسرو ملك نامنده ايكي ذات لاهور
ولايتده برمدت دها حكومت سورديلر سه ده ميلادك بيسك يوزسكان
طقوز وهجرتك بشيوزسكان بش تاريخندن ايلرو كرده مديلر .

« غزنه » - مستقلا اداره اولمقده بولنان (قدس) شريف
متصرفلني داخلمده وغرب جنوبي جهتمده يتمش بش كيلومترو
وياقنك جنوبنده والتش سكر كيلومترو بعد ومسافه ده كائن اولوب
بش بيسك نفوسى شامل بر قضا مر كزيدر . اسرائيلياندن اوله رق
(نهمسون جبار) وقيله بو مملكتك قولريني قالد يروب دروننده بولنان
بر معبدى خراب اينديكي صره ده معبد مذكور ايچنده بولنان اوچ بيسك
آدمى ازمشدر . خلقتك بش بيسك ايكيوز التمش اوچ تاريخنده يعني
ميلادك اوچيوز اتوز ايكي سنه مقدمنده بيوك اسكندر ك هجومى
اثناسنده دارانك اصدقاى مامور يندن واصحاب شجاع تدن غزنه
واليسى اولان (باتيز) نام طواشانك اطرفدن طوبلا ديني عربان
عسكرينه علاوه ايله مقاومت داعيه سنده اولمش ايسه ده اسكندر
اظهار مكانت واثناى محاصره ده اوموزندن ياره لنش ايكن ينه ثبات
وغيرت ايدرك اوراسنى دخى شدتلى بر هجوم ايله ضبط واستيلا
وكندولرينه تسليم اولقندن امتناع كوسترن عساكر مستحفظه يي جمله
قتل واقفا ائلمشدر والى شهر باتيز دخى او صره ده مقتول اولديغندن

اسکندر جدی (آکیلس) • تقلید آمومی الیهک جسدینی بجاقلرندن
بر آت قویروغنه یاخود عربیه ربط ایله شهرک دیوارلری اطرافده
سورکلهدهدک تشهر ایلدیکنی بعض مؤرخین روایت ایتش ایسهده
بعضیلری اشبور وایتک عدم صحتی ادعا ایلشلردر . غزه شهری اولوقتلر
بر تجارتگاه جسیم اولدیغندن وهر نوع امتعه و اشیا کثرت اوزره بولندیغندن
اسکندر شهری تماشا ایدرایکن بر طرفده کلیتلو کونلک و سائر جنس مخورات
موجود اولدیغنی کورمش و او آن صباوتنده بر کون بر آووج کونلکی عبادت
خانهده آتسه آندیغنی مریسی (له و انا توس) کوروب بونی اسرافدن عدا ایله
(نوقت بخورانی چوق مملکتلری ضبط ایدر ایسهک اولوقت استدیکنک قدر
کونلک اسراف ایده بیلورسن لکن شمعی قاعده تصرف رعایت ایتلیسن دیو
کندوسنه معرض عتابده خطاب ایلدیکی خاطرینه کلش اولدیغندن بعد ازی
حین عبادتده کونلکجه سماحت ایتسنه دائر یازدیغنی مکتوب ایله مومی
الیه بر قاچ طوره کونلک کوندروب مقام لطیفهده ماجرای مسبوق
اخطار ایلدیکی نکاشته صحایفدر . پتوله مه و سلوکوس اتی غونی
بوراده بوزدی و مؤخرأ یهودیلرک محاربات داخلیه می ائنده شهر
خراب اولوب (غابینوس) طرفندن مجدداً انشا ایلدی و میلادک
بیک یدی یوزطقسان طقوز و هجرتک بیک ایکوز اون درت تاریخنده
فرانسزلر آلوب ینه رد ایلدی جد رسول اکرم (هاشم) بن
عبد منافک مدفن و امام شافعی حضرتلرینک مولدی بوراسیدر .

﴿ حرف ق ﴾

• قابل • حضرت آدم علیه السلامک برنجی اوغلیدر . تورات
شریفده (قاین) تحریر اولنور . کندیسيله توأم طوغان قز قرنداشی

(اقلیا) بی حضرت آدم دیگر اوغلی (هابل) ویره جکنی ایشندیکی ایچون
 هابی طاش ایله اعدام ایلدی و قزی آلوب عدن یاخود عین جانبیه
 قرار واوراده پدرینک مسلك دیانتنه مخالف حرکات مبتدعانه ایله
 اسرار لیل ونهار ایلدی قابلك ولادتق ابوینک ایکنجی سال
 ملاقاتنده وقرنداشنی قتل ایله فراری یوز یکر می یدی یاشنده
 وقوعبولدینی مرویدر .

« قادیسه » - ایرانک قدیم پای تخی اولوب مداین شهرینک
 جانب غریبسنده وکوفه قربنده بر شهردر . حضرت ابراهیم علیه
 السلام بورایه اوغراقلری صروده رأس سعادتلرینی بری غسل
 ایدوب (قدست من ارض) بیورملریله قادیسه تسبیح اولندینی
 مرویدر . قادیسه هجرت نبویه نك اون درت ویا اون بش یاخود اون
 التی سنه سی شوالنده جانب جانب (عمر) یدن سعد ابن ابی وقاص
 رضی الله عنهما معرفتیه فتح اولغشدر . و محاربه ده عجملك
 سرکرده سی اولان (رستم) اصحاب کرامدن عمرو بن معدی
 کوب النده تلف اوله رق اهل اسلام بر چوق اموال و اشیا
 اغتنام الئشدر . مومی الیه رستم اولجه فن نجوم واسطه سیله
 استیلای امت محمدیه بی کشف ایلدیکندن عربله جنکه راضی اولدینی
 حالده کویاشاه یزدجردك ابرامی کندوسنی بیله بیله بو مملکه یه
 سوقشدر .

« قبة الشهادة » - حضرت (موسی) علیه السلامك اجرای
 مراسم عبادت وتلقى وحی الوهیت ایچون بریه سیناده شمشاد اغاجی
 وقیون بوگیله حیوانات دریلرندن یابدیردینی متحرک بر معبدك اسیدر .
 «مبدا مذکورك ایچی التون وایپکمرله وملكه» کروین صورتلریله

ترین اولنش و دروننه برطاقم دفلر والتون وکوشدن معمول چارپاره لر
 وینه التوندن مصنوع برقار آملش ایدی دیرلر . حضرت (موسی)
 هر قننی بر زمان قبه یه کیره بنی اسرائیل اطرافنه طوبیلا نوب عبادت
 و دروننده اولان تابوت عهدی زیارت ایدرلر ایدی .

• قبریس • - قدما نزدنده سیروس در بحر سفیده بر اطه
 اولوب سوریه ابله آسیای صغری ییتنده واقع ایکوز کیلومترو
 طولی و سکسان کیلومترو عرضی اوله رق یوز بیک نفوس جامعدر
 و غایت مرتفع بر سلسله جبالی وارددر . اراضیسی مثبت اولوب بغدادی
 پاموق . توتون . کوك بویا . انجیر و فواکه سائره یتشدر بر مقدمه
 غایت معمور و مشهور ایدی . خلقتک در تیک طقوز یوز یتمش درت
 تاریخنده یعنی میلادک التیوز بیکری سنه مقدمنده فنیکه لیلره و یتمش
 سنه صکره مصر لیلره و ایرانیلره کجدی و میلاددن درت عصر اول
 بوراده طقوز نفر کیمه صندالی نشین حکومت اولدی که الک
 مشهورلری (سالامین) نام حکمدار ایدی مؤخرأ اسکندر یونانی یه
 کجوب بونک و فاتند نصکره اخلاقی زماننده مصر و سوریه حکمدارلری
 ییتنده متازع قیه قالدی و برادره لق پتولمه فاملیاسنه مخصوص بر قرالیت
 تشکیل ایلدیه ده خلقتک بشیک بشیوز اوتوز التی تاریخنده (قانون)
 نامنده بری رومالیر نامه ضبط ایدوب اخیرأ روم ایمپراطورلری
 زماننده اسلام طرفندن فتح اولندی بونک اوزرینه ینه بر طاقم
 مختلف متبوعلره کجکد نصکره میلادک بیک یوز طقسنان ایکی
 و هجرتک بشیوز سکسان سکر تاریخنده قبریس قرالیتی تشکیل ایدن
 فرانسر دره بکلرندن (کوییدی لیزونیان) هانتقال و اخلاقی بر چوق
 مصر لر حکومت ایدی و مؤخرأ بر سلاله دن اولان (قترین تورنارو)

قبرسی و ندیکلوره صاتوب نهایت میلادک بیک بشیوز یتش و هجرتک طقوز یوز یتش سکر تاریخنن عثمانلیلر طرفندن بر مدت محاصره و بر چوق تلفات ایله ضبط اولندی . اک صوک دفعه محاصره ایدیلان مشهور (ماوسه) قلعه سی بر سه قدر طیاغش و یوروش ائساننده اعدا طرفندن آتش ایدیلان لنم اکثریسی ضابط اولق اوزره اوچ بیک اسلامی دفعه بر هوا ایتش ودها پک چوق آدم جام شهادتی نوش الشدر قلعه مذکوره ختدقلرینک عرضی یوز بکرمی و عمقی اون طقوز وداخلی التی بیک ایکوز قرق ذراع و دروننده یوز التش عدد طوب موجود اولدینی و بعد الفتح دروننده بولنان درتیک جنگی و ندیک عسکرینک ایتالیا سواحلنه کوندرلیدی توارینجده مقیددر .

« قدس » یاخود (اورشلیم) - قدس شریف ارض فلسطینده دائرہ سی داخلنده واقع یافه نك جنوب شرقیسنده قرق و بحر لوطک شمال غریبسنده و زور دن نهرینک منصبدن اوتوز کیلومتر و مسافه ده قدیم بر شهر اولوب قرق بش بیک نفوسی و بر طاقم جوامع و کنایس و حورا و خیراتی شاملدر قدس شریف درت محله یه تقسیم اولنور شویله که (سیون) تپه سنک جهت غریبسنده یهودیلر (و پوتیه نك) جهت شرقیسنده ارمنیلر (و افرا) تپه سی حوالیسنده خرسیتیانلر و (موری) طاغی او زرنده مسلمانلر اقامت ایتکده ایسه لرده کوندن کونه تکر نفوس حسیله بو قدر خلقی درون قلعه استیعاب ایده مدیکندن ملکتنک جهت غریبسنده و قلعه نك خارجنده کائن اراضی خالییه مکمل ابنه لر انشاسیله محله لر تشکیل اولدینی کبی دها بر پاندن مجدداً ابنه لر انشا اولغنده اولدینی نظر ممنوئتله کورامشدر . و قبیله

سیون تپه سنک برجهتده شهر (داود) و موری او زرنده حضرت (سلیمان) علیه السلام اکال ایلدیکی معبد وار ایدی . قدس شریفک اطرافنده آرمه لقلی بدن شکنده قله لر ایله تحکیم و تزین اولنش بر سور موجوددر . بیوک قسطنطینک والده سی سنت (آلن) طرفندن انشا اولنش اولان قیامه کلیسا سیله (مسجد اقصی) قدسک اک مشهور ابنه لرندر . قدس شریف و قیله عموم یهودی پادشاهلرینک مقر حکومتی ایکن حضرت (سلیمان) علیه السلام وفاتی عقینده یعنی اوغلی رخمیم زماننده اسباط بنی اسرائیلدن اون سبط خلقی اعتزال و دولت اسرائیلیه نامیله بشقه جه بر حکومت تشکیل ایتلریله مومی اییه تابع اوله رق قدسده قالان ایکی سبط خلقنه دولت یهودیه دنیلدی قدس شریف بر برینی متعاقب اوغرا دینی مهاجمات سببیه بر طاقم الله کچمش و مؤخرأ میلادک التیوز اون درت تاریخنده عجملر آلوب تاریخ مذکوردن یکریمی درت سنه صکره یعنی میلادک التیوز اوتوز سکر و هجرتک اون یدی تاریخنده حضرت (عمر) رضی الله عنه بعض شرائطه ضبط ایلدی و میلادک بیک یتیش الی تاریخنده سلجوقلره و تاریخ مذکوردن اون بر سنه صکره ایوبیلره کچوب میلادک بیک بشیوز اون الی و هجرتک طقوز یوز یکریمی ایکی تاریخنه قدر مصر حکومت اداره سنده قالدقدن صکره مصر ایله برابر دولت علیه عثمانیه به انتقال ایدوب الحالت هذه مستقل متصرفلق اولدینی حالده اداره اولتمقدهدر .

« قیامه » - بیوک قسطنطینک والده سی (سنت آلن) نک میلادک اوچیوز اون درت تاریخنده قدس شریفده حضرت (عیسی) نک صلب اولندینی روایت اولنان محله یاپدی ر دینی مشهور کلیسانک اسحیدر

بوکلیسای ملوک فاطمیه دن حاکم بامر الله میلادک بیک طقوز و هجرتک درتیوز تاریخنده هدم ایندیرمش و هجرتک درتیوز یکریمی طقوز سنه سنده روملرک التامی اوزرینه مصر حکمداری (مستصر) بشیک مسلمان اسپرخی استرداد شرطیله تکرار یابدیرمشدر . بونک سنداتی حضرت عمر زماننده روملره عائد ایکن میلادک بیک الی یوز طقوز و هجرتک بیک یوز ایکی تاریخنده روسیه نک ایندیکی نقض عهد و فرانسزلرک کوستردیکی مخالفت و صداقته بناءً فرانسرلره یعنی قتلکله ویرلش و مؤخرآینه روملره کجوب میلادک بیک سکر یوز الی ایکی و هجرتک بیک ایکیوز التمش طقوز تاریخنده قتلکله دعوای تصرفه قاشملریله بو دفعه دخی انلره اعطا اولنش ایسه ده بو خصوص روسیه دولته اغر کلدیکندن بر سنه صکره دولت علیه بی تضییقه باشلادی و دولت علیه دخی اوروپا دولترلیله محاربه و اتفاق ایدرک جواب رد و یروب ایکی طرفدن اعلان حرب و قوعبولدی و محاربه ایکی سنه سوردی .

« قوصوه صحرایی » - پرشته قصبه سنک جهت جنوبیسنده و (اسقویا) و (قوبانیق) بینده اولوب اوزرنده و قوعبولان ایکی قطعی محاربه ایله شهرت بولمشدر برنجیسی میلادک بیک اوچیوز سکسان طقوز و هجرتک یدییوز طقسان بر تاریخنده صربیلرک مغلوبیتی و سلطان (مراد) اولک شهادتی ایله ختام و اینکنجیسی میلادک بیک درتیوز قرق سکر و هجرتک سکر یوز الی ایکی تاریخنده محارلر بوهمیالر المانلر اولاحلردن متشکل بر فرقه جسیه یه قومانداییدن (ژان هونیادی) یه سلطان (مراد) ثانی حضرتلرینک غایه سیله کذلک سر حد اختتام اولمشدر .

﴿ حرف ك ﴾

و کابل ، - سیاده کابل ایالتک وبالجمله افغانستانک مرکز اداره سی اولوب پیشاور نهری اوزرنده وغزنه نك جانب شمالیسنده یعنی قوش طاغنگ انکنده واقع الشمس بیک نفوسی جامع باغلق وبانچه لك بر شهر لطیفدر . طوغله دن معمول غایت مستحکم سوری وحکمدارانه مخصوص بر قلعه داخلیمی وکار قدیم سرای وابنه لری ومتعدد جامع ومکتبلری واردر . یدنجی عصرده بر هند پادشاهلغنگ مقری ایدی میلادك بیک یدیوز اوتوز طقوز وهجرتك بیک یوز الی ایکی تاریخنده (نادر) شاه ضبط وینما ومیلادك بیک یدیوز یتش دوت تاریخنده (تیمور) شاه افغانستانک کورسی اداره سی اتخاذ ایلدی ومیلادك بیک سکر یوز قرق ایکی تاریخنده انکلیزر تخریب ایتشلردر . کابل ایالتی شمالا ترکستان شرقا لوغمان وجلال آباد جنوبا غزنه غربا خراسان ایله تحدید اولنور اون الی بیک مربع کیلومتر و اتساعی ونا متناهی چوللری وبر طاقم وادیه منتهی واردر . التون وکوش وباقر مثللو معدنلری بولنور صناعی پاموق وخالی ومشین اعمالاتندن عبارتدر .

و کشمیر ، - نام قدیمی (سیریناغور) که بلدة السعاده دیکدر سیاده مولتان شهرینک جهت شمالیسنده وفرات نهری جسامتنده اولان جمله نهری اوزرنده ودال کولی قربنده واقع وکشمیر ایالتک کرسی اداره سی اولوب الشمس بیک نفوسی جامعدر قلعه داخلیمی ومتعدد حاملری واردر افغانیلردن اول صناعی ترقیده ایدی . کشمیر ایالتی لاهور حکومتده بر ایالت اولوب

طولی غربدن شرقه ایکیوز و عرضی جنوبدن شماله یوز کیلومتر و
گشملکنده قسم اعظمی دوز صحرا اولوب ایکیک قدر قریه‌ی مشتدر
بو صحرا ریاض (باغچه‌لر) و حیاض (حوضلر) و ازهار (چیچکلر) و انهار
و اشجار ایله بر مرته لطیف و مزیندر کی جمله‌سی کویا بر حدیقه جنت آسا
مفرح و دلکشادر . آب و هواسنک لطافت مناسبتله انسانلرینک
کوزلری حسن رخسار و لطف شمایلده ضرب مثل اولمیرینه باعث
اولشدر مقدما اهالیسی سکر یوز بیک راده‌سنده ایکن میلادک
بیک سکر یوز اوتوز الی و هجرتک بیک ایکیوز الی تاریخنده قولرا
و خطدن یاری یاری به تزل ابتدی قارلر ایله مستور جبال مرتفعه‌سی
و لطیف هوا و غایت منبت اراضیسی و سلاح بیحاق کاغذ و با خصوص
نال اعمالاتندن عبارت صناعتی واردر اشبو شالر تیت‌ده کچی
یوکلرندن یاللقده و آورپاچه آراغده‌در . اهالی اکثریا اسلام و بعضاً
بوده مذهبده‌درلر . سانسقری لسانندن مشتق بر خصوصی
لسانلری اولوب فارسجه دخی تکلم ایدرلر . میلادک بیک اوچیوز
التمش درت و هجرتک یدیوز التمش الی تاریخنده اهل اسلامک
فتحنه قدر کشمیر یرلی حکمدارلر اداره‌سنده ایدی تاریخ مذکوردن
میلادک بیک بشیوز سکسان الی و هجرتک طقوز یوز طقسان بش
تاریخنده قدر اسلام پادشاهلرینه مخصوص بر حکومت مستقله اداره‌سنده
قالوب مؤخرأ مغول ایمپراطورلقنه التحاق و میلادک بیک یدیوز
قرق سکر تاریخنده افغانیلره و بر مدت صکره شیخلره و میلادک بیک
سکر یوز قرق بش یاخود بیک سکر یوز الی یدی و هجرتک بیک
یوز یتمش درت تاریخنده دخی حاکمی اولان ذاتک و فاتی اوزرینه
لاهور حاکمی (کلاب سنک) انکلیرله مقاوله‌سی موجبجه انکلیر

هایه‌سنده اولقی اوزره و صورتا متوفانك چوجقلری بیونجه‌یه قدر وکالت ایتك اوزره کلاب مرقومه انتقال ایتدی وکلاب لاهوری انکلیزلره ترکهله کشمیره کلوب اوتوردقدن صکره چوجقلری بومباه دفع ایدوب حکمدارلی قزانندی .

« کلدانی » - فرات و عربستان و بصره کورفری بیتنده مسکون اهالینك نام عمومیسیدر بونلری بابیلردن عد ایدنلر وارسهده تحریات جدیده موجنجه سیقت جنسندن آیری بر قوم اولدقلری ظن اولنور الیوم آسیای علیادن آسیای صغرای تفریق ایدن طاغلرده قبائل اکراد اره‌سنده خیلی کلدانی وارد کلدانیلر و قبیله علوم ریاضیه و فلکیهده اقوام سائره‌یه تقدم ایتشلر ایدی حتی سنی ابتدا ۳۶۵ کون ۶ ساعت ۱۱ دقیقه به تقسیم ایدن و منطقه البروجی طانیان بونلر ایدی خلقتك بشیك ایکی یوز یکریمی طقوز تاریخنده یعنی میلادك اوچوز الشمس بش سنه مقدمنده کلان (غالیستن) نام راصدك کلدانیلرک کندوسندن بیک طقوز یوز سنه مقدمنه قدر بر سلسله رصداتی بولوب ارسطویه کوندرمش اولدینی توارینجده محرردر .

« کنعان » - حام بن نوحك دردنجی اوغلیدر اثنای تفرقده متعلقاتیلر برابر عکادن غزه‌یه قدر اولان ارض کنعانه کیدوب توطن ایتشیدی صکره بونلر اون بر یاخود طقوز قبیله‌یه تفرع ایلدیلر فیکه‌یلر انلردندرلر و اوزالره ارض کنعان نامی بونلر بر ایشلردر .

« کوفه » - قدیمه بورییادی نورایدی آسیای عثمانیده و عراق عربده بر شهردر بغدادك جنوبندن یوز اوتوز طقوز کیلومترو بعد و مسافهده

و فراتدن ایریلان هندی به نهرینک صاغ جهتده واقع اولوب کربلا سنجاغی داخلته نجف قائم مقاملیغنه تابع ناحیه مرکز یدر . میلادک التیوزاوتوزالتی و هجرتک اون بش تاریخده حضرت (عمر) زمانده عراق والیسی سعد بن وقاص رضی الله عنهما معرفتیه تاسیس اولندی . بغداددن اول بر چوق اسلام حکمدارلرینه مقر اولوب خیلی زمان آسیاده اک مهم مالکدن بری اولدینی حالده یدنجی عصر هجریده تدریجاً ملوک جلایری دن شیخ حسن کبیر زمانندن صکره اهاالیسی طاغیلوب خرابه زار حکمنه کیرمشر .

« کی خسرو » - والده لری مدیا یا خود مادی حکمداری (استیاغ) ک کریمه سی (مندانه) و پدر لری فارس تان بکمرندن (قاقیز) ه یعنی کی کاووس در استیاغ قزی مندانه حقنده عجیب رؤیا لر کورمش اولدیفندن منجمله مراجعت ایتش و منجملر طرفندن (مندانه) جهانگیر اوله جق و استیاغک صاغلغنده حکومت دعواسنه قیام ایده جک بر مخدوم تولید ایده جکی) مألنده ویریلان جوابدن بر طاقم اوهامه دوچار اوله رق کریمه سنی مدیه خاندانندن برینه ویره جکی برده رطایبندن بولنان کی کاوسه تزوج ایله مدیه دن تبعید الیشدر چونکه استیاغ فارس لیرک اک کباری مدیلرک اک عادی نفرندن آلجق اولدینی فکرنده اولوب بویله بر عادی آدمدن ظهور ایده جک اولان چوجنک دخی حکومت وجهانگیرک دعواسنده بولنه میه جفته حکم ایدرک بوحرکنده بولنش ایدی . فقط مندانه نک حامله اولدیفنی ایشیدنجه یکیدن خوف وتلاشه دوشه رک انی کیری جلب ایتمشدر . مندانه وضع حمل ایدنجه استیاغ چوجوغنی اعدام اولنق اوزره هارباغ نام روزیره تسلیم الیشدر . هارباغ ایسه بوجناتی بالذات اجرا ایتکه جرأت ایده مدیکندن استیاغک چوبانلرندن برینی جلب و استیاغک امرینی تکرار ایله

چو جنى تسليم ايتمىدۇر چوبان دىخى تردد ايچىندە قالوب چو جوغى
 اعدام ايتىزدن اول استشاره ايچون زوجەسى يانە كىتىش وزوجەسىنى
 وضع حمل ايدر ايكن بولمىدۇر چوبانك چو جنى ايسە تصادف اولەرق
 جانىز طوغمىشدر . چوبان ايله زوجەسى اشبو كىفئى مەبودك
 حكمت مخصوصەسى مقامندە بىلەرك كندى چو جقلىرى ھارباغك
 امرى و جھلە طاغ باشندە براقشلىر ومندانەنك اوغلنى كندى
 اولادلىرى يرندە بىلەمشلردر . كى خسرو بو و جھلە چوبانك
 قىلەسندە اون ايكى ياشنە واصل اولمىدۇر چوبانك خانەسى حكمدار
 ايله ارکان دولتك ياز موسمى كچىزدكلىرى صيفىدە اولوب كى خسرو
 بوسايەدە دائىما بابالرىلە صيفىيە كلىش اولان كنى زادەلر ايله اختلاطدە
 بولنور ايدى . بركون قريە چو جقلىرى او يون اثناسندە كى خسروى
 زادكان چو جقلىرىنە ترجىج ايدرك پادشاه انتخاب ايتمىشلىر ايدى كى خسرو
 بو خصوصەدە عقل و درايەت اظهار ايتدىكىندن دائىما او يونلردە
 پادشاه انتخاب اولغفە باشلامىدۇر . كى خسرو دىخى چو جقلىرىدن
 كندوسنە و كلا و ماينىغىلر و خدمە نصب ايدر ايدى . مدیە
 خاندانلردن (عارقبارس) ك اوغلى چوبانك اوغلنە اطاعت ايتمىكى
 كبرىنە صيفدىرە ماديغندن كى خسروك امرىنى ايھا ايتامش و بونك
 اوزرىنە كى خسرو طرفندن يرە ياتىرىلوب ضرب و تاديب اولمىشدر .
 چو جق عارقبارسە عارقبارس دىخى استياغە شكايە كيدرك چوبانك
 اوغلندن كوريلان بو حقارتى هضم ايدەمىە جكلىرىنى بيان ايتمىش
 اولدقلىرىدن استياغەدە كنى زادەلرە ترجىج اولنان چوبان اوغلنى
 كورمك ارزوسنە دوشەرك كى خسروى حضورىنە جلب ايتمىشدر
 استياغ كى خسروە خطاباً (بر اصل زادەيە قارشى دكنك ايله

معامله ایتمك سنك حدكمی دوشمش (دیمسی اوزرینه کی خسرو دخی
 (اقدام بنده كز انجق عدالت وحقانیت اوزره حرکت ایتدم .
 عارتمبارس زاده ایله بتون قریه چوجقلى بالاتفاق قولكزى پادشاه
 انتخاب ایتدیلر . حقانیتدن آیرلمدیمدن هرکس دخی بنده كردن
 خشنود ایدی و جمله سی هر امریه اطاعت ایدرلر ایدی . بالکز
 عارتمبارسك اوغلی پادشاهنه یاقیشیر معامله ده قصور ایتدیکندن بشقه
 اوامر قطعه مه دخی اطاعت ایتمك ایسته مدی . بونك ایچون بنده كز
 دخی تأدیب ایتمكه مجبور اولدم . اگر حکمدار صفتده بولنان بنده كرك
 بو خصوصده قباحتم وار ایسه جزاسنی کورمكه شمدی حاضریم)
 دیمشدر کی خسروك جوابنه استیاغ پك زیاده حیرت ایتمشدر .
 جسورانه وعاقلا نه ویریلان جواب ایله چوجفك مندانه به مشابیه
 کی خسروك قتل اولق اوزره هارپاغه تسلیم اولنان چوجق اولدیغه
 هیچ شبهه بر اقامشدر بونك اوزرینه استیاغ چوجفك کیم اولدیغی
 چوباندن تحقیق ایتدکدنصکره هارپاغ حضورینه جلب وکیفیتی بیان
 ایتمشدر . استیاغ کویا کندوسنك چوجق حقنده ویردیکی
 مطالعه سز امرندن طولای چوقدن بری وجدانجه راحتسز اولدیغی
 اکلاشمش و صکره هارپاغه تشکر ایله برابر کی خسروك فیما بعد
 سرایده اقامت ایده جکنى بیلدیرمشدر . فضله اوله رق استیاغ
 کی خسروك معیت ورفاقته ویره جکنى بیان ایله هارپاغه اوغلنك همان
 اوکیچه سرایه کوندرلمسنى و کندوسنك دخی اقشام طعامنده پادشاه
 صفره سنده حاضر بولمنی امر و افاده ایتمشدر . هارپاغ نتیجه خیری به
 ایله اشبو فوق العاده التفاتدن نهایت درجه ده مسرور اوله رق
 مخدومنی سرایه کوندرش و کندوسی اقشام طعامنده حاضر

بولشدر . هارباغك اوغلي ايسه استياغك امريله كسيلوب پيشريلهرك
اقتام طعامنده پدرينك اوكنه قونمشدر . استياغ يك اناسنده
هارباغدن يكمك لذتي صورمش و هارباغ ايسه نفيس اولديغني بيان
ايتدكدنصره اوكنده اوغلك باشتي وقوللريني بولمشدر . هارباغ
ايشي غاميله اكلامش ايسده كنديني ضبط ايدوب هج استيفي
بوزمامش واستياغك (يديكلك نه حيوان اولديغني وبر پادشاهك
بنده مي حقنده مخصوصاً بو قدر نادر يك حاضرلق كي بيسوك
التفات وتوجهنه نه ديه جكني سؤال ايتسي اوزرينه جواب اولهرق
) افندم يديكلك نه حيوان اولديغني اكلام . دانما پادشاهك هر بر
حركاتي عين كرامت بيلديكمدن اشبو عنايت مخصوصه حقنده دخی
فضله بر شي ديكدن عاجزم) ديمشدر . فقط ايجندن اخذ انتقام
ايتكي قورمشدر . استياغ منجملري جمع ايدرك اسكي كورديكی
رويالرينك تعيرلريني وكی خسروك صورت ظهوريني بيان ايتدكن
سكره افكارلرينك نه اولديغني صورمشدر . منجملر ايسه كي خسروك
قریه چوجقلى طرفدن پادشاه انتخاب اولنمسيله حكم رؤيا حصوله
كلش اولديغندن مراق وتلاشه محل قالمديغني عرض ايتمشلردر .
استياغ بو جوابدن ممنون قالمش ايسده كي خسروي كندی ياننده
طونمغه جسارت ايدمه يوب فارستانده بولنان پدر ووالده سنك ياننه
كوندرمشدر . كي خسرو اقرانلرينك ايجنده اك كوزل واك شبيح
اولدقدن بشقه عقيل ودراتجه دخی جله يه فائق ايدى بو
سپيدن اولهرق فارسيلرك محبتي قزانش ايدى و هارباغك
تشويقي اوزرينه مديلرك بيونديريني تحتدن قورتلق ايجون
فرصت بكممكده اولان فارستان اهاليسني استياغ عليهنه

عصیانہ تشویق ایتشدر . استیغ مجملرک ویردیکی جوابک
یاکلش اولدیفنه و حکومتی طورونی یوزندن غائب ایدہ جکنہ
ذاہب اولہرق فوق العادہ تلاشہ دوچار اولمشدر .
بونکئہ برابر اردولر جمع ایتش وانلری ہارباغک قومانداسنہ
ویرہرک کی خسروہ قارشى سوق ائلمشدر . لکن اردونک قسم
اعظمی ہارباغ ایلہ برابر کی خسرو طرفہ کچمشدر . بودفہ استیغ
الی سلاح طوتار مدیلرک کافہسنی طوبلایوب کی خسروہ قارشى
چقمش ایسہدہ اردوسی پریشان وکندیسی دخی اسیر اولمشدر .
ہارباغ اسیر دوشمش اولان استیغک اوکنہ چیقوب (اوغلی
بالاعدام اتی ییدیردیکزوقت بکا لذتی سورہش ایدیکز بوکون
بن دخی مساعدہ کر اولور ایسہ شمدیکی حالکڑک طادینی سؤال
ایدہیم) دیمشدر . استیغ ہارباغک دشمن طرفہ کچدیکنک صحیح
اولوب اولدیفنی صوروب کندی اغزندن تصدیق جوابی آلدقن
وکی خسروک مدخی ایشندکدنصرہ (سن دنیادہ اک حیتسز بر آدم
ایمشک . حیتسزسک - چونکہ نفسنہ مخصوص بر ایشک انتقامنی
آلمق ایچون وطنکہ و ہمشہریلرینہ اجنبی بیوندروغی طاقلسنی ارتکاب
ایدہ یورسن) دیمشدر . بونک اوزرینہ ہارباغ دخی (حقکز وار
افندم . فقط ارتکاب ایتدیکم حیتسزک اعتراضی شویلہ طورسون
حضورلرندہ جزونی مطالعہ بی دخی چکہ مہیان ظالم حکمدارلرک
کاریدر . انک ایچون شکایتہ حقکز یوقدر) سوزیلہ مقابلہ ایتمشدر .
کی خسرو استیغ حقندہ بد معاملہ ایتامش واولنجہ یہ قدر سرایندہ
شاہانہ بلمشدر کی خسرو دہا نیجہ نیجہ قنوحاتدن صکرہ
(تومیریس) ایلہ ایتدیکی ماساجت محاربہ سندنہ کی خسروک اردرسنی

طارومار و کندوسنی دخی اسیر طوتوب اوغلنی اولدیرمش اولدینی
جهتله لاجل الانتقام اعدام التشییدی (ایرودونس) نام مؤرخ
مشهورک روایتیه نظراً حاکمه مومی الیهائیکخسروک باشنی
کسیدردکن صکره قان طولو برطلوم ایچنه باتیروب (ایشته تشنهل
اولدیفک قانی بوراده ایچده طوی) دیمشدر بوکا سیروز دخی دیرلر
قبری ایرانده اسطخر شهری جوارنده در .

﴿ حرف ل ﴾

« لاهور » - هندستانده زاوه نهری اوزرنده لاهور ایالتک
مقری برشهر اولوب قالكوتهك شمال غریسندن ایکی بیک بشیوز
کیلومتر و بند و مسافده طقسان بش بیک نفوسی جامعدر . اشبو
شهر مقدملری غایت معمور اولدینی حالده ایوم آثار خرایبسی
زیاده جه کورینور مع مافیه اسلحه واقشه حریره و قطنیه و سائر
کارخانلر واردر (جهانگیر) خان ایله (نورجهان) نام زوجه سنک
ترپلری شهرک اطرافنده کورنمکده در . اسکندر رومی زماننده
تأسیس اولنش اولان قدیم ساغالا شهری بوراسی اولدینی ظن
ایدیلور . خیلی زمان مغول ایمپراطورلغک مقری ایدی . برچوق
تبدلاتدن صکره میلادک بیک یدییوز سکسان یدی و هجرتک بیک
ایکیوز اوچ تاریخنده رؤسای قبائلک و میلادک بیک سکر یوز قرق
یدی و هجرتک بیک ایکیوز التمش درت تاریخنده انکلیزلرک یدینه
دوشمشدر .

« لوط » - علیه السلام - حضرت ابراهیم علیه السلامک
برادر زاده سیدر مشار الیه برلکده ممالک کلدانیه دن فلسطینه

هجرت ایدوب فقط اورانك اراضیسی موجود دواب ومواشی به غیر کافی اولدیفندن ماعددا چوبانلرینك چیقارمش اولدقلری تزاغه مبنی خلقتك اوچيك بش یوز الی سكر تاریخنده یعنی میلادك ایکیك اوتوز الی سنه مقدمده عم اکر می طرفندن سدوم اراضیسنه کوندرلش ومؤخرأ سدوم نواحیسی اهالیسنه بنمبر بعث بیورلمشیدی . اهای مرقومه مشار الیهك دعوت ووعظ ونصیحتی عدم اصفادن بشقه بیک درلو معاصی ومناهی به جرات ایلدکلرندن (فامطرنا علیهم) الی اخره آیت کریمه سی منطوق ومنینی وجهله غضب الیهی به اوغرایوب خلقتك اوچيك بشیوز یتش بش تاریخنده یعنی میلادك ایکی بیک اون طقوز سنه مقدمده زیر وزبر اولدیلر . مشار الیه اشبو وقعه هائلدن بر از اولجه حضرت ابراهیم زردینه معاودت بیوروب سکسان یاشنده ترك عالم فنا الشدر .

« لوقه » - اناجیل اربعه صاحبزندن بری اولوب اوخجی انجیلی یازمشدر اصلی انطاکیه لی ایدی . حضرت (عیسی) نك رفعندن صکره (بولص) واسطه سیله خرسیتیانلنی قبول ایلدیکی ظن اولنیور وعظ ایچون میلادك الی الی تاریخنده یونانستانده واقع قورینت شهرینه کیدوب التمش برده بولصك روماده اسارتنه حصه دار اولدی صکره بر چوق مملکتلری طولاشه رق سکسان درت یاشنده اولدینی حالده یونانستانده آقابی شهرنده قتل اولندی . بهر سنه تشرین اولك اون سکرنجی کونی یورطیسی طولتقدده در .

﴿ حرف م ﴾

« مارسابا » - قدس شریفك شرق جنوبی جهته ده ویکرمی بش کیلومترو بعد ومسافه سننده در . بوراده یکدیگرینه مقابل ایکی

عدد کلیسادن ماعدا هج بر شی یوقدر . اطراف کاملاً طاغلقدر ، محل مذکورک جهت شمالیستند و اتصائنده کائن بر قوری دره نك کنارنده و کلیسا دیوارینك دیننده بر قیناق صو وار ایسه ده بوده منزویلرک اداره لرینه غیری کافی اولدیفندن و داملری ایسه جزئی میلده اوله رق بر سطح مائل شکنده یانلش و اوزرلری عربستان ابنه لری اصولی اوزره ذریقه لئش بولندیفندن نزول ایدن بارانك بوریلر واسطه سیله زیر زمینده منتظم یانلش اولان صهرنجلره آتدیریلان صولر واسطه سیله اداره اولنقده دیرلر اولنان تحقیقاته کوره بو کلیسالره طائفه نسانك دخوللری ممنوع ایش .

« متی » - خوار یونندن طبریه ده تولد ایتش و انجیلی جمع انلش بر ذاتدر اوائل سائنده روما حکومتی نامنه ویرکو تحصیلدارلنی ایدر ایکن (عیسی) علیه السلامك دعوتنه اجابت و خدمت عالیرینه ملازمت ایدوب طبریه و عکا طرفلرنده و مؤخرأ ایران طبراغنده نشر دین و آیین ایتدیکی عصرده عجملر طرفندن قتل اولنشد . مومی الیهك كلدانی لسانی اوزره عروجدن سكر سنه صكره جمع ایتدیکی انجیل اناجیل اربمه نك اك قدیمیدر بو انجیل مؤخرأ رومجه به ترجمه اولندیقی خالده نسخه اصلیه سی حالا مفقوددر .

« محمد » مولد محمد علیه السلام - پیغمبریمز محمد مصطفی صلی الله تعالی علیه وسلم اقدمنر حضر تلری (ولدت فی زمن ملك عادل وهو نوسروان) یعنی بن بر عادل پادشاه زماننده دنیا به کلدیمکه اول دخی نوسرواندر دیو بیورمشلردر : نجی سنهی آخر الزمان و رسول مطلق انس و جان و قطب وجود و مدار عالم شهود اولمقله مظهر اسم اعظم یعنی اسم رحماندر قول مشهور اوزره سلسله نسب شریفلری

(محمد بن عبد الله بن عبد المطلب بن هاشم بن عبد مناف بن قصي
 بن كلاب بن مره بن كعب بن لوی بن غالب بن فهر بن مالك بن نضر
 بن کنانة بن خزيمه بن مدركه بن الیاس بن مضر بن نزار بن معد
 بن عدنان) اولوب بوندن اوتومسی بین المؤرخین مختلف فیه در
 ووالده محترمه لری ایسه بی ذهره قبیله سندن عبد الغزانه اوغلو
 وهبك كريمة سی حضرت (آمینه) رضی الله تعالی عنها اولوب مشار الیه
 حضرت لرندن بشقه نه قیز ونه ارکک هج بر مولود دنیایه کتورمدی
 حضرت فخر کائنات خلقتک الی بیك یوز الشمس درت و میلادک
 بشیوز یتش سنه سی ربیع الاولک اون ایکنجی بازار ایرتسی کیجه سی
 مککه مکرمه ده کائن ابن یوسف خانه سی دیمکله مشهور والده لرینک
 خانه سعادت لرنده شرف بخش صفحه عالم وجود اولدی (حضرت عیسی
 علیه السلام اقدمزک هنوز طوغمش بر طفل شیر خواره ایکن
 تکلمی کبی) خورشید وجودی مطلع سعادتدن طوغار طوغار
 مبارک قم عالی لرندن کوش لطافت منکوش مادره درر (صلاة وسلام)
 شرف صادر اولدی ، فخر کائنات اقدمزک دنیایه تشریف لرینه یقین
 بر زمانده جمله مخلوقک اولوسی اولوب و آخر زمان بیغمبری اولدینی
 واسمه (محمد) تسمیه ایدلمسی والده لری معناسنده کوردکلری کبی
 دنیایه تشریف لری کونی دخی بر یوزینه کوکدن اینان بر نور
 واسطه سیله جوانب اربعه سی کاملا نور ایچنده قالدینی عبد المطلبه
 بیان الکلکه در حال اسمنه (محمد) تسمیه ایدلدی . حضرت (محمد) ک
 هنوز اناسی رحمتدن دنیایه تشریف بیورملرینه یدی ماه اون کون
 یاخود بر ماه اون کون قالدینی بر زمانده پدر لری عبدالله لاجل
 التجاره مدینه منوره یه کیمشی ایسه ده عمری تمام اولسی مناسبته

یگر می بش یاشنده وفات ایدرك (دار النافه) نام محله دفن
ایدلشدر . حضرت (محمد) ك انا رحمنده او كسوز قالسی مناسبتیه
دنیا به تشریفارنده بیوك پدرلری عبد المطلب باقمده ایدی . مكّه
مكرمه نك هواسی زیاده سیله وخیم اولدیفندن یكی طوغان چو جقلمی
مكه نك ایكی كونك بعد ومسافه سننده واقع اولوب سنده بر كره
مكه به كلكده اولان بنی سعید قبیله سی خاتونلرینه اجرت مقطوعه
ایله باقدیر مق عادت بلده حكمنده اولدیفندن وقیله مذكوره خلقنك
ایسه ككلمرینه درت ماه قالمش بولنده یفندن اشو مدت ایچنده حضرت
(محمد) بیوك پدرلری عبدالمطلب جاریه لرندن مسروحه نامنده کی
خاتون باقمده ایدی وقتاكه بنی سعید قبیله سنك ككلمری زمانی
حلول الماش ایسه ده اول سنه قتلق اولسی مناسبتیه حاللری زیاده سیله
مضطرب اولدیفندن سائر سنه لر دن زیاده غلبه لق اولدقلمی حالده
مكه به كلكه حاضر لقمده ایدیلر حتی قبیله مذكوره اهالیسنندن حارث
نامنده اولان بر ذات دخی قتلق مناسبتیه حاللرینك زیاده پریشانیتدن
ناشی مكّه چو جقلمرندن بردانه سی آلوب بو یوزدن اله جقلمی اجرتله
معیشترلرینی تأمین مقصدیه قیونلریله بری آیه دیگر ی خدیجه نامنده
ایكی کریمه سی بیوك اوغله بر افرق كوچك اوغلیله زوجیه سی
حلیمینی بر دیشی مر كبه و كندیسی دخی بر دیشی دوه به بنه رك
قبیله خلقیله برابر مكّه مكرمه جهته عزیم راه ایدیلر . حارث ذاتاً
فقیر اولوب قتلق مناسبتیه بتون بتون حاللری پریشان اولدیفندن
دكل حیوانلرینی كندولرینی بیله بسلكه اقتدار ی مفقود ایدی
بو حال ایله قافله نك بر خیلی مسافه اوقه لر نده اولدقلمی حالده یوله
دوامله اقشاملری دوه دن صاعقمده اولدقلمی بر مقدار سوددن

کندیسیله زوجہ سی ایچہ رک بو وجہله مکہ واصل اولشلردر قیلہ مذکورہ خاتونلرینک هر بری بر جوجق آلدقلى صرہده مقتضای طالی حلیہ نك حصہ سنہ دخی حضرت رسالت پناه اقدمز اصابت ایتمکله مومی الیها مرکبہ بنہ رک بر طرفہ حضرت (محمد) ی دیگر طرفہ کندی جوجقنی آله رق محللرینه عودته شتاب اولشلردر انشای راہده حلیہ نك مرکبی جملہ خلقک مرکبندن زیادہ یوریمک وایلروده کتیمک باشلیجه قیلہ مذکورہ خلقی مکہ مکرمه یه کیدر ایکن سنک مرکبک جملہ مزک مرکبندن کیرو قالدینی حالده عودتمزده ایلرویه کیتیمی اسبابخی حلیہ دن سؤال ایلدکلرنده کندوسی دخی بو حالدن متحیر اولدیفندن کرامتک آلمش اولدینی جوجقده اولدینی مع التشرک بیان ایلدی قوناق محلنه واردقلرنده هنوز برشی یماش اولدینی حالده ایکی مہسی چشمه مثالی طولی اولدینی کورنجه کرک (محمد) ی وکرگه کندی جوجقنی دویرمش و بوانتاده زوجی حارث دخی دوهی صاغدقده امثالی کورلماش سود کلدیکنی کورنجه کیفیتی زوجہ سی حلیہ یه افاده اول دخی مہسندن کلش اولان سودی حکایه ایتمکله قطعاً کرامتک جوجقده اولدینی اکلاملریله حضرت (محمد) قلباً محبت حاصل ایدرک جان کوکلدن باقغه حصر نفس اولشلردر اشته بو حال ایله خانہ لرینه عودت و اوچ بش سنہ ایچنده بو جوجق یوزندن نہایت درجہده صاحب ثروت اولشلردر . حضرت فخر کائناتک اعاده سی زمانی کلدکده ناچار جوجقنی والدہ سی آمینہ یه تسلیم اولشلردر . فخر کائنات اقدمز بش یاشنه کیردکده والدہ لريله برابر پدرلری عبد اللہک قبرینی زیارت ایتک ایچون عبد المطلبدن استحصال زخمت ایدرک مدینہ منورہ یه حرکت

واوراده بر سنه قالدقد نصكره تكرار مكه مكرمه به عودت بيور مشاير
ایسده اثنای راهده والدله رى دخى خسته لهرق (ابواء) نام محله
وفات ايتمكله نعتى مكه مكرمه به كتورديله رك محل مخصوصه دفن
ايدلش و كروان صاحبي حضرت (محمد) دخی مكه مكرمه به كتوره رك
بيوك پدرلرى عبد المطلبه تسليم اللشدر حضرت (محمد) سكر ياشنه
كبرنجيه به قدر عبد المطلبك نزدنده بولنش ايسده مومى اليهك دخى
عمرى تمام اولمقله حضرت (محمد) ابوطالبه وصيت ايدرك
وفات اللش واشتبو وصيت اوزرينه ابوطالب فخر كائنات افندمزه
كمال درجه حرمت ايدرك باقشدر حضرت رسول الله افندمرك سن
شريفلى اون ايكي به بالغ اولدقده لاجل التجاره شام شريفه عزيمت
ايدن ابوطالب مشار اليه حضرتلرى دخى برابر آلمش ايدى چونكه
نجي ذیشان حضرتلرينك سياحته بك چوق مراقلرى وار ايدى فقط
اثنای راهده كفر نام موقعده مسافر اولدقلى قريده موسويلر
معبنده بولنان (بحيره) نام راهب خاتم الانبيا صلى الله عليه وسلم
حقده كتب مقدسه كوردىكي بعض علامات واوصافى حضرت
(محمد) عليه السلامده مشاهده ايلديكنده شام شريفه عزيمتلرينك
تهلكه دن خالى اولمديقى بيان اللشى اوزرينه ابوطالب دخى امتعه سنى
يوله فروخت ايدرك مكه مكرمه به عودت بيور مشدر حضرت
رسول محترم صلى الله عليه وسلم اعلان نبوت بيورمزدن اول دخى
عمومك محبت وحسن توجهنه مظهر اولمشيدى زيرا عربلر غندنه
اك مقبول اولان خصائل جميله واخلاقي حميدهك جمله سى ذات
رسالتناهيلرنده جمع اولمش و درايت و فطانت واستقامتله شهرت
قزاقش ايدى حتى بوسيدن كنديسنه امين لقبى و يرلمشدر حضرت

(خدیجه) دخی ثروت و سامانی استقامتی حسیله تماماً یدینه تسلیم
ایتمیدی . حضرت پیغمبر ایشان علیه السلام یکر می دوت یاشنده
ایکن حضرت خدیجه ایله تزوج الملشد رکه حضرت خدیجه اولزمان
قرق یاشنده ایدی . عموم قریش قبیله سنی تشویق ایدرک کبه یی
مجدداً سنا و تعمیر ایندیکی وقت سن شریفلری اوتوز بش ایدی .

« محمد ، نبوت محمد علیه الصلاة والسلام - محمد علیه الصلاة
والسلام اقدمن حضرتلری قرق یاشنه واصل اولدقلرنده التی ای
قدر رؤیا ایله مظهر وحی الهی اولوب اندن صکره اده صره منزوی
اولدقلری جبل حراده رمضان شریفک اون یدنجی بازار ایرتسی
کونی جبریل امین حضرتلری طرفدن فرمان رسالت کترمش
و (اقرأ باسم ربك) الح آیت صکره سی نازل اولمشدر . ویردن
بر پونار حاصل اولوب رسم طهارت و آبدست وایکی رکعت غار اجرا
و تعلیم قلمشدر و جبریل امین امامت الملشدر . رسول الله صلی
الله تعالی علیه وسلم جبل حرادن طوغری خانه سعادتلرینه عودت
بیووه رق ما وقع حضرت خدیجه یه نقل و حکایه ایدنجه حضرت
خدیجه درحال تصدیق و ایمان الملشدر . متعاقباً حضرت ابو بکر
الصديق و حضرت علی المرتضا بن ابی طالب انلردن صکره سائر
اصحاب کرام اظهار ایمان ایتمشدر . حضرت رسالتیناه اقدمن اظهار نبوت
و رسالت بیوردقلری آنده صحابه کرام ایله برابر شعائر اسلامییه یی
خفياً اجرا ایدرلر ایدی ، فقط (فاصدع بما تؤمر) آیت کریمه سی
نازل اولدقدن صکره خلقی علناً اسلامه دعوت ایتمکه باشلامشدر
اول امرده کافه اهل قریش حضرت پیغمبرک سوزینی رد ایتمامشدر
ایسه ده انلرک بوتلرینی تعیب ایتمی اوزرینه جمله سی مخالفت

وعداوتہ قیام و اتفاق التشلردر ، حتی اهل قریشدن ماعدا حضرت رسولک بتون اقربا و تعلقاتیله عشیرتی خلقی بیله حضرت پیغمبره و دین مین احمدی بی قبول ایدن اهل اسلامه پک چوق اذا و جفا ایتشلردر . بتون اهالی مکّه و قبیله قریش حق عالی نبویلرنده ابو لهب (وکعب) ه همکعب اولدیلر و کیندکجه اذابی ارتیروب بعض اسلامه کلنلری تهدیده و بعضیلرینی اشکنجه و اعدامه قالدقشدیلر نهایت اهل اسلام رخست نبوی ایله حبش جهته هجرته محیور اولدیلر بو هجرت بعثتک بشنجی سنه سی رجینده وقوع بولمشدر مکهلیر حبش نجاشیسنه دخی عرض شکایتله اسلامک مملکته عدم قبولنی رجا ایلدیلر ایسه ده نجاشی کاردان اول امرده ایشی اکلامق ایچون مسافرین مومی الهمی حضورنده و رهایین و امراسی مواجهه سنده زیور مجلس امتحان ایدوب کیفیت اسلامدن و من قبل الرحمن نازل اولان کلام عظمت انسامدن سؤاله باشلادقده اجوبه لایقه ایرادندن صکره ایچلرندن دادر عالیقدر حیدر کرار جعفر طیار حضرتلری سورة شریفه (کهیص) ی تشنیفساز مسامع حضار ایلدی و نجاشی کمال تأثیرندن آغلیه رق (والله بو کلام ایله حضرت عیسی به نازل اولان کلام ایکسی بر طبراغک نوریدر) دیوب جمله اهل اسلامی زیر حمایه و صحابته آلدی صکره اسلامده حضرت عمر ظهوره کلکله فرقه بوحیدین قوت بولدیسه ده غلوی اربابنک تعاندی دخی او نسبتده اثرغای تراید اولدی اشبو تعاند ایسه حضرت فخر کائناتک خاق دین اسلامه دعوتنه اصلا خلل ویرمدی . بعثتک طقوزنجی سنه سنده انشقاق قر معجزه سی اوننجی سنه سنده حضرت خدیجه ایله ابو طالبک وفاتلری اون ایکنجی سنه سنده معراج

شريف وقوعبولش ومعراجده مسلمانره بش وقت غاز فرض اولمشدر .

« محمد » هجرت رسول الله صلى الله تعالى عليه وسلم - مدينه منوره اهالي سي شرف قدوم مسعد تلموزم جناب رسالت پناه يه ازل جان تحسر وارزو اولدقلرندن برآن اول مدينه منوره يه كلري ايجون طرفلرندن كوندرمش اولدقلري بر طاقم مبعوثلر مکه مکر مه يه مواصلتلر نده حضور يغمبري يه يوز سورمک شرفه نائل اولدقلر نده اهالي مدينه نك درت کوزله ذات رسالت پناه يي بکلمکده اولدقلري عرض ايله برابر (حضور يغمبريده دين مبين احمد يي) قبول ايلديلر . و طرف رسالت پناهيدن کندولرينه قرآن کریم تلاوت اولدني کي ده ا بعض اسلاميته عائد شيلر تعليم ايتديلدي وکيفيتي عمي زاده سي حضرت (عباس) رضي الله تعالى عنه بيان ايدرك بعد المشاوره اول باول طرف يغمبريدن بر خليفه کوندرلمس نه قرار و يردکلي جهتله مصعب بن عمود مبعوثلر ايله مدينه منوره يه کوندرلدي مومي ايله مدينه ده مبعوثلردن سعيد بن زراره نك خانه س نه مسافر اوله رق قرآن کریم الشانک احکام جليله سني خلقه بيان ايلکله پک چوق کشيلر شرف اسلام ايله مشرف اولديلر . مدينه منوره نك اک بيوک بنو سهل محله سي کبراسندن (سعيد بن معاذ) « الم تشرح لك » سوره سني اوقودقه زيا ده سيله تاثير ايتکله مومي ايله سعيد بن معاذ اول انده مسلمان اولمشدر . فخر عالم افندمز دخي بعثتک اون اوچنجي سنه سي ربيع الاولده حضرت (ابو بکر الصديق) ايله برابر (مکه مکر مه) دن (مدينه منوره يه) هجرت ايلمشلردر . ارکان قریش حضرت نبي ذیشان حقه ده

سوء قصد نیتده اولوب بر فرصت بکلمکده اولدقلرندن هجرت خبری کندیلرینه فحالده تأثیری موجب اولمش وهان رسول الله افدمزی تعقیب ائلمشلردر . حضرت رسول الله افدمز دفعاتله بیوک تهلکهره دوچار اولدینی حالده صحابت مستقله الهیه سایه سنده اله کچماشدر ، اشبو هجرت وقعه سی امت محمد طرفندن رأس تاریخ اتخاذ اولنشدر میلادک التیوز یکر می ایکی سنه سی تموزک اون یدنجی کونی حضرت رسول اکرم صلی الله وسلم افدمز مدینه منوره ده حضرت ابی ایوب الانصارینک خانه سنه مسافر اولشدر . مدینه اهالیسی حضرت ینمبری حسن قبول ایله خلیبی شرف اسلام ایله مشرف اولمشلردر . هجرتک ایکنجی سنه سنه کنجیه قدر مسلمانلر غازلرینی بیت المقدسه (قدس شریف) متوجهاً ادا ایتمکده ایدیلر فقط سنه مذکورده نازل اولان آیت کریمه معلومه امتثالاً قبله قدس شریفدن (بیت الله الحرام) یعنی کعبه یه تحویل اولنشدر .

« محمد » وفات محمد علیه الصلاة والسلام — ینمبرمز صلی الله تعالی علیه وسلم افدمز حضرتلری هجرتک اوننجی سنه سی ذی الحجه آینه ده حجة الوداع ابتد کد نصکره مدینه منوره یه عودت بیسوره رق خسته لشمش اولدیفندن خلق ایسه نبی عالی شان مشار الیهک بوخسته لفی یول یورغلنندن ایلرو کلش اولدیفنه ذاهب اوله رق اولقدر متأثر اولما مشلردر . هجرتک اون برنجی سنه سی محرمنده حضرت رسالتک خسته لفی مشدت اولوب کنندی حالیه مشغول ایکن طائفة رومک کلیتو عسکر ایله سرحدده تجمع ایلدکری واصل مع حضرت رسالتناهی اولمسيله مشار الیه حضرتلری خسته لغیه برابر اصحاب کرامی جمع ایدرک و (واسامة بن زید) رضی الله تعالی عنهی رئیس

نصب ایدرك لاجل الفزاکلیتو عسکر ایلہ شام شریفہ حرکتلرینی
امر وفرمان بیورمشلردر اسامہ بن زید بووجهلہ حاضرلق کورمکده
ایکن حضرت (محمد) ک خسته لغنک کسب شدت المسی ودیگر
طرفدن بعض منافقلرک یشمبرک دعواسیلہ میدانہ جیقمیلری بوسفرک
تاخیرینہ سیبیت ویرمش ایدی . حضرت فخر کائنات بر پارچہ
کندوسنده ابولک حس الملکله مسجد سعادتہ کلہرک خلقہ بعض
نصیحتلردن صکرہ اولومک حق اولدینی وجله جهان خلقنه آندن
قورتلغه چاره اولدینی و آخرتده بر کون واردرک اول کون عدالت
کونی اولوب هرکس حقوقی امر الہی موجبہ آخردن المسی مقرر
اولدیفندن بناءً علیہ بندہ اولان حقوقکری شتدیدن حلال ایتمکری
و آخرت عذابندن تخلص کریبان ایتمککم ایچون شاید سزہ برید
ماملہ ایتمش ایسم بکا مقابله الملکری رجا ایدرم دیمسی اوزرینہ جلہ
خلق آغلشہرق یارسول اللہ بزم ذات رسالتناہیلری اوزرنده هیچ
بر حقمنز یوقدر بزدن یانہ حلال اولسون سزک دخی اوزریمزده اولان
حق رسالت پناہیلریکری حلال الملکری استرحام و غمی ایدرز دیملریلہ
حضرت (عکاش بن محسن القزاری) ایاغہ قالقوب یارسول اللہ
تلتزمیسنکہ بوندن مقدم دوه می ذات رسالتکرتک دوه سی یانہ
صالیویردیکم صرہده الیکزده کہ قیرباجی دوه کزہ اورمق ایچون
قالدیردیغکز وقت بنم اومزیمہ راست کلش ایدی حالا آجیسی
کنمیدی بونک ایچون حقمی المقسزین سزہ حلاللق دیلیہ ہم دیمسیلہ
حضرت فخر کائنات یاعکاش کل حقنی آل دیو امر بیورمش
ایسہده حضرت عکاش اول قیرباجی طلب ایلدیکندن نجی ذیشان
مشار الیہ کریمہ لری حضرت (فاطمہ) خبردار اولمقسزین مذکور

قیر باجک خانه سندن کتورمسنی حضرت بلاله امر بیورمشلردر .
 حضرت بلال دخی امر پیغمبری اوزرینه قیر باجی کتوردیکنده
 حضرت علی ایاغه قالقوب یا عکاش فخر کائنات خسته در اکا
 اورم جفک بر قاجی به بدل بکا یوز قاجی اور دیرک رجا ایلدیکی کی
 سائرلری دخی بوکا مائل پک چوق رجا ایشلر ایسه ده اصلا تاثیر
 ایتیمه رک وخلق ایسه ایشک حقیقته هنوز مطلع اولمقلرندن حضرت
 عکاشدن دلکیر اولمشلردر . حضرت عکاش ایاغه قالقوب قاجی بی
 رسول اللهک النذن آلوب فخر عالم صلی الله علیه وسلم افندمیزک امریله
 یقینه واروب طوردی حضرت رسالتناهی یا عکاش خسته یم چوق
 اورمه که طاقت کتورمه یم دیسیله عموم خلق فریاد ایدرک اغلاشفه
 باشلادیلر حضرت عکاش ایسه بونلرک فریادینه اصلا سمع و اعتبار
 ایتیمه رک یار رسول الله بو قاجی بکا تصادف ایلدیکی وقت بن چلاق
 ایدم شمدی ایسه ذات رسالتکز جبه کیمش سکر دیسیله حضرت
 فخر کائنات در حال جبه سنی چیتارمشدر حضرت عکاش بو حالی
 کورر کورمز الله کی قاجی بی یره آتهرق یوزینی حضرت (محمد) ک
 مبارک تی اوزرینه براقهرق فریاد و فغان ایله آغلغه باشلادی حضرت
 (محمد) ک دخی کوزلرندن یاش کلهرک وجهه خلق بو حالدن متأثر
 اولهرق آغلاشفه باشلادیلر کویا اول کون آخر قیامت کونی ایمش
 کی صدالری آسمانه چیقمقده ایدی . حضرت عکاش بر وقت یوزینی
 حضرت (محمد) ک مبارک وجود سعادندن آیرما مشدر .
 پیغمبریز افندمز صلی الله تعالی حضرتلری یا عکاش نیچون بویله ایتدک
 دیو بیورمسیله عکاش یار رسول الله قورقدمه کن و بو خلق بوندن صکره
 ذات رسالتکزی کورمه جکر بو کون ذات نبوتکزه وداع ایدرم

و یوزعی مبارک وجود سعادتمکره سوردمکه آخر قیامتده نم وجود مدخی
 نار عذابدن قور تلسون دیمشدر. حضرت رسول الله دها بر طاقم نصیحتلر
 ویرد کد انسکره خانه سنه عودت بیوردیلر. شار الیه حضرت تلیزینک خسته لغی
 کوندن کونه کسب شدت ایتمسילה ارادات الهیه موجنبه ربیع الاول
 آینک اون ایکنجی بازار ایرتسی کونی مرغ روح رسالتنهای قفس
 تندن پرواز وروضه بهشته لانه ساز اولمشدر. اصحاب کرام حضراتی
 فخر کائنات افندمک قنی محله دفن اولغسی مناسب اوله جفته دائر
 مذاکیره ایتمکده لر ایکن ابو بکر الصدیق رضی الله تعالی عنه
 حضرت تلیز (الانبیاء یدفنون حیث یموتون) حدیث شریفی حضرت
 رسول اللهدن ایتمش اولدیغی بیان اتلسیله حضرت (محمد) پی
 وفات ایلدیکی محله دفن اتلشدر. محمد مصطفی صلی الله تعالی علیه
 وسلم بازار ایرتسی کونی قشلق وقتنده وفات ایدوب صالی کونی
 دفن اولتمشدر. ذات رسالتنهای به قرق یاشنده نبوب کلوب اون
 اوچ سنه مکّه مکرمه ده واون سنه مدینه منوره ده قلوب التمش اوچ
 یاشنده اولدق لری حالد و وفات اتلشدر درکه بالاده ذکر اولندیغی وجهله
 دنیا به تشریف لریله حجر اسودی مبارک ید سعادتلریله کعبه ده کی محله
 وضع اتلری و مکّه مکرمه دن مدینه منوره به هجرتلری و شهر
 مذکورده مواصلتلری و آخرته تشریف لری یوم مذکورده وقوع بولمشدر
 حضرت فخر کائناتک توصیه سی اوزرینه (ابو بکر الصدیق) رضی الله
 تعالی عنه حضرت تلیز خلافته کچرک جمله خلق اکا بیعت ایلدیلر.
 حضرت رسولک امری یرینی بولق ایچون حضرت اسامه پی شام
 حدودینه سوق ایلدی اول دخی عسکر یله برابر ابو بکر ایله
 وداعلاشه رق مدینه دن چیقدی اولاهالیسی مرقد اولمش اولان

قضاعه بی اوره رق بر خلی غنیت ایند کد نصکره شام حدودینه
مواصلت ایلدی (بوراده بدرلری حضرت فخر کائناتک ازادلو
کوله لرندن زید بن حارث رضی الله عنه شهید اولمش ایلدی)
اورالری بتکرار فتح ایلد کد نصکره کمال موفقیتله قرقچی کونی مدینه
منوره به عودت بیورمشلردر .

« محمد ثانی » ابو الفتح - کریدکان سلاطین عثمانیانک یدنجیسی
اولوب سلطان مراد ثانی حضرتلرینک مخدوم سعادت موسوملری
وسلطان بایزید ثانینک پدریدر . ولادتی میلادک بیک درتیوز یکریمی
طقوز وهجرتک سکز یوز اوتوز اوج سنه سی رجینک یکریمی التجی
کونی قدمهاده مهد شهود اولوب اینجی جلوسی میلادک بیک
درتیوز الی بر وهجرتک سکز یوز الی بش وفاتی میلادک بیک
درتیوز سکسان بر وهجرتک سکز یوز سکسان التی سنه سی ربع
الاولنک دردنجی کونی اولوب تربه علیالری استانبولده جامع
شریفلری پیشکاهنده در .

افق سلطنت شرف قدومیله مطلع انوار سعادت اولدقده دولت علیه
علیهنه اتفاق ایدن قرمان و کرمان و آیدین و منتشا اوغللرینی
صدمه کذار بنجه غالیت ایدوب قونیه بی آلدی بعده ایکوز بیک
عسکرله ادرنه دن در سعاده کلوب برأ و بحرأ الی درت کون
محاصره دن صکره میلادک بیک درتیوز الی اوج وهجرتک سکز یوز
الی یدی تاریخنده فتح استانبول دولت جهان مشغولنه نائل اولدی .
استانبولک فتحندن اسایشک اعاده سندن وبر عفو عمومی اعلانندن
صکره خاقان مشار الیه بر دیوان انعقادینی امر ایدوب بو دیوانه
دروم بطریقینی دخی دعوت ایلدی حتی وکلاسنی بطریقک استقباله

گوئدردی او زمان حضرت پادشاه کیم اولور ایسه اولسون هیچ
 بر شخص ایچون ایاغه قالمه دینی کبی کندینه تبعیت ایتیش بر ملئک
 رئیس روحانینه قیام ایتمامکده دخی حق درکار ایدی لکن خاقان
 مشارالیه بودفعه قانونی تغییر ایدوب مقامندن قیامله بطریق طوغری
 اون قدم ایلریلدی و بو ذاتک الدن طوتوب تزدینه اقعاد ایلدی
 پادشاه مشار الیه متعاقباً حکومت روحانیه سنک تجدیدینه علامت
 اولق اوزره مشار الیه بر عصا ویرمشدرکه حالا بوکون مراسم
 عظیمه بر پاپاس بطریق اوکندن کوتورمکده ددرلر . اشبو مظفریت
 جسیه عقینده اینوز و طاشوز و سمار درک ونوه برده کبی بر چوق
 قلاع متینه بی دخی الده ایتیمی اوزرینه میلادک بیک درتیوز
 الی درت و هجرتک سکر یوز التمش تاریخنده یوز الی بیک عسکرایله
 بلغراد فتحه کیدوب محارلری مهم بر صورتده مغلوب ایدرک ایکی
 سنه صکره آتیهی استرداد و بعض موره مالکنی تهدیدایله صربستانده
 واقع سمندره قلعه سنی فتح و کشاد ایلدی و کرجستان و ایران
 حکمداری اوزون حسنه غلبه سندن صکره یعنی میلادک بیک درتیوز
 الی سکر و هجرتک سکر یوز التمش درت تاریخنده طریزون و سینوب
 و قسطنیونی و متعاقباً مدلولو و بوسنده بعض قلاع ایله هر سک
 قطعه سنی ضبط و تسخیر و بوراده بر قاج دفعه ارناودلنی تهدید ایتدی .
 اخیراً یعنی میلادک بیک درتیوز یتیش اوچ و هجرتک سکر یوز یتیش
 سکر تاریخنده اوزون حسنک ایکنجی دفعه اچدینی محاربه بی بعد المغلوبیه
 قزانمقه اجرای شهر آیین ایتدیردی و اهاالسنک طلب و استدعاسنه
 بناء قریم ضمیمه مالک و کدک احمد پاشا واسطه سیله ارنوودلغه و خیلی
 کفترلله اشقودره یه دخی مالک اولدی . درسمعادته نام نامیرنه

منسوب جامع شریفی میلادك بیک در تیوز التمش ایکی و هجرتك سكر
یوز التمش تاریخنده بنا ایتدیر مشدر .

« محمد علی پاشا » - میلادك بیک یدییوز التمش طقوز و هجرتك
بیک یوز سكرسان تاریخنده قواله ده تولد ایتمشدر . اوائل حالده
بیایغی بر اصناف ایکن خدمت عسکریه کیره رك بر مدت بیرقدارلق
ایله تپده لئی علی پاشایه خدمت ومؤخرأ طایفه سیله مصره عزیمت
ایدوب میلادك بیک یدییوز طقسان طقوز و هجرتك بیک ایکیوز
اون درت تاریخنده فرانسزلرله وقوعبولان ابو ذیر محاربه سنده اییجه
ایش کورمش و مصرجه خیلی نام المشدر . موچی ایله میلادك بیک
سكر یوز بش و هجرتك بیک ایکیوز اون طقوز تاریخنده مصر
والیسی خسرو پاشا علیه کولنلرله اتفاق ایدوب پاشایی مصردن
دفعه موفق اولدی و متعاقباً کولنلری دخی رئیسری علیه تحریک
ایله برابر هر فصل ایتدیسسه ایدوب مصر والیککی مقامنه اوتوردی
ووالیککی دولته تصدیق ایتدیرد کدنصکره دخی کولنلری دائره
اطاعته آلفه چال دیسه ده ممکن اوله مدیفندن الی سنه صکره بردیسسه
ایله سرایه جلب و قتل عام ایدوب تعرضلرندن قورتلدی و بو وقوعاتك
عقینده مصر علیایی دخی زیر اداره سنه آلدی و بعده امر جناب
پادشاهی ایله بر قاچ بیل و هابیسر ایله اوغراشوب اوغلی (ابراهیم)
پاشانك همتیله خطه حجازیه بی لوٹ وجودلرندن تطهیر ایلدی و دیگر
اوغلو (اسماعیل) پاشا دخی نوبه قطعه سنه واروب دقله و شندی
وسنار و قوردوفان ولایتلرینی آلدی . وروم قزینك تسکینی امرنده
دولت علیه عرض دست هارنت ایدوب اوغلی (ابراهیم) پاشایی
دوتما ایله موریه کوندردی (ابراهیم) پاشا دخی میلادك بیک سكر

یوز بکرمی بش و هجرتك بیک ایکوز قرق بر تاریخنندن اعتباراً اوچ
 سنه روملر ایله اوغراشدی ایسه ده فرانسه و انکلتزه و روسیه
 دوتنملری ناوارنده (آوین) دوتنمسانی دولت علیه دوتنماسیله
 برابر احراق ایلدکلرندن عساکر بریه سیله دونوب مصره کندی
 و محمد علی پاشا موره ده ایستیکچی معاونته مکافات اولمق اوزره سوریه نك
 دخی اداره سنه ویرلمسنى التماس ایدوب اسعاف اولمديغنى کورنجه
 اوغلی ابراهیم پاشا قومانداسیله بر جسم اردو کوندره نك سوریه نی جبراً
 الدی واردوسی در سعادته طوغری یوریمکده اولدینی حالده بتون اوروپا
 دولترینك توسطیله سوریه واطنه ولایاتی زیر اداره سنده قالمق
 اوزره میلادك بیک سکز یوز اوتوز بش و هجرتك بیک ایکوز
 اللى بر تاریخننده کوتاهیده بر مصالحه عقد اولندی و مؤخرأ
 میلادك بیک سکز یوز اوتوز طقوز و هجرتك بیک ایکوز اللى بش
 تاریخننده اردوسی تزیب محاربه سنى دخی قزانديسه ده بونلردن بر
 فائده کوره میوب عاقبت اوروپا دولترینك الحاحیه سوریه و حجاز
 واطنه وکریده و مصره التحاق ایدن دوتنمای همایونك اعاده و استردادینه
 مجبور اولدی فقط بوکا بدل مصر والیكنك اولادینه مشروطیتی
 امتیازینی قزاندى و تشکراً در سعادته کلوب کتدکدنصکره ایکی سنه
 مختل الشعور یشایوب میلادك بیک سکز یوز قرق طقوز و هجرتك
 بیک ایکوز الشمس بش تاریخننده غوغای جهانندن قورتلدى . مشار
 الیه هج بر موانع و مزاحمه التفات ایتیه نك مصر اردوسنى اوروپا اصول
 و نظاماتنه توفیقاً تنسیقه تشیر ساعد همت و زراعت و تجارت و صناعتك
 ترقیسنه و عسکری و طبى مكاتب و علوم و معارفك ترقی و انتشارینه صرف
 همت ایتش و کندوسى دخی قرق یاشندن صکره اوقویوب یازمغه
 باشلا یه رق بیاغی مباحنه ایده جك قدر اقتداره مالک اولمشدر .

« محی الدین » العربی - شیخ الامام المحقق رأس اجلاء
 العارفين والمقرین ابو عبدالله محمد بن علی بن احمد العربی المغربي
 الطائی الحاتمی الاندلسی درکه علوم ظاهره و باطنه ده بد بیضا صاحبی
 اولوب (شیخ الاکبر) عنوانیله یاد ایدلمکده در میلادک بیک یوز
 التمش درت و هجرتک بشیوز التمش تاریخنده مرسیه ده تولد و میلادک
 بیک ایکوز قرق و هجرتک التیوز اوتوز سکر تاریخنده شامده وفات
 ایدوب جبل قایسون اتکنده یعنی (صالحیه) ده آرایش لحد
 غفران اولدی . مشار الیه حضرتلری وحدت وجوده قائل اولنلرک
 قدوه سنی اولوب محققون جمیع علومده جلالت قدرینی تصدیق
 ایتمشلردر حق عالیرنده بعض منکرلر وار ایسه ده انلرده شیخ
 حضرتلرینک دقت کلامندن و یاخود کندولرینک طریق ریاضتده
 عدم وقوفلرندن ناشی مرامنی اکلاویه مدقلرندن عوارض شهباتدن
 محافظه ایچمون اعتراض ایتمشلردر محی الدین عربی حضرتلرینک
 تصوفده طوتمش اولدینی موقع جلیله کیمسه واصل اوله مامشدر
 شعر و ادبیاتده مهارتی ایسه حائز اولدینی مقام عالی الیه متناسب
 بر صورتده در تألیفات جلیله سنی بشیوزدن متکثر و قسم اعظمی تصوفه
 دائر اولوب بونلرک ایچنده اک زیاده دقیق (فصوص الحکم) در .
 مشار الیه حضرتلرینک کلامده وسعت و ذکاء و قوه حافظه سنی
 دخی بشقه جه شایان حیرتدر اولا میلادک بیک یوز یتمش ایکی
 و هجرتک بشیوز التمش سکر تاریخنده وطنی اولان مرسیه دن اشبیلیه
 انتقال ایدوب اوراده میلادک بیک ایکوز ایکی و هجرتک بشیوز
 طقسان سکر تاریخنده قدر اوتوردق در نصکره مشرق جانبنه توجیه وجهه
 اترحال ایدرک مصر . حجاز . بغداد . موصل بلده لرینی زیارت و برمدت

دخی قونیه ده طرح بساط آرام ایله نهایت شامده اختیار اقامت
ایلدی وقونیه ده اقامتی اناسنده مشاهیر علمادن شیخ (صدرالدین)
قوی حضرتلرینک والده لرینی تزوج ایلدی و مشار الیه خلافت
ویردی (شیخ الاکبر) حضرتلرینک طریقت صوفیه ده منسوب
الیهی بر واسطه ایله عبدالقادر کیلانی حضرتلریدر . شامده
اوتوردینی مدتجه بر چوق مال و منال وآچمه هدیه ایندکلی
حاله بر جهسنی ادخاره رغبت ایتیموب جمله سنی محتاجینه
ایثار و تصدق ایدر ایدی . اکثر مصنفاتی مکاشفات و اشانی
نومده وقوعبولان الهامات اثری اولدیغی بر کتابنده بیان
بیورمشلردر .

« مدین » - بحر احمرک شمال شرقیسنده وعقبه کورفری
نهایتنده عربستانک اک قدیم برشهریدر . شمعیکی حالد یزینه عقبه
قصبه سی قائم اولمشدر . (صالح) و (شعیب) علیهما السلام حضراتی
بو شهره مبعوث اولمشلر ایدی . حضرت (موسی) علیه السلام
شهر مذکورده قائن پدرلری (شعیب) علیه السلام ایله قرق سنه ساکن
اولمشلردر .

« مدینه » منوره - یثرب . اثرب . ارض الله . مدینه
الرسول دخی دینور قبله قائل اسلام اولان مکه مکرمه نك شمال
جهتنده ودرتیوز کیلومترو بعدنده اولوب (یکریمی بش درجه بش
دقیقه) عرض شمالی ایله (یکریمی درجه اوج دقیقه) طول شرقیه
واقعدر . مدینه منوره شهرینک بانسی ملوک حمیریهدن (ملک تبع)
اولدینی جمله روایات تاریخیهدن ایسه ده مبدأ شهرت و معموریتی دار
الهمجرة حضرت رسالتناهی اولسی تاریخندن معتبر وبالاخره جسد

اسعد جناب نبوی بی سنیۃ احترامه چکمله حائر شرف دیکرد
 (مدینۃ منوره) حرم ثانی اولوب دوز بر اووه در شمالی احد طاغی
 جنوبی نیر طاغی احاطه ایدوب طرف شرقی آققدز شهر
 مذکور الیوم اوتوز بشیک نفوسی حاوی اولوب قرق قلهلی وجبل
 احد طرفی اوتوز وقصور طرفلری دها نقصان مترو ارتقا عنده
 بر سور ایله احاطه اولنشدر . بو سوری میلادک طقوز یوز یتیش
 سکر و هجرتک اوجیوز التمش سکر تاریخنده عضد الدوله بنا التمش
 ایسه ده هجرتک طقوز یوز قرق ایکی تاریخنده قانونی سلطان (سلیمان خان)
 حضرتلری تجدید و هجرتک بیک یوز التمش ایکی تاریخنده سلطان
 (محمود خان) اول حضرتلری تعمیر بیور مشلدر مدینۃ منوره نک
 باب القبله الیوم (باب مجیدی) (باب المصر) (باب الشام) (باب الجمعه)
 ناملرنده درت قبوسی اولوب حرم شریف نبوی مملکتک قبلکاهنده
 واقعدر . حرم مزبور عمر بن عبدالعزیز درت مناره احدات
 ایلدیه ده مؤخرأ سلیمان بن عبدالملک بونلردن بری (مروانک
 خانه سی جهته دوشمن دیو) هدم و سکر مصر ملکی محمد بن
 قلاون تکرار انشا ایتدیردی . بشیخی مناره سلیمانی دخی الیوم
 (مجیدی) نامیله یاد اولنور . درون حرم شریفده برده محرابی
 سلیمانی واردر . مدینۃ منوره نک هواسی غایت لطیف و معتدل اولوب
 لذتده نظیری نایاب و (عین زرقا) نامیله شهرت نصاب اولان ایرماغی
 ایسه بوکا بر قاتدها آب وناب ویرمکده در (نهر مذکورک مجراسی
 اشاغی اولدینی ایچون کنارینه نردبان ایله اینیلور بو صوبی حضرت
 معاویه نک امریله مروان اجرا ایتدیرمشیدی) خورمانی فوق الغایه
 نفیس و سبزه . نار . قاوون . قارپوز . اوزوم . ترنج . شفتالو

انجیر و فواکه سائرہ دخی اعلا ولذیذر . خارج قعله ده بقیع شریف
 دنیلان محله آل واصحاب وشهدا وسائر صالحین وصالحاتک مراقده
 منوره لری موجود اولدیغندن محل مزبور ایله بر ساعت مسافده
 وجیل احد قربنده عم رسول جناب (حمزه) و قبله جهتده واقع
 (مسجد قبا) زیارتگاه عشاق عرفادر . مسجد شریف مذکورک
 اساسنی علیه الصلاة والسلام اقدمز اصحاب کرامیله برابر وضع
 بیورمشلردر .

« مراد خان ثانی » — دولت علیه عثمانیه ده التجی پادشاه اولوب چلی
 سلطان (محمد خان) ک اوغلی ابوالفتح سلطان (محمد خان ثانی) حضرت تیرینک
 پدریدر ولادی میلادک بیک درتیوز اوچ و هجرتک سکز یوز الی
 جلوسی میلادک بیک درتیوز یکرمی بر و هجرتک سکز یوز یکرمی درت
 فراغی میلادک بیک درتیوز قرق اوچ و هجرتک سکز یوز قرق یدی
 دفعه ثانیه ده جلوسی میلادک بیک درتیوز قرق درت و هجرتک سکز
 یوز قرق سکز وفاتی میلادک بیک درتیوز الی و هجرتک سکز یوز
 الی بش سنه سی محرمنک بشنجی کونی عازم کلشن سرای آخرت
 اولملریله بروسه ده جامع شریف لری پیشکاهنده واقع تربته مخصوصه لرینه
 دفن اولمشدر ومدت سلطنت لری اوتوز سنه الی ماهدن عبارتدر
 اوائل سلطنت سنیه لرنده امرای عثمانیه دن اورانوس بک زاده لرله ده
 سائر بر چوق کیمه لر مقدما غیوبت ایدن شهزاده — مصطفی چلی بنم
 دهرک استانبول ایمراطورینک دسیسه سیله میدان چقاریلان شخصک
 باشنه طویلانوب عادتاروم ایلی بی استیلا ایلد کد نصرکه اناطولی به
 یوریدیلر ایسه ده شاه مشار الیهک حسن تدبیریه جمعیت لری بریشان
 و کردنکشی اطاعت اولان برادرینی ازینقده طوتوب قتل وبی نشان

ایلدیکی کبی ازمیر و منتشا حاکمیرینی اورته دن رفع و نابدید و سلا نیک و کوتاهیه و قونیه و قره حصارى و دیگر بر اردو واسطه سیله دخی صربلولری بوزوب قروشوات (الاجه حصار) سنجاغی و بزرن سنجاغی داخنده نوه برده (کیلان) و نیکولی و سمدره بی قح و افلاق و صوا نهرینک اوته طرفی بالدفسات تهدید ایلدی . مؤخرأً بحارلر ایله افلاقلور دولت علیه علیه اتفاق ایتکله بونلره دخی ایکی دفعه بیوک غلبه چالدى . اورنک نشین سلطنت عثمانی مشار الیه سلطان (مراد خان ثانی) حضرتلری میلادک بیک درتیوز قرق اوچ و هجرتک سکز یوز قرق یدی تاریخنده تخت حکومتی اوغلو سلطان (محمدخان) فارغ اولدقلرینی متعاقب لهستان و صرب و بحار و افلاق عساکر متفقه سی قره مان اوغلتک و (پاپا) حضرتلرینک تشویقیله وارنه اوزرینه یوریدکلرنده کار آشنایان امرای عثمانیه اعدانک بوکلیشتی بکنمیوب و پادشاه نوجاهک تجربه سزلکنی دوشینوب هر حالده پدر سلطان (مراد خان ثانی) نک ینه جلب و اجلاسندن بشقه چاره اولمادیقی اکلادقلرندن درحال لوغلی طرفندن دعوتنامه لر ارسالیله جلب و اجلاس و اولدم اوله سی به اعدانک اوزرینه هجوم ایدرک جمله سنی فنا حالده پریشان ایلدیلر روایت کوره اعدانک بوسفر اوچیوز بیکدن متجاوز اولدیقی و سکیان بیکی زرهلی ایدوکی و هر طرفده شهر آیینلر اجرا اولندی تاریخده مقیددر . مشار الیه مورده کرمه (پاتراس) و (بالیابدره) پاخود (پادره) بی دخی اخذ و تسخیر و آرنادولنی تهدید ایتدیکی کبی میلادک بیک درتیوز قرق سکز و هجرتک سکز یوز الی ایکی تاریخنده وارنه مغلوبیتک آجیسنی چیقارمق اوزره کلان عساکر متفقه بی دخی قورصوده اوتوز ساعت دوام ایدن بر بیوک محاربه تیجه سنده پریشان

ایلدی شیخ الاسلام نصی سلطان مشار الیه زمانندن بدأ ایلر .
بروسده بر جامع شریفی واردر .

• مرادخان رابع ، - سلطان (مرادخان رابع) سلطان (احمدخان اول) ك اوغلو و سلطان (ابراهيم) ك برادریدر ولادق میلادك بیک التیوز طقوز و هجرتك بیک اون سكر سنه سی جاذی الاولیسنك یكرمی سكرنجی كونی متولد اولوب جلوسی میلادك بیک التیوز یكرمی ایکی و هجرتك بیک اوتوز ایکی سنه سی ذی القعدة سنك اون بشنجی كونی عم مكرملری سلطان (مصطفی خان) حضرتلرینك ایکنجی فراغنده جالس تحت عثمانی اولمش وفاتی میلادك بیک التیوز اوتوز درت و هجرتك بیک قرق درت تاریخنده در . والده سی (ماهییكر) سلطانك تدایر حكیمانه سیله هرایش باشنه اولدقجه مناسب آدملر تعین و عراق سردارینه امداد تسیر قلندی برسنه صكره حافظ پاشا بغدادی آغنه مقتدر اوله مدیننی جهته بغداد سر چشمه سی بكر صوباشی به طرف سلطانیدن ایالت منشوری كوندردلده اول حیلله كار ایرانلوبی دعوت ایلدیكنه ندامتله اظهار خصومت ایلدیكندن شاه (عباس) غیظ و غضبه قوشوب شهری محاصره ایدرك بكر صوباشینك اوغلی محمدك خیانتیه بغدادی اوج آیدن صكره آلدی و اوتوز بیک قدر نفوسی قلیچدن كچروب یرلرینه ایرانی اقامه ایتدكده موصل جانبنه یوریدی سلطان مشار الیه برقاج سنه صكره بالذات كیدوب شهر مذكوری قرق كون قدر محاصره ایله استرداد ایلدی و عجملردن بعض فسیا .
حسن ایلدیكندن متجاسر لرینی شدیداً تأدیب ایلشدر .

• مرقص ، یاخود (سن مارق) - ایوم خرسیتیانلرجه معتبر طوتیلان اناجیل اربعه دن برینك مؤلفیدر مولدی طرابلس غرب

اولوب کنج یاشنده سن پترویه ملاقی ورومایه هنریمتده رفیق و ترجمانی اولدی و انجیلی وعظ ایچون سیره نایق و مصر بمالکنی طولاشه رق میلادک الی ایکی تاریخنده اسکندریه کلیسانی تأسیس ایتدکن صکره میلادک الشمس سکر تاریخنده مصرده بت پرستلر طرفدن اعدام ایدلدی . مومی الیهک صورت مثالیه سی قنادلی ارسلاندر وهرسنه شباطک یکر می بشنجی کونلرنده یورطیسی طو تلقده در . انجیلنی رفع جناب (عیسی) علیه السلامدن اون سنه صکره پترو ایله ایتدیکی مکله قوتیله ولسان یونانی اوزره یازمشیدی که (ماتیوس) ک یازدینی انجیلک مختصری دیمک اولور . وندیکلور میلادک سکر یوز اون بش و هجرتک ایک یوز یا خود میلادک سکر یوز یکر می یدی تاریخنده جسدینی مصر نواچیسندن (معمره) ده مکشوف بر قبردن چیقاروب وندیکه کتور مشلر واوراده اوزرینه (سنت مرقوس) نام جسم کلیسانی یامیشلردر . وندیک جمهوریتی و قتیله (سن مارق) ک صورت مثالیه سی اولان قنادلی ارسلانه نسبت ایدیلور ایدی حتی بر تصویر یی الیوم وندیک چارشوسنده بر عمود اوزرنده موجوددر .

« مریم » - حضرت (عیسی) علیه السلام افندمزنک والدۀ محترمه لری اولوب (داود) علیه السلام نسلدن امام القوم عالم ملت (عمران) ک قزیدر . عمرانک زوجه سی (حنه) نک دار دنیا یه هج بر اولادی کلدیکی اجلدن اگر جناب حق بزه بر اولاد احسان بیورر ایسه بیت المقدس خدمته تعین ایدرم دیمش و حق تعالی حضرت مریمی احسان بیوردیسه ده عمران وفات ایتدیکنندن والدیه سی حضرت مریمی کوتوروب اباردن حضرت (زکریا) یه تسلیم وادخی بیودوب درون مسجدده بر حجره یه اسکان ایشیدی مشار الیها

اوراده عبادتله مشغول ایکن بقدرت الله تعالی حضرت (عیسی) علیه السلام اقدمنزه حامله اولوب دنیایه کتردی . شام ملکی (مردوس) (عیسی) علیه السلامک دها طفولیتی آواننده بعض احوال غریبه سنی ایشندیکندن بیودیکنده باشمزه برایش آچار مطالعه سیله بیت الحمدیه کی ارکک چوجقاری قتل عام ایچون بر مأمور کوندر دیسه ده مشار الیها مخدومیه برابر اولجه مصره هجرت التلش اولدیفندن مأمولنه موفق اوله مدی ونهایت مصرده برخیلی مدت قالدقدن یعنی حضرت (عیسی) علیه السلام اوتوز یاشنه کیردکده مقتضای اراده الهیه اوزرینه تکرار بیت المقدسه عودت ایدوب بعد الرفع ناصریه عزیمت ایدرک میلادک اوتوز طقوز تاریخنده وفات ایلدی .

« مصر » - آفریقا قطعه سنک شمال شرقیسنده (یکرمی اوچ درجه یکرمی اوچ دقیقه) دن (اوتوز بر درجه اوتوز یدی دقیقه) قدر عرض شمالی ایله (یکرمی ایکی درجه اون دقیقه) دن (اوتوز بر درجه یکرمی بر دقیقه) قدر طول شرقی اراسنده واقع و شمالاً بجز سفید و جنوباً نوبه قطعه سی و غرباً لبی صحراسی و شرقاً بجز احمر ایله محدود و بمالک ممتازة دولت علیه دن معدود بر قطعه مشهوره و معموره در و تقریباً ایکی ییحق میلیون قدر نفوسی حاوی و مقر خدیویتی (قاهره) شهر شهزیدر و اراضیسی قسماً طاعلق و قسماً مستوی اولوب و سطندن (نیل) نهری جریان ایدر . هواسی حار و ینموری نادر ایسه ده کیمه لوی چوئجه (چیک) دوشمکله براز رطوبت اولور و فصول اربعه دن فصل بهار کانون ثانی ابتدا سندن بدأ ایله شباط نهایته قدر ممتد اولوب ختباتی اون آی مدته فصل صیف اجرای احکام ایلر و چول طرفندن هبوب ایدن و (حامسین) ذیلان روزکار چیمک علنی و ستمه

و کوز خسته لقاری تولید ایدر وادی نیل غایت منبت و محصوله ایدر
و محصولاتک وجوده کلسی ایسه انقلاب صیفی ایله اعتدال ربیعی ارا سنده
نهر نیلک مطلوب درجه ده فیضان ایتمسسه متوققدر . نهر مزبورک فیضانی
تقدیرنده فوق العاده بر صورته مصر بغدادی . برنج . شکر قامشی .
پنبوق . کنویر . کتان . قهوه . توتون . گوگ بویا حصوله کلور .
حیوانات اهلیه دن اسب . استر . حار پتشدیریلور و حیوانات وحشیه دن
ارسلان و چقال و نیله مخصوص تساح و آبی بالی بولنور . معادن مفقود
حکمنده اولوب انحق قایغان و مرمر طاش او جاقاری موجوددر . صنایع
همان یوقی ذیلله چک راده بی بولمشیکن والی (محمد علی) پاشا دورنده تکرار
وجود بولمغه باشلادی و باشلیجه شهرلرده ایپلک و شکر فابریقه لری
وسائر صنایع دستکاهاری تأسیس و نقلیات تسهیل ایدلدی .
مصر افریقای وسطی و عربستان ایله هندک انباری حکمنده در .
مصر از قدیم اسپادن معدود و دروننده شمیدیکنک ایکی قات نفوسی
موجود ایدی (سیزوستریس) نام فرعون مصری اوتوز الی
قسمه آیزه دق اساس اداره قویش ایکن صکره دن قرق قسمه ابلاغ
اولئدی . مصر قطعه سی جنوب حدودنده نیل اوزرنده کائن
(سیه) شلاله سندن بحر سفیده قدر و بحر احمر دن برقه و لاوی
چوللریته قدر متمددر . مصر عمومیتله اوج قطعه یه منقسمدر که
بوناردن برنجیسی (مصر علیا) ایکیجیسی (مصر وسطی)
اوچنجیسی (مصر سفلا) در مصر علیا (سیه) شلاله سندن
هر موبولسی یعنی اشونین شهرینه قدر . مصر وسطی اشونین
شهرندن نیلک ایکی قوله تقسیم اولندینی نقطه یه قدر مصر سفلا دخی
نیلک منصبته قدر در . مصر علیا سطح دریادن بر آز مر تقبجه اولوب

طغیان هر وقت کفایت ایتمیکندن صنی جدولله محتاجدر .
 مصر وسطی ایله سفلائك ايسه بو خصوصده احتیاجلری یوقدر
 مصر سفلاده نیل مبارک متعدد قولله تقسیم اولنوب بر طاقم آطلر
 تشکیل ایلدیکی کبی بر طاقم مضر بطاقلقلر حاصل ایتمشدر . مصر
 سفلائك اوائلده موجود اولدیغنه یعنی یرنده دکر بولندیغنه دخی
 شبهه یوق کیدر . مصر تاریخنه باقیلیر ايسه ازمئه مقدمهده مصر
 حکومتی بالکتر مصر علیادن عبارت ایدی . وقت حزبورده مصر
 وسطی دخی باتاق ایدی . مصر سفلا ايسه هیچ یوق ایدی بوکاده
 بر درجهیه قدر اعتماد آیمک لازمدر . چونکه نیل مبارک
 بوکونکی کونده دخی دکردن سنده اوچ مترو قدر یر ضبط ایتمکده در .
 قدیم مصر یونک مذهبی قوای طبیعیه نك هر برینی تشخیص و تألیهیدن
 عبارت بر نوع بت پرستك ایدی . بعض محللرنده اینك و تمساح
 کبی حیواناتی و بعض حضروانی دخی معبود انخاذا ایدرلر ایدی
 و روحك بقاسنه قائل اولدقلری ایچون موتایه غایت رعایت ایدوب
 تحیط و حفظ ایلرلر ایدی . ابنای بشرک مصرده نه وقت ونه
 صورثله انتشار ایلدیکی تاریخچه پك ده مضبوط دکل ايسه ده اهرام
 و دیکیلی طاش کبی بعض آثاره نظراً حضرت (موسی) علیه السلام
 اقدمزك زماننده غرق اولان فرعون (آمنوفیس) ك وقتنده
 کسب تمدن ایتمش اولدینی اکلاشیلور . مصری خلقتك بشییک
 قرق اوچ تاریخنده یعنی میلادك بشیوز الی بر سنه مقدمنده عجملر
 و اوچیوز اوتوز ایکی سنه مقدمنده اسکندر رومی ضبط ایدوب
 اسکندریه شهرینی تأسیس ایتمش و مؤخرأ اسکندرک جنراللرندن
 (بنوله) یعنی بطلیوس و احفادینه انتقال ایدوب مؤخرأ شرق

ایمپراطورانی زیر حکمنه و تکرار مجملره بکهرک هجرتک اون طقوز تاریخنده عساکر اسلامیہ طرفندن فتح اولغش و مؤخرأ ملوک امویه و عباسیه و فاطمیه و ایوبیه و غلامان اتراک و چراکسه کچی بر چوق حکمداران اسلامیہ نوبت بنوبت اجرای حکومت ایدوب نهایت سلطان (سلیم خان اول) حضرتلری زمان سلطنتلرنده دولت علیه عثمانیه به انتقال ائتش و میلادک بیک سکر یوز قرق بر و هجرتک بیک آیکوز الی یدی تاریخنده بر چوق قیل و قال و محاربات نتیجہ سی اوله رق بعض امتیازه نائل اولمشدر . مصرک مبدأ علوم و مدنیت و منشأ فنون و صنعت اولدینی جمله نک معلومی اولدیفندن بو بایده تفصیلاته حاجت یوقدر . ابو المؤرخین (هردوت) بیلہ زماننده مصری مدح و ثنا ایتدیکی صرہده (بن مصر قدر عجایب و غرائبی چوق مملکت کورمدم . یونانیلرک کیدوب کلوب طورملری سیبسر دکل ایش هر نقدر سیسام و افس معبدلری بر شهرت جسمیه به مالک ایسلرده مصرک آثاری یاننده هیچ مثابه سنده قالور و علماسنک معارفده اقتدارلری تدریسیله مشغول اولدقلری (مجموعه هر مزیه) نام کتابلرندن پک قولای اکلاشیلور) دیدی .

« مصرایم » - حام بن نوحک ایکنجی اوغلیدر . نام دیکرله (مه نس) دخی دیرلر . حین تفرقده منسوباتیلہ حبشستان ایچندن مصره کیدوب نیلک جهت شرقیسنده (منفس) شهرینی تأسیس ایله مصر حکومت قدیمه سنک برنجی سلاله سنی تشکیل ائتش و بناء علیه مصر خطه سنه مشار الیهک نامنه نسبتله مصر دئتشدر هیقوسلرک مصری استیلا ایتدکلری زمانه دکین مرور ایدن بیک یکرمی سکر

سنة ظرفنده اشبو حكومت قديمه مصريه ده اون ايكي سلاله دن يوز طقسان طقوز حكمدار كلديسه ده اكثريسنك احوالى معلوم دكلدر . روايته كوره خاقتك ايكييك ايكيوز طقسان سكر تاريخنده يعنى ميلادك اوج بيك ايكيوز طقسان التي سنة مقدمنده نوبه قدر اقليم مصر ك سكه قديمه سي مشار الهدن نشئت الئشدر . عبرانيلى نيل نهرينه دخى مصرايم ديرلى ايدى .

« معاويه » بن ابو سفيان - امجادن وبى اميه سلاله سندن اولوب دولت امويه نك مؤسسيدر شام واليسى ايكن سلاله مذكوره دن ثالث خلفا راشدين حضرت (عثمان) رضى الله عنك وقوع شهادتى اوزرينه خلقى اخذ انتقامه تحريص ايدوب ميلادك التيوز اللى يدى وهجرتك اوتوز يدى تاريخنده مصرى والى سابقى عمرو بن العاص مرقيله حرباً تسخير وخليفه مسلمين حضرت (على) طرفندن منصوب والى يى احراقه عدم آباده تسير ايله كد نصره عساكر كليه ايله خليفه مشار اليه اوزرينه خروجه مبادرت و حضرت (على) رضى الله عنه دخى بالمقابله كوفه دن حركت ايتكله صفينده تلاقى طرفين ايله يوز اون كون ظرفنده طقسان درت دفعه علولان آتش جنگ وجدالده هر ايكي طرف يتمش بيك كشى تلفات ويرمش ونهايت طرفين مرخصلرندن مركب عقد اولتان مجلسده دسيسه لى برمعاهده ايله حضرت معاويه نك شام والى لى تصديق اولئشدر . اول و آخر يكرمى سنة شام والى لى ايدوب ميلادك التيوز يتمش طقوز وهجرتك التتمش تاريخنده سكسان ايكي ياشنده اولدينى حالده وفات ايلدى . اسلامك ابتدا اوغله خلقى بيعت ايتديرن وبريد وضع ايدن ومسجده مقصوره بيان و اوتوردى يرده خطبه اوقويان وزنادن ثبوت نسته

حکم ایدن و حرمده طواشی قوللان و دیوانده خاتم اتحاد ایلین
معاویه در .

« مکة ، مکرمه - بحر قلزمک (بحر احمر) شرق جنوبیسنده
واقع جده اسکله سندن دوه ایغی طقسان کیلو مترو یعنی اون سکر
ساعت و مدینه منوره دن در تیوز کیلو مترو یعنی سکسان ساعت بعد
و مسافه ده اوتوز بیک خانه و یوز اون بیک نفوسی جامع بر شهر
شهر سعادت قریر اولوب سوراق و خانه لری منتظم و سرتسر تجلیزار
انوار خدا و جلوه گاه انیا و اولیا اولغله مشهور در حرارتی زائد
یوستی غالب ایسه ده هواسی غایه الغایه صاعلامدر . شهر شهر (مکة
مشرقه شرفها الله تعالی) الی یوم القیامه (یکریمی بر درجه یکریمی
سکر دقیقه) عرض شمالیده و (قرق یدی درجه الی دوت دقیقه)
طول شرقیده واقع اولوب سطح بحردن ایکی یوز الشمس ایکی مترو
یو کسکدر . شهر مذکورک اطرافده کی قلعه لردن حرم شریفه ناظر
خراب بر حالد بولنان قل قل قلعه سی غیرت قشله سی نامیله و ایکی
بیک لیرا اعانه اچمه سیله و شجمان عساکر عثمانیه نک غیرت و اقدام لری
ثمره سیله مجدداً انشا ایدلمش اولدینی کبی ینه حرم شریفه ناظر یوز
الی بر یجق مترو یعنی ایک یوز ذراع مربعنده سورله محاط اولوب
درونده کائن متعدد خرابه زار سرا بلری بولنان جهاد قلعه سنک
اطراف سورلری هیئت اصلیه سی اوزره مکمل صورتده تعمیر
و خرابه لری کافه سی هدم و تطهیر ایدلدکن صکره خزینة جلیله
بار اولق سزین اصحاب حمیت طرفندن ویریلان اعانه اچمه سیله و عساکر
حضرت شهریارینک غیرت و اقدام لری ثمره سیله اوج سنه ظرفنده
کارگیر اولق اوزره صورت مکمله ده بر طابور اوق قشله ایله بر جخانه

و بر حبسخانه عمومی و متعدد دیوایلر ایله جهاد میداننده مجدداً برده
طوبچی قشله سی انشا ایدلشدر . بر ایکی سنه به کلنجیه قنر حجاز
ولایتی مرکز سلطنتله پوسته واسطه سیله مخبره ایتکده اولدینی حالده
له الحمد والته مخبره مذکوره سایه معموریتوایه حضرت سلطان
(عبد الحمید خان نانیده) طاقندن مکّه مکرمه به واورادن جده به قدر
ایصال وجده دن قابلو طریق واسطه سیله سواکنه ربط ایدیلان
تلغراف خطی واسطه سیله مخبره مذکوره تحت تأمین انشدر و بونک
ایچون باب ابراهیمه حکومت قوناغی قارشوسنده مجدداً برده
تلغرافخانه یایدیرلشدر . حرم شریف دروننده جنتکان (سلطان
سلیم خان) حضر تارینک آثار خیریه سندن اولوب اون بش بیک لیرا
قیتمده اولان کتبخانه هر فصله بر مختصر طرفندن ملک ایدلدیکی
اکلاشلی اوزرینه کتبخانه مذکور اصول دائره سنده مختصر هر قوم
یدندن تخلص ایدیلهرک بر طرفنه کما فی السابق کتبخانه و دیگر طرفنه
بر عدد مکتب رشديه عسکری به انشا ایدلشدرکه بوکونکی کونده
سایه طوباوایه حضرت شهریاریده طقسان شاگرد تحصیل علوم
ایلمکده در . اشته بالاده تعداد اولنان انشا آتدن بشقه باب ابراهیمه
حرم شریف داخلنده مکمل بر عدد موقت خانه ایله حکومت قوناغی
داخلنده برده منتظم مطبعه یایدیرلشدرکه طبعی لازمکلان برطاقم
کتابلری طبع ایتدیرمک ایچون بر جوق پاره صرفیله اصحابی مصره
کیتک کلفتدن قور تولشلردر و خرابه یوز چویرمش اولان حکومت
قوناغی صورت مکملده تعمیر و ترمیم ایدیلهرک مفروشاتی کمالا
هنددن جلب ایدلشدر . مدینه منوره نك اسکله سی اولان بنع
البحر ده کائن قلعه نك خراب اولان سورینک صورت مکملده تعمیر

و ترمیمه بر طابور استیاعنه کافی مجدداً اوج عدد قره غول خانه انشا
اولدینی کبی رایغ و طائف و بونله مائل سائر محالرده دخی برچوق
انشاآتک بویه آز وقت ایچنده ساحه حصوله کلمسی اسبق حجاز ولایتی
والیسی دولتو (عثمان نوری) پاشا حضرتلرینک (ترقی ملک ایله امت
و ملتک سعادت و سلامتی اغورنده جوهر کرانیهای حیاتلرینی بذل
و ایثار بیورمقده اولان ولی نعمت یسمنیز شوکتلو پادشاه عالمناه
اقدمنر حضرتلری طرفندن شرفریز صدور اولان امر و فرمان
هایونک احکام جلیله سنه توفیق حرکتله) لیل و نهار سعی و اقداملری
سایه سنده اولدینی اول طرفدن کلان محب ملت و وطن بعض ذوات
محترمه نك افاده لرندن اکلاشلش اولمغله مشار الیه حضرتلرینک
بو بایده واقع اولان هممات جلیله لری و معیتلری بولان میرلوا سعادتلو
محمد لطفی پاشا ایله انشاآت مذکوره سرمهندسی از کان حربیه
میر الایلرندن عزتو محمد صادق بکک غیرتلی جداً شایان تقدیر
کورلمشدر .

اصل نظر دقته الهحق نقطه شورا سیدرکه مکّه مکرمه نك شرق
شمالیسنده کائن جده شهرینک اداره شریه سی اوچیوز قدر متعفن
صهرنج صولرینه منحصراً اولمغله برابر شهرک تنظیفاته دقت اولدینی
زمانلرده (مد) بر اقدیسی اولان بطاقلقارک انضمام عفونتیله
جده نك حیادت هواسی خللپذیر اولمقده ایدیسه ده بوندن بر ایکی
سنه مقدم سایه معموریت وایه حضرت پادشاهیده مشار الیه
حضرتلری جده نك ایکی ساعت بعد و مسافه سنده واقع وادیلردن
مکمل طونلر واسطه سیله جده نك اون دقیقه خارچنده کائن معهود
صهرنجلرک یانه قدر کنتوروب صوبی سطح ارضه چیقارمش ایسه ده

او صرہ دہ انفصالی وقو عبولغلہ خلفارنی دولتو (جیل) پاشا حاضر تری
اولجہ حاضر ومہیا ایدلمش اولان تیمور بوریلر ایلہ مملکت ایچنہ
گنوردوب محلاتہ تقسیمی مراد ایش ایسہدہ مشارالہ دخی انفصال
ایتمکلہ الیوم حجاز ولایتی والیسی بولنان دولتو (صفوت) پاشا
حضر تری اتمامنہ موفق اولمشدر مذکور صوبہ عین (حمدیہ)
نامی ویریلہ رک داخل بلدیہ اجرا وموقعا وعددا احتیاجاتہ کافی
چشمہ لرنشاسی کرک یرلی اہالینک وگرگسہ بہرسنہ بیکلر جہ کلکمدہ
اولان حجاج مسلمینک میاہ متعفنہ ایچمک محذور ومجوریتی بر طرف
المشدر . مذکور عینک جدیہ اجراسی ولایہ سابقہ طرفدن
در خاطر ایدلمش وحقی عصرینک اک برنجی متفقد وشمولی اولان
قرہ مصطفی پاشا ہجرت نبویہ نک بیک طقسان اوج تاریخندہ تیشہ زن
تثبت ایش ایسہدہ (جناب موفق الامور حاضر تری ترقی ملک
مدار اولان فیوضات مدنیہ نک اسباب حصولی عصر مسعدت حصر
حضرت خلافتناہیہ تعلیق بیورمش اولمشندنرکہ تصور وتشبث
نتیجہ بخش موقیت اولہ مامشدر) . شہر مذکورک وسطندہ طولاً
در تیوز وعرضا اوجیوز درت ذراع وسعتندہ اولان (حرم شریف)
کائندرکہ او دخی بشقہ جہ قبلہ لہ مستور اولدینی خالدہ (بیت اللہ
الحرام) انک اورتہ سندہ واقع اولمشدر . (مکہ مکرمہ) دہ بیت
مشارالہدن بشقہ مقام (جبریل) و (ابراہیم) و (حجر اسماعیل)
علیہم السلام کی مقامات جلیلہ (مولد جناب نبوی) و (خدینجہ
الکبری) و (فاطمہ الزہرا) رضی اللہ عنہما وجیل (عرفات)
وقیس کہ (یا ایہا النبی حسبک اللہ) آیت کریمہ سی اورادہ
شرفسازل اولدی وعلی روایہ حضرت (آدم) بو طاعتدہ دفن

اولندی و جیل نور یا خود جیل حراده (که نبوت مآب افندمن
قبل البعثه اوراده اتروا بیوردیلر (الم تشرح لك) سورة جلیله سنك
محل نزول وشق صدرقر معجزه سنك موقع حصولی دخی بوراسبدر)
اشبو وصف و تعداد اولنان محال مبارکه مك اكثریسنه مؤخرأ قبلر
وجوارلرنده مسجدر بنا اولمشدر . (مكه مكرمه) نك الی ساعت
ایلروسنده اولان جیل (عرفات) حجاجك وقفه یه طور دقلری محل
اولوب اورادن ایکی ساعت بروده (مزدلفه) و مزدلفه ایله (مكه
مكرمه) ییتنده (منا) قصبه سی موجوددرکه بوراده حجاج اوج
كون اقامتله دونما ایدر و قربان كسرلر . مناده واقع مسجد (آدم)
دخی مشعر الحرامدندر . مار الذکر عرفاتده (هارون الرشید) ك
زوجه محترمه لری (زبیده) سلطان هجرت نبویه نك ایكوز اون سكر
تاریخنده مبالغ كثیره صرفیله (مكه مكرمه) یه اوج كونك مسافدن
طاغلر دویره رك (عین خنین) نامنده کی صوی مکیه كتورمك
استخس ایسه ده عمری وفا ایتدیكندن صو انجق عرفاته قدر كله بیلش
ایدی بنابرین اشبو اثر خیر سلطان (سلیمان خان) قانونی زمانه
قدر او یله جه نا تمام قالمش ایدی مشار الیهك دختر سعاد اخترلری
(مهر ماه) سلطان صرف تقدینه همت ایدوب صوی عرفاتدن
جلب ایله مكیه اجرا و مواقع لازمه ده چشه لر انشا ایتدیردیلر عین
مذكورك یوللری بوزلدجه سلاطین عظام حضراتی طرفلرندن تعمیر
اولدینی کی هجرت نبویه نك بیک ایكوز طقسان الی سنه سنده
عجرای عین ینه بوزلمش اولدیغندن ابوالحیرات اطلاق مابه الاستحقاق
اولان خلیفه مشروعه (فخر المرسلین) شوكتآب افندمن حضر تلی
عجرای عینك احتیاجات زمانیه نسبتنده تعمیری فرمان بیورمش

اولدقلرندن سنه مرقومهده در سعادتنن مکه یه بر هیئت قبیله
 کوندربلوب کرک طرف دولت علیه دن احسان بیوریلان و کرک
 اقطار اسلامیه دن اعانه وارد اولان سکسان بیک لیرا ایله سایه
 حضرت ظل اللهیده عینک مجراسنک تطهیرینه مباشرت اولنمش
 ایسهده مشار الیه (عثمان نوری) پاشا حضرتلری او صروده (با اراده
 حضرت شهریار) فریقلى رتبه جلیله سیله حجاز عموم قوماندانلغنه
 تعیین بیوریلدق (مکه مکرمه) یه مواصلتلیله عین مذکورک
 تطهیری ایچون الی کشیدن مرکب معاشلی اوله رق تشکیل اولنمش
 اولان قومیسینون معرفتیه بکرمی بیک لیرا صرف ایدلمش اولدینی
 حالدہ تعمیراتدن هیچ بر اثر کوریله مامسی مستوع عالیلری اولدقده
 در حال امیر مکه ایله والیه ولایتیه بالمراجعہ قومیسینون مذکور ریاستی
 در عهده بیوره رق و مذکور قومیسینون طاغدارق فخری اوله رق
 اون ایکی کشیدن مرکب یکیدن بر قومیسینون تشکیل و باقی التمش
 بیک لیرا ایله سایه کردون پایه شاهانه ده عین مذکورک بدایتی اولان
 عرفاتدن نهایتی اولان حرم شریفک (باب الوداع) نام محکمه قدر
 الی ساعت طولنده اولان طونللیغی صورت مکملده تعمیر و تطهیر
 و باب الوداعدن شیخ محمود قدر تمید یعنی اوج بیک مترو طولنده
 مجدداً طونللیغی انشاسیله مکه مکرمه یی صو احتیاجندن بسبتون
 قورتارارق و بوریلر واسطه سیله اماکن میریه یه صو اجرا ایتدیره رک
 و مملکت داخلنده متعدد چادروانلر ایله چشمه لر یابدیرارق بو یوزدن
 بهر سنه بیکلرجه کلکده اولان حجاج مسلمینی نیجه بیک مشقته
 بر ابریق صوبی بکرمی پاره یه آلق کلفتندن قورتارمشلردر . مکه
 مکرمه دین مبین اسلامک کهواره انتشاریدر ایکی جهان سروری

فخر کائنات افدمن اک اول بوراده تبلیغ احکام رسالته مأمور
بیوریلوب اظهار اسلامه باشلا دقلرنده اون سنه قدر علی التوالی
وقوعات طاققرسای اعدایه سنه کذار تحمل اوله رق نهایت
وقوعبولان دعوتلری اوزرینه میلادک التیوز یکریمی تاریخنده اسلامه
کلنر ایله مدینه منوره یه هجرت بیورمشلر ومکه لیلر بوراده دخی
راحت ویرمیوب آرد صره مقاتله دخی ایلدیلر سده کون بکون اکتساب
فروتاب ایتمکده اولان جمعیت مقدسه اسلامیه یه قارشو اولکی کبی
بر ضرر ایقاعنه قدرتیاب اوله مدقلرندن ناچار مصالحه ایتمشلر ایدی
میلادک التیوز یکریمی یدی یعنی هجرت نبویه نك التجی سنه سننده
(فخر کائنات) افدمن حضرتلری زیارت حج شریف ایچون بیک
درتیوز اصحابله جوار مکه یه قدر تشریف آور اولدقلرندن لاجل
التأمین حضرت (عثمان) رضی الله عنہی ایلو کوندروب فقط
مکه لیلر مشار الیہی حبس ایتمکقلرندن افدمن تحت شجره ده اصحاب
گرامیله بعد المشاوره درون شهره حرباً کیرلسنه قرار ویرملری
اوزرینه مکه اهاالیسی انجام حاله عطف نظرله هزار اعتذارده
بولنه رق تجدید مصالحه یه رغبت کوستردیلر انحق ایکی سنه صکره
یعنی میلادک التیوز یکریمی طقوز وهجرتک سکر تاریخنده تکرار نقض
عهده اجتسار التلریله حضرت رسالتناه افدمن اون بیک کشیله
عزیت ایدوب ویردکلری تأمینات شفقتپرورانه اوزرینه جزئی
بر محاربه ایله مکه یه داخل اولدیلر . حرمین شریفین خدمت مفتخره سی
دولت علیه عثمانیه یه میلادک بیک بشیوز اون یدی وهجرتک طقوز
یوز اوتوز اوچ تاریخنده سلطان (سلیم خان) حضرتلری زماننده
انتقال ایتمشدر .

« موسى » مولد موسى عليه الصلاة والسلام - موسى عليه السلام لاوى ذريتدن ظهور ايدوب پدرلىرى عمران بن يصره ووالده لرى لوخا خودبو خيذبت هانه در فرعون بنى اسرائيل ذريتدن بريغمبر يديله هلاك اوله جفتى كاهن و منجملرندن خبر المسى اوزرينه يكي طوغان بنى اسرائيل اولادلىرىنىك اعدامنى امر ايلديكي بر زمانده يعنى ميلادك بىك يديوز بكرمى بش سنه مقدمده ارض جاسانده (تائيس) قصبه سنده دنيايه كلوب والده لرى بر مدت كيزلش ايسه ده شايد ايلروده فرعون خبردار اولورده بر مضرت طوقور خوفندن ناشى چوجنك حفظ آلهى به تسليتى دها اولى بوله رق نيله آتمغه قرار و يرمشدر نتكم حق تعالى بيورير « فاذا خفت عليه فالقيه فى اليم » يعنى قورقدىغك وقت انى دكره آت بوراده دكردن مراد نهر نيلدر اشبو قرار اوزرينه (موسى) عليه السلامك والده لرى قبطى بر نجار يانسه كيدرك بنى اسرائيل ظنيله كيفيتى تفصيلاً افاده و بيان ايدوب بر محكم صندوق مبايعه ايلد كد نصكره خانه سنه عودتله چوجفى بو صندوق ايچنه وضع ايله نيل مبارك آقديسنه صاليو يرمشدر . (قبطى نجار بو حالى خبر و يرملك ايچون در حال دكاننى قبايه رق فرعونك موكلارينه كيدوب مسئله يي حكايه ايده حكي صره ده من طرف الله دلى طوتلش اولديغندن مرامنى اكلاده ميه رق مايوساً عودت اتلش ولسانى دوزلش اولمغله تكرار فرعونك موكلارى نزدينه كيتش ايسه ده بو سفرده لسانيه برابر كوزلرى دخى كور اولش اولديغندن هچ بر وجهله مرامنى اكلا تمغه موفق اوله مدينى جهته بتون بتون مايوس قاله رق عودت و يولده بر دريه دوشرك لسانيه كوزلرى آچلش اولمغله بو حالدن متخير قاله رق فرعونك

هلاكنه سبب اوله حق بو اوغلان (موسى) عليه السلام اولديفنه
عين القين حكم ايتكله هان مذكور درده جناب كبرياه سجده
شكران ايدرك حضرت (موسى) عليه الصلاة والسلامك نبوت
زماننده كندوسنه ايمان ايله خدمتنده بولتخلق شرفه نائل اولسنى
نياز واسترحام اللشدر نيكم قرآن عظيم الشانده و قال رجل مؤمن
من آل فرعون ، بيورمشدر .)

او ائنانده فرعونك زوجهى آسيه ايله كريمهى وبر طاقم جاريه لر
نيك كنارنده يقانمقده وفرعون دخى تحتده بولرى سير ايتكمده
ايكن اوزاقدن بر صندوق كلور اولديفى كوردكلرنده قايقار واسطه سيله
مذكور صندينى نيلدن چيقاردوب قباغنى آچدكلرنده درونسيده قر
مثالى حضرت (موسى) عليه السلامى كوردكلرى آنده من طرف الله
جهلهسى بردن قلباً محبت حاصل ايدرك وصندوقدن چيقاره رق فرعون
سراينه كتورديلر (موسى) عليه السلام بو وجهله فرعون سراينده
بيومشدر لكن والدهسى لوخاهر نصلسه سود آنا صفتيله حضرت (موسى)
عليه السلامه باققده اولديفندن عن اصل هانكى ملته منسوب اولديفى
اوكرغشيدى بنى اسرائيلك مصريلردن چكدكلرى اذا وجفادن
نائى بك زياده مضطرب اولوب حتى بر كون بر اسرائيلى بي تحقيق
ايدن بر مصرى بي قتل اللش ايدى (موسى) عليه السلامك بو
مئللو طور وحركاتى فرعون سراينده كاهنك شبيهه لر بى دعوت
اللش اولديفندن اراتق مصرده دورمهسى جائز اوله ميه جفى
يقيناً يلكله (مدين) طرفلرينه عزيزته قرار ويره رك هجرت
اللشدر .

« موسى » هجرت موسى عليه الصلاة والسلام - موسى عليه

السلام افدمز حضرتلری عن اصل بنی اسرائیل طائفه سندن اولدیفندن فرعون ومصریلرک بنی اسرائیله ایتمکده اولدقلری اذا وجفایه صبر وتحملی قالیوب وفرعونه ایسه بنی اسرائیلدن اولدیغی بیلدیرمک ایسته مدیکندن آچقندن آچقه طائفه اسرائیلیه یاردم ایتمکدن عاجز قالمشیدی . حضرت (موسی) علیه الصلاة والسلام افدمز حضرتلری بر کون فرعونک سراینه کله رک سؤال ایلدکده ایکی فرسخ بعد ومسافه ده کائن (منفس) شهرینه عزیمت ائتیش اولدیغی خبر المسیله آتیه بنوب شهر مذکوره عزم راه ایلدی اولیه وقتی شهره دخول ائتیش ایسه ده عادت بلده ایحسانجه اهالی بلده وقت مذکورده خانه لرینه چکیله رک بر ایکی ساعت استراحت لرله مشغول اولدقلرندن هیچ بر کسنه یه تصادف ایتیموب یالکز بر قبطینک طائفه اسرائیلدن برینی جبراً ایش ایشلمک سوق ایلدیکنی کوردکده واسرائیلی ایسه حضرت موسی دن مدد طلب ائلمک باشلا دیغنده (موسی) علیه السلام اسرائیلک صالیورلمسنی قبطییه اخطار ائتیش ایسه ده مرقوم اصلاً اصفا ائلمدیکندن حضرت (موسی) درت پرمغیله قبطینک کوکسندن درتمسیله اول انده بره دوشرک جان ویرمش اولغله اسرائیلی بو یوزدن قورتلوب کئمشدر . حضرت (موسی) علیه السلام بر جهندن اسرائیلک بو بلیه دن قورتلدیغنه ممنون قالمش ایسه ده دیگر جهندن قبطی بی اولدیردیکنه نادم ویشیان اولدیفندن جناب رب العالمیندن استیغای قصور ایتمشدر . بو حال فرعونه خبر ویرلمسیله قبطی بی اولدیرانی آرایوب بولقی ولایمکلان جزایی ویرمک ایچون فرعون طرفندن صادر اولان

امر موجب مملکتک هر طرفه عسکر جیقارلش ایسه ده قبطینک
قاتلی بوله مامشدر . فرداسی کون اولکی کون قورتارمش
اولدینی اسرائیلی دیگر بر قبطینک ایش ایشتمکه کتورمک ایچون
ضرب وتنکیل ایدر اولدیتی کورنجه حدته کله رک اسرائیلی به
خطاباً سن نصل آدمک دونکی کون سنی قورتارمق ایچون قضاء
بر قبطی بی اولدیرمش ایدم دیملسه اسرائیلی دونکی کون اولدیرمش
اولدینک قبطی کبی بو کونده بنی اولدیره جکسن انسانلره لازمکلان
تألیف بین ایتکدر بو سوزی قبطی ایشتمکده دونکی اولان قبطی بی
(موسی) علیه السلام اولدیرمش اولدیتی اکلامغله اوراده
اسرائیلی بی ترک ایدرک کیفیتی خبر ویرمک ایچون در حال فرعون
تزدینه کتمشدر فرعون بو حالدن خبردار اولنجه (موسی) علیه
السلامک اطوار وحرکاتیله کاهن ومجملرک ویرمش اولدقلری
معلوماتدن ذاتاً نمون قالمدینی جهتله بونی وسیله عد ایدرک
وجودینک اورته دن قالدیرلسی ایچون ویرمش اولدینی امر شدید
اوزینه طرف طرف حضرت (موسی) علیه السلامی آرامقده
اولدقلری واولجه حضرت (موسی) نک نبوت زماننده اکا ایمان
ایتمک وخدمتمده بولتیق شرفه نائل اولمق ایچون دره ایچنده جناب
واجب الوجود حضر تلرندن استرحام ایتمش اولان قبطی بوایشه
خبردار اولور اولمز (موسی) علیه السلامی بولوب کیفیتی بیان
ومصدر دن هجرت ایلسی لزومنی در میان ایتمکه حضرت (موسی)
علیه السلام کمال درجه خوفندن شهره اوغرامقسزین منفیدن
جیقوب خالق حقیقی به صفه رق حیوانتی چولک بر طرفده واقع
اورمانک ایچندن کیدن یوله طوغری تهرک حرکت ایشتمدرکه

اشبو کیندیکی یول حضرت (شعیب) علیه الصلاة والسلام اقد مزك
بولندی (مدین) یولدر . (موسی) علیه السلام بو وجهه یوله
دوام ایدرك مدین مملکته مواصلت و (شعیب) علیه السلام ایله ملاقات
بیوردقدن وارادن بر از مدت کچد کدنصره مقتضای اراده الهیه
حضرت (شعیب) علیه السلام بیوک کریه لری (صافورا) بی تزوج
ایدرك داماد اولدقدن و قرق سنه برلکده آرام بیوردقدنصره خلقتك
اوجیک طقوز یوز قرق طقوز تاریخنده یعنی میلادك بیک التیوز
قرق بش سنه مقدمده آبا واجدادینی کورمك اوزره قاین پدرلری
(شعیب) علیه الصلاة والسلام حضرتلردن استحصال رخصت ایدرك
واهلله قیونلرینی آلهرق مصر طرفه عودت بیورمشلردر .

«موسی» نبوت موسی علیه السلام - موسی علیه السلام
قاین پدرلری (شعیب) علیه السلام ایله قرق سنه برلکده قالدقدنصره
ابوینی کورمك اوزره استحصال رخصته اهلنی و قیونلرینی آلوب
مصر جهته حرکت ائلشدر محل مذکوردن بش کون آیرلقدنصره
اقسام اوزری طوری سینانك ائکنه مواصلت ایدرك اولکجه بی
اوراده کچورمك اوزره چادرلرینی قورمش ایدی هوانك غایت
صفوق اولسی مناسبته آتش یاقوب ایصنق اوزره هر قدر چاقنی
چاقش ایسه ده بر درلو آتش آلمدیغدن زیاده سیله جانی صقیلهرق
ملول و مکدر اولهرق اشاغی و یوقاری طولاشقده اولدینی حالد
طاغدن یانه نظر ایلدکده کجه اولسی مناسبته اولطرفه
یاغقده اولان بر آتشك علوینی کوردکده زوجه مطهره لری
صافورایه خطباً شو طاغده بر آتش کوردم هم براز آتش
کتورهیم و همده اول آتشك یاننده بولانلردن یولی سؤال

ایدهم دهرک وعصاسنی الیه آلهرق طاعه جیقمغه باشلدی آتسه
یقلاشجه ظن ایلدیکی کی آتش اولیوب بر اغاجک رأسندن چیقان
بر علو اولدیغی کورمکله (روایتہ نظراً اشبو اغاج بوکرتلن
اغاجدر) قلبه دهشتلی بر قورقوکلیمکله کلدیکی محله عودت بیورمق
اوزره ایکن (یاموسی انا الله رب العالمین) خطاب عزتی
(موسی) علیه السلام ایشیدنجه وحی الہی اولدیغی اکلامغله درحال
سجده شکران ایدرک جناب واجب الوجود حضرتلرینه تشکراتی عرض
الیمکله باشلدی (بولدینی محله طورسیناده جبل حوریب) دیرلر
بو وجهله محل مذکورده خطاب عزت شرفه نائل اولهرق طرف
باریدن کندوسنه نبوت وحین حاجتده استعمال اولنق اوزره بر قاج
معجزه دخی احسان بیورلمشدر . (موسی) علیه السلام حدید المزاج
وہلک اولدیغندن حدتنک صبرہ ولساننک فصیح الکلام اولهرق تکلم الہسنی
حق سبحانہ و تعالیٰ حضرتلرندن استرحام ایتیمکله مشار الیہ حضرتلرینک
اشبو استرحامی واجب الوجود حضرتلری نزدندہ مظهر قبول
بیورلدینی کبی فصاحت و بلاغتہ شان و شرف قزاغش اولان برادری
(هارون) علیه السلام دخی طرف الہیدن منصب جلیل نبوت الیہ
رفاقتہ تعین بیورلمشدر (موسی) علیه السلام عزت و برکتہ اول محل
مبارکدن عودتہ سحر وقتی اولدقلری محله کلدکده هنوز اویومیوب
بکلمکده اولان حرم محترملری صافورا حضرت (موسی) علیه
السلامی کوردیکندہ شمدی بہ قدر زہدہ قالدیغی ونیچون آتش
کتورمدیکنی سؤال ایدنجه مشار الیہ حضرتلری سکا نار یرینہ نور
کتوردم دهرک کیفیتی بر تفصیل صافورایہ بیان ایتیمکله جملہ سی دلشاد
اولدیلر . صباح اولنجه اہلنی وقویونلرینی قائن پدرلری (شمیب) علیہ

السلام زدينه کوندرديکي کي کيندولري دخي امر الهيهي يرينه
کتورمک اوزره مصره عزيت بيورديلر حضرت (موسى)
عليه الصلاة والسلام ابتدا خانه سنه کيدرك پدرندن ماعداسني
حياتده بولمش ايسهده مصردن انفکاکي بر خيلي زمان اولديني
ايچون والده سيله همشيره سي وقرنداشي هارون (موسى) عليه
السلام طانيه مدقلى اجلدن اول امرده مسافر نظريله باقهرق
بالاخره کلانندن حضرت (موسى) اولديني اکلامش اولدقلرندن
جهله سي دلشاد اوله رق بو قدر زماندر ديار غريبنده قالد ينگک اسباب
موجه سني مشار اليه حضرتلرندن سؤال ائلريله اول دخي ماجراي
تفصيلاً حکايه و طرف الهيدن کندوسنه وقرنداشي (هارون)
عليه السلامه نبوت احسان بيوردليني تبشير ايتمکله حضرت
(هارون) کال درجه نمون اوله رق سمعنا واطعنا ديه رک علي
الصباح ايکيسي بردن فرعون ومصريلره تورات شريفک احکام
شرع سني تبليغ ايله خلقي دين موسويه دعوت ائلمکله مباشرت ايلديلر
حضرت (موسى) عليه السلام فرعونه بر مدت تلقين دين وپک چوق
معجزات کوستردیکی حالده اهالي قديمه دن برى نسا وديکري (موسى)
عليه السلامک صنديني اعمال ايدن قبطي نجاردن ماعدانه فرعون
ونه ده مصريلره ايمان نصيب اولمديغندن واهالي مذکوره نک بنى
اسرائيل اوزرينه ظلملى کونندن کونه ترايد ايلديکندن امر الهى
ايله برکجه کافه بنى اسرائيل خفيف اشيا لري يانلرنده وحمير تکنلري
صرتلرنده اولديني حالده قالد يروب برادر (هارون) عليه السلام ايله شرق
جنوبى جهته توجيه ايلدى بحر قلزمى نامى قديمى (سينوس عرابيکوس)
يعنى بحرا حمري نام قديمى (ماره روسو) ايکي ساعتده کچدکلرنده بنى

اسرائیل را غرزدن جناب حقہ تشکر ایلدیلر مشارالیه حضرتلری امتنک
دها ایلرویه کتیبوب فرعونک و مصریلرک حاللریخی کورملری ایچون
طورملریخی امر الئسی اوزرینه طاقه اسرائیل وجه مشروح اوزره
حرکت ایدرک فرعون و مصریلرک حرکتلرینه انتظار ایتمکده لرایکن
فرعون ارقلرندن عساکر کلیه ایله یتشهرک اون ایکی بلوک اوله رق
دیوار شکندده بحر قلزمک آیرلش اولدیفنی کورنجه کندوسنه
بردهشت کله رک دورمش و بواشه متحیر قالمش اولدیغدن یانده
بولتان ندیملرندن هامان نام خیت حاشا موسی سحر بازلیله بودرده دن
کچدیکی حالده تکریم کله ندن کچه میورسن دیمسبله فرعونه جسارت
کله رک و حیوانی بحره طوغری سورده رک معیتی موجودیله بحر
مذکورک اوته باشندن حقیقه جفی ائناده بحکمة الله تعالی بحر قلزم اسکی
حاله عودتله جمله سی بردن غرق و تلف اولملارد .

« موسی » وفات موسی علیه السلام - بحکمة الله تعالی
(موسی) علیه السلام قومی و برادر (هارون) علیه السلام ایله
وادی کنعان حدودی جوارنده صحرای تهده قالملری لازمکده یکنندن
محل مذکورده اقامت بیوردقلری مدته قومی غزایه دعوت ایدرک
ارض کنعانی ضبطه تشویق ایدوب جوارنده اولان عمور و پاتی
اراضیسندن برخیلی یرلر آلدی و صکر (نبو) طاغی اوزرینه چیقوب
ارض کنعانی تماشایلدی مدت اقامتلرینک یکریمی یدنجی سنه سی
برادر (هارون) علیه السلام و اوتونجی سنه سی (موسی) علیه
السلام (یوشع) علیه السلامی رینه خلیفه تعین ایتدکده نصکره وفات
ایدوب نعشی (فاعوره) یه نقل و دفن اولندی بر روایتده حضرت
(موسی) نک زرده اولدیفنی مجهولدر . هجرت نبویه دن ایکینک

ایکیوزیدی سنه مقدم بنی اسرائیل قومی اوکلرنده ملت قهسیله
 سائر علامات مقدسه اولدینی حالد (یوشع) علیه السلامک تحت
 امرنده اولهرق اردن نه رینه موصلتلرنده مذکور نه رک صوبی
 چکیلوب بنی اسرائیل قومی ارض کنعانه یا بلشلردر وادی کنعانه
 داخل اولمز اول بنی اسرائیل اردن نه رینک شرق طرفنده
 بولسان مملکتلری دخی فتح ایدرک اک زیاده وادی موعوده کیرمک
 ایچون تشویق ایتمکده بولان (روبیل) و (جاد) سبطلریله (مناساه)
 سبطنک نصفنه ترک ایتمشلردر . اردن نه رینی تجاوز ایدوب ارض
 کنعانه ایاق باصلدینی کون سمان نازل اولان مائه کسلمشدر .
 بو وجهله ارض مقدسه داخل اولش اولان بنی اسرائیل یواش
 یواش ارض مذکور ی فتح ایدرک آنی قرعه ایله اون ایکی سبطه تقسیم
 ایتمشلردر لاوی سبطنه اراضی ویرلیوب کافه محصولاتک عشری
 ترک ایدلشدر .

« موسقوا » - وولغا نه رینک صاغر فنده معمور وجسم
 بر شهردر و قیله روسیه قرالرینک پای تختی اولدیفندن ایوم
 مقدس و پای تحت ثانی طانمقدهدر نفوسی التیوز بیک نفره بالغ
 اولور مملکتک دائره محیطی تخمیناً یتمش دوت بیک ذراع ایمش . میلادک
 بیک سکز یوز اونبر و هجرتک بیک ایکیوز یکر می یدی تاریخنده فرانسر
 ایمراطوری (بوناپارت ناپلیون) سمولنسق و موسقوا محارباتی قزانوب
 روسیه یی فنا حالد مغلوب ایتد کد نصکره موسقوا شهرینه دخی کیرمک
 استدیهده والی بولان ذات همان شهری احراق ایدرک چکلمکله بوناپارت
 ایچقنده قالدی و حین رجمنده عسکرینک چوغی صفوقدن تلف اولدی
 موسقوا ولایتی برملیون التیوز سکسان بیک نفوسی حاویدر .

﴿ حرف ن ﴾

« نابلس » - یاخود (نه اوپولیس) نام عتیقی شخیم درکه
 اوروپالولر بوکا غلط اوله رق سیشم دیر لر بو شهر بک اسکیر
 حضرت (سلیمان) علیه السلامک وفاتیه اوغلی (رخعیم) جلوس
 ایلد کده اون ایکی سبط خلقدن اون سبطی آیریلوب (یور بعام) نامنده
 برینه بیعت ایتمشیدی اول وقت مرقوم یور بعام اشبو نابلسک اولدینی
 محله یعنی سامریه نك جنوبنده و غاریزم طاغی جوارنده بر شه - بنا و پای
 تحت اتخاذ ایدوب استخی (شخیم) قویدی و نیجه زمان صکره خراب
 اولوب اک صکره رومالولره انتقالنده ینه اعمار وروما صکوچلرینه
 تخصیص ایدلدی . شهر مذکور شام شریفک غرب جنوبیسنندن
 ایکوز کیلومترو بعد و مسافه ده در . یدی بیک اوچیوز طقسان طقوز
 نفوسی حاوی اولوب بونلردن ایکوز قرق التیسی عیسوی اون اوچی
 یهودی و سکسانی سامری و باقیسی اسلامدر . بیک اوچیوز سکسان طقوز
 خانه ایله یدیوز اوچ دکان و مغازه و سائره . کوچک و بیوک اون درت
 جامع ایله درت کلیسا و ایکی حورا واردر . شهر مذکور الیوم سوریه
 ولایت جلیله سی داخنده سنجاق مرکزی اولوب غایت معموردر .

« نادر شاه » - طهماسب قولی خان که عجم شاهیدر میلادک
 بیک التیوز سکسان سکر و هجرتک بیک یوز تاریخده مشهدده طوغدی
 بو ذات عادی بر اصناف اولدینی حالد صکره بر طاقم جمعیت
 پیدا ایدرک سرکشکه باشلا یوب میلادک بیک یدیوز یکر می ایکی
 تاریخده بعض اختلالاتدن بالاستفاده فرقه سیله خراسانه کیردی
 و مؤخرأ (حسین) شاهک اوغلو (طهماسب) شاهک خدمتی قبول

و میلادك بىك يديوز يكرى طقوز تاريخنده اصفهانی ضبط ايدرك اقتدار و اداره بي يد انحصارينه الدي و عثمانيلره يكدىكرى متعاقب مغلوبيتى اوزرينه آرباس چايك صول جهتي ترك ايله مصالحه محبور اولدى و بر مدت صكره عثمانيلرى مغلوب و طهماسبى خلع و برينه سكر آيلق چوجق اولان اوچجى عباسى اجلاس و ميلادك بىك يديوز اوتوز درت تاريخندن بىك يديوز اوتوز التى سنه سنه قدر عثمانيلره قارشى شائلى محاربه لر ايندى نهايت مرقوم عباسك وفاتى اوزرينه ميلادك بىك يديوز اوتوز التى و هجرتك بىك يوز قرق طقوز تاريخنده نادرشاه عنوانيله تخت ايرانه كچوب ايران حاجيلرينه رنجيده اولخامق و عجم اسيرلى النوب صائلامق و سائر بعض شرائطله دولت عليه بي مصالحه راضى ايتد كد نصكره افغان عليه دخى يوريوب قدهارى و ميلادك بىك يديوز اوتوز طقوز تاريخنده دهلى و كالمى استيلا ايدرك بر چوق مال غنائمه عودت ايلدى انجق محاربات متماديه سبيله ضعيف و زبونلكدن بيتاب اولان عجملر كندوسندن متفر اولد قلرندن ميلادك بىك يديوز قرق يدى و هجرتك بىك يوز التمش تاريخنده كردلر عليه ياپدينى بر سفرده امراسى طرفندن قتل اولدى .

« ناصره » - شام شريفك غرب جنوبيسندن يوز قرق بش و عكانك شرق جنوبيسندن اوتوز كيلومترو بعد و مسافده واقع اليوم سوريه ولايت جليله سى داخلنده عكا سنجاغنه تابع بر قضا مركزيدر . بشييك بشيوز سكسان طقوز نفوسى شامل اولوب بونلردن بىك بشيوز سكسان يديسى عيسوى بشيوز التمش بشى موسوى و قصورى اسلامدر بىك بشيوز قرق يدى خانه و ايكوز التمش ايكي دكان .

خان . مغازه وسائره و طقوز عدد كوچك و بيوك جامع ايله اوج مدرسه واون ايكي كليسا و ايكي حورا واردر . حضرت (عيسى) عليه السلام مقتضاي اراده الهيه اوزره مصردن عودتنده بوراده وحي ايتمهك باشلامشدر . عيسويلره نصراني اطلاقي دين عيسانك بو قريه دن طهورينه مبتيدر . بوراده لاتين كليسامي دروننده سيدنا (مريم) عليها السلام حضرتلرينك مسكن شريفلري ايله (يوسف) نجار عليه السلامك محلي دنبلان افق كليسا شكلنده زيارتكاه و (عزيز) و (لوط) و (يونس) عليها السلام حضراتنك مقامات عاليه لري واردر .

« غرود » - كوش بن حاكم اوغلي سدر آتوريلرك آتور ياده حكومت ايتديكي زماننده بو دخی حبشستاندن ارض كلدانه كلوب بابلونيانك كلدانك برنجي پادشاه و قاضي اولدي . مومي ايله تاريخ خلقنك ايكييك ايكيوز سكسان بش ياخود ايكييك ايكيوز اتوز تاريخنده يعني ميلادك اوچيك اوچيوز اتوز سنه مقدمنده اجراي حكومت ايتديكي و بابل . و قلاش . و شاني . و رس . شهر قديملرينك باني سي ايدوكي ظن اولنيور . بر روايتده باباي كوش دخی حكومت ايتمشدر غرودك نبوته قائل اولنلرده واردر . اشبو غرود لفظي مؤخرأ بر عنوان حكمنه كيروب اخلاقنك اكثريسي قبول ايتديلر . غرود ابراهيم دخی انلردن بريدر .

« نوح » - عليه السلام انبياي عظامدن اولوب (آدم) عليه السلامك ذريتي زمان سعادتلرينه كنجه يه قدر چو غالوب ير يوزيخي اعمار ائلس ايدى و مرور زمان ايله حق تعالى حضرتلريني اونوده رق حق يولندن صابمشلر ايدى . هر قدر حق يولنى شاشمرمش اولان نبي آدمي طريق سلامتة دعوت ايجون جناب

واجب الوجود حضرتلری طرفندن ییغمبرلر ارسال اولمش ایسه ده
 انسانلر نائل هدایت اوله مامشلردر بونک اوزرینه جناب خالق حقیقی
 حضرتلری دخی عاصیلری قهر و تشکیل ایشمدر . بنی آدمک یر یوزدن
 غائب اولماسی ایچون (نوح) علیه السلامه هر بر مخلوقدن برر جفت
 آلمسنى حقندن واقع اولان مراد الهی تبلیغ اولمشدر حضرت
 (نوح) او آمر الهی بنی اجرا ایندکدنصره طوفان واقع اولمشدر .
 قرق کون قرق کچه شدتلی یغمور دوام ایدرک دره لر ایله دکز لر
 طغیان ایش طافعل طافعل صواتنده قالمشدر . حضرت
 (نوح) انشا ایندیکی سفینه اوزرنده بولنانلرک ماعداسی کافه غرق
 وتلف اولمشلردر . روایت کوره صویر یوزنده یوز الهی کون قدر
 طور دقدنصره چکلمشدر وقوعات مذکوره هجرت نبویه دن
 اوچیک درت سنه مقدمدر . حق تعالی حضرتلری حضرت
 (ادریس) دن صکره ابتدا حضرت (نوح) ییغمبر بعث بیوردی الهی
 یاشده مبعوث اولوب روایت کوره طقوز یوز الهی سنه قومی
 ایچنده دعوتله مشغول اولدینی حالدیه بو مدت ایچنده تجدد ایدن
 اوچ قرن اشخاصدن انحق جزئی مقداری ایمانه کلوب قصوری
 عناد کفریلرنده دوام واستمرار ونی مشار الیه حقنده درلو درلو
 ادبسالکله اجتناسار ایلدیلر . بو جهته حضرت (نوح) علیه
 السلامه انسال بشریه نیک ایتکیدی ابو البشر دیرلر حضرت (نوح) ک
 حام . سام . یافث . اسنده اوچ مخدومی اولوب روی زمینی اعمار
 واسکان ایدن اقوام بونلرک ذریتلریدر . حامک بر قباحی اوزرینه
 پدری طرفندن حقنده بد دعا واقع اولمش اولدیفندن نسلی
 زنجیه قره اولمشدر حضرت نوحک ذریتلری دنیانک هر طرفه

بایلوب بر طاقم حکومتلر تشکیل ائللرلر و آز مدت ائچنده خلی غلبه لك حاصل اولمشر .

« نوشروان » - ساسانیان دن عجم شاهیدر . میلادك بشیوز اوتوز بش یاخود بشیوز اوتوز برنده پدری قبادك یرینه جلوس ایتدی ایرانك اك بیوك حکمدارلرندن بریدر اداره امورى درعهده ایدن نوشروانك برنجی حرکتی مذدك مذهبه بولنانلری قتل ایله مذهب مذکورى کلیاً قالدیرمق ایدی . بو وجهله داخلی قاریشقلقلرك اوکی الندقدنصكره شرقی امپراطوری بیوك (بوستینانوس) . اعلان حرب ایدرك متبادیاً اون سنه اوغراشمق شرطیله سوریه و الجزیره قطعهلرینی كاملاً ضبط ایتمش و بوستینانوسى سنوی اوتوز بیك التون اعطاسنه مجبور ائلمشر (نوشروان) عادل و معارفور بر حکمدار ایدی و امنیت داخله بی اعاده ایتدیکی کبی اهلینك اخلاقی دخی اصلاحه غیرت ایدر ایدی و بونك ائچون حکمایى هر طرفدن جلب ایدرك آثارینی نشر ایتدیرر ایدی از جمله هند آثار ادبیه سندن (کلیله دمنه) یعنی هاپوننامه بی ترجمه ایتدیرمش ایدی . حضرت فخر رسالت اقدمز نوشروان دورنده دنیاه تشریف بیورمشردر .

« نینوس » - آتوریا حکمدارلر ننددر خلقتك درتیک ایکوز طقسان درت تاریخنده یعنی بابیلونیا قرالیتی نینوه حکمدارلنی ایله توحید ایدن پدری (بلوس) . خلف اولمسی اوزرینه عربلرله اتفاق وارمنستان حکمدارینی خراجگذار و مدیایى و باقترباه قدر اولان بتون آسیایى ضبط ایدوب مؤخرأ جنراللرندن برینك قاریسی اولان (سمیر امیس) ك یاردمیله باقترپانی دخی قبضه تصرفه

بکچور مکه مزبور بی تزوج و نینوه بی توسیع ایله کندو نامی اکا اعطا یعنی نینوه نسبه ایلدی . سیمرامیس معرفتله نسیم ایلدیکی ظن اولنور مومی الیهک میلاددن بیک طقوز یوز التمش سکر سنه مقدم کلدیکی و پدری بلوسک ایکوز التمش سنه دنبرو مالک آتوریه ده سلطنت سورن عربری طرد ایلدیکی دخی روایات تاریخه دندر .

« نینوه » - قدیم اسیاده بر شهر در آتوریه قرالیتک کرسی اداره سی ایدی نینوه پادشاهلنی دخی دینور دجله نك طرف یساری اوزرنده و بایلو نیانك شمالدن در تیوز کیلومتر و بعد و مسافه ده واقع اولوب قرق بش کیلومتر و محیطی وار ایدی و تمش مترو ارتفاعنده قله لرله مستحکم بر سور ایله محاط اولوب التمش بیک نفوسی حاوی ایدی خلقتك ایکیک طقوز یوز الی درت یعنی میلادك ایکی بیک التیوز قرق سنه مقدمنده آتور طرفدن تأسیس و خلقتك درت بیک اوچیوز اون طقوز تاریخنده یعنی میلادك بیک ایکوز تمش بش سنه مقدمنده شهره کندو نامی ویران نینوس طرفدن توسیع ایدلمشدر عظمتی و فساد اخلاقی خرابه بادی اولان و میلادك التیوز یکر می بش سنه مقدمنده قسماً هدمنه قالقیشان برنجی نابو پولاصر و سخسار طرفندن دخی ضبط اولنمشیدی یدنجی عصرده عربلرک فتوحاتنه قدر موجود ایدوکی دخی روایت اولنور . میلادك بیک سکر یوز قرق اوج و هجرتك بیک ایکوز الی طقوز تاریخنده فرانسه لی شارل بوت نام کیمسه موصلک یکر می کیلومتر و شمال شرقیسنده تحت الارض نینوه نك خرابه سنی بولوب خیلی آتیقه لر چیقارمشدر .

﴿ حرف و ﴾

« وهابی » - علماي خايله دن نجد قطعه سنده کسب نفوذ ایتمش

بر کیمسه نك شهرتيدر اصل اسمي محمد طاميدر ابداع ايلديكي
 معتقدات باطله يي نشر وباشنه عشير عربانندن بر چوق آدم لر جمع
 ايدرك اكثر اقطار حجازيه يي تهديد و خراب و ميلادك بيك سكر يوز
 اوج و هجرتك بيك ايكوز اون سكر تاريخنده مكه مكرمه يه كيروب اهايلدن
 اللهك دوسلريله دوست دشمنلريله دشمن اولق اوزره بيعت
 آلدق دفسكره و جناب حقه تشكر ايدر مكه سزي اسلامه هدايت
 و شر كدن خلاص ايتدم زمينده بر خطبه اوقود دفسكره شرب
 خمر و زنانك حرام اولديقي و جماعتك تكرري و مؤذلك صلاه
 و سلام كتورمسي و چوق و ناركله ايجلمسي ممنوع ايدو كني تفهيم
 و اشراب ايلدي و حرم شريفه كي نلردن دخوله آلدی و مقابر
 متبركه يي كاملاً هدم و مذهبي قبول ايتمانلردن بر چوق آدمي
 اعدام ايتديردي و اوج سنه صكره مدينه منوره ده دخي مذهبي
 اعلان ايدوب مقام متبركه يي هدمه باشلاديني صروده روضه مطهره يي
 دخي يقمق استديسه ده اهالي بك چوق رجا ايلدكلرندن يالكز اتني
 براقدي و اوج سنه حجاج شام شريفدن ايلرو كيده ميوب عوده
 مجبور اولدي اخيراً بني ميلادك بيك سكر يوز اون اوج و هجرتك
 بيك ايكوز يكرمي سكر تاريخنده مصر واليسي مرحوم (محمد علي)
 پاشا طرفندن قوه حربه ايله جمعيتلري تدمير و خطه حجازيه لوت
 چركاب تسلطلرندن كاملاً تطهير ايلدي و اومسرده طوتيلان
 رئيسلري عبدالله بن سعود عونه سيله برابر در سعاده اعزام و اعدام
 اولندي (وهاب) نجد قطعه نك جنوب غربي سنده و (عماريه)
 سلسله جبالنك جهت شرق سنده برولايتدر .

﴿ حرف ه ﴾

« هابل » - حضرت آدمك ايكنجى اوغلويدر . قرنداشى قابلدن بر سنه صكره دنيايه گلش ويوز يكرمى التى ياشنده قتل اولغشدر .

« هرات » نام قديمى (آريا) - افغانستانده مستحكم بر شهر اولوب (سينه روى زمين) ياخود (خراسان شرقى) دبرلر (هرات) ايلاتك مركزيدر . وكابلگ شمال غربي سندن التيوز قرق كيلو مترو بعد ومسافده وبر بيوك صحرا اورته سنده واقع ويوز بيك نفوسى جاممدر بر چوق بازارلرى وجامعلرى وكاربان سرايلرى وحاملى واقشه حريره وقطيه قابريقه لرى و شال وحالى وگل ياغى اعمالاتى واردر وتيجارتى غايت جسيدير . هراتك اسكندر رومى زماننده موجود ايدوكنى تاريخلر بيان وادعا ايتكمدهدر . اسپانك تملكى بيلرنده منازع فيه طوتان مختلف حكمدارلر جوراسنى تخريب ايتشلردر ميلادك بيك يوز اللهى وهجرتك بشيوز قرق بش سهندن ميلادك بيك ايكيوز يكرمى وهجرتك التيوز اون يدى تاريخنه قدر مقر اتخاذايدن غوريلى ومؤخراً جاكيز وتيمورلك وعجملر ضبط ايدوب ميلادك بيك يديوز اون بش وهجرتك بيك يوز يكرمى سكر تاريخنده افغانلر بونلردن الديلر وميلادك بيك يديوز اوتوز بر تاريخنده نادر شاه الديسده اون سكر سنه صكره افغان حكمدارى (احمد) شاه تكرار استرداد ايلدى .

« هارون » عليه السلام - حضرت (موسى) فك برادريدر . (موسى) عليه السلام مدينه بولندينى مدتجه مشار اليه مصرده

(لاوی) قبیله سی ایچنده قالوب صکره جمله سی بنی اسرائیل ایله برابر چیقمش و مؤخرأ حضرت (موسی) طرفدن تپهده انشا ایدیلان قبة الشهادة مک کوهن اعظم لقیله اداره سنه مأمور اولمشدر . وفاتی یوز یکر می اوج یاشنده اولوب حضرت (موسی) دن اوج سنه اولدر بنی اسرائیلک جناب (هارون)ه زیاده محبتلرندن ناشی (هارون) ی سن تلف ایتدک دیو (موسی) یه افترایه قالقشملریله جناب حق اجلیه وفات ایلدیکنی اشعار بیوردی . بنی اسرائیلک ذبح قراین وسائر مثلو معاملات دینه لری جناب (هارون) ک سلاله ذکورندن بایک طوغانلره مختص اولوب فقط بونلر عیوب طبیعه دن مبرا اولمق شرط ایدی والبسته مخصوصه لری وار ایدی . (هارون) تمحل و صبور و فوق الفایه حلیم ایدی قبری بریه سیناده (شویک) طاغنده در .

• هارون الرشید ، خلفای عباسیه دندر میلادک یدییوز سکسان اتی و هجرتک یوز یتمش تاریخنده جلوس ایدوب یکر می اوج سنه کار فرمای اورنک سلطنت و خلافت اولدی . هارون الرشید تاریخده علی العموم اسلام حکمدارلرینک اک مشهورلرندن بری و بلکه برنجیسدر . دهها شهزاده ایکن اردو ایله شق ایمپراطورانی اوزرینه هجوم ایدرک مظفراً اسکداره قدر کش و بر مدت استانبولی محاصره الماش ایدی . خلافتی اثناسنده دخی قیصرلر مقام خلافته هارون نامه اوله رق ضرب اولنش سکه ایله ویرکو ویرلر ایدی . هارون الرشید دوری خلافت عباسیه نک اک بارلاق زمانیدر . وقتده مالک اسلامیه بحر محیط آنلاسیدن چین مالکنه و قفقاسیه سله سندن محیط هندی ایله افریقا اقالیم مجهوله سنه قدر تمتد ایدی

واسکندر لر وقیصر لر وسزوستریسلر ممالکنک حدودی هر طرفدن تجاوز اولمشیدی . هارون الرشید طبعاً دخی عادل عالیشان تبعه پرور بر ذات ایدی . تبدیل قیافله وزیر مشهور جعفر البرمکی ایله برابر دائمی بغداد ایله جوارنده طولاشیر وبو وجهله اهلینک درد لر نه کسب وقوف ایدرک دوا بولمغه غیرت ایدر ایدی . دورنده کی رفاه کندینک بو اطواری جعفرک حسن خدمتی وانک بعده خاندانیه برابر اوغرا دینی فلاکت وقوعات مؤثره دن اولمغله بیک بر کجه مثال لرینی تنظیم ایدن ادبا هارون ایله جعفری قهرمان اتخاذا ایدرک هب دور مذکور دن بحث ایتشلر در . هارون الرشید شرقه سفر ایتمش ایکن خراسانده کاژن طوس شهرنده وفات ایتشدر .

« هود » علیه السلام - لقبی نبی الله نام دیگر (عابر) در . شالح بن ارفخشد صلبدن زیور افزای مهد شهود اولدی صباحت وملاحظت کامله سی وشخصاً حضرت (آدم) علیه السلامه مشابهنی وار ایدی غایت عابد زاهد سخی مشفق بر ذات اولوب اره صره تجارتله دخی اشتغال ایدردی وشریعتی نوح علیه السلام شریعتنه موافق ایدی . معجزات باهره مندن بری مبعوث اولدینی قوم عاد او خوالیده سنک خارادن عبارت اولان بر طاعنک اغنام ومواشی او تلامق اوزره مرعایه تحویلنی دلیل صحت رسالتی اوله رق استخار یله دعا ایلد کده در عقب قبالر خاکه منقلب واوزرنده بر خیلی چشمه لر منشعب اوله رق عادتا برکنزار دلشکار رسخی آلدیسه ده کوکلری طاشدن دهاقی اولان بنو عاد پر عناد بونکله ده تبدیل آیین باطله التفات یوزی کوستر میوب نهایت یوم نحسده صر صر قهر الهی ایله زیر وزیر اولمشلر در . مشار الیه

حضرتلری خلقتک اوجیک یوز اون ایکی تاریخنده یعنی میلادک
ایکینک درتیوز سکسان ایکی سنه مقدمنده یوز التمش درت یاخود
یوز الی باشند تشریف عالم بقا بیوردقلری وقبر شریفی حضرت موده
یاخود مکّه مکرمه ده حجر نام محله اولدینی و یوم نحس مسترک آیک
صوک چهارشنبه سنه مصادف ایدوکی مرویدر .

● حرف ی ●

« یافه » - قدس شریف سنجاغی داخلنده قضا مرکز اولوب
قدسک شمال غریبسندن قرق و عکانک جنوب غریبسندن یوز یکرمی
کیلومترو مسافه ده در . ثلثانی اسلام اولق اوزره التییك نفوسی
جامعدر . شهر دکزه طوغری ایلرولیان بر دیل اوزرینه درجه
درجه بالمشدر . مقدملری خراب برقلعه داخلیمی وار ایدیسه ده
فی زماننا هیچ بر ایشه یرامیه جفی فأتین الملکه بعد الاستیذان
شرقتلق بیوریلان اراده حضرت پادشاهی اوزرینه پارچه پارچه
طالبه فروخت اولنه رق یالکز بر برج بر اقلشدرکه مذکور برجک
اوزرینه ردیف دبوی انشا ایدلشدر متعدد جامعلری ایله عیسوی
وموسوی جماعت مخصوص دخی معبد خانلری وجوارنده نفیس
یمش اغاجلریله مالاً مال باغچهلری وارددر . تجارتی جسیجه
ومحصولی بغدادی . پرنج . کتان بزی . صابون . یاغ . پورتقال . لیون کبی
شیلردر . یافه غایت قدیم اولدینی جهته (نوح) علیه السلامک زمانندن
قاله در دیرلر ویهودیلر لطیف معناسنه اوله رق (ژویه) دیرلر .
بوشهر ازمه مقدمه ده برچوق محاصرا ته دوجار اولدی ومصریلر
وآتوریلر طرفندن ضبط و اخراق و سیاستیوس نام روما جنرالی

طرفندن تخریب واون ایکنجی عصرده صلیبون طرفندن ضبط اولندی ودها صکره مصریلردن دولت علیه عثمانیه بکدی . میلادک بیک یدیوز طقسان طقوز و هجرتک بیک ایکوز اون درت تاریخنده فرانسزلر بوناپارت قومانداسنده اولدینی حالده بوشهری ضبط ایلدیلر ایسهده علت وبادن پریشان اولدیلر و میلادک بیک سکر یوز اوتوز سکر و هجرتک بیک ایکوز اللی اوچ تاریخنده وقوعبولان برحرکت ارض شهرک قسم اعظمی خراب ایدوب اون اوچ بیک کسی انقراض التده قالدی .

« یحیی » بن ذکریا علیهما السلام - جناب (ذکریا) کندولرندن چوجق اولیه جق درجهده اختیار اولدینی حالده واجب الوجود حضر تلرندن برولد صالح رجا ایتکله حضرت (یحیی) حضرت (عیسا) دن بش التی آی اول زیب کهواره وجود اولشدر . حضرت (عیسی) علیه السلامک تیزه زاده سی ایدی حضرت (یحیی) مقتضای شان رسالتلری اوزره متصف اولدقلری صفت سامیه تقوی وورع وخوف اللهمن ناشی درون شهری ترک ایله اکثر ایام طاع وصحرالرده کروب آغلر وخلق طریق حقه ترغیب وارشاد ایدر ایدی جناب حق (مصداقاً بکلمه من الله وسیداً وحسوراً ونیباً من الصالحین) دیو مدح و ثنا بیورمشدر . رومالیر طرفندن فلسطینده عتوره وجلیله والیسی بولنان (اتی پاطره هر دوس) قز قزنداشی قزی وبر روایتده اوکی قزی (هر دانا) پی زیاده سیله سودیکندن هر نقدر آلق ایچون (یحیی) علیه السلامدن مساعده طلب ائلس ایسهده حرام ومنوع اولدینقی بیان ائلسی اوزرینه قزک اناسی مشارالیه حضرت تیرینه کین و عداوت باغلامش ایدی هر دوس ایسه مومی الیهایی بهر کون حضورینه جلب ایله مراد ایلدیکی خصوصاتدن بردانه سنک اجراسنی امر التکده

اولدیغندن هر دانانك والده سی بوتی فرصت عد ایدرك هر دوسك حضورینه چیقدیغی وقت (یحیی) علیه السلامك مبارك سر سعادتلرینی طلب ائلسی ایچون قرینه تعلیم ائیش اولدیغندن مومی الیا اولوجهله هر دوسدن مشار الیه حضرتلرینك سر سعادتلرینی طلب ائیش ایسه ده هر دوس (یحیی) علیه السلامك پیغمبر ذیشان اولدیغنی بیان ایدرك رد ایله غیری برشی طلب ائلسی امر ائشدر برکون هر دوس عالم آبدہ ایکن هر دانایي والده سی خائنه کال تزیناتله هر دوسك یانه کوندرمش هر دوس مزبوره یی کوردیکی آندہ عقلی باشندن فرلایوب همان قزك آندن طوته رق یقینلق ارزوسنده بولئش ایسه ده (یحیی) علیه السلام اعدام اولغدقجه تسلیم اولمیه جقنی بیان ائلسی اوزرینه درحال مشار الیه حضرتلرینك قتیلله سر سعادتلرینك بر تپسی اوزرنده کتورلسنی امر ائیش ومشار الیه حضرتلرینك سر سعادتلری تپسی اوزرنده هر دوسك حضورینه کتورلش ایسه ده (یا هر دوس شرعاً حرام ومنوع اولدیغنی اولجه بیان ایلدیکم جهتلہ زنه ار بوقره تقرب ائله) نداسی شهید مظلومك سر سعادتلرندن چیقار چیقمز هر دوس فنا حالده قورقه رق وایتدیکنه بشیمان اوله رق اول آندہ قزی حضورندن طرد وتبعید ائشدر . روایت مشهوره به کوره مشار الیهك سر سعادتلری، شام شریفده جامع امویه داخلنده وید مؤید مبارکی بیرونده جامع کیر دروننده مدفوندر . مشار الیهك شهادتی رفع جناب (عیسا) دن از بر مدت صکره در . حضرت (یحیی) علیه السلام (عیسی) علیه السلامی نهر اردنده تعمید ایلدیکی ایچون عیسویله مینده تعمیدچی دیو مشهوردر .

« یزید » - معاویه دنصکره اوغلی ولی عهدی بولنان یزید

میلادک التیوز یتش طقوز و هجرتک التمش تاریخنده تلویث تحت سلطنت الملشدر . یزیدک ذاتاً شخصی و اخلاقی غایت چرکین اولدینی کبی سیاهه مائل اولان اسمر یوزنده کی چیچک بوزوقلری دخی چهره سنی مستکره بر حالده بولندیرر ایدی . کندوسی وجودجه شیشمان طبیعجه قیدسز ذوق و صفایه عیش و عشرته ظلم و اعتسافه مائل غریب بر مخلوق ایدی . بوندن اکلاشلدینی اوزره یزیدک هیچ بر سویله جک یری یوق ایکن معاویه نک مرقومی سومسنه و آتی نائل خلافت ایچون شریعت غرایه قارشو حرکته بولنسنه حیرت ایتماک مشکلدیر . معاویه حین وفاتنده سویله بر نصحتده بولنشدیر امور دولته نظام و یروب عرب و عجم سرکشلرینی زیر ربقة اطاعته ادخال ایلدم ، بوناردن سکا هیچ کیمسه مخالفته بولنمز . انجق درت کیمسه دن قوروقیورم انلرده (حسین) بن (علی) و (عباده) بن (زبیر) و (عباده) بن (عمر) و (عباده) بن (جعفر) در عراق اهاالینک حضرت (حسین) بیعت ایده جکلری پک مختلدیر . اگر ظفریاب اولور ایسه ک حقنده حسن معامله ایله سن زیرا مشار الیه ک خلافت چوق حقی واردر (عباده) بن (زبیر) ایسه تلکی کبی حین حاجته غلق ایدوب فرصت بولدجه ارسلان کبی هجوم ایدر فرصت دوشیره بیلیر ایسه ک آتی پارچه پارچه ایله سک کربلا حادثه مؤلمه سی بو نصیحتک نتیجه سی ایدی . حادثه مذکوره دن صکره حرمین اهاالسی یزیده قارشو بعض نمایشلرده بولندینی ایچون یزید مدینه منوره بی یغما ایتدیرمش و مکبکی دخی یاقشدیر . یزید اوچ بچق سنه انواع فسق و مظالمه اجتسارایتد کدنصکره صفحه عالم زندکانیدن رفع وجود خیانت آلود اولمشدر .

« یعقوب » علیه السلام - (ابراهیم) علیه السلام وفاتند نصره
 (اسحق) علیه السلام پدرینک مقامنی طوتمشدر فقط حضرت (اسحق) دن
 صکره رسالتک ولد کیری اولان عیصه انتقالی مأمول ایکن لحکمه
 حق طرفندن (یعقوب) علیه السلامه توجیه اولمشدر . بوسبیه منی
 عیص (یعقوب) علیه السلام حقنده سؤ قصد ایتمه نیت ائتش
 اولدیغندن (یعقوب) دایسی لابانه زردینه عزیمت ائمشدر . (یعقوب)
 علیه السلام دایسنک کوچک کریمه سی (رحیله) به میل و محبت
 ایدرک پدرندن طلب ایتش ایسه ده لابانه انحق الی سنه کندیسنه
 خدمت ایتدیکی حالده ویره جکنی بیان ایتمشدر . حضرت (یعقوب)
 موافقت ایدرک الی سنه خدمت ائتش و خدمتی اکمالدن صکره پدرندن
 تکرار رحیله بی ایسته مشدر . لابانه ایسه بیوک کریمه سی طورر
 ایکن کوچکنی ویرمک عادت دکلدر بهانه سیله رحیله نک یرینه
 (لیا) بی ویرمشدر . حضرت (یعقوب) الی سنه ده خدمت ایدرک
 رحیله به دخی نائل اولمشدر . مشار الیه حضرت تیرینک برنجی
 زوجیه سی لیادن وایکنجی زوجیه سی رحیله دن وایکی جاریه دن اون ایکی
 اولاد ذکوری دنیا به کلشدر . بنی اسرائیل قومی اون ایکی سبطه
 تقسیم اولمشیدی و قوم مذکور (یعقوب) علیه السلام اون ایکی
 اولادندن ظهور ائمشدر . حضرت (یعقوب) میلادک بیک طقوز یوز
 التمش سنه مقدمنده تولد ایدوب یوز قرق یاشنده مصرده ارتحال
 دار بقا ایتش ایسه ده وصیتی موجبجه خلیل الرحانده اجداد بولنان
 مشهد جناب (ابراهیم) و (اسحق) علیهما السلام مدفون اولدقلری
 محله نقل ایله دفن ایدلمشدر .

« یمن » - عربستان شیهه جزیره سنک جنوب غربیسنده

واقع بر قطعه جسمه در که غرباً بحر احمر جنوباً عدن کورفزی شرقاً حضر موت شمالاً حجاز ولایتله محدوددر . شمالدن جنوبه یدییوز الی بش کیلومترو طولی و اوچیوز الی کیلومترو عرضی و تخمیناً ایکی ملیون درت یوز الی بیک یوز الی نفوس موجوددر .

قطعه مذکوره علی العموم اوج قسمه منقسم اولوب بونلردن برنجیسی جهت غربیسندن واقع (حبط) نسیمه ایدیلان قوم صحرا سندن عبارتدر ایننجیسی وسطده کائن (تهامه) دنیلان طاغلر ایله اووه لردن عبارتدر که اشبو قسم نهایت درجهده محصولداردر اوچنجیسی جهت شرقیده واقع سرا نسیمه اولئان جبال متسلسله در که اوزرلری عارضلی بر طاقم محللر ایله طاغلردن عبارت اولوب غایت معمور و محصولداردر عین قطعه سی بر اراقق حبشیلر طرفندن استیلا اولندیفته بناء سلاله تبابعه دن (سیف ذی یزن) میلادک بشیوز یتش بر تاریخنده فرس ملکی نوشروانه التجا واستمداد ایدوب اودخی بر مقدار عسکر ایله اعانه ایتش ومومی الیه بو سایه ده حبشیلری دفع ایدوب فقط ملوک فرسک حمایه سنی قبول التش ایدی صکره اسلامک اورالرده دخی انتشاری مناسبتله خلفای راشدین طرفلرندن عامللر کوندرلدی و هجرتک ایکوز اوج تاریخنده بنی زیاد و درت یوز الی بش تاریخنده بنی صلج و بشیوز التمش طقوزده ایوبیه و التیوزده حمزویه و التیوز یکریمی التیده بنی رسول و سکر یوز الی سکر تاریخنده آل طاهر خطه یمانیه نک بمضاً همومنده و بعضاً براز محللرنده حکومت سوروب میلادک بیک بشیوز درت و هجرتک طقوز یوز اون تاریخنده امامت عامریه ظهوره کلدی بو ذات مصر لیلرک اول طرفده اولان نفوذینی کسر ایله یسه ده عاقبت صنعاده مصر

عسکرینه مغلوب و مقتول اولدیغندن امامتی قاسم و مطهر و مؤید نام متغلبه یدلرینه کجوب بونلرک جمله سی مصر و در سعادتن کوندریلان وزرا و عساکر ایله یکر میشر اوتوزر سنه اوغراشوب کاه غالب و کاه مغلوب اولدیلر نهایت میلادک بیک سکر یوز اوتوز بش و هجرتک بیک ایکوز اللی بر تاریخنده مصر والیسی محمد علی پاشا ینه عسکر کوندروب تناهه و تغزی عسیرلوردن ال دیسه ده دولت علیه ایله یابدینی معاهده موجبنه ینه ترکه عجور اولدی دولت علیه ایسه قطعه مزبور نک اداره سنی یرو شیخردن بر ذاته حواله ایدوب لکن مومی الیه حسن محافظه یه مقتدر اوله مدیغندن عین کاملاً طوائف ملوک هیئته کیره رک بر طاقم مشایخ بینده تقسیم اولندی و کیفیت در سعادتن خبر الندی کی هر قدر عسکر کوندرلدی و شریف مکه ایله مخبرات جریان ایتدیسه ده بویله لکله استردادی ممکن اوله میه جنی اکلاشادیغندن و صکره کوندریلان بش الی قدر والیلر دخی میلادک بیک سکر یوز اللی سکر و هجرتک بیک ایکوز التمش بش تاریخنده یالکر ساحلده بر قاج مملکت اله بیلوب ایلرو واره مدقلرندن و عسیر شیخی (محمد بن عایض) اخیراً بو مملکتلری دخی محاصره ایلدیکندن دولت علیه میلادک بیک سکر یوز یتمش و هجرتک بیک ایکوز سکسان یدی تاریخنده بیوک بر قوت ارسالنه عجور اولدی واشبو قوت سایه سنده وایکی سنه ظرفنده فتح اولنوب بر اردو و بر جسیم ولایت تشکیل اولندی .

عین ولایتی شمذیلک مرکز ولایت صنعا اولمق اوزره درت سنجاغه منقسم اولوب بونلردن ربنجیسی حده . کوکبان . عمران . حجه . مناخه . زمار . آتش . رداع . یریم نامرلیله طقوز قضای محتوی

صنعا سنجاغيدر . ايتكچيسي مخا . قطعه . آب . عدين . حجره .
 نامريله بش قضای حاوی تفر سنجاغيدر اوچچيسي بيت الفقيه .
 زبيد . زبيده . حيه . ابو عريش . باجل . جبل ريه . حجور عاني .
 نامريله سكر قضای محتوی حديد سنجاغيدر . دردنجيسي محائل .
 رجال المع . قفده . بني شهر مركز حكومتی (غاز) . غامد (مركز
 حكومتی) (رغدان) . صينا . نامريله التي قضای حاوی عسير
 سنجاغيدر كه مركز حكومتی (ابها) شهريدر .

« يوحنا » يا خود يوانيس - حواريوننددر . جليلهده واقع
 بيت صيداده طوغوب اوراده بالتجليلق ايدر ايدى يكرمى بش ياشنده
 حضرت (عيسى) طرفدن تلذلكه قبول اولتوب مشار الهك كافه
 معجزاتنده حاضر بولندى بعد الرفع انجيلي وعظه باشلوب مؤخرأ
 آساي صغرايه وپارتره قدر تعميم دين ايجون كتيديكي حالده ميلادك
 طقسان بش تاريخنده اياسلوغده توقيف ورومايه كتوريلوب اوراده
 قاينار ياغ ايجنه القا اولندى لكن بر تأثيري كورلمديكندن پاموس اطه سنه
 نفى ايديلوب بر مدت صكره اورادن تخلص كريبان ايدرك اياسلوغه
 عودت واوراده يكرمى بر بابي مشتل انجيلنى روم لساني اوزره
 يازوب ميلادك يوز بر تاريخنده عالم فسادن رحلت ايلدى انجيلندن
 ما عدا اوچ عدد رساله سي دخى واردر هر سنه كانون اولك يكرمى
 يديسنده يورطيسي طوتيلور صورت مثاليه سي قرتالدر .

« يوربعام » - حضرت سليمان عليه السلام زماننده قدس
 واليسى ايكن بر ماده دن طولاي مصره فرار وفرعون (شيشاق) ك
 قزىنى تزوجه اوراده قرار ائشيدى . حضرت سليمانك وفاتندن
 صكره اوغلى رجبعام زماننده مصريلرك اعانه سيله بني اسرائيل ايجنه

تفرقه دوشو روپ خلقتك بشييك التيوز اوتوز اوج تاريخنده اون ايكي سبط اسرائيلردن اوتني كندو طرفه جلب وشخيمده دولت اسرائيله نامنه بشقه جه برحكومت تشكيل ورحبامك زير تابعتنده اوله رق دولت يهوديه ناميله قدسده قلان ايكي سبط اهالي ايله كورشامك ايجون تبعه سني بيت مقدس زيارتندن منع وتحذير ايدوب اكا مقابل مصريلك اعتقادي اوزره يادير ديني ايكي بوزاغي تمثاله برستش ايتلريني امر و تشهير ايلدي سلطنتي اون سكر سنده در .

« يوسف » عليه السلام - حضرت (يعقوب) رحيله يي زياده سوديكي صكي رحيله دن تولد ايدن حضرت (يوسف) حقنده دخی زياده سيله توجه و محبت اظهار ايدر ايدی . بونك ايجون حضرت (يعقوب) ك سائر اوغللري حضرت (يوسف) ك مظهر اولد يني توجه حسد ايدرك مشار اليه كين وعداوت بغلامش ايدی . هله حضرت يوسفك (كنديسنك ايلروده پك بيوك بر حكم و نفوذ صاحبي اوله جني و برادرلرينك كنديسنه اطاعت ايدم جكلری) حقنده كورد يكي رؤيا اشبو عداوتك ترايد يني موجب اولمشدر بر كون حضرت يوسفني برادرلري قيره كتورمك اوزره پدرندن مأذونيت ايسته دكلري صروده حضرت يعقوب صحرا ده يوسفه مقيد اوليه رق قورده يديره جكلريني بيان ايله رخصت ويرمامك ايسته مش ايسته قورنداشلرينك كوستردكلري تأميناته مني يوسفك دخی برلكده صحرايه عزيمته موافقت بيورمشلردر . بونلر صحرايه چيقد قلرنده حضرت يوسفني نابلسك جوارنده واقع واليوم بئر يعقوب ناميله معروف اولان قيوه آتمشلر و صكره پدرلريني آلداتمق ايجون يوسف عليه السلامك كوملكني قوزي قاننه باتيروب عودتارنده (يوسفني

قورت یدی) قولیله حضرت یعقوبه تقدیم الشمس لدر (یوسف) علیه السلام قیوده ایکن سحران کچمکده بولان کاربانک صو آلق ایچون مذکور قیویه ایندیردکری قوفه ایله قیودن چیقمش ایسهده مشار الیهک حسن وجمالی کاربان خلقنک حیرتی موجب اولغله مشار الیهی کوله در دیو صاوب منتفع اولق اوزره یکدیگری تبشیر ایدرک (یوسف) علیه السلامی برابر الوب مصره عزیمت ایتشلدر . اول وقت (یوسف) علیه السلام سنا اون سکر یاشنده و شخصاً یاقیشقلی ایدی . (یوسف) علیه السلام مصرده حکمدارک وزیر ی اطفر طرفدن آلتش وابتداری پک زیاده التفات کورمشدر . فقط وزیرک زوجه سی زلیخا حضرت یوسفه عشق ایدرک مشار الیهدن مقابله کورمدیکندن بر طاقم مفتریات واسطه سیله زوجه مشار الیهی حبس ایتدیرمشدر . حضرت یوسف محبوسخانه ده بر مدت قالدقدن صکره براتی تین ایتکله چیقاربلوب بر مأموریت مهمیه تعیین اولندیفندن پدر و متعلقاتی مصره کتورده رک ارض جاسانه اسکان ایلدی بعده زمان آتش عشقیله جکر کباب و امتداد ایله وحسرتدن کرکی کبی دوچار اضطراب اولان زلیخای اراده الهیه ایله تزوج ایدوب مشار الیهان یاخود دیگر بر حرمندن افرایم و منشا نامنده اوغللری اولدی و بو اوغللری و اوغلنک سلطنتی پدری یعقوب علیه السلام کوروب چوق دعا ایتدی و نهایت خلقنک اوچیک سکر یوز اوتوز اوچ تارینخنده یعنی میلادک بیک یدیوز الشمس ایکی سنه مقدمنده بنی اسرائیل نواچیسندن (اون) شهرنده یوز اون یاشنده وفات ایدوب مؤخرأً نعش پاک (حبرون) یاخود خلیل الرحمانه نقل اولندی .

« یوشع » علیه السلام - انبیای بنی اسرائیلدن اولوب نون بن

افرايم بن (يوسف) عليه السلامك اوغلى وحضرت (موسى) نك همشيره زاده سيدر دائماً حضرت (موسى) ايله برابر بولندقلرندن قرآن كريمده (فتاى موسى) عنوانيله ذكر اولندى . اريحا قلعه سنى تفتيش ضمنده بنى اسرائيل طرفندن كوندريلوب (قال رجلان من الذين يخافون) آيت جليله سنده بيان بيوريلان ايكي ذاتك بريسي دنخى اشبو (يوشع) عليه السلامدر مشار اليه حضرتلرى (موسى) نك خلقتك اوچ بيك طقوز يوز سكرسان طقوز تاريخنده يعنى ميلادك بيك التيوز بش سنه مقدمنده وفاقى كوني وصيتى موجنجيه بنى اسرائيله حاكم اولوب يكرمى بش سنه اجراى حكومت وبومدته اردن نهرينك جهت غربي سنده اوتوز بر حكمداره غلبه ايله ملكلرني اون ايكي سبط تبعه سى بيننده تقسيم ايدرك خلقتك درت بيك اون درت سنه سنده يوز اون ياشنده داربقايه رحلت ايلدى . اصل اسمى (يشوع) اولوب (يوشع) بوندن معربدر مقرر حكومتى (سيلو) نام قصبه ايدى حين وفاتنده كسه بنى خليفه تعيين ايتديكندن بنى اسرائيل بر مدت (سان هدرين) نامنده بر مجلس معرفيله اداره اولمشلر ايدى .

تمت

سوريه ولايتى مطبعه سنده طبع

اولنمشر

سنه ۱۳۰۵

﴿ فهرست سیاحتنامه ﴾

صحیفه	باب	
		مقدمه
۰۴	۰۱	یافه اسکله سنده وقوع بولان استقبالی حاویدر
۰۶	۰۲	یافه دن رمله یه صورت حرکتی متضمندر
۰۷	۰۳	رمله دن قدس شریفه حرکتی متضمندر
۱۳	۰۴	قدس شریفدن مارسا بایه اولان حرکت وسفر بیاننده در
۱۴	۰۵	مارسا بادن عین السلطانہ حرکت وسفر بیاننده در
۱۶	۰۶	عین السلطاندن قدس شریفه عودت بیاننده در
۱۷	۰۷	قدس شریفدن بیتن قریه سنه حرکت وسفر بیاننده در
۱۹	۰۸	بیتن قریه سندن نابلسه حرکت بیاننده در
۲۲	۰۹	نابلسدن جینه صورت حرکتک تعریفی بیاننده در
۲۶	۱۰	جیندن ناصریه حرکت بیاننده در
۲۹	۱۱	ناصره دن طبرییه صورت حرکتی متضمندر
۳۲	۱۲	طبرییه دن نعران موقعه صورت حرکتک تعریفی بیاننده در
۳۵	۱۳	شیخ مرزوقدن سعسه صورت حرکتی متضمندر
۳۷	۱۴	سعسه دن شام شریفه حرکت بیاننده در
۴۸	۱۵	شام شریفدن شتوریه حرکت بیاننده در
۵۱	۱۶	شوره دن پیروته صورت حرکتی متضمندر

﴿ فهرست معلومات تاریخیہ و جغرافیہ ﴾

صفحہ	صفحہ
﴿ حرف با ﴾	﴿ حرف الف ﴾
۲۵ بابل شہری	۰۱ ابراہیم علیہ السلام
۲۶ بارناہا	۰۴ ابراہیم پاشا
۲۶ بایزید خان ثانی	۰۵ ابو بکر الصدیق
۲۸ بحر لوط	۰۶ ابو طالب
۲۸ بخارای کیر	۰۷ ابو عیدۃ بن جراح
۲۹ بخت نصر	۰۸ آثور
۳۱ بردہ نہری	۰۸ آدم علیہ السلام
۳۳ بعلبک	۰۹ اردن نہری
۳۳ بغداد	۱۰ ارض جاسان
۳۷ بلخ	۱۰ ارض فلسطین
۳۷ بلقیس	۱۱ ارض کنعان
۳۸ بلوس	۱۱ اریحا
۳۹ بولص	۱۱ استانبول
۴۰ بوناپارت	۱۳ اسرائیل
۴۲ بلال حبشی	۱۳ اسکندر رومی
۴۳ بیت اللہ المعظم	۱۶ اصفہان
۴۵ بیت اللحم	۱۷ امویہ
۴۵ بیت المقدس	۱۸ آمینہ
۴۶ بیروت	۱۸ انجیل شریف
﴿ حرف ت ﴾	۲۰ انطاکیہ
۴۸ تابوت عہد	۲۳ اورفہ
۴۸ تب یاخود تیوہ	۲۴ ایوبیہ

فهرست

صفحه	صفحه
۷۱ روما	۴۹ تبه دلتی علی پاشا
حرف ز	۵۰ تدمر
۷۴ زکریا علیه السلام	۵۱ تیر
حرف س	۵۲ تیمورلنک
۷۵ سام بن نوح علیه السلام	حرف ج
۷۵ سامری	۵۴ جبل طور
۷۶ سامریه	۵۴ جبل لبنان
۷۷ سیده سکینه (رضی الله عنها)	۵۵ جزار احمد پاشا
۷۷ سدوم	۵۵ جزیره العرب
۷۸ سلیمان علیه السلام	حرف ح
۷۸ سلیم خان اول	۵۷ حام
۸۰ سلیمان خان اول	۵۷ حران
۸۱ سمرقند	۵۱ حسن (رضی الله عنه)
۸۲ سنان پاشا	۵۸ حسین (رضی الله عنه)
۸۳ سینا	۵۹ حلب
حرف ش	۶۵ حما
۸۳ شام شریف	۶۵ حمص
۸۵ شعیب علیه السلام	حرف خ
۸۵ شمسون	۶۷ خالد بن ولید (رضی الله عنه)
۸۶ شموئیل علیه السلام	۶۷ خدیجه الکبری (رضی الله عنها)
حرف ص	حرف د
۸۷ صالح علیه السلام	۶۸ داود علیه السلام
۸۷ صخره الله	حرف ر
۸۸ صفین محاربه سی	۷۰ رمله

فہرست

صفحہ	صفحہ
۱۱۵ غزہ	۰۸۸ صنعا
﴿حرف ق﴾ ۱۱۶	۰۹۰ صور شہری
۱۱۷ قابل	۰۹۲ صہیون
۱۱۷ قادسیہ	۰۹۲ صلاح الدین ایوبی
۱۱۷ قبة الشهادة	﴿حرف ط﴾ ۰۹۴
۱۱۸ قبریس	طبریہ ۰۹۴
۱۱۹ قدس شریف	﴿حرف ع﴾ ۰۹۵
۱۲۰ قیامہ	عاد ۰۹۶
۱۲۱ قوصوہ صحرامی	عباسیہ ۰۹۶
﴿حرف ک﴾ ۱۲۲	عبدالرحمن ثالث ۰۹۶
۱۲۲ کابل	عبدالقادیر ۰۹۷
۱۲۲ کشمیر	عبدالمطلب ۰۹۸
۱۲۴ کلدانی	عبرانی ۰۹۸
۱۲۴ کنعان	عزیز علیہ السلام ۰۹۹
۱۲۴ کوفہ	عسقلان ۰۹۹
۱۲۵ کی خسرو	عکا ۰۹۹
﴿حرف ل﴾ ۱۳۰	علی (رضی اللہ عنہ) ۱۰۰
۱۳۰ لاہور	عماقہ ۱۰۱
۱۳۰ لوط علیہ السلام	عمر (رضی اللہ عنہ) ۱۰۲
۱۳۱ لوقہ	عیسیٰ (مولد عیسیٰ علیہ السلام) ۱۰۳
﴿حرف م﴾ ۱۳۱	عیسیٰ (ہجرت مریم مع) ۱۰۷
۱۳۱ مارسابا	عیسیٰ علیہما السلام ۱۰۸
۱۳۲ متی	عیسیٰ (نبوت عیسیٰ علیہ السلام) ۱۱۰
۱۳۲ محمد (مولد محمد علیہ السلام)	﴿حرف غ﴾ ۱۱۳
	غزہ ۱۱۳

فهرست

صحیفه	صحیفه
محمد (نبوت محمد علیه السلام) ۱۳۷	نادر شاه ۱۷۶
محمد (هجرت محمد علیه السلام) ۱۳۹	ناصره ۱۷۷
محمد (وفات محمد علیه السلام) ۱۴۰	نمروذ ۱۷۸
محمد خان ثانی ۱۴۴	نوح علیه السلام ۱۷۸
محمد علی پاشا ۱۴۶	نوشروان ۱۸۰
محمی الدین العربی ۱۴۸	نینوس ۱۸۰
مدین ۱۴۹	نینوه ۱۸۱
مدینه منوره ۱۴۹	حرف و ۱۸۱
مراد خان ثانی ۱۵۱	وهاپی ۱۸۱
مراد خان رابع ۱۵۳	حرف ه ۱۸۱
مرقس ۱۵۳	هابل ۱۸۳
مریم (رضی الله عنها) ۱۵۴	هرات ۱۸۳
مصر قطعه سی ۱۵۵	هارون علیه السلام ۱۸۳
مصرایم ۱۵۸	هارون الرشید ۱۸۴
معاویه ۱۵۹	هود علیه السلام ۱۸۵
مکه مکرمه ۱۶۰	حرف ی ۱۸۵
موسی (مولد موسی علیه السلام) ۱۶۷	یافه ۱۸۶
موسی (هجرت موسی علیه السلام) ۱۶۸	یحیی علیه السلام ۱۸۷
موسی (نبوت موسی علیه السلام) ۱۷۱	یزید ۱۸۸
موسی (وفات موسی علیه السلام) ۱۷۴	یعقوب علیه السلام ۱۹۰
موسقوا شهری ۱۷۵	یمن قطعه سی ۱۹۰
حرف ن ۱۷۶	یوحنا ۱۹۳
نابلس ۱۷۶	یوربعام ۱۹۳
	یوسف علیه السلام ۱۹۴
	یوشع علیه السلام ۱۹۵